

МУҚАДДАС РУХ

КИРИШ

ЖОН БИВЕР

ЭДИСОН БИВЕР БИЛАН ҲАМКОРЛИҚДА

МУҚАДДАС РУҲ

КИРИШ

ЖОН БИВЕР

ЭДИСОН БИВЕР БИЛАН ҲАМКОРЛИҚДА

The Holy Spirit: An Introduction by John Bevere, Uzbek

© 2014 Messenger International

www.MessengerInternational.org

Originally published in English as The Holy Spirit: An Introduction

Additional resources in Uzbek by John & Lisa Bevere are available for free download at: www.CloudLibrary.org

To contact the author: JohnBevere@ymail.com

«Муқаддас Рух: Кириш», Жон Бивер, узбекча

© 2014 Messenger International

www.MessengerInternational.org

Дастлаб инглиз тилида “The Holy Spirit: An Introduction” номи остида нашр этилган

Қуйидаги манзил бўйича Жон ва Лиза Биверларнинг узбек тилидаги

бошқа ресурсларини юқлаб олишингиз мумкин: www.CloudLibrary.org

Ушбу манзил орқали муаллиф билан уланишингиз мумкин:

JohnBevere@ymail.com

МУНДАРИЖА

Бу интерактив китоб хақида.....	4
Кириш.....	5
1. Муқаддас Рух ким?	7
2. Муқаддас Рухнинг Шахси.....	51
3. Ўзаро муносабатларнинг учта даражаси.....	99
4. Муқаддас рухнинг кучи инъом килинганлар.....	139
5. Рухнинг тили.....	189
Бонус боб: Жон ва Лиза Биверлар билан савол-жавобла.....	241
Илова: Қандай қилиб нажотга эришиш мумкин?.....	270

БУ ИНТЕРАКТИВ КИТОБ ҲАҚИДА

Бу китобни ҳар қандай барча бошқа китоблардек бошидан охирагача ўқиб чиқиш мумкин. Бироқ кўпроқ идрок қилиб олиш учун биз сизларга қўшимча интерактив элементларни ўрганиб чиқишни қатъий тавсия қиламиз.

Бу китобнинг кундалик ўқиш учун яратилган ҳар бир боби беш бўлимга бўлинган, ҳар бир бобнинг ниҳоясида ибодатлар тақдим қилинмоқда. Ўз ихтиёрингизга қараб ўрганиш учун битта бўлимни ва битта ибодатни ҳар бир кунга танлашингиз ёки ҳар куни бир бобдан кетма-кет ўқишингиз мумкин. Биз бу китобни гуруҳда ўрганаётганларга ҳафтасига бир бобдан ўқишни ва ўрганиб чиқишни таклиф қиламиз.

Агар сиз бу китобни «Муқаддас Рух. Кириш» мавзуси бўйича Messenger Series доирасидаги ўқув қўлланманинг бир бўлаги сифатида ўрганиб чиқаётган бўлсангиз, биз сизларга ҳафтада битта дарсни кўришни ва эшитишни, ҳам гуруҳларда муҳокама учун тақдим этилган саволларга жавоб беришни тавсия этамиз. Сўнгра, китобдаги бобни ўқиб чиқинг ва топшириқни бажаринг. Бу китобнинг ҳар бир бобида битта топшириқ тақдим этилмоқда. Бобларни муҳокама қилиш учун берилган саволлар кундалик топшириқларнинг ниҳоясида тақдим этилган.

Марҳамат, ўқиб лаззатланинг!

КИРИШ

Отам мендан бу китобни ёзишда унга ёрдам беришимни сўраганида, мен кулоқларимга ишонмасдан, жойимда қотиб қолдим. Мен балки у бу ҳақида ҳали ибодат қилмаган деб ўйладим. Тўғриси айтганда, мен ўз-ўзимга нолойик номзоддек кўринар эдим. Ҳар сафар мен унинг илтимоси ҳақида ўйлаганимда, худди мен брейкданс кўрик-танловида иштирок этганимдек ичимда барчаси остин-устун бўлиб кетар эди.

Мен отамдан бошқа вариантлар ҳақида ўйлаб кўришини ва бу ҳақида (ҳеч бўлмаганда бир ёки икки йил) жиддий ибодат қилишини мулоимлик билан илтимос қилдим. Бироқ бир кундан сўнг ибодатда айнан мен бу иш билан шуғулланишим кераклигига унинг ишончи комил бўлди. Муқаддас Рух ёш авлод учун яширин мавзу бўлмаслиги унинг учун муҳим, шунинг учун у менинг қўшган хиссамни йигирма ёшдан озгина ошган одамнинг фикри сифатида қадрлайди. Биз отам билан биламиз: кўпчилик одамлар, ёшлар ҳам, кексалар ҳам агар Рухнинг Кимлигини ва Унинг қандай ҳаракат қилишини билмасалар бу мавзунини четлаб ўтадилар.

Шу сабабли барча далилларимга қарамасдан, қандай қилиб мен отамнинг илтимосини рад эта олишим мумкин? Мен рози бўлишга мажбур бўлдим. Сўнгра эса, менинг бутун ҳаётимни ўзгартирган, саёҳат деб ҳам атаса бўладиган нарса содир бўлди. Худо менинг кўзларимни Унинг Рухининг кўпгина мўъжизаларига очганида, мен Ёзувни янги нурда кўрдим. Тез орада, Муқаддас Рух – бу жамоатда ҳаммадан ҳам кўра кўпроқ нотўғри тушунишадиган Шахс эканлигини пайқадим. Унга сон-саноксиз таърифлар беришади ва ёрлиқлар осишади, бироқ фақатгина бизларнинг баъзиларимиз Уни айнан қандай бўлса, шундайлигича биламиз.

Ушбу китобнинг ёзилишидан мақсад - сизга Ёзув орқали Муқаддас Рухнинг Шахсини билиб олишингизга ёрдам беришдир. Бу китобнинг нуқтаи назари қийин бўлиши мумкин,

бирок сизларга ваъда бераман-ки, бу саёхат сиз сарфлайдиган вақт ва кучга арзийди.

Сиз бу саҳифаларни ўқиётганингизда, Муқаддас Рухдан сизни ҳақиқатга йўналтиришини сўранг. Унинг Сўзига асосланмаган барча қотмаларни У олиб ташлайди. У қандайдир деноминацияга ёки оқимга «тегишли» эмаслигини фаҳмлайсиз. Уни қандайдир авлодга ёки ёшга боғлаб қўйиш мумкин эмас. У Раббий Исони очиб бериш ва Масиҳнинг бутун Танасига куч ато этиш учун юборилган. У бизнинг юрагимизни Ўзининг уйи қилди, У бизнинг ҳаётимиздан нимадир яхшироқ нарса яратишга ваъда берган. Бизнинг бор-йўғи қиладиган ишимиз – бу Унга бошқарувни топширишимиздир.

Яхши дўстни ва улфатни топиб бўлмайди. Муқаддас Рух ҳаётий барча қийинчиликларда ва хурсандчиликларда сизларга садоқат билан ҳамроҳлик қилади. У сизни ҳеч қачон ташлаб кетмасликка ва тарк этмасликка ваъда берган, чунки сиз Унинг жон-у дили ва қувончисиз. Бор улуғворликни Ўзида мужассамлаштирган Зотни ўзингиз учун очишга тайёр тулинг.

- Эддисон Бивер,

Messenger Internationalнинг ижрочи директори

Масиҳнинг бизлар учун қилган иши туфайли биз ҳаммамиз ўша бир Рух орқали Отанинг ҳузурига кира оламиз (Эфес. 2:18, NLT).

МУҚАДДАС РУҲ КИМ?

Менинг исмиmdан (Мени таништириши ва Менинг исмиmdан ҳаракат қилиши учун Менинг ўрнимга, Мени Отам юборадиган Юпатувчи (Маслаҳатчи, Ёрдамчи, Шафоатчи, Ҳимоячи, Оқловчи, Ҳомий) эса – Муқаддас Рухдир. У сизларга ҳамма нарсани ўргатади ва Мен сизларга нималарни айтган бўлсам, ҳаммасини (хотирангизга келтиради, қайтадан хабар қилади) ёдингизга солади.

– Юҳанно 14:26, кенгайтирилган таржима

1-кун

Янги йил арафаси эди. Ичимда ибодат қилиш ва рўза тутиш истаги кучли ёнарди. Мен Раббийдан: «Муқаддас Ёзувнинг қайси китобини ўқий?» - деб сўрадим. Ҳайрон қолиб эшитдим: «Ҳаворийлар китобини».

Нима учун мен ҳайрон қолдим? Чунки рўза ва ибодатнинг аввалги ўтган кунларида мен айнан шунақа: «Ҳаворийлар китобини ўқи», -деган кўрсатмани эшитган эдим. Ўша вақтда менинг эътиборим кўпроқ ҳаворий Повулнинг ҳаётидаги бурчи ва йўлини танлашига, унинг эришган ҳосиллари ва синовларининг оқибатларига қаратилган эди. Сизларга тушунтириб беришимга рухсат беринг.

Хушхабарни мажусийларга воизлик қилиши учун Повул Худо томонидан танланган эди. У: «...мен воиз, ҳаворий ва мажусийларнинг устози қилиб тайинландим», -деган (2 Тим 1:11). Бу аниқ ва равшан йўналиш. У ҳаёти давомида бу топшириқни бир неча маротаба такрорлаган. У

Ўзининг олдинги биринчи ҳаворийлик сафарида яҳудийларга: «...бизлар мажусийларга буриламиз. Зеро Раббий бизга шундай амр берган: «Мен Сени мажусийларга нур қилиб қўйдим», –деб айтган (Ҳав. 13:46,47). Ўзининг иккинчи сафари вақтида у дадиллик билан: «Энди мен мажусийларнинг олдиларига бораман», -деган (Ҳав. 18:6). У римликларга: «Мен мажусийларнинг ҳаворийси», -деб ёзган (11:13га қаранг). Бу тасдиқловлар унинг мактубларининг барча жойларида учрайди.

Бироқ севгидан ва унинг иброний биродарлари нажот топишини кўриш истагидан, деярли борган ҳар бир шаҳардан у синагога излар эди. У одатда мажусийларга эришишга ҳаракат қилишдан аввал яҳудийларга воизлик қилар эди. Дарҳақиқат, айнан яҳудийлар унинг хабарини рад қилганлари учун у мажусийларнинг олдига борар эди. Яҳудийлар Повулга қарши буюк қувғинларнинг ва унинг кўнгилсиз ҳодисаларининг манбаи бўлиб чиқишди. Улар оломонни гижгижлар эдилар ва мажусий бошлиқлар ҳамда ҳаворийлар орасида адоватни авж олдираб эдилар. Повулнинг қисматига тушган аксарият кўзғолонлар, ҳибсга олинишлар, калтакланишлар ва синовларнинг ортида уларнинг ҳийла-найранглари турар эди. Эътиборга олиш керакки, Худо яҳудийларга жуда ҳам қаттиқ ғамхўрлик қилади. Шунинг учун Ёкуб, Петъор, Юҳанно уларнинг олдиларига юборилган эдилар: «Жамоатнинг устунлари деб тан олинган Ёкуб, Кифа ва Юҳанно... мени қўллаб-қувватладилар, токи улар яҳудийлар билан ишлашни давом эттираётган бир пайтда, бизлар мажусийларга воизлик қилишни давом эттирайлик (Гал. 2:9, NLT).

Менга бу мактуб рўзанинг ўтган даври вақтида очилди ва охиригача равшанлашди: «Ўғлим, Мен сени даъват қилган иноятда қолгин. Сенинг табиий мойилликларинг ва севгинг сенинг ҳаётингда бўлган илоҳий даъватдан сени чалғитишига йўл қўймагин». Мен Худо билан бўлган ўша учрашувни жуда ҳам яхши эсламан, шу сабабли, Ундан Ҳаворийлар китобини яна ўқиб чиқиш кўрсатмасини эшитиш янада ҳайратланарли

бўлган эди. Ахийри замон, ахир Муқаддас Ёзувда бошқа олтмиш бешта китоб бор!

Мен итоат қилганимдан хурсандман. Бу сафар мен Ҳаворийлар китобини ўқиганимда, менга нимадир умуман янги нарса (Худонинг Сўзи ҳақиқатан ҳам тирик эканлигининг исботи) очилди. Деярли барча саҳифалар менга дастлабки Жамоатларнинг етакчилари ва аъзолари Муқаддас Рухга қандай қараганлари, У билан қандай муносабат қурганлари, Унга боғлиқ бўлганлари ва У ҳақида гапирганлари ҳақида гапирди. У уларнинг ҳаётларининг ажралмас бир қисми, қилаётган барча нарсанинг иштирокчиси бўлган. Уларнинг барча хизматларида, йиғинларида, стратегик учрашувларида ва барча ишларида У бошчилик қилган. Мана бир нечта алоҳида ажралиб турган иборалар:

- «Нега Муқаддас Рухга ёлғон гапиришинг учун шайтон сенинг юрагингни тўлдирди?» (Ҳав. 5:3).
- «Нега сизлар Раббийнинг Рухини васваса қилишга келишдингизлар?» (Ҳав. 5:9).
- «Бунга эса биз ҳамда Худо Унга итоат қилганларга берган Муқаддас Рух гувоҳдир» (Ҳав. 5:32).
- «Сизлар ҳамиша Муқаддас Рухга қаршилик қиласизлар» (Ҳав. 7:51).
- «Рух менга улар билан бирга боришимни айтди» (Ҳав. 11:12).
- «Улардан бири бутун оламда қаттиқ очарчилик бўлишини Муқаддас Рухнинг руҳлантириши билан башорат қилди» (Ҳав. 11:28).
- «Улар Муқаддас Рух томонидан юборилиб...» (Ҳав. 13:4).
- «Чунки Муқаддас Рухга ва бизга маъкул бўлди» (Ҳав. 15:28).
- «Уларга Муқаддас Рух томонидан Асия юртида Сўзни воизлик қилиш ман этилди» (Ҳав. 16:6).

10 МУҚАДДАС РУҲ

- «Битинияга боришга уриндилар, аммо Руҳ уларга ижозат бермади» (Ҳав. 16:7).
- «Повул Руҳ томонидан ундалиб, яҳудийларга гувоҳлик берди» (Ҳав. 18:5).
- «Сизлар имон келтириб Муқаддас Руҳни қабул қилдингизларми?» (Ҳав. 19:2).
- «Повул Руҳ уни Македонияга боришга ундаётганини ҳис қилди» (Ҳав. 19:21. NLT).
- «...ҳақида Муқаддас Руҳ барча шаҳарларда гувоҳлик бераяпти» (Ҳав. 20:23).
- «Шундай қилиб, ўзингизга ва Муқаддас Руҳ сизларни назоратчи қилиб қўйган бутун подага диққат қилинглар» (Ҳав. 20:28).

Бундай сўзлар менга ҳамма вақт Муқаддас Ёзувдан отилиб чиқар эди. Бугунги кундаги Жамоатларда бундай воқеълик энди йўқлиги менга жуда яхши тушунарли бўлди. Ҳаворийлар китобидаги имонлилар учун одатий бўлган нарсалар бугун биз учун камёбдир. Мен бу камчилик ҳақида бошқа одамларнинг ҳаётига эмас, балки, биринчи навбатда ўз ҳаётимга нисбатан гапираяман. Ҳаворийлар китоби саҳифаларини қайтадан ўқиб чиққанимда, мен буюк қувончдан, изланишдан ва Худо Руҳининг кучли таъсиридан, Унинг етакчилигига, ҳамкорлигига, мулоқотига боғлиқликдан ниҳоятда узоқлашиб кетганлигимни тушуниб етдим.

Бу менга тушунарли бўлган бир пайтда - қандай қилиб, мен бу ваҳийларни сизлар билан бўлишмаслик учун ўзимни тийиб туришим мумкин?

ТЎҒРИ ТАСДИҚЛАР

Мазкур муҳим масалага чуқурроқ кириб боришимиз жараёнида аниқроқ бўлиб бораверадиган бир неча муҳим тасдиқларни кўрсатиб ўтишимга ижозат беринг.

Биринчидан, Муқаддас Руҳсиз масиҳийлик ҳаёти бўлмайди.

- Муқаддас Руҳсиз масиҳий ҳаёти курук, ўзгармас, беҳуда бўлиб қолади.
- Муқаддас Руҳсиз меҳнатимиз бизни ҳолдан тойдиради ва чарчатади.
- Муқаддас Руҳсиз Худо билан алоқа йўқдир.

Муқаддас Руҳни Жамоатдан олиб ташланг, шунда куйидаги икки нарсадан бири содир бўлади:

- У ижтимоий клубга айланади.
- У диний ташкилот бўлиб қолади.

Ҳақиқат шундаки:

- Муқаддас Руҳсиз ваҳий йўқ. Ҳақиқатан ҳам Ёзув Муқаддас Руҳсиз нобуд қилувчи бўлиб қолади, зеро айтилганки: «харф ўлдиради, Руҳ эса ҳаёт бахш этади» (2 Кор. 3:6).
- Муқаддас Руҳсиз ваҳий йўқ.
- Муқаддас Руҳсиз қувонч йўқ.
- Муқаддас Руҳсиз тинчлик йўқ.
- Муқаддас Руҳсиз озодлик йўқ.

Раббий Руҳдир. Раббийнинг Руҳи бор жойда озодлик бор (2 Кор. 3:17).

«Раббийнинг Руҳи бор жойда» деган сўзларга қаранг. Келинг, уларнинг маъзини чақамиз. Худонинг Руҳи ҳар ерда ҳозир бўлувчи – У ҳамма жойда ва абадийдир. Довуд: «Сенинг Руҳингдан қаерга бораман, Сенинг юзингдан қаерга қочаман?» –демокда (Сан. 138:7). Шубҳасиз, жавоб: ҳеч қаерга. Довуд ёзишда давом этмокда: «Осмонга чиқсам – Сен ўша ердасан, ер остига тушсам, у ерда ҳам Сен борсан. Тонгнинг қанотларини олиб, денгизнинг худудига кўчиб ўтсам, Сен мени бир дақиқадан сўнг топиб оласан – Сен мени аллақачон ўша ерда кутиб турасан!» (Сано 138:8-10, The Message таржимаси). Аниқ

равшанки, У ҳамма вақт ҳамма жойда.

Беришимиз керак бўлган кейинги савол: «Ҳамма жойда ҳам озодлик борми?» Повулнинг сўзига яна қаранг: «Раббийнинг Рухи бор жойда озодлик бор». Биз У ҳар ерда эканлигини исботладик, демак, ҳамма жойда ҳам озодлик борми? Жавоб: албатта йўқ. Фоҳишахоналарда, қамоқхоналарда, изоляторларда, касалхоналарда озодлик йўқ. Мен озодлик бўлмаган шундай туманларда, қамоқхоналарда, уйларда, ҳаттоки жамоатларда бўлганман. У ҳолда бу ерда Ёзув нима ҳақида гапирмоқда? Янада тўғрироқ таржимага қарашни таклиф қиламан:

Рух – Раббий бўлган жойда озодлик бор (2 Кор. 3:17 муаллифнинг парафрази).

Юнончада Раббий – *kyrios*. Бу сўз «олий ҳокимият» деган маънони англатади. Аксарият изоляторларда, қамоқхоналарда, касалхоналарда, уйларда ва ҳатто кўпгина жамоатларда Муқаддас Рухга ҳокимият бошида бўлишига руҳсат беришмайди. Қаерда Уни энг юқори ҳокимият сифатида маъқулласалар, ўша ерда ҳамма учун озодликни ва адолатни топасизлар.

КИТОБНИНГ МАҚСАДИ

Ушбу китобнинг мақсади - сизларга Муқаддас Рухнинг Шахсиятини таништиришдир. У ҳақида узун томлар ёзиш мумкин. У ҳақида кунлаб, ойлаб, йиллаб гапириш мумкин.

Мен хотиним Лизага уйланганимга ўттиз йилдан ошди. Мен уни жуда ҳам яхши биламан, шунга қарамасдан, мен илгари билмаган унинг хулқ-атвори, қизиқишлари, истаклари ва одатларининг янги қирраларини ҳали ҳам очмоқдаман. Яқинда, биз оилавий ҳаётимизнинг ўттиз йиллик юбилейини нишонлаб, бир неча кунни биргаликда ўтказдик. Мана шу бир неча кун ичида мен унинг орзулари, ёқтирадиган нарсалари ва ҳаттоки, мен илгари борлигини ҳатто пайқаманган қобилиятлари ҳақида

айрим янги нарсаларни билиб олдим.

Қобилиятларга келсак, Лизанинг голф ўйинида нақадар қобилиятли эканлигидан менинг заррача бўлса ҳам хабарим йўқ эди. Мен бу ўйинни нақадар яхши кўришимни у билади, шунинг учун у менга даланинг ажойиб майдонида биргаликда ўйнашни таклиф қилди. (Мен фақатгина бир раунд ўйнадим, чунки бу вақт иккаламиз учун ҳам эди. Ўн еттинчи чуқурчада чуқур дара бор эди. Хотиним қизиқарли чорловларга ҳар доим тайёр, шунинг учун мен ундан: «Коптокни дарадан ошириб отмоқчимисан?» -деб сўрадим. 60 метрли жарликни енгиб чиқиш учун қарийб 140 метр узокликка отиш керак эди. Агар копток учиб ўта олмаса, у океанда чўкиб кетиши мумкин эди. Мен Лиза учун атайин эски копток топдим (чунки бу коптокни яна кўраман деб ўйламас эдим). У зарба бериш учун тайёрланди ва коптокни уриб, уни 160 метрга улоқтирди, шундай қилиб, у жарликнинг нариги томонига тушди. Афсуски, янги қобилият фақатгина ўттиз йиллик оилавий ҳаётдан сўнггина пайқаб қолинди. Ҳар куни кечкурун тушлик вақтида Лиза ўз билганлари, донолиги билан бўлишар, илгари ҳеч ким билан бўлишмаган қизиқишлари ва истакларини айтиб берар эди. Қисқасини айтганда, мен хотиним деб атайдиган бу ажойиб аёлга ич-ичимдан маҳлиё бўлар эдим.

Бир нечта қисқа боблар Лиза ҳақида тўлиқ маълумотни бера олмаган бўлар эди. Ҳаттоки, бир қанча томлар ҳам бу нарсани қила олмаган бўлар эди. Бироқ мен қила олишим мумкин бўлган нарса – бу у билан қандай гаплашиш мумкинлигини ва унга қандай муомала қилиш кераклигини сизларга айтиб беришдир. Мен унга нималар ёқиши, уни нима қизиқтириши, у билан қандай ишлаш ва қандай ҳаракат қилиш ҳақида айтиб беришим мумкин. Мен сизларга унинг кучли ва заиф томонлари ҳақида, у нимани яхши кўриши ва нимага бефарқ эканлиги ҳақида айтиб беришим мумкин. Бу қўшимча маълумотлар у билан ажойиб муносабатларда катализатор бўлиб хизмат қилади.

Гарчи Лизага бир неча ўн йил тўлган бўлса-да, у ҳақида

хаммасини айтиб беришнинг иложи бўлмаса, мен абадийликдан абадийликкача бор бўлган Муқаддас Руҳ ҳақидаги билимни тўлиқ етказиб бера олармидим? Бунинг иложи йўқ. Бироқ мен Уни сизларга таништиришим, сизларга Унинг шахси ҳақида, Уни нима қизиқтириши, нимани яхши кўриши ҳақида айтиб беришим, У билан ўзаро муносабатларни аниқлаб беришим ва У билан муносабатларнинг бир неча турларини кўрсатишим мумкин. Нима учун Муқаддас Руҳ билан бизнинг ўзаро муносабатларимиз шу қадар муҳимлигини ва биз ўз ҳаётимизда Худонинг истакларини бажаришимиз учун У қандай қилиб бизга куч беришини айтиб беришим мумкин. Ушбу асосий ваҳийлар У билан янада чуқурроқ, аҳамиятлироқ мулоқотларга сизни олиб келиши мумкин.

2-кун

ЖИДДИЙ ЯНГЛИШИШЛАР

Кўпчилик одамлар бир хатони қиладилар: улар Муқаддас Руҳнинг олдига Шахснинг олдига келгандек келишдан олдин Унинг ҳаракатини ва кучини тушунишга уринадилар.

Биз Муқаддас Руҳ – бу илоҳий Шахс, бениҳоя муқаддас, беҳад доно, беҳад кудратли, бунинг устига, ғоят нозик, таъсирчан ва раҳмдил эканлигига ишонишимизни ўзимиз учун юрак ва онг билан белгилаб олишимиз муҳимдир. Биз У – бизнинг саждамизни, юмшоқ муомаламизни, имонимизни, севгимизни, бағишланишимизни ва тўлиқ бўйсунимизни қабул қилишга лойиқ Зот эканлигига ишонамизми? Ёки биз Муқаддас Руҳ – бу бизнинг тасуввуримизча, «мурувват руҳидан» ҳам, «рақобат руҳидан» ҳам фарқ қилмайдиган қандайдир ақл бовар қилмайдиган илоҳий куч, Худодан чиқувчи шунчаки таъсир деб ўйлаймизми?

Охирги нуқтаи назар паст, қўпол, хаттоки динийдир. Агар

биз шундай деб ҳисобласак, унда биз руҳий манманликка ва мағрурликка осонгина дучор бўламиз, натижада, биз гўёки қандайдир олий табақадаги масиҳийлик гуруҳига тегишлидек бурнимизни баланд кўтариб юрамиз.

Бироқ агар биз Уни Ўз буюклигида, шуҳратида, улуғворлигида, донолигида ва муқаддаслигида чек-чегарасиз эканлигини кўрсак ҳамда У Шахс сифатида Ота ва Ўғил билан якдилликда эканлигига, бизнинг ҳаётимизда ҳукмронлик қилиши ва ҳаётимиздан қандайдир яхши нарса қилиши кераклигига ишонсак, ўшанда биз муқаддас эҳтиромда юз тубан йиқиламиз.

Ким учун Худонинг Руҳи – таъсир ва олий ҳокимият бўлса, ўша доимо: «Мен кўпроқ Руҳни истайман», - дейди. Ким учун У – ажойиб Шахс бўлса, ўша: «Қандай қилиб, мен ўзимни Унга кўпроқ топшира оламан?» – дейди.

БИЗ УНИ ҚАНДАЙ ҚАБУЛ ҚИЛАМИЗ

Кўп одамлар Худонинг Руҳини Шахс эмас, балки қандайдир оддий таъсир деб қабул қилишларининг сабаби - кўпинча У ҳақида шундай дейишларидир. Сиз қачонлардир Муқаддас Руҳ ҳақида гапираётганларида худди «нарса» ҳақида гапираётгандек гапирганларини эшитганмисиз? Мен ўттиз йилдан кўпроқ хизмат қиламан. Агар мен Муқаддас Руҳ ҳақида худди «нарсани» эслаганларидек эслаганларини эшитганимда, ҳар сафар бир доллардан олганимда эди, мен жуда ҳам бой одам бўлган бўлар эдим. Афсуски, биз Уни Шахс сифатида ҳурмат қилишни рад этганлигимиз туфайли бизларнинг кўпчилигимиз Руҳ хузурининг тўла-тўқислигини қўлдан бой берамиз. Худонинг Руҳи Уни ҳурмат қилмаган жойларда намоён бўлмайди (Мт. 13:54-58; Сан. 88:8га қаранг).

Эслатиб ўтмоқчиман-ки, мен Муқаддас Руҳни «Шахс» деб атаб, Уни инсон демоқчи эмасман. Мен шунчаки айтмоқчи бўлганим, У хулқ-атворни ташкил қилувчи фазилатларга эгадир.

Муқаддас Рух – одам эмас, Худодир. Лекин биз ёдда тутишимиз керак-ки, одамлар Худонинг суратида яратилганлар. Демак, У бизлар каби эмас, кўпроқ бизлар У кабидирмиз.

Биз Уни *муқаддас* сифатида қабул қилишнинг ўрнига, Унга худди «муқаддас нарса»га карагандек қараймиз деб жамоат сифатида ўзимиз учун қарор қилдик. Ачинарлиси шундаки, эътиборсизлигимиз натижасида бизларга тегишли бўлган барча муносабатлардан бизга айнан кўпроқ қониқиш келтирадиганларини рад қилдик.

Келинг, Муқаддас Рухнинг шахсини аъло даражада тасвирлаб берувчи бир нечта Муқаддас Ёзув оятларини кўриб чиқамиз:

- У онгга эга (Рим. 8:27га қаранг).
- У иродага эга (1 Кор. 12:11га қаранг).
- У севги ва қувонч каби ҳиссиётларга эга (Рим.15:30; Гал. 5:22га қаранг).
- У юпатади (Ҳав. 9:31).
- У гапиради (Ибр. 3:7); боз устига, У аниқ гапиради (1 Тим. 4:1).
- У ўргатади (1 Кор. 2:13).
- У хафа қилинган бўлиши мумкин (Эф. 4:30).
- У ҳақорат қилинган бўлиши мумкин (Ибр. 10:29).
- У қаршиликка дуч келиши мумкин (Ҳав. 7:51).
- У Ўзига қарата айтилган ёлғонни эшитиши мумкин (Ҳав. 5:1-11).

Агар Ёзувдаги бу барча фазилатлар шу қадар ажабланарли бўлса, биз ўзимизга: «Нима учун Муқаддас Рухни бундай нотўғри тушунадилар?» -деб савол беришимиз керак.

КАБУТАР

Кўпчилик одамлар Муқаддас Рух ҳақида фикрлаб, кабутарни тасаввур қиладилар. Нима учун фикрга ҳаммадан

олдин бу ўхшатиш келади? Муқаддас Руҳ қачондир кабутар кўринишида намоён бўлганми? Жавоб: қатъий йўқ. Биз барча тўртта Хушxabарларда Худонинг Руҳи Раббий Исонинг устига кабутардек тушганини ўқиймиз (Мт. 3:16; Марк. 1:10; Лқ. 3:22; Юҳ. 1:32га қаранг). Бироқ бизларнинг ўзимиз «каби», «гўё» сўзларидан фойдаланиб, масалан, «у шамол каби тез», «у шердек кучли» деб кимнидир тасвирлаб беришимиз ҳақиқат эмасми? Агар мен ўғлим шердек кучли десам, чиндан ҳам бу уни тўрт оёқли хайвон қилиб қўядими? Албатта йўқ! Худди шу тарзда, Руҳни кабутардек тушди деб айтиш, Уни кабутар деб айтишни англамайди.

Кимдир: «Ҳа, лекин Жон, У Худонинг тахти қаршисидаги чироқлар кўринишида тасвирланган», -деб айтар (Вах. 4:5). Ҳа, бу ҳақиқат, бироқ шунингдек, Муқаддас Ёзув: «Мана, ... қариялар орасида сўйилган каби бир Қўзи турганини кўрдим», -дейди (Вах. 5:6). Бу Юҳанно томонидан келтирилган Раббий Исонинг таърифи. Сизлар билан биз биламизки, Раббий Исо аниқ тўрт оёқли хайвон эмас. Худди шундай, Муқаддас Руҳ – Худонинг тахти қаршисида ёниб турадиган афсонавий олов эмас.

ШУНДАЙ ҚИЛИБ, МУҚАДДАС РУҲ КИМ?

Муқаддас Ёзув жуда ҳам аниқ қилиб, Муқаддас Руҳ – бу Худонинг учинчи Шахси эканлигини айтади. Ибтидо китоби (1:26)да ёзилган: «Ўз суратимизга кўра, Ўзимизга ўхшаш одамни яратайлик». Худо: «Одамни яратаман», -деб айтмаганлигига эътибор қаратинг. Яратилиш саҳнаси учун учта турли хил ролларни ижро этувчи, учта ҳар хил актёрлар: уч шахсиятдаги Худо - Ота, Ўғил, Муқаддас Руҳ керак бўлган.

Ҳаворийлар китобида (10:38) Ота, Ўғил, Муқаддас Руҳ ўртасидаги аниқ фаркни қандай тавсифланаётганини кўриб чиқамиз.

Яъни Худо Нозара шахридан бўлган Исони Муқаддас Руҳ ва қудрат билан мойлади ҳамда У эзгулик қилиб

ва иблиснинг зулми остида бўлганларнинг ҳаммасини шифолаб юрди, чунки Худо У билан бирга эди.

Биз бу оятда Раббий Исони Муқаддас Руҳ билан мойлаётган Ота – битта умумий мақсад учун биргаликда ишлаётган учта алоҳида Шахсни кўрамыз.

Яна бир мисолни кўриб чиқамиз:

«Сувга чўмдирилган Исо ўша заҳоти сувдан чиқди. Мана, Унга осмон очилди ва Яхё Худонинг Руҳи Исонинг устига кабутардек тушиб келганини кўрди. Осмондан эса: «Бу Менинг севимли Ўғлимдир. Менинг илтифотим Ундадир», - деган овоз келди» (Мат. 3:16,17).

Сиз Раббий Исонинг чўмдирилиши ҳақидаги ушбу хисоботда Худованднинг аъзолари яна учта алоҳида Шахс сифатида намоён бўлаётганларини кўрасиз. Аввало, Раббий Исо Яхё томонидан чўмдирилмоқда, сўнгра Худонинг Руҳи Унинг устига тушмоқда, ва ниҳоят, Ота Худо осмондан: «Бу Менинг севимли Ўғлимдир. Менинг илтифотим Ундадир», - деб эълон қилмоқда. Яна учта шахсият биргина ўша мақсад учун биргаликда ишламоқда. Менга бу ҳақиқатни тасдиқлашга ёрдам берадиган асосий мисолни сизларга тақдим этишга рухсат беринг. Сув (H_2O формуласи) учта ҳар хил шаклда кўриниши мумкин. Ҳарорат H_2O формуласи қандай шаклни олишини белгилаб беради: қаттиқ, суюқ ва буғ шаклида. Сувнинг туб моҳияти – унинг молекуляр тузилиши, унинг заррачаси ҳам ўзгармайди, бироқ унинг ҳолати ўраб турган муҳит (хароратга) боғлиқ ҳолда ўзгаради. Айнан худди шу тарзда Худонинг асосий таркибий қисми ўзгармайди. Сиз Ўғилни кўрганингизда, Отани кўрасиз ва бизга Ўғилни очиш учун Руҳ юборилган (Юҳ. 17:21; Эф. 1:17, 18га қаранг). Худо аслида ягона, лекин У ноёб вазифаларни бажарувчи учта ҳар хил Шахсиятга эга. Учта Шахснинг борлигига қарамасдан, Худо фақат биттадир. Қонуннинг қайтарилиши китоби (6:4)

да ёзилган: «Эшит, эй, Исроил! Раббий Худойимиз ягона Раббийдир!» Римликларга мактуб (3:30)да ёзилган: «Оқловчи Худо ягонадир». Ёқубнинг мактуби (2:19)да ҳам худди шундай айтилмоқда: «Сен Худонинг ягоналигига ишонасанми? Яхши қиласан!». Бу ҳақиқат китобнинг қолган барча қисмларининг бурчак тоши бўлади: учта алоҳида илоҳий Шахс бор, бироқ бу-ягона Худодир.

3-кун

БИРИНЧИ ШАХС

Муқаддас Руҳ – бу Муқаддас Ёзувда намоён бўлган Учликнинг биринчи шахсиятидир. Ибтидо китобининг биринчи бобида шундай дейилади: «Бошида Худо осмон ва ерни яратди» (1-оят). Иккинчи оятга қараймиз: «Ер шаклсиз ва бўм-бўш эди. Тубсизлик устини қоронғилик қоплаган эди. Худонинг Руҳи сувлар устида учиб юрар эди». Руҳ Ибтидо китоби биринчи бобининг иккинчи оятидаёқ пайдо бўлмоқда, У ном билан тилга олинаётган Худонинг биринчи шахсиятидир.

Кейинги саволни бериш мумкин: «Лекин Жон, биринчи оятда: «Бошида Худо осмон ва ерни яратди», -деб айтилмоқда. Агар биринчи оятда Ота Худо ҳақида гапирилаётган бўлса, қандай қилиб айнан Муқаддас Руҳ Ёзувда биринчи бўлиб тилга олинмоқда деб айтиш мумкин?» Ажойиб савол. Бироқ ёдингиздами, Худо: «Ўз суратимизга кўра одамни яратайлик», -деб айтган. Шунинг учун биринчи оятда Худо ҳақидаги фикр Унинг бир шахсиятига эмас, балки бутун Худога тегишлидир. Шунинг учун вазифасига кўра белгиланган Илоҳиётнинг биринчи аъзоси – бу Муқаддас Руҳдир. Иккинчи оятда: «Худонинг Руҳи сувлар устида учиб юрар эди», -деб ёзилган.

Келинг, биринчи саволимизга яна назар солсак: «Муқаддас Руҳ Ким?» Дадил тасдиқлашим мумкинки, У бутун ер юзидаги

энг ажойиб, гўзал, меҳрибон, нозик, таъсирчан, кудратли Шахсдир. Сиз: «Жон, бутун ер юзидами?» -дерсиз. Ҳа, бутун ер юзида. Ота бу жойда, ерда йўқлигини, У самода, Ўзининг тахтида эканлигини биз тушуниб олишимиз лозим. Шунингдек, Раббий Исо ҳам бу жойда, ер юзида эмас. Гарчи Ёзув аниқ қилиб Раббий Исонинг тахтда Худонинг ўнг томонида ўтирганлигини айтса ҳам, мен одамларнинг: «Раббий Исо менинг юрагимда», -деб айтишларини кўп эшитаман (Марк 16:19га қаранг). Ҳаворийлар китобида (1:9-11) шундай дейилмоқда:

«Исо уларнинг кўз ўнгида осмонга кўтарилди ва булут Уни уларнинг назаридан олиб кетди. Исо кўтарилаётганида ҳаворийлар осмонга қараб турганларида, мана, оқ кийимли икки эркак уларнинг олдиларида зоҳир бўлиб, уларга: «Галилия эркаклари! Нега сизлар осмонга тикилиб турибсизлар? Сизларнинг олдингиздан осмонга олинган шу Исо, осмонга қандай кўтарилганини кўрган бўлсангиз, худди шундай келади», - деб айтдилар».

Ҳақиқатдан ҳам, фаришталар бўлган икки эркак шогирдларга аниқ қилиб, Раббий Исо қандай кетган бўлса, айнан худди шундай қайтиб келишини тушунтирдилар. Раббий Исо булутларда қайтиб келадими? Шубҳасиз, жавоб – йўқ. Бу шуни билдирадики, Раббий Исо ҳали ҳам осмонда Худонинг Ўнг томонида ўтирибди.

Ёзувдаги Стефанни тошбўрон қилганларидаги жойни эсланг. Ҳаворийлар китоби (7:55-56)да ёзилган: «Стефан эса Муқаддас Рухга тўлди, осмонга қараб, Худонинг шухратини ва Худонинг ўнг томонида турган Исони кўрди. Шунда: «Мана, мен осмонларнинг очилганлигини ва Инсон Ўғлининг Худонинг ўнг томонида турганини кўрмоқдаман!»-деди». Ўзининг бор шухратида турган ва кейинги барча авлодларга маълум бўладиган муқаддас лаҳзани кутиб У учун азобланган шогирдини эхтиром қилаётган Раббий Исони тасаввур қилинг. Бу тарих шарафли бирлашишнинг ажойиб тасвирини ўзида намоён қилади, бироқ шу билан биргаликда ҳозир Раббий Исо Ўз Отасининг ёнида деган муқаррар далилни эслатиб туриш

учун ҳам хизмат қилади.

Ҳақиқат шундаки, Исо тахминан икки минг йилдан буён бу шарафли ўриндадир. У бу жойда, ер юзида эмас. Биз Раббий Исо бизнинг юрагимизда деб айтишни яхши кўришимизни биламан, бироқ ҳақиқатда эса, Муқаддас Руҳ Исо Масиҳнинг Руҳи, айнан У бизнинг юракларимизни Ўзининг яшаш жойи қилади.

Биз шунга тан олишимиз лозимки, Муқаддас Руҳ – бу ҳам Ота Худонинг Руҳи, ҳам Исо Масиҳнинг (Ўғилнинг) Руҳидир. Келинг, бир нечта мисолларни кўриб чиқамиз.

Филиппикларга мактуб (1:19)да Повул шундай тасдиқлайди: «Чунки мен биламанки, бу нарса сизларнинг ибодатингиз орқали ва Исо Масиҳ Руҳининг мадади билан менинг қутулишимга хизмат қилади». Раббий Исо Унинг ўрнига Муқаддас Руҳ келиши учун У кетиши кераклигини жуда ҳам аниқ қилиб кўрсатган. Повул бу ерда танага бурканган Исо ҳақида эмас, Муқаддас Руҳ (Ёрдамчи) ҳақида гапирмоқда, чунки Раббий Исо энди ер юзида эмас.

Матто Хушхабари (10:20)да Раббий Исо эълон қилиб: «Чунки сизлар гапирмайсизлар, аммо сизларнинг Отангизнинг Руҳи сизларда гапиради», -демоқда. Раббий Исо Унинг шогирдлари Хушхабар учун қувғин бўладиган ва синаладиган келажакдаги вақтлар ҳақида гапирган. Худонинг Руҳи (Муқаддас Руҳ) уларни бошқаради ва оғзига керакли сўзларни солади.

Ҳаттоки, ҳозир ҳам, мен ушбу сўзларни ёзаётганимда, улар менинг ақлимнинг ва тажрибамнинг ҳосили бўла олмайди. Отамнинг Руҳи мен орқали ўргатади. Мен ўз кучим билан ўргатишга ҳаракат қилиб кўрганман. Менга ишонинг, ҳаммаси аянчли тугаган. Унинг инояти билан, Унинг Муқаддас Руҳининг кучи билан мен аслида ким бўлсам, ўшаман. Яхши янгилик шундаки, У ҳеч қачон мени кулфатда ташлаб кетмаган, У ҳар доим келган. Мен иноят Руҳи қаршисида бўйсунувчанликда эгилганимда (Ибр. 10:29га қаранг), У чиндан менинг заифлигимни кучга айлантирган.

УЛАРНИНГ УЧЧАЛАСИ ҚАНДАЙ ҲАРАКАТ ҚИЛАДИ?

«Учтаси биттада» ҳақиқатини тушуниш балки кийиндир, чунки у бизнинг инсоний онгимизга қарши ҳаракат қилади. Коринфликларга биринчи мактуб (12:5-7), қай тарзда бу Уччаласи Биттадек биргалашиб ҳаракат қилиши мумкинлиги ҳақидаги саволнинг моҳиятини тушуниб олишга ёрдам беради.

«Хизматлар ҳам ҳар хил, лекин Раббий ўша-ўшадир. Фаолиятлар ҳам ҳар хил, лекин ҳаммада ҳамма нарсани ҳаракатга келтирадиган Худо ўша-ўшадир. Аммо Рухнинг намоён бўлиши ҳар кимга фойда учун берилади» (1 Кор. 12:5-7).

Биз бу парчани ўқиганимиз сари, Ота, Ўғил ва Муқаддас Рух турли хил ролларни бажаришини билиб оламиз. Ота ташаббус кўрсатади ва ҳаракатни бошлайди (6-оят), Ўғил идора қилади (5-оят), Муқаддас Рух амалга оширади (7-оят); лекин Уларнинг барчаси битта ўша мақсад учун биргаликда ишлайдилар.

Агар биз сизлар билан уй қурмоқчи бўлсак, бизга нима зарур бўлади? Биз меъмор, қурилиш бошлиғи ва ишчиларни (пудратчилар) ёллашимиз керак бўлади. Бу мисолда Ота Худо меъмор, Исо – иш раҳбари ролида чиқади, Муқаддас Рух эса, уй қурадиган ишчиларни англатади, У – яратишни «амалга оширувчи»дир. Бу барча уч роллар ҳар қандай уйнинг қурилиши учун жуда муҳимдир.

ХУДОНИНГ БАРМОҒИ

Келинг, айнан бир ҳодисанинг Ёзувдаги икки хил баёнига қараймиз. Раббий Исо ҳозиргина жинга чалинган одамни шифолади. Одамлар ҳайратда, лекин фарзийлар ўзларича: «У шайтоннинг ўзи билан жинларни қувапти», -деб ўйлаптилар (Мат. 12:23,24га қаранг). Биз 28-оятда уларнинг фикрига Раббий

Исонинг жавобини ўқиймиз: «Агар Мен Худонинг Руҳи билан жинларни қувиб чиқараётган бўлсам, унда Худонинг Шохлиги сизларга етиб келган».

Шунингдек, Луко ҳам ўзининг тушунтиришини тақдим этмоқда, бироқ бу Маттонинг таърифидан озгина фарқ қилади. Луко Хушхабариди (11:20) шундай дейилмоқда: «Агарда Мен Худонинг бармоғи билан жинларни қувиб чиқараётган бўлсам, унда албатта, Худонинг Шохлиги сизларга етиб келди». Лекин Луко ва Матто Муқаддас Руҳ ҳақида гапирмоқдалар. Муаллифлар кўпинча қилганларидек, Луко ҳам гўё Муқаддас Руҳни Унинг Шахсидан ажратиб, Унинг вазифасини тавсифламоқда. Шу сабабли, биз Муқаддас Руҳни «Худонинг бармоғи» деб таърифлаш мумкин деган хулосага келамиз.

Муқаддас Руҳнинг вазифаси нафақат «Худонинг бармоғи» деб аталади, шунингдек, Худонинг қўли ва Худонинг панжаси деб ҳам аталади. Ёзув Худо Ўз халқини «бақувват қўл ва узатилган билак» билан қутқарди дейди (Сан. 135:12). Сано (8:4) дейди: «Мен Сенинг осмонларингга, Сенинг бармоқларингнинг ишига, Сен ўрнатган ойга ва юлдузларга қараганимда...». Аксарият имонлилар Муқаддас Руҳ – аслида юлдузлар ва сайёраларни осмонда ўрнатган Шахс эканлигини англай олмайдилар, У барча мавжудотни гавдалантиради. Ёдингиздами, Ибтидо китоби (1:2)да шундай ёзилган: «Худонинг Руҳи сувлар устида учиб юрар эди». У Отанинг ташаббусини қутган. Сўнгра Ўғил: «Нур бўлсин», -деб Ўз вазифасини бажариши керак бўлган, чунки Раббий Исо Худонинг Сўзидир. «Нур бўлсин» деган сўзлар айтилганида, Ўғил Отанинг иродасини бажарди ва Муқаддас Руҳ У айтган нарсани яратди. Худо Рухининг улуғворлиги ва шуҳрати ҳақидаги севимли парчаларимдан бири Ишаъё пайғамбарнинг китобида ёзилган (Иш. 40:12-15). У жойда шундай ёзилган:

«Яна ким ўз ҳовучи билан сувларни ва бармоғи билан самоларни ўлчаб чиқибди? Яна ким ернинг тупрогини санаб чиқибди, тарозида тоғларни ва тарозининг паллаларида тепаликларни торта олибди?

Худонинг Руҳига ким маслаҳат бера олади? Унга маслаҳат бериш ва насиҳат бериш учун ким етарлича билимга эга? Унга кимнингдир маслаҳати керакми? Унга нима яхшилиги ҳақидаги насиҳат керакми? Уни кимдир ўқита оладими, Унга ҳақликнинг йўлини кўрсата оладими? Йўқ, зеро барча халқлар – челақдан бир томчидекдир. Улар тарозидаги чанг заррачасидан ҳам каттароқ эмаслар. У бутун ерни кум заррасидек кўтаради» (Иш. 40:12-15, NLT).

Ўн иккинчи оятда: «Ким осмонни бармоқлари билан ўлчаган?», -деб ёзилган. Кўриб турганингиздек, Муқаддас Руҳ бу ерда Ўзининг вазифаси бўйича айтилган. Бу ҳақда ўйлаб кўринг. Раббийнинг Руҳи бутун уммонни ушлаб туради. Унинг нақадар қудратли эканлигини кўраяпсизми? Шунга қарамай, У бизнинг олдимизга келиш ва бизнинг ичимизда яшашга Ота ва Ўғил билан келишиб Ўзини бўйсундирди. Қандай ажойиб, руҳлантирувчи ва ҳайрагда қолдирувчи воқелик!

4-кун

МУҚАДДАС РУҲ – ХУДОДИР

Келинг, одамнинг яратилиш вақтида Муқаддас Руҳ қандай ролни ўйнаганига назар соламиз. «Раббий Худо ернинг тупроғидан одамни яратиб, унинг димоғига ҳаёт нафасини пуфлади ва одам тирик жон бўлди», -деб ёзилган (Ибт. 2:7). Айнан Муқаддас Руҳ Одам Атони яратган ва унинг бурнига ҳаётни пуфлаган. Ҳаммаси айнан шундай бўлганлигини мен қаердан биламан? Аюб китоби (33:4)да ёзилган: «Худонинг Руҳи мени яратди, Қодир Худонинг нафаси менга ҳаёт бериб турибди». Муқаддас Руҳ нафақат яратган ва Одам Атонинг бурнига ҳаётни пуфлаган, шунингдек, У сиз билан бизларни яратган ва ҳаётни пуфлаган. Сано (138:13)да шундай дейилмоқда: «Зеро Сен менинг ичимни яратдинг, мени онамнинг қорнида

шаклантиндинг». Ҳақиқатан, биз кўриб турган ҳамма нарсани Худонинг Руҳи яратган, чунки Ҳикматлар китоби (26:10)да ёзилган: Ҳамма нарсани яратган Худо буюк...» (инглизча тарж.). Биз кўриб турган ижод намоён бўлди, чунки Муқаддас Руҳ Отанинг яратиш ниятини амалга оширди.

Умид қиламанки, энди Муқаддас Руҳнинг Худо эканлиги сиз учун аёндыр. Келинг, Ёзувда Унга нисбатан фойдаланилган бир нечта турли хил исмларни кўриб чиқамиз. Уни шундай атайдилар:

- Муқаддас Руҳ (96 маротаба);
- Раббийнинг Руҳи (28 маротаба);
- Худонинг Руҳи (26 маротаба);
- Абадий Руҳ (Ибр. 9:14, инглизчадан тарж.);
- Ёрдамчи (Раббий Исо Уни Юҳанно Хушхабариди 4 маротаба шундай атайди);
- Юпатувчи (кўпинча Муқаддас Ёзувнинг кенгайтирилган таржимасида ишлатилади);
- Муқаддас (Сано 77:41);
- Раббий (2 Кор. 3:17);
- Ҳақиқат Руҳи (4 маротаба);
- Масих Руҳи (Рим. 8:9; 1 Бут. 1:11);
- Раббий Исо Масихнинг Руҳи (Флп. 1:19);
- Маслаҳат Руҳи (Иш. 11:2);
- Билим Руҳи (Иш. 11:2);
- Қувват Руҳи (Иш. 11:2);
- Англаш Руҳи (Иш. 11:2);
- Донолик Руҳи (Иш. 11:2);
- Раббийдан кўрқиш Руҳи (Иш. 11:2);
- Сизнинг Отангизнинг Руҳи (Мт. 10:20);
- Шухрат Руҳи (1 Бут. 4:14);

- Иноят Руҳи (Зах. 12:10; Ибр. 10:29);
 - Ҳукм Руҳи (Иш. 4:4);
 - Олов Руҳи (Иш. 4:4);
 - Ҳаёт Руҳи (Рим. 8:2);
 - Севги Руҳи (2 Тим. 1:7);
 - Куч-қудрат Руҳи (2 Тим. 1:7);
 - Соғлом онг Руҳи (2 Тим. 1:7, замонав. тарж.);
 - Пайғамбарчилик Руҳи (Вах. 19:10);
 - Ваҳий Руҳи (Эф. 1:17);
 - Муқаддаслик Руҳи (Рим. 1:4);
 - Муқаддас Худонинг Руҳи (Дониёр китобида 4 маротаба);
- У муносиб, У қудратли, У шон-шуҳратлидир!

РАББИЙ ИСО МУҚАДДАС РУҲГА ТЎЛИҚ ҚАРАМ ЭДИ

Раббий Исо тўлиқ Муқаддас Руҳнинг измида бўлган. У Руҳ томонидан она қорнида пайдо бўлди, У Руҳ томонидан ўргатилди, Йордан дарёсида Руҳнинг кучига тўлди ва У Руҳга чўмдирилгунича бирорта ҳам мўъжиза яратмади (Жалиланинг Каън шаҳрида Раббий Исо томонидан қилинган биринчи мўъжиза ҳақидаги Юҳаннонинг баёнига қаранг: Юх. 1:29-34 ва 2:1-11). У Руҳ томонидан бошқарилар ва фақатгина Руҳдан эшитганларини гапирар эди.

Юҳанно Хушхабари (14:10)да Раббий Исо шундай дейди: «Мен сизларга айтаётган сўзларни Ўзимдан сўзламайман. Лекин Менда бўлган Ота, У ишларни бажармоқда». Ёдда тутинг, Раббий Исо: «Ота осмонда», -демади. У: «Менда бўлган Ота», -деди.

- Бир дақиқа шошма, Жон, Раббий Исо Муқаддас Руҳ ҳақида Ўз Отаси ҳақида гапирётгандек гапирмоқда демоқчимисан?

-Нега шундай бўлмаслиги керак экан? Фаришта Юсуфга

нима деганига кулоқ солинг: «Марямни ўзинга хотин қилиб олишдан кўркмагин, чунки унинг ичидаги ҳомиласи Муқаддас Рухдандир» (Мат. 1:20). Марям Муқаддас Рухдан Раббий Исога ҳомиладор бўлди, шу сабабли Раббий Исо Муқаддас Рух ҳақида гапираётганида Унда бўлган Ота ҳақида гапирганидек гапириши тўлиқ тушунарлидир.

Ҳақиқат шундаки, Раббий Исо ва Муқаддас Рух Раббий Исо ер юзидан бўлган пайтида ҳар доим биргаликда ишлаганлар. Дарҳақиқат, Раббий Исо шундай хулосага келган: Ўғил Ўз Ўзидан ҳеч нима қила олмайди (Юҳ. 5:19). Агар Раббий Исо – Шахсан Худо Ўғли Ўз даъватини амалга ошириш учун доимо Муқаддас Рухнинг ҳамкорлигига муҳтож бўлган бўлса, биз ўз даъватимизни амалга оширишда нақадар кўпроқ Рухнинг ёрдамига муҳтожмиз.

Ҳеч ким Муқаддас Рухни Раббий Исодек билмайди, шунинг учун келинг, Раббий Исо Муқаддас Рухнинг бизнинг ҳаётимиздаги роли, Унинг хулқ-атвори, сифатлари, кучи ва бошқа имкониятлари ҳақида нима деганига назар соламиз.

Раббий Исо Юҳанно Хушхабари (14:15-18)да шундай дейди:

Агар Мени севсангизлар, Менинг амрларимга риоя қилинглар. Мен Отамдан илтижо қиламан ва У сизлар билан бирга абадий қоладиган бошқа Юпатувчини сизларга беради. Бу – ҳақиқат Рухидир. Дунё Уни кўрмаслиги ва билмаслиги туфайли қабул қила олмайди, сизлар эса Уни биласизлар, чунки У сизлар билан бирга бўлади ва сизларнинг ичингизда бўлади. Сизларни етим *каби* қолдирмайман, сизларнинг олдингизга келаман.

Бу парчада нақадар кўп қимматбаҳо ҳақиқатлар бор. Биринчидан, Раббий Исо нима деганлигига эътибор қаратинг: «Агар Мени севсангизлар, Менинг амрларимга риоя қилинглар». Шуниси қизикки, Раббий Исо Муқаддас Рух ҳақидаги сўзларини - Унинг олий ҳокимиятини, Унинг ҳукмронлигини тан олишни эслатиш билан бошлайди. Петърор

бу ҳақиқатни тасдиқламоқда: «Бунга эса биз ҳамда Худо Унга итоат қилганларга берган Муқаддас Рух гувоҳдир» (Ҳав. 5:32). Худо Унга итоат қилганларга Муқаддас Рухни беради.

Энди Юҳанно Хушхабариди (14:16) Раббий Исо нима деяётганига эътибор беринг: «Мен Отамдан илтижо қиламан ва У сизлар билан бирга абадий қоладиган бошқа Юпатувчини сизларга беради». Келинг, «бошқа» сўзини билдирувчи юнонча сўзга қараймиз. Юнон тилида иккита сўз бор, улар бутун Янги Аҳдда инглиз тилига «бошқа» деган маънода таржима қилинмоқда. Бу юнонча сўзлар *heteros* ва *allos*. *Heteros* «бошқа, бошқа тоифа» деган маънони билдиради. *Allos* – «бошқа, лекин айнан шу тоифадан» деган маънони билдиради. Биз беришимиз лозим бўлган савол: «Раббий Исо бу ерда қайси сўзни ишлатаяпти?».

Сизларга жавоб беришдан аввал, бу икки юнонча сўзлар ўртасидаги фарқни тасвирлаб берувчи мисолни келтиришга рухсат берсангиз. Шундай манзарани тасаввур қилинг: мен сизга меванинг, масалан, олманинг бир бўлагини бераман. Сиз уни еб бўлганингиздан сўнг, мен сиздан: «Меванинг бошқа бўлагини ҳам хоҳлайсизми?» –деб сўрайман.

Сиз: «Ҳа», -деб жавоб берасиз. Шунда мен сизга апельсин бераман. Шу билан бирга мен сизга шунчаки оддий бўлак эмас, балки меванинг бошқа турини бердим. Апельсин – бу меванинг бир тури ва у олмадан фарқ қилади. Бу *heteros* сўзининг маъносига мисол.

Агар сиз бошқа бўлакчани сўрасангиз ва мен сизга олманинг бўлакчасини берсам, мен сизга бошқа, лекин айнан шу турдан бўлакча берганлигимни айтасиз. Бу *allos* сўзининг маъносига мисол.

Энг бошдаги саволга қайтамиз. Раббий Исо Ота бизга бошқа Ёрдамчини беради деб айтаётганида, У қайси сўзни ишлатаяпти? У *allos* сўзини ишлатаяпти. Шу тарзда У: Ота сизларга бошқа Ёрдамчини беради, У айнан Мендек бўлади», -демоқда. Бошқача сўзлар билан Раббий Исо У ва Муқаддас Рух айнан битта тоифадан эканлигини айтмоқда.

5-кун

БИЗНИНГ АБАДИЙ ҲАМКОРИМИЗ

Юханно Хушхабари (14:16)да Раббий Исо фойдаланган яна бир сўз – бу Ёрдамчи сўзидир. Бу ерда «ёрдамчи» маъносида юнонча сўз «parakletos» ишлатилмоқда. Шунингдек, Раббий Исо Юханно мактубида «parakletos» сўзи билан аталган: «Менинг фарзандларим!...Биз Отанинг олдида Ҳимоячи (parakletos) – ҳақ Исо Масихга эгамиз» (1 Юҳ. 2:1). Раббий Исо ва Муқаддас Рух ёрдамчи ёки «parakletos» ролида гавдаланмоқда. Демак, бу юнонча сўз нимани англатади? Ўша вақтлардаги тилда, у судда одамнинг ҳимоя қилиш учун турадиган ҳуқуқшуносни таърифлаш учун ишлатилган. Бундан ташқари, у шахсий маслаҳатчи ёки тренер – шахсий ривожланиш бўйича инструкторни таърифлаш учун ишлатилган.

Parakletos – иккита юнонча сўздан тузилган қўшма сўз: para ва kaleo. Para – «жуда яқин» деган маънони англатади. Повул бу сўзни ўзининг Тимўтий билан ўзаро муносабатларини таърифлаш учун ишлатган. Повулнинг ҳаворий Тимўтийдан яқинроқ ҳеч кими бўлмаган (Флп. 2:20га қаранг). Хотиним Лиза мен учун «para». Бутун ер юзида менинг ҳеч қандай яқиним йўқ. Мен бу сўзни у билан ўзаро муносабатларимни таърифлаш учун ишлатган бўлар эдим.

Иккинчи юнонча сўз «kaleo» – «чақирмоқ, чорламоқ» деган маънони англатади. Кўпинча, бу сўз Ёзувда ҳаворийлар ўз даъватларини баён қилаётганларида ишлатилади. Масалан, Повул: «Мен мажусийларнинг ҳаворийси бўлишга даъват этилганман (ингл. тилидан таржима. - Таржимоннинг изоҳи)», -деб айтганида, у юнонча сўз «kaleo»ни ишлатган. «Даъват» сўзининг моҳияти бурч ва ҳаракат ғоясини ўз ичига олади.

Биз бу икки юнонча сўзларни бирга қўйганимизда, Раббий Исо нима ҳақида гапираётганини яхшироқ тушуна бошлаймиз.

Мазмунан, Раббий Исо: «Муқаддас Руҳ бизнинг ҳаётий йўлимизда бизларга насихат, йўналиш, ёрдам ва маслаҳат бериш учун бизларнинг ҳар биримиз билан ёнма-ён бўлишга доимо даъват этилган», - демоқда. Бу Унинг даъвати, Унинг топшириғидир ва У бизларга ёрдам бериш учун ҳар доим ҳамма жойда бизлар биландир, У ҳеч қачон чарчамайди! Раббий Исо Муқаддас Руҳ бизлар билан абадий бирга бўлишини айтган (Юх. 14:16). У ҳеч қачон бизларни ташлаб кетмайди ва тарк этмайди. Нақадар ажойиб ваъда! Раббий Исо аслини олганда, Муқаддас Руҳ Унинг (Раббий Исонинг) бизнинг ҳаётимиздаги аниқ иши ва даъватининг давомчиси бўлишини айтмоқда. Кўпинча мен одамларнинг: «Мен Раббий Исо билан бир оз юра олганимда эди, мен Унга жуда кўп саволлар берган бўлар эдим», -деб айтаётганларини эшитаман. Нима учун бу саволларни Муқаддас Руҳга бермаслик керак экан? Бу- бизнинг Муқаддас Руҳни ҳис қилишимиз бошланадиган муҳим соҳадир. Агар биз Уни шунчаки қандайдир тушунарсиз мавжудотдек қабул қилсак, Унинг олдига бизни ўқитишга ва бизга ўргатишга қодир бўлган Шахсинг олдига келганимиздек кела олмаймиз. Муқаддас Руҳ – бу қандайдир мавжудот эмас, У -Худодир. Агар биз Худонинг Сўзи У ҳақида нима деса Унинг шундайлигига ҳақиқатан ҳам ишонсак, шунда биз У ҳамма нарсани биладиган ва қудратли эканлигини, бизга таълим беришни истайдиган ва таълим бера оладиган, ёрдам берадиган ва бизни бошқарадиган Зот эканлигини билиб, Унинг олдига ҳурмат-эҳтиром билан келамиз. Ҳа, У бизларнинг ҳар биримиз билан яқиндан суҳбатлашишни жуда қаттиқ истайди.

Афсуски, Муқаддас Руҳ Жамоатда энг эътиборсиз қолдириладиган Шахс бўлса керак. Қандай қилиб, кўпинча биз биргаликда йиғиламиз-у, лекин Уни ҳурмат қилмаймиз ва ҳаттоки, эсламаймиз ҳам. Қандай қилиб, биз билан доимо бирга бўлишга ва биз билан бирга юришга даъват этилган Шахсга бир сўз ҳам айтмасдан кўпинча эрталабки, кундузги ва кечки соатларимиз ва ҳаттоки, тўлиқ кунларимиз ўтиб кетмоқда.

ЭСАНКИРАТИБ ҚЎЯДИГАН БАЁНОТ

Раббий Исо Юҳанно Хушхабари (16:7) да эсанкиратиб қўядиган сўзларни айтган: «Аммо Мен сизларга ҳақиқатни айтаман...».

Бу парчани кўриб чиқишимиздан аввал мен сизларга бир манзарани тасвирлаб беришни хоҳлар эдим. Раббий Исо шогирдларига мурожаат қилмоқда. У улар билан уч йилдан кўпроқ вақтни бирга ўтказди. У гапирган ҳамма нарса амалга ошди. У: «Шамол, тинчлан», -деди ва шамол тинди. У уларга қаерга боришларини ва у ерда улар ёш эшакни топишларини айтди. Албатта, улар бордилар ва ўша ерда эшак бор эди. У шогирдларининг орасида сотқин борлигини ҳали у Уни сотмасидан олдин билар эди. У анжирга куриб қолишни буюрди ва у йигирма тўрт соат ичида куриб қолди. Раббий Исо айтган ҳамма нарса амалга ошди, шунга қарамасдан, У барибир Ўз сўзларини сўзбошидан бошлаши лозим эди: «Аммо Мен сизларга ҳақиқатни айтаман...». Раббий Исо Ўз шогирдларига айтишга ҳозирланган нарса уларнинг миясини портлатиб юбориши лозим эди, шунинг учун У уларга ҳақиқатни айтаётганини улар тушунаётганига ишонч ҳосил қилмоқчи эди.

Шундай қилиб, Раббий Исо нима демоқда? «Аммо Мен сизларга ҳақиқатни айтаман: Менинг кетганим сизлар учун яхшидир, чунки агар Мен кетмасам, Юпатувчи (parakletos) сизларнинг олдингизга келмайди. Агарда Мен кетсам, Уни сизларга юбораман (Юх. 16:7). New Living Translation таржимасида: «Менинг кетганим сизлар учун энг яхшисидир», -деб ёзилган.

Ўзингизни шогирдларнинг ўрнига қўйиб кўринг. Сиз уни Худонинг Ўғли деб билган етакчингиз сизга у сизни тарқ этиши кераклигини ва Унинг кетиши сизга эзгуликка бўлишини айтди. Менимча, аҳмоқгарчиликдек эшитилади. Агар У Худо бўлса, Унинг қолиши сиз учун яхшироқ эмасми? Ишончим комилки, шогирдлар ҳам шундай ўйлашган. Айнан мана шу

сабаб туфайли Раббий Исо Ўз нутқини куйидаги сўзлар билан бошламоқда: «Сизларга ҳақиқатни айтаман».

Шундай қилиб, нимага шогирлар учун, имонлиларнинг келажакдаги авлоди, шу жумладан, сиз билан биз учун Раббий Исонинг кетгани ҳаммадан ҳам яхши? Мана, нима ҳақида фикрланг. Агар Раббий Исо ерни ҳеч қачон тарк этмаганида эди, доимо бизларнинг ёнимизда бирга бўлиш учун Муқаддас Руҳ келмаган бўлар эди. Агарда Раббий Исодан менга нимадир керак бўлиб қолганида эди, мен У билан учрашиш учун кўп милл босишимга тўғри келар эди. Менинг сафарим эҳтимол Тел-авивдан бошланган бўлар эди (у дунёдаги энг тирбанд аэропорт бўлган бўлар эди). Сўнгра каердадир бирмунча кулайроқ уй топиш умидида (чунки барча меҳмонхоналар тўла бўлган бўлар эди) Жалилага етиб олиш учун машинани ижарага олишга тўғри келар эди. Кейин эса, Раббий Исони топишим керак бўлар эди. Бу қийин бўлмас эди, чунки минглаб одамлар У билан суҳбатлашиш имкониятини кутган бўлар эдилар. Уни топганимда эса, умуман инсониятга таниш бўлган навбатда туришнинг энг қийин тизимидан ўтишим керак бўлар эди, чунки барча Раббий Исони кўришни ва Унга савол беришни ёки илтимос билан мурожаат қилишни хоҳлаган бўлар эди.

Модомики, Унинг ҳузурига навбат шу қадар узун бўлар экан, эҳтимол, менга Раббий Исо билан учрашишимга олтмиш сониядан ортиқ вақт ажратмаган бўлар эдилар, шу сабабли, шубҳасиз, савол ва илтимослар олдиндан тайёрланиши талаб қилинар эди. У ухлаши, еб-ичиши кераклигини ёдда тутинг. Шундай бўлгач, У одамлар билан учрашувга бир кунда ўн тўрт соатдан кўп вақт ажрата олмаган бўлар эди. Бундай ҳисобда Раббий Исо ҳар бир киши билан олтмиш сониядан вақт ўтказиб, бир кунда фақатгина 840 кишини қабул қила олган бўлар эди. У бир миллион кишини қабул қилиши учун Унга 1190 кун (3.26 йил) керак бўлар эди. Бироқ ёддан чиқармангки, одамлар оқимига доимо янги одамлар қўшилиб борган бўлар эди. Ўта жадал эҳтиёжлари ва илтимослари бўлганлар учун «тез навбат»

ҳам бўлганида нима бўлар эди? Уларнинг барчасини ҳар доим ўтказиб юборишимга тўғри келган бўлар эди, шундай эмасми? Ўйлашимча, Раббий Исонинг олдига кириш энг қийин ва деярли имконсиз иш бўлишини тахмин қилиш қийин эмас.

Яхши янгилик шундаки, Муқаддас Руҳ ҳар доим бизга очикдир. Унинг ухлаши ёки овқат ейиши шарт эмас. У бир вақтнинг ўзида миллиардлаб турли хил одамлар билан миллиардлаб суҳбатлар ўтказиши мумкин. Агар биз Худонинг Сўзига Муқаддас Руҳ ҳақидаги тасаввуримизни тубдан ўзгартиришига рухсат берсак, нима учун Раббий Исо: «Менинг кетганим сизлар учун яхшидир», -деб айта олганини тушуна бошлаймиз.

Ёдда тутинг, Муқаддас Руҳ худди Раббий Исо кабидир. У Раббий Исо каби ўргатади, У Раббий Исо каби Худонинг ишларини амалга оширади ва У бизлар билан шу ердадир! Сиз Унинг нақадар ҳайратланарли эканлигини энди тушуниб бораётгандирсиз? Ҳаттоки, мен бу сатрларни ёзаётганимда ҳам, Муқаддас Руҳ мен Унинг ҳаётимдаги овозини ва ҳузурини қанчалик чегаралаб қўйганимга менинг кўзларимни очмоқда. Демак, қайтараман: У бизнинг ўқитувчимиз, тренеримиз, маслаҳатчи ва ҳимоячимиз, биз ҳаётимизнинг ҳар бир кунида Унинг фаол аралашувига муҳтожмиз!

Кейинги бобда биз ажойиб Худо билан яқин қалин муносабатларда бўлиш дегани нимани англатиши ҳақида суҳбатлашамиз.

РУҲНИ ТАНИБ БИЛИШ

*Мен Отамдан илтижо қиламан ва У сизлар билан бирга
абдий қоладиган бошқа Юпатувчи (Маслаҳатчи,
Ёрдамчи, Шафоатчи, Ҳимоячи, Оқловчи, Ҳомий) ни
сизларга беради. Бу – ҳақиқат Руҳидир.*

–Юҳанно 14:16,17

Муқаддас Руҳ ҳақиқатан ҳам ҳайратланарлидир! Бизнинг Масихдаги нажотимиздан кейин У бизга берилган энг яхши совғадир. Муқаддас Руҳ Ким? Тажрибали муаллиф ва бутун умри давомида чўпон бўлган А.У.Тозер шундай ёзган:

«Муқаддас Руҳ – иштиёқ эмас. У шахс. Буни бош ҳарфлар билан ёзиб қўйинг – Муқаддас Руҳ шунчаки бошқа шаклдаги қандайдир мавжудот эмас, бироқ У Ўзининг сифатлари ва хулқ-атворининг ўзига хос хусусиятлари билан Унинг Ўзи Шахсдир. У мавҳум нарса эмас, У моҳиятдир... Муқаддас Руҳ ирода ва онгга, ҳиссиётга, билимга, ҳамдардлик ҳиссига ва севиш, кўриш, ўйлаш, эшитиш, сўзлаш ва ҳар қандай одам истаганидек иташ қобилиятига эгадир».

Бу дарсни бошлашдан олдин Муқаддас Руҳни қандай тушунгансиз? Бу боб Унинг шахсан сиз учун Ким бўлганлиги ҳақидаги тушунчангизни қанчалар кенгайтирди?

Муқаддас Ёзувда Муқаддас Руҳга нисбатан ишлатилган исмлар рўйхати устидан диққат билан фикр юритинг (17-саҳифага қаранг). Бу исмлар У ҳақида сизга нималар демокда?

Муқаддас Руҳ – бу Ота ва Ўғил билан тенг Шаҳс эканлигини билиш Худо билан соғлом муносабатлар ривожини учун муҳимдир. Тозер шундай ёзади:

«...Ўғил ким бўлса Муқаддас Руҳ ҳам шудир, Ота ким бўлса Муқаддас Руҳ ҳам шудир ва Муқаддас Руҳ Ўзининг жамоатида бўлади. Биз Уни қай ҳолда топамиз? У Раббий Исо қандай бўлса, худди шундай бўлади. Сиз Янги Аҳдни ўқигансиз ва сиз Раббий Исонинг қандай бўлганлигини биласиз. Муқаддас Руҳ Раббий Исо қандай бўлса, айнан шундайдир, чунки Раббий Исо Худо эди ва Руҳ Худодир ҳамда Ўғил қандай бўлса Ота айнан шундайдир; сиз Отанинг қандай эканлиги ҳақида билиб, Раббий Исонинг қандайлигини билиб олишингиз мумкин; Раббий Исонинг қандай эканлиги ҳақида билиб, Руҳнинг қандайлигини билиб олишингиз мумкин».

Энди сиз Муқаддас Руҳни янгича кўраяпсизми? Унинг хулқ-атворининг ушбу ҳар хил томонлари сизни қандай руҳлантирмоқда ва ҳаётингизда Унга кўпроқ жойини беришга даъват қилмоқда?

Бундан кейин ўрганиш учун:

Юҳанно 12:44, 45; 14:8–11; 2 Коринфликларга 4:4;
Колосаликларга 1:15–19; Ибронийларга 1:3.

У МАВЖУДОТ ЭМАС, ХУДОДИР

Раббий ва Рух битта нарсанинг ўзидир...

–2 Коринфликлар 3:17 (CEV)

Худонинг фарзанди сифатида сизга Унинг бебаҳо, ваъда қилинган совғаси: Унинг совғаси бўлмиш Муқаддас Рух берилган (Гал. 4:6га қаранг). Унинг Рухи – бу бутун галактика бўйлаб ҳаракатланишга қодир бўлган қандайдир куч ёки қувват эмас. Унинг Муқаддас Рухи – Бу Удир, Ўша бор бўлганнинг камчиликсиз тўлиқлигидир.

Ўн тўққизинчи асрдаги хизматчи ва 200дан ортик китобларнинг муаллифи Эндрю Мюррей шундай деган: «Муқаддас Рух «Ота ва Ўғил билан якдил», У Худонинг шарафи ҳақида «тўлиқ ва аниқ ваҳийни» келтиради». У шундай давом эттиради:

Эски Аҳдда Худо томонидан бизга ваъда қилинган ҳамма нарсани, Илоҳий иноятдан Раббий Исода намоён бўлган ва бизларга берилган ҳамма нарсани Муқаддас Рух энди бизнинг мулкимиз қилмоқда. Худонинг барча ваъдалари У орқали амалга ошади, Масихдаги бор иноят ва нажот бизнинг шахсий мулкимиз ва тажрибамизга айланади».

Англаб ола олдингизми? Муқаддас Рух орқали Худонинг барча ваъдалари амалга ошади, Масихдаги бор иноят ва нажот бизнинг шахсий мулкимиз ва тажрибамизга айланади». Бу одамнинг шунчаки фикри эмас, бу Муқаддас Ёзувнинг ҳақиқатидир. Дикқат билан ўқиб, бу парча устидан яхшилаб фикр юритинг:

«Раббимиз Исо Масихнинг Отаси – Худо муборак

бўлсин (мақтовларга сазовор бўлсин, улуғлансин, юксалсин)! У самода бизга барча руҳий (Муқаддас Руҳ томонидан берилган) баракаларни Масихда ато этган».

–Эфес. 1:3, кенгайтирилган таржима

«Худога маъқул ҳаёт кечиришимиз учун зарур бўлган барча нарсалар- бизни Худонинг олдига тақлиф Қилган (Муқаддас Руҳ)ни шахсий ва яқиндан таниб билиш орқали бизга мўъжиза қилиб берилган. Бу биз қачонлардир олган барча тақлифлардан энг яхшисидир».

–2 Пет. 1:3, The Message,
қавс ичидаги сўзлар аниқлик учун киритилган.

«Лекин ёзилганидек бўлди: «Худо Ўзини севганларга кўз кўрмаган, қулоқ эшитмаган, инсон юрагига ҳам келмаган нарсаларни тайёрлаб қўйган. Худо эса Ўз сирини Ўз Руҳи орқали биз билан бўлишди. Чунки Руҳдан ҳеч нарса, ҳатто Худо донолигининг теранликлари ҳам яшириш эмас».

–1 Кор. 2:9-10, Дж. Б. Филлипс

Бу оятлар орқали Муқаддас Руҳ бизга нимани очмоқда?

Муқаддас Руҳнинг ким эканлиги ҳақидаги ўз тушунчангиз билан Унинг хузурини ва кучини чеклайсизми? Тўхтанг ва ибодат қилинг. У сизнинг келажагингизни қанчалар ўзгартира олишини сизга кўрсатишини Ундан сўранг. У сизга нимани очса, ўшани ёзиб боринг.

Бундан кейин ўрганиш учун:

«Рух билан», «Рух орқали», «Рухдан» ибораларини <http://bibleonline.ru> сайти ёрдамида ўрганиб чиқинг. Шунингдек, 1 Коринфликлар 12:4–11; Галатликларга 5:5; 2 Салоникаликларга 2:13 оятлари устидан фикр юритинг.

У ҲАЁТ РУҲИДИР

*Чунки Исо Масихдаги ҳаёт Руҳининг қонуни мени гуноҳ
ва ўлим қонунидан озод қилди.*

–Римликларга 8:2

Муқаддас Руҳ – бу ҳаёт Руҳидир! Мана бу исм! У ҳақида ўйлаб кўринг. Ҳаёт – бу ҳамма нарса. У соғлик, ўшиш, бардамлик, тетиклик, кувват ва кучнинг барча жиҳатларини ўз ичига олади. Ҳаёт Руҳида ўлим сояси ҳам, касаллик ҳам, ожизлик ҳам, чарчаш ҳам, толиққанлик ҳам, чириш ҳам, парчаланиш ҳам – ўлимнинг кичкинагина аломати ҳам йўқдир.

Ҳаёт Руҳи яратилиш вақтида бор бўлиб, ернинг ҳар бир соҳасига ҳаёт берган. Халқаро хизматчи ва хушхабарчи Лестер Самралл бу сўзларни тасдиқлайди:

«Ёзувнинг бошида Ибтидо китоби 1:2 да Муқаддас Руҳнинг ҳаракатини кўрамиз. Диккатга сазовор томони шундаки, Муқаддас Ёзувнинг биринчи саҳифаси ва иккинчи оятининг ўзиёқ Муқаддас Руҳнинг ҳаракатини кўрсатмоқда. У тартибсизликдан коинотни, гўзалликни ва жозибани шакллантирди. Ер шаклсиз ва бўш-бўш эди. Худо Ўзининг ижодий нодир асари билан шуғулланди, Руҳ Унга ёрдам бериб ҳаракат қилди. Худонинг Руҳи сув устида учиб юрар эди ва коинот бўшлиқдан шаклланди».

Сиз ҳаётингизнинг қаерида бўшлиқни ва тартибсизликни кўраёпсиз? Гўзаллик, тартиб ва озодлик олиб келиш учун қаерда сизга ҳаётнинг Муқаддас Руҳи керак? Ибодат қилинг ва Ундан сизга йўл кўрсатишини сўранг. Бу соҳаларни Унга ибодатда бўйсундиринг. У яратилиш жараёнида қандай қилиб тартиб ўрнатган бўлса, худди шундай қилиб тартиб ўрнатишини

Ундан сўранг.

Филиппиликлар 4:6–8; 1 Петъор 5:7; Сано 36:4–6 ни ўқиб чиқинг.

Доимий колоқликдан чарчадингизми? Ҳаёт Руҳи сизни Ўз кудрати билан мустаҳкамламоқчи. Сиз У билан вақт ўтказганингизда ва Уни таниб- билганингизда, У сизни куч билан янгилайди. Худонинг ушбу кучли ваъдалари устидан фикр юритинг:

Наҳот билмасанг? Наҳотки, ер юзининг худудларини яратган мангу Раббий Худо чарчамаслигини ва ҳолдан тоймаслигини эшитмаган бўлсанг? Унинг онгини ўрганиб бўлмайди. У чарчаганга (қўпаядиган ва жуда ҳам ортиб борадиган) куч беради ва ҳолдан тойганининг қувватини оширади.

–Ишаъё 40:28,29, кенгайтирилган таржима.

Агарда Исони ўликлардан тирилтирган тирик ва ҳар жойда ҳозир бўлувчи Худонинг Руҳи сизларда жо бўлса, унда У Исода нима қилган бўлса, худди ўшани сизда амалга ошириб, сизни ҳам Ўзи учун тирилтириши аниқ эмасми? Худо сизнинг ичингизда яшаётганида ва сизга нафасни пуфлаганида (У Исода амалга оширганидек, буни албатта амалга оширади) ўша ўлик ҳаётдан озод бўласиз. Сизларда бўлган Унинг Руҳи билан сизларнинг баданларингиз Исонинг баданидек тирик бўлади.

– Римликлар 8:1, The Message таржимаси.

Мени қўллаб-қувватлаётган Исо Масихда менда ҳар қандай ишни қилишга куч бор (мен ҳар қандай нарсага тайёрман, мени ички куч билан Тўлдираётган

орқали мен ҳеч нарсага таслим бўлмайман.

– Филиппиликларга 4:13, кенгайтирилган таржима.

Муқаддас Руҳ бу оятлар орқали сизга нималар демоқда? Ибодатни ёзиб қўйинг, Ҳаёт Руҳидан сизни ички қуч билан тўлдиришини ва Исо ерда юрганида бўлгани каби тирик қилишини сўранг.

Бундан кейин ўрганиш учун:

Ибтидо 1:2; Неҳемиаҳ 9:6; Ишаёё 40:12–15;
Санолар 8:4–9; 103:24–30; Аюб 33:4.

БИЗ УНГА ТЎЛИҚ ТОБЕ БЎЛИШИМИЗ КЕРАК

*«Сен қудрат билан ёки куч билан енга олмайсан, балки
Руҳим билан енгасан», - дейди Қўшинлар Худованди.*

–Захариаҳ 4:6, NLT таржимаси

Худонинг Ўғли Исо Масиҳ Отанинг Руҳи, Муқаддас Руҳга тўлиқ тобе бўлган. Унинг она қорнида пайдо бўлишидан, қайта тирилгунича Ундаги бўлган ҳамма нарса Руҳ ишининг натижаси бўлган. Ёзув дейди:

У Руҳ томонидан она қорнида пайдо бўлган эди – **Матто 1:20; Луқо 1:31-35;**

У Руҳ томонидан бошқарилган эди – **Матто 4:1; Луқо 4:1;**

У Руҳ томонидан кучга тўлдирилган эди – **Луқо 4:14, 18,19; Юханно 3:34;**

У Руҳ томонидан ўргатилган ва Унга итоаткор эди - **Юханно 5:19, 20, 30; 14:10.**

Бунга Исо жавоб бериб, яҳудийларга деди: «Сизларга ростини айтаман, Ўғил Ўз- Ўзидан ҳеч нима қила олмайди. У Отасининг нима қилаётганини кўрса, фақат ўшани қила олади. Аслида, Ота нима қилса, Ўғил ҳам худди шуни қилади. Ота Ўғилни севади ва Унга Ўзи қилаётган ҳамма нарсани кўрсатади... Мен Ўз -Ўзимдан ҳеч нима қила олмайман. Қандай эшитсам, шундай ҳукм қиламан ва Менинг ҳукмим ҳақдир, чунки Ўзимнинг хоҳлаганимни эмас, балки Мени Юборганинг хоҳлаётганини бажаришига ҳаракат қиламан».

– Юханно 5:19, 20,30 GW таржимаси

Юҳанно Хушхабарининг бешинчи бобидаги Раббий Исонинг тобелик декларацияси (юкоридаги) устидан диққат билан фикр юритинг. Муқаддас Рух Раббий Исонинг У билан ўзаро муносабатлари ҳақида сизга нимани очмоқда? Сиз даъватни ҳис қиляяпсизми? Рухланишни ҳис қиляяпсизми?

Ҳаворийлар 5:32; Римликларга 8:16; Галатликларга 4:6; 1 Юҳанно 3:24 ва 4:13ни ўқиб чиқинг. Муқаддас Рух ва бизнинг У билан ўзаро муносабатларимиз ҳақида қайтарилаётган иккита қандай ҳақиқатни билиб олмақдасиз?

Галатия жамоатидаги биринчи имондилар каби, биз ҳам Муқаддас Рухга нақадар муҳтож эканлигимизни гоҳида унутиб қўямиз. Галатликларга мактуб (3:2-9) ва Луқо Хушхабари (11:13)ни ўқиб чиқинг. Муқаддас Рухдан доимо ёрдам олиш мумкинлигини билиб, сиз қандай сабоқ чиқарган ва ҳаётингизда қўллай олган бўлар эдингиз?

У СИЗНИНГ АБАДИЙ ДЎСТИНГИЗДИР!

*Мен Отамдан илтижо қиламан ва У сизларга бошқа
Дўстни беради, токи У доимо сизларнинг ёнингизда
бўлсин. Бу Дўст – ҳақиқат Рухидир.*

–Юҳанно 14:16, 17, The Message таржимаси

Муқаддас Рух сизнинг энг яқин дўстингиз бўлишни истайди. У ҳар доим сизнинг ёнингизда, бир кеча-кундузда йигирма тўрт соат, ҳафтада етти кун сизнинг абадий Ёрдамчингиз бўлишни истайди. Ёзув дейди: «У бизнинг ичимизга жойлаштирган Рух бизга ташна бўлмоқда, У рашкли севги билан Рухнинг (қабул қилиши) га ташна бўлмоқда» (Ёқуб 4:5, кенгайтирилган таржима).

Муқаддас Рух бидан ҳақиқий дўстлик бебаходир. Унинг ҳузури ва кучи - ҳеч нарса тенг кела олмайдиган абадий қониқишни беради. Раббий Исо Муқаддас Рух ҳақида сўзлаб: «Мен унга берадиган сувни ичадиган эса абадий ташна бўлмайди. Аммо Мен унга берадиган сув унинг ичида абадий ҳаёт томон оқаётган сув манбаига айланади» (Юҳанно 4:14). Хушxabарчи ва ўқитувчи Р.А.Торрей ушбу оятлар устидан фикр юритиб шундай деган:

«Бу ерда сув Муқаддас Рухни англатади. Дунё бизни қониқтира олмайди. Ҳар бир дунёвий кувонч ҳақида шундай дейилиши керак: «Бу сувдан ичган киши, яна чанқайди». Бироқ Муқаддас Рухда жоннинг ҳар қандай истагини қондирадиган куч бор. Муқаддас Рух ва фақатгина У инсоннинг юрагини қондира олиши мумкин. Агар сиз ўзингизни Муқаддас Рухнинг оқими ва булоғининг остига қўйсангиз, сиз ортиқ ҳеч қачон чанқамасиз. Оҳ, қандай таърифлашга тил ожиз кувонч билан ва тасвирлаб бўлмайдиган қониқиш би-

лан Муқаддас Рух Ўзининг тирик сувини кўпчилик жонга қуймоқда. Сизнинг ичингизда бу тирик фаввора борми? Сизнинг булоғингиз тозаланганми? У абадий ҳаётга оқмоқдами?».

Р.А.Торрейнинг: «Менинг ичимда бу тирик фаввора борми? Мен Рухнинг тасвирлаб бўлмайдиган қониқишини ҳис қиламанми? Агарда йўқ бўлса, унда нима учун?», - деган саволлари устида фикр юритинг. Сўнгра Муқаддас Рухдан ҳар куни ва табиий равишда Унинг дўстлигига ўзингизни топширишингиз учун нима қилишингиз кераклигини кўрсатишини сўранг. У сизга очадиган ҳамма нарсани ёзиб боринг.

(Муқаддас Рух бўлмиш) Раббийнинг қаршисида тинчланг. Ундан сизга Ўзини очишини– сиз учун аввалгидан кўра воқероқ бўлишини сўранг. Сизга Унинг севгисини, қабул қилинишни ва тинчликни қуйишини Ундан сўранг. Шошманг. Уни сукунатда кутинг ва Унинг Худо эканлигини англаб етинг. У сизга айтадиган ҳамма нарсани ёзиб қўйинг.

Сиз Муқаддас Рухда ўз-ўзингизча бўлиш учун озодсиз. У сизнинг ичкаридан қандай ва ташқаридан қандай эканлигингизни биледи. Агар сиз гўё ўзингизни йўқотиб қўйгандек ҳис қилаётган бўлсангиз, У сизга қаерда эканлигингизни аниқ кўрсатиши мумкин. У ҳар доим сизни қўллаб, руҳлантириб ва ўргатиб сизнинг ичингизда бўлади. Истаган вақтингизда Унинг олдида келинг. Уни чарчатиб ёки

тинка -мадорини куришиб кўя олмайсиз. У сизнинг энг яқин дўстингиз!

Ибодат

Муқаддас Рух, Сенинг Кимлигинг ҳақидаги менинг тушунчамни кескин равишда кенгайтгин. Менга Сенинг хулқ-атворингни ва менинг Ёрдамчим сифатидаги ролингни аввалгидан кўра яхшироқ кўришимга ёрдам бергин. Сенинг ҳузурингни, кучингни ва менинг ҳаётимдаги овозингни ҳеч қачон чегараламаслигим учун менга ёрдам бергин. Мен бу ҳақида ўзим учун, оилам учун ва Сенинг барча жамоатларинг учун ибодат қиламан. Раббий Исо номи билан, Омин.

МУНОЗАРА УЧУН САВОЛЛАР

Агар сиз бу китобни «Хабарчи» хизматидан Муқаддас Рух ҳақидаги материалларнинг бир қисми сифатида ўқиётган бўлсангиз, унда марҳамат қилиб, 1- видео дарсни кўринг.

- 1 | Муқаддас Рухсиз бизнинг масиҳий ҳаётимиз курук, ҳамиша бир хил ва кучсиз бўлиб қолади. Шундай қилиб, бизнинг ҳаётимиз Муқаддас Рух билан қандай бўлиши лозим? Имкони борича кўпроқ ижобий намоишларни ва соҳаларни айтинг.

Раббий Рухдир; Раббийнинг Рухи бор жойда озодлик бор.

–2 Кор. 3:17

- 2 | Муқаддас Рух – бу қандайдир «нарса» эмас, бу қандайдир ақл бовар қилмайдиган илоҳий куч эмас. У Учликнинг, Ота Худонинг ва Ўғилнинг тўлиқлигини олиб юрувчи Шахсдир. Биз Муқаддас Рухни гўёки У «нимадир» ёки «қандайдир сирли куч» деб тасаввур қилишимизнинг натижаси қанақа? У қандай бўлса биз Уни худди шундай: мутлақ Худо сифатида кўришимизнинг ижобий ҳосиллари қанақа?
- 3 | Муқаддас Рухнинг иштироки биринчи имонлилар орасида одатга айланган эди, бироқ бугун имонлилар орасида у анча камдир. Сиз нима деб ўйлайсиз, қанақа сабаблар билан биз бугун Худо Рухининг бошқаруви ва қудратли таъсиридан роҳатланишдан, Унинг йўналишини излашдан ва Унга тобе бўлишдан тўхтадик?
- 4 | Раббий Исо Шахс сифатида ҳозир қаерда? У имонли одамнинг юрагида яшайдими? Нажотимизни ва Худо қандай қилиб одамнинг юрагини Ўзининг уйи қилиши

ҳақидаги сирни қандай қилиб яхши ва янада аниқроқ қилиб таърифлаб бериш мумкин?

Етакчилар: Ўз гуруҳингиздан Марк 16:19; Ҳаворийлар 1:9–11; 7:55, 56; Римликларга 8:34; Колосаликларга 3:1; Ибронийларга 10:12, 13ни саволнинг биринчи қисми учун ва Римликларга 8:9, 10; 1 Коринфликларга 3:16; 6:19; 1 Юҳанно 3:24ни қолган қисм учун ўқиб чиқишларини сўранг.

Исо унга жавоб бериб деди: «Ким Мени севса, Менинг амрларимга риоя қилади ва Менинг Отам уни севади. Бизлар унинг олдига келамиз ва унда маскан яратамиз».

– Юҳанно 14:23

- 5 | Бизнинг Худойимиз Раббий биттадир, лекин У учта аниқ бир-биридан фарқланадиган киёфага – Ота, Ўғил ва Муқаддас Рухга эгадир. Учликнинг ҳар бир аъзосининг асосий вазифаларини ва улар Худонинг иродасини бажариш учун биргаликда қандай ишлашларини таърифлаб беринг.

Етакчилар: Ўз гуруҳингиздан 1 Коринфликлар 12:5-7ни, шунингдек, Ибтидо китобининг 1-бобидаги дунёнинг яратилиш жараёнининг баёнини ва Юҳанно 5:17, 19, 20даги Раббий Исонинг сўзларини ўқишларини илтимос қилинг.

Ота Худонинг Рухи = Масих Рухи = Муқаддас Рух

- 6 | Раббий Исо Муқаддас Рух бизнинг «parakletos»имиз эканлигини айтган. Бу шуни англатадики, У «ҳар доим биз билан бирга бўлишга, бизни ўргатишга, Худо билан ҳар қуни вақт ўтказишимизда бизни бошқаришга даъват этилган». Қай тарзда бу билимлар бизнинг У билан кундалик мулоқотларимизда бизни қўллаб-қувватлайди ва руҳлантиради?
- 7 | Муқаддас Рухнинг Шахсида сиз илгари кўрмаган қандай янги хусусиятларни энди кўраяпсиз? У нақадар сизнинг кўзларингизни очмоқда ва У ҳаётингизда Ким эканлиги ҳақидаги билимингизни бойитмоқ.

БОБ ҲАҚИДА ҚИСҚАЧА МАЪЛУМОТ

- Муқаддас Рух – Ота Худо ва Ўғилнинг тўлиқлигини ўзида мужассамлаштирган Учликнинг аъзосидир.
- У «нимадир», қандайдир ақл бовар қилмайдиган куч эмас, У – Худодир.
- У вақт ва масофа билан чегараланмаган. У бир вақтнинг ўзида сон-саноксиз одамлар билан мулоқот қила олиши ва ёрдам бера олиши мумкин.
- У биринчи имонлиларнинг ҳаётига жуда чуқур кириб борган ва У бугун ҳам ҳаётимизнинг ҳар бир соҳасига иштирок этишга чанқоқдир.
- Усиз умуман масиҳийлик ҳаёти йўқдир, лекин Унинг ажойиб дўстлигини қабул қилганларга мўл-кўлчиликка ва саргузаштларга тўла ҳаёт келади.
- Уни шахсан таниб- билинг!

МУҚАДДАС РУҲНИНГ ШАХСИ

Раббимиз Исо Масихнинг ажойиб инояти, Худонинг чексиз севгиси ва Муқаддас Руҳнинг яқин дўстлиги сизларнинг ҳаммангиз билан бўлсин. Омин.

–2 Коринфянам 13:13, The Message таржимаси.

1-кун

Бошқа бир одам билан яқин муносабатларга киришиш учун, биринчи навбатда биз унга яқинлашишимизнинг сабабини тушуниб олишимиз керак. Биз бу одамнинг нимани яхши кўриши, нимани ёқтирмаслиги, нимага интилаётганлиги ҳақида нақадар кўп билсак, чуқур дўстлик шу қадар кучли ривожланади. Худди шундай, агар биз Муқаддас Руҳ билан яқин муносабатлар куришни истасак, биз аввало Унинг шахсини тушунишга ҳаракат қилишимиз керак.

Биз энди олдинги бобдан англаганимиздек, Раббий Исо Ўз шогирларига эсанкиратиб кўядиган хабарни айтди: «Менинг кетганим сизлар учун яхшидир, чунки агар Мен кетмасам, Юпатувчи сизларга келмайди...» (Юх. 16:7). Бу Ўша бир куни: «Мен оғзимни масалларда очаман, дунё яратилишидан буён яширин бўлган нарсаларни сўзлайман», -деб айтган Раббий Исонинг Ўзидир (Мт. 13:35). Бу дунёда яшаган барча Устозлардан энг буюги, дунё яратилишидан буён мавҳум бўлган сирларни очган Шахс Исо Масих - Ўзининг яқин дўстларини жисмоний мавжуд бўлган Раббий Исонинг Ўзи эмас, балки Худонинг Руҳи улар учун ва келажак авлодлар учун энг аъло хамроҳ бўлишига ишонтиришга ҳаракат қилмоқда.

О-хо! Сизларни билмадим-у, бироқ бу мени Муқаддас Руҳни

янада кўпроқ хоҳлашга мажбур қилмоқда.

Келинг, Муқаддас Ёзувдаги Коринфликларга иккинчи мактубдаги оятдан бошлаймиз (13:13). Повул демоқда:

Раббий Исо Масиҳнинг инояти, Отамиз Худонинг севгиси ва Муқаддас Рухнинг мулоқоти сизларнинг ҳаммангиз биландир. Омин.

Повул Худонинг ҳар бир Шахсининг ўзига хос хусусиятларини таъкидламоқда. У «Исо Масиҳнинг инояти»дан бошламоқда. Бизлар имонлилар сифатида шуни унутмаслигимиз керакки, Муқаддас Рух билан ажойиб муносабатларнинг бурчак тоши бўлмиш Худонинг қаршисидаги бизнинг ҳақлигимиз – Раббимиз ва Нажоткоримиз Исо Масиҳнинг иноятисиз бўлмаган бўлар эди. Бу иноятни ишлаб топишнинг ёки унга хизмат қилиб сазовор бўлишнинг иложи йўқдир. Бу кечиримни, сотиб олинишни ва кучни ўз ичига олувчи Унинг ҳаётининг буюк инъомидир.

Повул яна давом этади: «... ва Худонинг севгиси». Мен барча тўрттала ўғилларимни қанчалик яхши кўришим ҳақида ўйлаганимда, фақат уларнинг биттаси билангина ҳаётни тасаввур қила олмайман. Бироқ, ҳаттоки, менинг фақат битта ўғлим бор ва мен уни ўз душманларим учун ўлимга топширишим керак деган фикрнинг ўзигина мен учун жуда оғирдир. Ахир биз Худо Ўзининг ягона Ўғлини биз учун берганида, ҳақиқатан ҳам Худонинг душманлари эдик-ку! (Рим. 5:10га қаранг). Қандай буюк севги! Самовий Ота сизни севишидан наҳот хурсанд бўлмасангиз? Илгари сиз Унинг душмани бўлгансиз, энди эса, сиз Унинг фарзандисиз. У сизларга Ўз севгисини нақадар кўп куяди. У сизни ўзгача ва бутунлай Ўзининг шахсий одамидек севади.

Мен ўз болаларимни бениҳоя кадрлайман, шунга қарамасдан, менинг уларни севиш ва улар билан завқланиш қобилиятим Худонинг бизларга бўлган севгисидан анча узоқдир. Унинг Сўзи демоқда: «Чунки мен аминман: на ўлим,

на ҳаёт, на фаришталар, на ҳокимиятлар, на кучлар, на ҳозирги, на келажакдаги нарсалар, на баландлик, на чуқурлик, на бошқа бирон мавжудот бизни Раббимиз Исо Масихдаги Худонинг сивгисидан ажратишга қодир эмас» (Рим 8:38-39). Нақадар ажойиб ваъда! Наҳотки сиз Отанинг сивгисидан сизни ҳеч ким ажратишга қодир эмаслигидан миннатдор эмассиз?

Келинг, энди бу Повулнинг Коринф жамоатига охириги мактуби эканлигини ёдда тутиб, (2 Кор. 13:13) оятнинг иккинчи қисмига қараймиз. Бу (хат кўринишида ёзилган) мактуб ўзига хос донолик ва ваҳийларга тўла. Повул Муқаддас Руҳнинг бошқарувида ушбу чуқур мазмунли мактубнинг хотимасида нимани танлаяпти? «*Муқаддас Руҳнинг мулоқоти сизларнинг ҳаммангиз биландир*». Повул «мулоқот» сўзини Муқаддас Руҳ билан боғлаётганига эътиборингизни қаратинг. Мен католик жамоатида улғайганман ва шунинг учун «мулоқот» (ингл. *communion* – «дахлдорлик»). - Таржимоннинг изоҳи) сўзини талаффуз этиб, нон ва винони тасаввур қилар эдим. Шак-шубҳасиз, Повул бу ерда Раббийнинг кечлиги ҳақида гапирмаяпти. Демак, «Муқаддас Руҳнинг мулоқоти» нимани англатади? Агар юнонча матннинг асл нусхасига қайтсак, «мулоқот» юнонча *κοινωνία* билдиришини кўришимиз мумкин. Мана, бу сўзнинг мен топган бир қанча таърифлари: дўстлик, ўртоқлик, мулоқот, яқин танишув, қалин ўзаро алоқа, ижтимоий алоқа, ҳамкорлик, умумий иштирок ва яқин ўзаро кўмак.

Бу узун ва катта рўйхат. Юқорида санаб ўтилган таърифларни учта тоифага бўлишга менга рухсат берсангиз:

- дўстлик
- ҳамкорлик
- яқинлик

МУЛОҚОТ ДЎСТЛИКНИ АНГЛАТАДИ

Менинг луғатим дўстликни «дўстлар ўзларида бор бўлган ҳамма нарсани ўзаро баҳам кўрадиган дўстона, улфатона муносабатлар» деб ифодалайди. Яқин дўстлар ва ўртоқлар дўстона муносабатларда бўлишади. Улар ўзларида бўлган ҳамма нарсани бўлишадилар, бир-бирлари билан суҳбатлашадилар ва бир-бирларининг ҳаётларида нима содир бўлаётганини биладилар.

Айтиб ўтганимдек, менга гольф ўйнаш жуда ҳам ёқади. Одатда, мен ўйнаш учун ўзимнинг яқин дўстларимни таклиф қиламан. Биз бутун бир раундни суҳбатлашиб ўтказиб юборамиз. Дўстлар билан яхши вақт ўтказиш учун бу янги яхши вазият, чунки кўп нарсалар бизларнинг фикримизни ўғирлай олмайди. Қачонлардир коллежда менга теннис ўйнаш жуда ҳам ёқар эди, бироқ муаммо шундаки, теннис кортида рақибингиз билан мулоқот қилишнинг имкони йўқ. Рақиблар билан мулоқот қуриш имконияти борлиги туфайли гольф ўйинини биринчи навбатда яхши кўраман. Бошқа жойларга қараганда майдонда одамлар билан анчагина кўпроқ яқин муносабатлар қуришга муваффақ бўламан. Айнан ўша жойда менинг «мулоқотим» амалга ошади. Балки, энди сиз нима учун мен хотинимни у ерга тортишни ҳақиқатан ҳам исташимни тушунаётган бўлсангиз керак, чунки бутун ер юзиде менга ҳамроҳ бўлишини мен кўпроқ истайдиган бошқа одам йўқ.

Менинг энг яқин дўстларимдан бири – бу «Messenger International» гуруҳи аъзоларидир. Биз ўз идеалларимизни, таклифларимизни ва топшириқларимизни мунтазам муҳокама қиламиз. Мен уларнинг тажрибасига ва дўстлигига жуда ҳам кучли ишонаман. Бу ажойиб аёл ва эркакларсиз мен бугун қаерда бўлишим мумкин бўлганлигини ҳам билмайман. Биз кўпинча биргаликда вақт ўтказамиз, бу доимий мулоқотсиз «Messenger International» хизматининг мақсади: ўргатиш, эришиш ва кутқариш -имконсиз бўлар эди.

Муқаддас Ёзувдан аниқ равшанки, ҳаворийлар Муқаддас Руҳнинг мулоқотига тўлиқ тобе бўлганлар. Ҳаворийлар китобида ёзилган: «Мана, мен энди Руҳга банди бўлиб, Иерусалимга бораяпман. У ерда мен билан нима юз беришини билмайман. Бироқ мени кишанлар ва қайғулар кутаётгани ҳақида Муқаддас Руҳ барча шаҳарларда гувоҳлик бераяпти» (Ҳав. 20:22-23). Повул Муқаддас Руҳ билан уни олдинда нималар кутаётгани ҳақида гаплашди. Эътибор беринг, унга Муқаддас Руҳ кишанлар ва қайғулар уни кутаётганини қандайдир *битта* шаҳарда айтмади. Тўғрироғи, Муқаддас Руҳ билан доимий мулоқоти туфайли, Повул уни синовлар кутаётганини *барча* шаҳарларда билар эди.

Сизларни билмадим-у, лекин агар менинг ҳамкорим, мен яқиндан суҳбатлашадиган одам мен қаерга бормайин ҳамма жойда мени қайғулар кутаётганини доимо менга айтса, балки мен ундан шубҳаланишни бошлаган бўлар эдим. Тухминан шундай деган бўлар эдим: «Сен нима, ўйлаб кўрдингми?», «Балки келажакни осонгина ўзгартириш имкони бордир?» ёки «Қайғуларнинг ўрнига енгилгина ноқулайликларга нима дейсан?» Муқаддас Руҳ Повулнинг қайғуларидан хурсанд бўлмаган, тўғрироғи У Повулни уни олдинда кутаётган нарсага тайёрлаган. У Повулни тайёрлай олади, ахир уларни мустаҳкам дўстлик мулоқоти боғлаб турган.

Муқаддас Руҳ мен эшитишни хоҳламаган нарсани менга айтган вақтлари ҳам бўлган. Мен (қандайдир яхшироқ нарса эшитиш умидида) Ундан айнан ўша нарса ҳақида сўрашни давом эттирар эдим, лекин кундан-кунга худди ўша биргина жавобни олар эдим. Биз Муқаддас Руҳ билан шу тарзда мулоқот қилганимизда, У ахийри гапиришдан тўхтади, бу билан гўёки у бизларга дейди: «Мен сенга аллақачон аниқ қилиб кўрсатдим, Менинг йўналишимни қабул қилиш ёки қабул қилмасликни - энди сен танла. Муқаддас Руҳ билан яқин дўстликка эга бўлиш – У сиз эшитишни хоҳламайдиган нарсани айтадиган даврни бошдан кечиринг деганидир. Ҳаворийлар китобининг 10-бобида

Петъор Муқаддас Рухдан бундай йўналишни қандай олганини кўришимиз мумкин. Худо Петъорга Худонинг мажусийларга ҳам нажот бериш истагини очувчи ваҳийни берди. 19-оятда шундай ёзилган: «Мана, уч киши сени изламоқда». Бу одамлар Петъорни мажусий юзбошининг уйига кузатиб қўйиш учун келдилар, Петъорнинг ўзи содик яхудий сифатида бекордан-бекорга у ерга бормаган бўлар эди. Шу сабабли, Муқаддас Рух аниқ қилиб унга: «Ўша ерда, пастда сени меҳмонлар кутмоқда. Сени уларнинг олдига чиқишингни истайман. Сен Менга бу топшириқ учун кераксан». Петъор бундай хабарни эшитиб хурсандчиликдан сакрамаслигини Муқаддас Рух билар эди, У унга қандайдир кейинги кўрсатмаларни бермасдан, нима қилиш кераклигини айтди.

Икки боб аввал Муқаддас Рухга тўлиқ умид қилишнинг яна бир мисоли келтирилган. «Филипга эса Раббийнинг фариштаси: «Ўрнингдан тур ва жануб томонга, Иерусалимдан Ёзага борадиган сахро йўлига бор!»- деди» (Ҳав. 8:26). Биз бу ерда Филипга кўрсатма бераётган Раббийнинг фариштасини кўраяпмиз. Бу ерда Филипга фаришта намоён бўлди дейилмаяпти, бироқ: «Филипга Раббийнинг фариштаси деди», -деб ёзилган. Ҳар бир таржима бу тафсилотни тасдиқлайди. Нима учун бу фарқ шу қадар муҳим? Берилган парчадан биз шунини тушунамизки, Филип фариштанинг овозини ва Муқаддас Рухнинг овозини ажрата олган, чунки ушбу бобнинг давомида шундай ёзилган: «Рух Филипга: «Унга яқинлашиб, шу аравага қўшилгин!»- деди» (Ҳав. 8:29). Муқаддас Рухнинг овози Филипга шу қадар таниш бўлганки, у Унинг овозини фариштанинг овозидан фарқлай олди!

Мен хотинимнинг овозини шунчалик яхши биламанки, хаттоки, уни кўрмасдан туриб ҳам, кўпгина бошқа овозларнинг орасида унинг овозини таний оламан. Биз одамлар билан тўла бинонинг ҳар хил томонларида бўлишимиз мумкин, лекин у гапирганида, ўнлаб бошқа овозларнинг орасида унинг овозини ажрата оламан. Биринчи масиҳийлар Муқаддас Рухнинг

овозини шу қадар яхши билганлар. Луко Ҳаворийлар китобини ёзаётганида, Филип унга қандай айтиб турганини тасаввур қиламан. Филип дейди: «Йўқ, Луко, ўша шаҳарда менга гапирган овоз Руҳнинг овози эмас эди. Бу фаришта эди. Бирок айнан Руҳ менга ўша аравага қўшилиб олишимни айтди». Унинг овози бизга шунчалик яхши танишми? Руҳ билан янада кучлироқ яқинлик бор-у, лекин биз ҳали уни билмаслигимиз мумкинми? Филип саҳрода бўлганида, Муқаддас Руҳ унга аниқ бир аравага қўшилиб олишни айтди. Нима учун бу учрашув шунчалик муҳим? Аравадаги ўша жаноб бутун Эфиопияда учинчи шахс эди. Унинг таъсири ва ҳокимияти шарофати билан Эфиопия нажотга келиши учун унинг мамлакатада хушxabар тарқала бошлади. Агар Филип Руҳнинг бошқарувига шундай сезгир бўлмаганида эди, у буюк имкониятни қўлдан бой берган бўлар эди.

Бир неча бобдан сўнг, Тимўтий, Повул ва Сила иштирокидаги воқеа таърифланади:

Сўнг Фригия ва Галатия *юртларидан* ўтгач, уларга Муқаддас Руҳ томонидан Асия *юртида* Сўзни воизлик қилиш ман этилди. Мисиягача етиб борганларида, Битинияга боришга уриндилар, аммо Руҳ уларга ижозат бермади (Ҳав. 16:6-7).

Эътибор беринг, «Муқаддас Руҳ томонидан ман этилди» ва «Руҳ уларга ижозат бермади».

Сиз биринчи масихийлар Муқаддас Руҳ билан қанчалик кўп мулоқот қилганликларини энди тушунаётгандирсиз? Наҳотки бугун бошқача бўлиши керак? Раббийга хизмат қилиш учун бизда Муқаддас Руҳдан яхшироқ восита борми? Ёки биринчи жамоатнинг етакчилари замонавий технология етишмаганлиги туфайли оддий усуллардан фойдаланганларми? Албатта йўқ. Технология ҳам, усуллар ҳам Муқаддас Руҳнинг овозини ҳеч қачон боса олмайди.

Ушбу етакчилар Муқаддас Руҳ уларнинг ҳаётида жадал

иштирок этишини кутганлар, Унинг ҳузурини ҳурмат қилганлар ва Уни таклиф қилганлар. Ҳеч нима ўзгармаган. Муқаддас Рух бугун ҳам сизлар билан худди шундай яқин мулоқотда бўлиб юришни истайди.

Биз Лиза билан бир-биримизга бирорта ҳам сўз айтмасдан, уйимизда соатлаб биргаликда вақт ўтказишимизни тасаввур қила оласизми? Тасаввур қилиш қийин. Ким бундай никоҳга эга бўлишни истайди? Мен хотинимни севаман ва унинг ёнида бўлишни жуда ҳам хоҳлайман. Мен уни эшитишни ёқтираман, унинг овозининг оҳанги – менинг кулоқларим учун мусикадир. Биз турмуш қурганимизга ўттиз йилдан ошди, лекин у турмушга чиқмаган бўлганида эди (Худога шукур, у турмушга чиққан), мен унга тинчлик бермаган бўлар эдим. Ер юзидаги барча одамлар ичидан, ҳаммадан ҳам кўпроқ бирга бўлишни хоҳлайдиганим- шубҳасиз удир. Худди шундай, Муқаддас Рух биз билан қалин муносабатда бўлишни истайди.

Йигирма тўрт йилдан буён сафарларим вақтида ҳар хил меҳмонхоналарда тўхтаيمان ва ҳеч қачон менга зерикарли бўлмаган. Агар ҳар бир сонияда Худо билан бирга бўлсам, қандай зерикишим мумкин? Ҳар бир меҳмонхонанинг хонасида У мен биландир. Айнан шунинг учун меҳмонхоналардаги вақтимни кадрлайман. Баъзида, ўз гуруҳим билан вақт ўтказишни хоҳламаслигимни айтаман, чунки Муқаддас Рух билан ёлғиз қолишни истайман. Мен Унинг гапиришини эшитишни яхши кўраман. Мени нотўғри тушунманг, мен одамлар билан ҳам вақт ўтказишни яхши кўраман, ҳақиқатан ҳам менга одамлар билан бирга бўлиш жуда ҳам ёқади. Мен асло дарвеш ва тарки дунё қилган одам эмасман. Мен одамлар жамоасини жуда ҳам яхши кўраман, лекин шу билан бирга, Муқаддас Рух билан (мулоқот) вақтимни жуда ҳам кадрлайман.

2- кун

МУЛОҚОТ ҲАМКОРЛИКНИ АНГЛАТАДИ

Ҳамкорлик – бу «κοινωνία» сўзини таърифлаш мумкин бўлган яна бир сўздир. Ҳамкорликнинг мисоли Луко хушхабариди бор: «Шундай қилганларида, улар жуда кўп балиқ овладилар, ҳатто тўрлари йиртилиб кетди. Улар бошқа қайиқдаги шерикларига ёрдам беришлари учун имо-ишора қилдилар. Улар келиб, иккала қайиқни шундай тўлдирдиларки, ҳатто чўка бошладилар». Юнонча: «ҳамкорлар» сўзи – *metochos* («κοινωνία» сўзининг синоними) – «иш бўйича ҳамкор, шерик, ўртоқ» деган маъноларни англатади (1 Кор. 3:9). Ахир бу ҳайратланарли эмасми? Менга бу сўзнинг Уэймаут таржимасидаги таърифи ёқади: «[Биз] Худо учун ва Худо билан ҳамкорлармиз». Бизга Яратувчи учун ва еру-осмонни Яратган билан бирга ишлаш имкони берилгандир. Бошқа сўз билан айтганда, биз Худо билан ҳамкорликда ишга киришамиз. Қандай ажойиб таклиф!

Ҳақиқий ҳамкорлар ҳар доим бир-бирлари билан бир оқимда бўлишади. Мен Мичиган кўли яқинида катта бўлганман. Елкан остида юриш ўша ердаги ҳаётимнинг катта қисмини эгаллаган. Бизнинг оилавий қайиғимиз менга жуда ҳам ёқар эди, мен икки йил мактабда елканли қайиқда сузиш маҳоратини ўрганганман ва ҳаттоки, мусобақаларда иштирок этганман. Илк пойғалардан бирида, мендан таниқли бир капитан билан бирга ишлашимни илтимос қилдилар, унинг экипажи энг яхши экипажлардан бири ҳисобланар эди. Ҳамма мен учун хурсанд бўлди. Биринчи босқич пайтида мен ўзимни ортиқча ҳис қилдим. Капитан буйруқлар берар ва гуруҳ ҳаракат қилишни бошлар эди. Ҳар бир одам нима қилиши кераклигини аниқ билар эди, мен кемада ўз ўрнимни эгалладим. Бир томондан мен ниҳоятда бесўнақай эдим. Гарчи менга нима қилиш кераклигини айтган бўлсалар ҳам, менда ўз вазифамга оид маҳорат ва тажриба йўқ эди. Экипажнинг бошқа аъзолари уйғунликда ишлар эдилар, мен эса

ҳали буни ўрганишим керак эди.

Муқаддас Руҳ билан ҳамкорлик ҳам гуруҳнинг бир қисми бўлишни англатади. Сиз У билан ишлашингиз керак. Биринчи маротаба, мен аудитория қаршисида воизлик қилганимда, менинг хотиним ва унинг энг яқин дугонаси нақ биринчи қаторда ухлаб қолишган. Мен Руҳ билан битта тўлқинда бўлмаганман. Воизлик вақтида У билан ҳамкорликда бўлишни ўрганиш учун менга вақт керак бўлди. Китоб ёзиш соҳасида ҳам худди шундай бўлди. Мен ўзимнинг биринчи китобимни ёзишим жараёнида, Муқаддас Руҳ билан ҳамкорликда ишлашни ўрганганимча ҳафсаласи пирликка тўла бир йил керак бўлди. Аста-секин осон ва тезроқ ёзишни бошладим. Мен ҳар доим Унинг Ўзининг роли ва менинг ўзимнинг ролим борлигини ва У фақат шундай ишлашни истагини билиб олдим.

Ҳаворийлар китоби 15-бобда биз ҳаракатдаги ҳамкорликнинг унсурларини кўрамиз. Ҳаворийлар барча мажусий имонлиларга юбориш учун мактуб ёзадилар. Улар унда шундай дейдилар: «Чунки куйидаги зарур бўлганлардан бошқа ҳеч нарсани сизларга юкласлик Муқаддас Руҳга ва бизга маъқул бўлди» (Ҳав. 15:38). Биз ҳаракатдаги ҳамкорликни кўраёпмиз. Етакчилар муайян вазиятга нисбатан Муқаддас Руҳнинг ва ўзларининг шахсий қарашларини яққол ифодаладилар. Қарор қабул қилишда иккала томонлар ҳам иштирок этишди. Иккала томонлар ҳам ўз ролларига эга эдилар. Улар Шохликнинг ишида ҳамкор эдилар.

Ҳамкорликнинг худди ўша ғояси Эски Аҳдда ҳам кўринади. Худо эманзор ёнида Иброҳимнинг олдида Садўм ва Ғамўрани вайрон қилиш ҳақидаги Ўз режасини муҳокама қилиш учун келгани ёдингиздами (Ибтидо 18га қаранг)? Кўриниб турибдики, Худо Иброҳимни Ўзининг ҳамкоридек кўради. Улар ўрниларидан турадилар ва Худо унга йўлда шундай дейди: «Мен бу икки шаҳарни ер юзидан ўчириб ташлашни ўйлаётман. Иброҳим, сен бу ҳақида нима деб ўйлайсан?» (муаллифнинг парафрази). Иброҳим хавотир қилади, чунки унинг жияни ушбу шаҳарларнинг бирида яшайди. Жиддий фикрлашлардан сўнг,

охир оқибат у Худони, агар у ерда ўн нафар ҳақ киши топилса, бу шаҳарларни вайрон қилмасликка кўндиради.

Шубҳасиз, Худо Иброҳим тилга олган сабабларни кадрлайди. У ҳатто Ибтидо китоби (18:17)да: «Қиладиган ишимни Иброҳимдан яшираманми?» – дейди. Аниқ, Худо Ўз режасини амалга оширишни тезлатиш учун У Иброҳимнинг иштирокини хоҳлаган. Нима учун? Чунки Иброҳим Худо билан қалин муносабатда ёки ҳамкорликда бўлган.

Шунга ўхшаш мисол Мусонинг ҳаётида таърифланган. Худо Мусога: «Энди Мени ёлғиз қолдир, бу халққа ғазабим кўзғалади ва Мен уларни қириб ташлайман. Эй, Мусо, уларнинг ўрнига сендан буюк халқ яратаман»,-деди (Чиқиш 32:10). Мусо бу сўзларни эшитиб, Худони ғазабланмасликка ва Ўз режаларини ўзгартиришига кўндиришда давом этди. Бугун биз бу сўзларни уларга алоҳида аҳамият бермасдан осонгина ўқиймиз. Бироқ фақат ўйлаб кўринг: ҳаттоки Худо: «Мени ёлғиз қолдир», - деб айтганидан сўнг ҳам, Мусо Унинг учун ва Унинг халқи учун ҳамма нарсадан ҳам муҳим бўлган нарсани Худога эслатишга журъат қилди. Бу Мусо Худо билан қалин ҳамкорликда ишлаганлиги учундир. Бунинг устига, биз Худо – Қудратли эканлигини ва У ҳар доим бизнинг ҳурматимизга сазовор эканлигини эсда тутишимиз муҳимдир. Фақатгина Унинг инояти ва кучи билан биз Унинг ҳамкори бўлишга қодирмиз. У бизга Унинг буюк режасининг ва ниятининг бир қисми бўлишимизга руҳсат беришни танлади. Лекин бундай танлов орқали У қандай имконият берди!

Бу Эски Аҳддан икки буюк мисол, бироқ гап шундаки, бизда бор бўлган нарса Иброҳимда ва Мусода йўқ эди. Имоннинг бундай буюк намоёндалари Худонинг ҳамкорлари бўлишга қодир бўлганларининг аниқ пайтлари ва вазиятларидир. Бироқ бугун Муқаддас Рух бизнинг ичимизда бир кунда йигирма тўрт соат, ҳафтада етти кун яшамоқда. У эманзор ёнида бизнинг олдимизга келишини ёки У билан суҳбатлашиш учун Синай тоғига тиришиб-тирмашиб чиқишни кутиб ўтиришимизнинг

кераги йўқ. Бизда ҳар доим Унинг олдига кириш ҳуқуқи бор. Энг асосийси, Унинг Ўзи биз билан ҳамкорликда ишлашни – бизнинг қадамларимизни йўналтиришни ва бизнинг фикрларимизни эшитишни хоҳлайди.

Муқаддас Руҳ нафақат ҳар доим биз билан бирга, балки У яна ҳеч қачон ухламайди ҳам. Яқинда мен тонги соат 2:20да уйғониб кетдим ва ўтган кунги хизмат учун безовта бўлиб бошқа ухлай олмадим. Шунинг учун мен туриб, ўз Ҳамкорим билан суҳбатлашдим. Ва биласизми нима? У ухламаган эди. Ҳайратланарли! У: «Жон, нима учун Мени уйғотдинг?» –демади. Агар мен хотинимни уйғотганимда эди, у: «Жон, нима учун сенга мени бундай эрта тонгдан уйғотиш керак бўлиб қолди?» -деб айтган бўлар эди. Агар мен унга: «Азизам, мен шунчаки сен билан гаплашиб ўтирмакчи эдим», -деб жавоб берганимда эди, у менга ёстикни улоқтирган бўлар эди. У мизғишни яхши кўради, шунинг учун мен уни уйғотиш мумкин эмаслигини биламан (у ҳам маълум вазиятларда яхшиси мени уйғотмаслик кераклигини билади). Лекин Муқаддас Руҳ исталган соатда менинг улфатчилигимдан хурсанд бўлади. Унга келаётган кун ҳақида мен билан гаплашиш ёқади, баъзан У ҳаттоки нима бўлишини менга олдиндан кўришимга имкон беради. Мана, нима учун мен ҳар кунимни Унинг ҳузурида бошлашни ёқтираман. У менинг Ҳамкорим ва бизнинг мулоқотимиз менинг кунимнинг муҳим қисми ҳисобланади.

Муқаддас Руҳ – ушбу ўзаро муносабатларда бош Ҳамкор эканлигини қайд этиб ўтиш муҳим. Повул Эфесдаги етакчиларга: «Шундай қилиб, ўзингизга ва Муқаддас Руҳ сизларни назоратчи қилиб қўйган бутун подага диққат қилинлар, токи Худо Ўз қони билан қўлга киритган Унинг жамоатини боқинлар», -деб айтган. Эътибор беринг, Повул: «Исо сизларни назоратчи қилиб қўйган бутун подага», -деб айтмаган. Бу оят Раббий Исонинг Муқаддас Руҳ билан ҳамкорлигини аъло даражада кўрсатиб бермоқда. Раббий Исо Худонинг Жамоатини «Ўзининг қони» билан сотиб олди. Учликнинг аъзоси сифатида ҳозирги пайтда ер юзиде бўлган Муқаддас Руҳ Жамоатнинг назоратчиларини

тайинлайди ва барча ишларни бошқаради. У ҳамма нарса учун жавоб беради, ёки бошқа сўз билан айтганда, У бош Ҳамкордир. Муқаддас Рух – бу Ўша биз билан бирга ва бизнинг ичимизда бўладиган Зот эканлигини Повул яхши тушунган.

Яна бир шунга ўхшаш мисолни Ҳаворийлар китоби 13-бобда учратиш мумкин: «Улар Худога хизмат қилиб, рўза тутаётганларида, Муқаддас Рух уларга: «Менга Барнабо билан Шоулни Мен уларни даъват этган иш учун ажратиб беринглар!»- деди. Улар эса Муқаддас Рух томонидан юборилиб, Селевкия *шаҳрига* келдилар» (2, 4 оятлар). Бу мисолда биз яна хаворийлар билан (мулоқотда) ҳамкорликда бўлган Муқаддас Рухни аниқ кўриб турибмиз. Ёдингизда тутинг, Раббий Исо ҳозир Отаси билан бирга самодадир. Муқаддас Рух бу ажойиб ҳаётда бизнинг Ҳамкоримиз бўлиши учун ерга юборилган.

3-кун

ҚАЛИН ЎЗАРО АЛОҚАЛАР

Келинг, Коринфликларга иккинчи мактуб (13:13)ни яна ўқиб чиқамиз: «Раббимиз Исо Масихнинг инояти, Ота Худонинг севгиси ва Муқаддас Рухнинг мулоқоти сизларнинг ҳаммангиз биландир». Энди биз мулоқотни «дўстлик» ва «ҳамкорлик» сўзлари билан таърифлаганимизда, бу оятни сизда пайдо бўлган мана шу икки сўз тушунчаси орқали кўриб чиқишни бошланг. Повулнинг сўзининг кучини англаб етаяпсизми? Бироқ у тўхтамаяпти. «*Коїнонія*» сўзи шунингдек, «қалин ўзаро алоқалар» деган маънони ҳам ўз ичига олади.

Ҳозир мен айтадиган нарса менинг ёшимнинг сирини очади, бироқ шунга қарамасдан, мен қалин ўзаро алоқалар ҳақида ўйлаганимда, «Битлз» гуруҳини тасаввур қиламан. Мен ёш йигит бўлган пайтимда («битлз»чилар бўлиниб кетмасидан анча аввал), Пол МакКартнини эсга олганимда, дарров қолган

барча «битлз»чиларни: Джон Леннон, Джордж Харрисон и Ринго Старрни тасаввур қилар эдим. Ўша пайтда ҳатто мен бу гуруҳ ҳақида алоҳида одамлар ҳақида ўйлагандек ўйламас эдим: улар шунчаки «Битлз» эдилар.

Қалин ўзаро алоқаларнинг яна бир мисоли — бу шу номли фильмдаги учта аҳмоқдир. Улар Моэ, Лэрри ва Керлисиз, ҳаттоки, бу уччаласидан бирисисиз ҳам учта аҳмоқлар бўлмаган бўлар эдилар. Фақат биргина Моэ билан эпизод бемаъни бўлиб қолган бўлар эди. «Учта аҳмоқ» айнан барчаси бирга бўлганликлари учун ҳам дунё юзини кўрдилар. Улар бир-бирларига боғлиқ эдилар.

Ҳаётда Муқаддас Руҳ билан қалин ўзаро алоқаларда юрадиган одамлар ҳақида ўйлаганимда, менинг фикримга келадиганлардан бири – доктор Давид Йонги Чодир. Доктор Чо дунёдаги энг катта жамоатлардан бирининг чўпонидир. Мен у киши билан илк мартаба 1980 йилда учрашганимни ҳеч қачон унутмайман. Бу унинг бизнинг жамоатимизга биринчи ташрифи бўлган, мен эса айни меҳмонларни кутиб олиш хизмати билан шуғулланар эдим. Доктор Чо бизнинг жамоатимизга келишигача, мен бир неча йилдан буён меҳмонларни қабул қилиш хизматида эдим, шунинг учун унганча мен бир қанча ўнлаб хизматчиларни кутиб олишга муяссар бўлганман. Бироқ менинг доктор Чо билан учрашувим мутлақо ноёб бўлган. У менинг олдимга машинага ўтирганида, у билан бирга Худонинг ҳузури келган. Мен қарийб дарҳол йиғлашни бошлаганман, кўз ёшларим ёноқларимдан думалаб тушар эди. Мен жим бўлишга ҳаракат қилдим, чунки хизмат бошланишигача уни безовта қилишни хоҳламадим, бироқ шунга қарамасдан, гаплашим олишим зарурлигини ҳис қилар эдим. Мен паст овозда ҳиқиллаб йиғлаб: «Доктор Чо, Худо шу ерда бизнинг машинамизда», - дедим. У кулди ва бош силкиб: «Биламан», - деди. Мен доктор Чо ўзининг Муқаддас Руҳ билан мулоқоти ҳақида қанчалик кўп ёзганлиги ва воизлик қилганлиги ҳақида ўйлаганимда бу учрашув менга тушунарлидир. Мен унинг ҳар куни икки соатдан тўрт соатгача,

кўпинча Рухда ибодат қилишини айтганини эшитганман. Доктор Чо ўзи учун биринчи ўринга – Муқаддас Рух билан сифатли вақт ўтказишни қўйган; шу сабабдан Худонинг хузури унинг ҳаётида шу қадар кучли сезилиб туради.

Бир неча йил аввал мен катта жамоатда якшанба кунги, тонгги йиғинда Муқаддас Рух ҳақида воизлик қилган эдим. Ўша кеч биз кечки йиғинга қайтиб келганимизда, мен тахминан қирқ беш дақидадан кейин саждадан сўнг таълим беришим керак эди. Бироқ Муқаддас Рух ҳаракат қилишни бошлади ва одамлар шифо топишни ва нажотга келишни бошлашди. Икки соат мобайнида мен микрофонни ола олмадим. Ниҳоят, сахнага чиқишимдан аввал, (ҳеч ҳам мулоим ва заиф бўлмаган одам) чўпон менинг олдимга келиб, кўзларида ёш билан овоз чиқариб деди: «Жон, мен жамоатни бошқараётган шу саккиз йил ичида ҳеч қачон Худонинг хузурини шу қадар кучли ҳис қилмаган эдим». Мен унга тезгина жавоб бериб: « Бунинг сабаби бор. Бу биз бугун эрталаб Муқаддас Рух ҳақида гапирганимиз учундир. Ҳар сафар биз У ҳақида гапирганимизда, У келади», – дедим.

Бу манзара сиз билан биз - «оддий» имонлилар Рух билан калин ўзаро алоқаларда юрганимизда нима содир бўлишини аниқ қилиб кўрсатиб бермоқда.

МУЛОҚОТ ЯҚИНЛИКНИ АНГЛАТАДИ

«Кoinonia» сўзининг охириги маъноси – «яқинликдир». Коринфликларга иккинчи мактубда (13:13) Повул томонидан ишлатилган «koinonia»нинг маъносини ҳаммадан ҳам кўпроқ шу сўз акс эттиради. Яқинлик фақат дўстликда ёки ўзаро муносабатларда пайдо бўлиши мумкин, бироқ у бу икки тушунча доирасидан анча узоққа боради. Яқинлик юракнинг фикрларини, сирларини ва истакларини чуқурроқ тушунади.

Муқаддас Ёзувнинг замонавий таржимасининг бирида шундай ёзилган: «Муқаддас Рухнинг яқин дўстлиги сизларнинг

хаммангиз билан бўлсин» (2 Кор. 13:13). Мен яқинликни дўстликнинг энг яқин даражаси сифатида қабул қиламан. Муқаддас Руҳ сизнинг дўстингиз бўлишни истаётганини унутманг, У сиз билан мулоқот қилишга чанқоқдир. Ёқуб мактуби (4:5) дейди: «Бизнинг ичимизда яшаётган Руҳ рашк қадар севади». У сизни рашкли севади ва сизнинг вақтингизга ва эътиборингизга чанқоқдир. Фақат ўйланг: Муқаддас Руҳ Худодир ва ҳеч нима Ундан яширин эмас. Унинг билими, донолиги ва фикри чек-чегарасиздир ва У Ўзини сизга очишга ташнадир. Мен жуда қиммат ва аҳамиятли бирор нарсани билсам ёки англасам, мен ўз билганларимни менга яқин бўлган одамлар билан бўлишишни жуда ҳам истайман. Балки бу сизга таниш туйғудир, Муқаддас Руҳда ҳам шундайдир.

Имонлилар жуда ҳам кўп маротаба Муқаддас Руҳ билан муносабатни четлаб ўтиб, Раббий Исога яқинлашишга ҳаракат қилмоқдалар. Фарзийлар қарийб мана шундай хатони содир этганлар. Улар Раббий Исога: «Бизлар зинодан туғилган эмасмиз, бир Отага эгамиз – бу Худо»,- дедилар. Раббий Исо уларга деди: «Агар Худо Отангиз бўлганида эди, сизлар Мени севган бўлар эдингизлар, чунки Мен Худодан тушиб келдим. Зеро Мен Ўз-Ўзимдан келган эмасман, балки У Мени юборди» (Юх. 8:41-42). Фарзийлар Раббий Исони четлаб ўтиб, Ота билан муносабатни хоҳладилар. Улар Худонинг онгида бошқа бир нарсанинг борлигига кўшилишни хоҳлашмади. Раббий Исо фарзийларга У ва Унинг Отаси битта эканлигини тушунтирди. Аслида, кейинроқ У: «Агар сизлар Мени билганингизда эди, Менинг Отамни ҳам билар эдингизлар», -деди (Юх. 14:7). Бирок фарзийлар Унинг сўзларини эшитишдан бош тортдилар. Улар Отанинг олдига Ўғил орқали келишни истамаганликлари туфайли Отага ҳам яқинлаша олмадилар. Худди шу тарзда, Раббий Исо ер юзида ортиқ йўқлигини ва бизнинг Ёрдамчимиз бўлиши учун Ота (бизнинг Нажоткоримиз каби бўлган Шахс) Муқаддас Руҳни юборганлигини аниқ қилиб тушунтириб берган (Юх. 16:7). Отани намоён қилиш учун Ўғил юборилганидек,

худди шундай, Раббий Исони намоён қилиш учун Муқаддас Рух юборилган. Биз шуни тушунишимиз керакки, Муқаддас Рух Раббий Исони улуғлашни севади. Демак, агар сиз ҳақиқатан ҳам Раббий Исо ҳақида кўпроқ билишни истасангиз, сиз Муқаддас Рух билан кўпроқ вақт ўтказишингиз керак. Муқаддас Рух Раббий Исони сизга аниқ қилиб кўрсатади. Бироқ Муқаддас Рух Уни қаерда хурмат қилсалар, фақатгина ўша ерда Ўзини намоён қилади. Агар биз Муқаддас Рухни хурмат қилсак, У Ўзини бизга очади ва биз унинг ажойиб хузуридан лаззатланамиз ҳамда У бизга Кимни намоён қилса, Ўшани янада кўпроқ таниб биламиз.

Ўзимнинг ўттиз йилдан ортиқроқ хизматим мобайнида, мен бу қоидадан истиснони кўрмадим: Раббий Исони ҳаммадан кўра кўпроқ биладиган одамлар, Муқаддас Рух билан ҳаммадан ҳам кўра яқинроқ юрадиган одамлардир. Буларнинг барчаси маъно-мазмунга эга, чунки айнан Муқаддас Рух бизга Раббий Исони очиб беради.

МУҚАДДАС РУҲНИНГ ШАХСИНИ ТУШУНИБ ЕТИШ

Ким биландир яқин бўлиш учун, яқин бўлишни истаётган кишимизнинг шахсини билишга ҳаракат қилиш зарур. Бунинг учун албатта мулоқот талаб этилади ва ўшанда яқинлик янада чуқурлашиб бораверади.

Менузоқвақтҳамматўрталаўғилларимгабирхилмуносабатда бўлганман. Натижада бизда айрим тушунмовчиликлар келиб чиқар эди. Нима учун бундай тарбия услуби фойдали эмас? Чунки уларнинг ҳар бири ноёб феъл-атворга эгадир. Менинг хотиним тарбия масаласига жуда ҳам нозик ва у мени уларнинг орасидаги фарқни кўриш нақадар муҳим эканлигини ўргатди. Мен ўғилларимнинг ҳар бирининг ноёблигини тушунишга ҳаракат қилишни бошлаганимда, менинг улар билан ўзаро муносабатларим сезиларли равишда чуқурлашди.

Хотиним билан яқинлигим сабабли, у ўзини қандай ифодалашини тушунишга қодирман. Биз турмуш қурганимизга ўттиз йилдан ошганлиги туфайли бизнинг орамызда қалин алоқа бор, яқинлик – бу сифатли вақтнинг ҳосилидир. Лиза мен томонга бир назар ташлаб қўйиши кифоя ва мен унинг онгида бўлган нарса ҳақида бир неча саҳифа ёзишим мумкин. Шундай вақтлар бўладики, ҳаттоки, у бирорта сўз айтмасам ҳам, у нимани хоҳлаётганини мен айтишим мумкин. Агарда сиз: «Жон, бугун нонуштага тухум, дудланган чўчка гўшти ва сўли ёрмаси тайёрлайман», - деганингизда эди, мен ишонч билан: «Биласизми, Лиза сўли ёрмаси ва дудланган чўчка гўшти емайди», - деб жавоб берган бўлар эдим. Мен ҳаттоки, ундан сўраб ўтиришимнинг ҳам кераги йўқ. У сўли ёрмаси ва дудланган чўчка гўштини ёқтирмасигини мен аллақачон биламан. Бу жуда ҳам оддий мисол, лекин анча шахсий масалалар бўйича ҳам худди шуларни айтиш мумкин. Шунга ўхшаш қалин яқинлик бир кунда пайдо бўлмайди. Уни йиллар мобайнида сифатли вақт ва мулоқот ўтказиб ривожлантириш лозим. Менинг хотиним нимани ёқтиришини ва нимани ёқтирмаслигини ҳеч ким мендан кўра яхшироқ билмайди ва менинг дидимни хотинимдан кўра ҳеч ким яхшироқ билмайди. Худди шундай биз ўзимизни У билан муносабат қуришга бағишласак ва Унинг ҳузурида вақт ўтказсак, Муқаддас Руҳни тушуниб боришда ўсамиз.

4-кун

УНИНГ ТАБИАТИНИ БИЛИШ

Юханно Хушхабари 14-бобдан 16-бобгача Раббий Исо Муқаддас Руҳга нисбатан У, Унинг, Унинг Ўзи олмошларини ўн тўққиз маротаба ишлатмоқда. Шах-шубҳасиз, Муқаддас Руҳ – Шахсдир. Бу сафар ҳам мен Уни Шахс деб атаб, Уни инсон демаяпман. Ёдингизда тутинг, одамлар Худонинг суратида яратилганлар. Бу шуни билдирадики, биз «шахс» деб

хисоблайдиганнинг хусусиятлари биринчи навбатда Худонинг мохиятини акс эттиради, бироқ Худо бизга айнан ўхшаш эмас. Шу сабабли, Унинг Шахсининг бизнинг ҳаммага маълум инсоний «кутиларимизга» ҳеч қачон суқилиб кира олмайдиган жиҳатлари бор.

Мен Муқаддас Рух билан муносабатларимга ва У билан ўзаро ҳаракатларимга жуда ҳам ёрдам берувчи бир кашфиёт қилдим. Мен юнонча матннинг асл нусхасида Муқаддас Рухга нисбатан ишлатилган олмошларни ўрганиб чиққанимда, кўпинча, Муқаддас Рухга нисбатан фойдаланилган юнонча олмош бу нейтрал турдаги олмош (яъни, эркаклар тури (мужской род) ҳам, аёллар тури (женский род) ҳам эмас) эканлигига эътибор бердим. Аслида, бир одамни таърифлашда у эркакларга нисбатан ҳам, аёлларга нисбатан ҳам ишлатилиши мумкин.

Инглиз тилида бундай олмош йўқ. Бизда эркакларга нисбатан қўлланадиган «he» (у), аёлларга нисбатан қўлланадиган «she» (у) олмошлари ва жонсиз нарсаларга ҳамда ҳайвонларга нисбатан қўлланиладиган «it» (у) олмоши бор. «He» эркак турига, «she» аёл турига тегишлидир. Эркакларни ва аёлларни таърифлаш учун ўрта турни (средний род) билдирувчи олмош йўқ. Бироқ бундай ўрта турдаги олмош юнон тилида бор ва Янги Аҳдда ҳам уни Муқаддас Рухга нисбатан қўлланганини топасиз. Қайтараман, бу олмош нарсага эмас, тирик мавжудотга тегишлидир.

Эски Аҳдда шунга ўхшашини учрагасиз. Иврит тилининг асл нусхасидаги матнда кўриниши бўйича аёл бўлмаган Муқаддас Рухнинг ҳаракати женский родда берилган кўплаб ҳолатлар бор. Яхудийлар кўпинча вазифадан келиб чиққан ҳолда ёзганлар (ким ёки нима эканлигидан қарши ўлароқ, у нима қилганидан келиб чиққан ҳолда). Муқаддас Рух Ёзувнинг ҳеч бир жойида женский роддаги мавжудот ҳолатида берилмаган, бироқ Унинг ҳаракатларидан баъзи бирларига аёлларникига хос чизгилар берилади.

Бу чуқур мавзуга ҳозир бу ерда кўп эътибор қаратишнинг имкони йўқ, лекин келинг, бир нарсани ойдинлаштирамиз: Мен

Муқаддас Руҳ – женский роддаги Шахс деб ўйламайман. Яна бир янада тўғрироқ гапни ёзаман: Муқаддас Руҳ – женский роддаги мавжудот эмас. Айрим одамлар бу таълимотни доктринага айлантириб юборишади, бироқ мен бундай дунёқарашни асоссиз ва ортикча ҳис -туйғулардан келиб чиққан деб ҳисоблайман. Илтимос, бу фикрни миянгиздан чиқариб ташланг. Муқаддас Руҳ – бу қандайдир маъбуда эмас.

Мана, мен нима ҳақида гапирмоқдаман. Худо бизнинг суратимизда яратилмаганлигини биз ёдимизда тутишимиз лозим. Бизлар Унинг суратида яратилганмиз. Бу жуда оддий жаранглашини биламан, аммо биз мавзуйимизни ўрганишни давом эттира олишимиз учун ушбу ҳақиқатни ўзимиз учун жуда ҳам аниқ қилиб билиб олишимиз зарур. Ибтидо китоби (1:27)да: «Худо одамни Ўз суратида, уни Худонинг суратида яратди. Уларни эркак ва аёл қилиб яратди», дейилган. Бошқа таржималар: «Худо одамни» ёки «одамзодни» яратди дейди. Шахсан мен «одамлар» ва «одамзод»ни – энг яхши таржима варианты деб ўйлайман.

Демак, биз Ибтидо китобидан Худо эркак ва аёлни *Ўзининг суратида* яратганлигини билиб оламиз. У ҳолда шундай савол бериш керак: Агар У эркакни ҳам, аёлни ҳам Ўз суратида яратган бўлса, унда биз «аёлларга хос» деб ҳисоблайдиган хислатлар Худодан келиб чиққанлигини англамайдими? Муқаддас Руҳнинг борлиғи бизнинг эркаклар ва аёллар ҳақидаги тушунчамиздан устун бўлиши, яъни бизнинг англаш даражамиздан баланд бўлиши мумкинми? Айнан шундай бўлиши керак, чунки эркаклар ҳам, аёллар ҳам Худонинг суратида яратилгандирлар.

Ишончим комилки, мен бутун китоб давомида Муқаддас Руҳ ҳақида «У», «Унга», «Унинг Ўзи» олмошларидан фойдаланган ҳолда ёзаётганимга эътибор бердингизлар ва У ҳақида айнан шундай гапиришда давом этаман. Муқаддас Руҳ биз аёлларга хос деб ҳисоблайдиган сифатларга эга эканлиги ҳақидаги бу фикр инглизча гапирувчи одамлар учун кийин ва тушунарсиз

бўлиши мумкин. Нима учун мен бу ҳақида ёзаяпман? Агар бу сизларга Муқаддас Руҳ билан муносабатларни яхшироқ тушунишга ёрдам беради деб ўйламаганимда эди, бу мавзуга тўхталиб ўтирмаган бўлар эдим.

У МУЛОЙИМ ВА НОЗИК

Давом этишдан аввал, сизларга ўзимнинг ўтмишим ҳақида бироз сўзлаб бераман. Менинг отам – иккинчи жаҳон уруши қатнашчиси. У тўксон уч ёшда ва мен уни жуда ҳам каттиқ яхши кўраман. Отам мени бутун ҳаётим давомида жуда ҳам менга ёрдам берадиган кўп нарсаларга ўргатган. Бироқ у мени тайёрламаган баъзи бир нарсалар бор: у мени эр бўлишга тайёрламаган. Бир сафар Петъор: «Биргаликда яшаб, хотинингизга тушунувчанлик билан муносабатда бўлинг» (1 Пет. 3:7, NLT). Мен Лизага уйланганимда, унга тушунувчанлик билан муносабатда бўлмаганман. Лиза менинг ҳаётимдаги биринчи севгим бўлган. Унгача аёллар билан яқин муносабатларим бўлмаган. Шунинг учун мен унга қандайдир ўғил болага бўлгандек муносабатда бўлганман. Бундай йўл мувафақиятли бўлмаслигини тасаввур қила оласизми? Мен унга *аёл киши* сифатида мурожаат қилишга ўрганишимга тўғри келди.

Кўпинча, у билан юмшоқ оҳангда суҳбатлашишни ўрганишимга тўғри келган. Афсуски, оила аъзоларим билан кўпол муносабатда бўладиган вақтлар бўлади. Худога шараф, Муқаддас Руҳ мени фош қилади ва ўшанда, мен кечирим сўрашга ва вазиятни тўғрилашга қодир бўламан. Бир куни ўғлим билан жуда каттиқ жанжаллашиб қолдим, шу сабабли, ундан кечирим сўрашимга тўғри келди.

У мени тезда кечириб юборди ва бизнинг орамизда ажойиб муносаб яна қайта тикланди. Лиза билан ҳаммаси бошқача бўлди. Мен ўғлим билан кўпол гаплашганим туфайли у мендан бир неча кун жаҳли чиқиб юрди. Гап хафагарчиликда

эмас эди, балки унинг муносабатларга сезгирлигидан келиб чиққан табиий реакциясида эди. Биз ўғлим билан деярли тезда ярашиб олдик, бироқ хотиним билан муносабатларни қайта тиклаш учун ҳаракат қилишимга тўғри келди. Икки кун ўтиб у менга: «Сен ўғлимиз билан қандай гаплашганингдан ҳали ҳам ўзимга келишга ҳаракат қиляпман», - деди. Муносабат нима эканлигини тушунишни ўргандим – бу Лизанинг ҳаётидаги инъомдир. Кўпчилик аёллар сингари у муносабатларда ҳаддан ташқари таъсирчан ва унга яқин одамларни ғоят кучли ҳимоя қилади.

Балки биз аёлларга хос деб ҳисоблайдиган муносабатлардаги бу буюк куч - шунингдек, Муқаддас Руҳда ҳам бордир. Муқаддас Ёзув дейди: «Худонинг Муқаддас Руҳини хафа қилманг» (Эф. 4:30, замон. тарж.). Рик Реннер Ўзининг «Юнон тилининг қимматбаҳо марвариди» китобида кўрсатаётганидек, «хафа қилмоқ» сўзи «чуқур қайғу ва хафагарчилик» маъноларини беради. У фақатгина бир-бирини жуда қаттиқ севувчи одамларнинг ўртасидаги муносабатларда юзага келувчи оғриқни англадиган сўздан ҳосил бўлган. Шу тарзда, Повул бу ерда аслини олганда шундай демоқда: «Сизни жуда кучли Севганга оғриқ етказманг». Келинг, энди бу Ёзув оятини умумий матн(контекст)да ўқиб чиқамиз:

«Оғзингиздан ҳеч қандай ярамас сўз чиқмасин, балки барпо қилишга фойдали бўлган ва эшитувчиларга иноят бағишлайдиган яхши сўзлар *чиқсин*. Худонинг Муқаддас Руҳини хафа қилманглар, сизлар У билан қайта сотиб олиниш куни учун муҳрлангансизлар. Ҳар қандай аччиқланиш, қаҳр, ғазаб, бақириниш, ғийбатчилик ва ҳар қандай адоват сизлардан четлатилсин. Аммо бир-бирингизга нисбатан меҳрибон ва ҳамдард бўлинглар. Худо сизларни Масихда кечиргани каби сизлар ҳам бир-бирингизни кечиринглар» (Эф. 4:29-32).

Муқаддас Руҳнинг нақадар нозик эканлигини кўрдингизми?

Нозиклик – чиндан ҳам завқланишга арзийдиган кучдир. Повул бизни юмшоқ юракка эга бўлишга чорламоқда. Агар мен хотиним билан соғлом ва тирик муносабатлардан завқланишни истасам, мен яхшиси, юмшоқ юракка эга бўлишим ва ўғилларим билан муносиб равишда мулоқот қилишим керак. Худди шундай, биз Муқаддас Рух билан соғлом ва жонли муносабатлардан завқланишимиз учун биз Уни хафа қиладиган нарсага сезгир бўлишимиз лозим. Қизик, Муқаддас Рухни қаттиқ хафа қилувчи ҳатти-ҳаракатларни Повул қандай таърифламоқда: *ярамас сўз, аччиқланиш, қаҳр, ғазаб, бақирши, ғийбатчилик*. Менинг хотиним шунга ўхшаш ҳатти-ҳаракатлар туфайли хафа бўладиганга жуда ҳам ўхшашдир. Наҳотки яна бу биз аёлларга хос хислат деб ҳисоблайдиган муносабатларда Рухнинг буюк кучи борлигига гувоҳлик бўлмаса?

Ёдда тутинг, Повул: «Раббий Исони хафа қилманглар», -демаяпти. Ва У: «Отани хафа қилманглар», -демаяпти. У аниқ қилиб: «Муқаддас Рухни хафа қилманглар», -демоқда. Муқаддас Рух бизнинг юрагимизни Ўзининг турар жойи қилди. Биз қаерга бормайлик, У биз билан бирга боради: бу қалин алоқа. Шунинг учун биз ўз ҳаётимизга киритган нарса Унга қаттиқ тегади.

Бошқа томондан қараймиз. Агар кимдир мени ғийбат қилса, мен бунга кўп эътибор қаратиб ўтирмайман. Лекин агар кимдир менинг хотинимни ғийбат қилса, унга мендан узокроқ юриши яхшироқдир. Раббий Исо тахминан мана шундай деб айтган: «Ким Инсон Ўғлига қарши сўз айтса, кечирилади. Лекин ким Муқаддас Рухга қарши сўз айтса, бу дунёда ҳам, у дунёда ҳам кечирилмайди» (Матто 12:32). Фақатгина Ўз Отасининг иродасини амалга оширувчи Ўғилда намоён бўлган Ота Худо Ўз ҳимоясини Муқаддас Рухга йўналтиргани наҳотки қизик бўлмаса? Ота бундай ҳимояни бизнинг Раббий Исога бўлган муносабатимизга ёки Ўз-Ўзига йўналтирмади, аммо уни Муқаддас Рухга йўналтирди.

Ота, Ўғил ва Муқаддас Рух ўртасидаги ўзаро муносабатлар

– бу балки биз ҳеч қачон тушуна олмайдиган сирдир. Бизнинг Муқаддас Руҳ билан муносабатларимиздаги бу фарқни белгилаб қўйиш қизиқдир. Биз У билан мулоқотимизни қадрлашимиз ва ҳар қанақасига ҳимоя қилишимиз зарурдир. Шунини ёдда тутиш муҳимки, биз Унга қайғу, вақт ўтиши билан эса, ҳаттоки, чуқур қайғу келтиришимиз мумкин. Нима учун бу сизнинг У билан ўзаро муносабатларингизда шунчалик муҳим? Чунки агар Унга қандай муносабатда бўлишингиз кераклиги тушунчаси сизга етишмаса, сизнинг ҳаётингиздаги Унинг ҳузурининг намоён бўлиши бузилади.

5-кун

У ТАЪСИРЧАН, ЛЕКИН КУЧЛИ

Муқаддас Руҳ Ёрдамчи деб аталган, тўғрими? Болаларнинг жони оғриганида, одатда, улар кимнинг олдига югуришади? Улар оналарининг олдига югуришади. Юқорида айтиб ўтилган фикр таъсири остида, бир неча давлатлар ёшлар адлияси соҳасида аёл-зобитларнинг ролини ёритувчи бошқариш тизимини ишлаб чиққанлар. Гавайяда жиноят содир этган вояга етмаганлар билан биринчи бўлиб музокарага киришишга аёл-зобитларни чорлайдиган бошқарув тизими мавжуд. Вояга етмаганлар аёл-зобитларнинг саволларига яхшироқ жавоб беришлари аниқ бўлди. Аёллар ҳам тинчлантиришга, ҳам юпатишга қодир инъомга эгадирлар. Бу билан ҳам, мен Муқаддас Руҳ – аёл деб айтмоқчи эмасман.

Қандайдир йўсинда мен Муқаддас Руҳни шоҳ Довуд билан тенглаштираман. Сиз қачонлардир Довуднинг нақадар нозик ва юмшоқ бўлганлигига эътибор берганмисиз? У нақадар раҳмдил ва таъсирчан бўлган. Гарча унинг ўзи ўз кўшинига Авессаломнинг исёнига баҳам беришни буюрган бўлса ҳам, Авессалом вафот этганида у ҳатто йиғлади (2 Шом. 19га қаранг). Биз Довудни йиғлаб санолар ёзганини кўп бора

кўрамиз. Унинг Йонафан билан муносабати – Ёзувдаги яқин сирдош дўстликнинг энг яхши мисолларидан биридир. Бирок Довуднинг жангчи бўлганлигини, у бахайбатларни енгганини ва минглаб одамларни мағлубиятга учратганини эсдан чиқарманг. У тарихда бўлиши мумкин бўлган буюк кўшинда, жасур жангчилар кўшинининг етакчиси бўлган (2 Шом. 23га қаранг). Масалан, Довуд ҳаттоки унинг одамларига сув ва озуқа беришни рад этган одамни ўлдиришга қарор қилди (1 Шом. 25га қаранг). Довуд нимжон бўлмаган, у жангчи бўлган. Ва шу билан бирга, у нозик ва таъсирчан бўлган.

Муқаддас Руҳни яна қувват руҳи деб аташларини эслатиб ўтаман (Иш. 11:2). У қудратли ва ҳеч қандай кучсиз ва заиф эмас. Бир вақтнинг ўзида У юмшоқ кўнгил ва чуқур ҳис қилувчидир. У бизнинг сўзларимиз ва ҳатти-ҳаракатларимиз туфайли ранжиши мумкин. Нақадар ажойиб Худо!

Агар сизга Унинг шахсининг барча табиатини тушуниш қийин бўлса, умидсизликка тушманг. Унинг шахсини бизнинг инсоний онгимизга сиғдиришнинг иложи йўқлигини биз ҳар доим ёдимизда тутишимиз лозим. Бирок агар биз Унга яқинлашишга журъат қилсак, У бизга Ўзини намоён қилишни ваъда қилган.

Мен олдин айтиб ўтганимдек, Муқаддас Руҳнинг ҳамма сирини ва шарафини таърифлашнинг имкони йўқдир (1 Кор. 2:6-16). Менинг мақсадим- сиз Унинг улуғворлигини очишни бошлай олишингиз ва ҳаётингизда Унинг ҳузуридан лаззатлана олишингиз учун шунчаки Уни сизларга таништиришдир.

УНИ ХАФА ҚИЛИБ ҚЎЙИШДАН ЭҲТИЁТ БЎЛИНГ

Яқинда мен бир қанча муддатга ўзимни телевизор томоша қилишдан бутунлай чегараладим. Мен ибодатга ва Каломга чўмганимда менинг Худо билан мулоқотим жуда кучли бўла бошлади. Ўша кунларда, бир куни болалар қандайдир фильмни

томоша қилиб ўтирган меҳмонхонага кирдим. Бу ёмон фильм эмас эди, лекин айни кирган пайтимда одам ўлдириш саҳнасини кўрсатаётган эди. Мен дарҳол меҳмонхонадан чиқиб кетдим. Бизнинг мулоқот вақтимизда Муқаддас Рухга шу қадар сезгир бўлиб қолган эдимки, бундай саҳналар олдида Унинг қайғусини дарҳол ҳис қилдим.

Биз Муқаддас Рух бизнинг ичимизда абадий ўрнашганлигини унутмаслигимиз керак. Сиз фильм кўришни бошлаганингизда, Уни – муқаддас ва чексиз кудратли, бутун борлиқнинг Худосини ўзингиз билан бирга оласиз. У ҳар доим сиз билан, чунки У ҳеч қачон сизни тарқ этмасликни ва қолдирмасликни ваъда берган. Бироқ Уни хафа қиладиган вазиятларда сиз Уни олиб юрганингизда, У тўсатдан гапиришдан тўхташини билиб оласиз.

Агар биз Рухни ранжишга мажбур қилсак, бизнинг жавобимиз қандай бўлиши лозим? Биз дарҳол кечирим сўрашимиз даркор, аммобучукурвачиндилданқилингантавбабўлишикерак. Агармен хотинимни ранжитиб қўйсам, унда юзакигина: «Кел, ҳаммасини тўғрилаймиз», - деб айтилган сўз ҳеч қачон ёрдам бермайди. Лиза ҳаммасини кўриб туради. Мен бизнинг муносабатларимизга раҳна соладиган саволларга қадалиб қолмасдан, ҳаётда шунчаки олдинга кетишни хоҳлашимни у биледи. Лизанинг истаги мени ҳукм қилиш эмас, балки бизнинг муносабатларимизда ҳеч қандай сунъий ва иккиюзламачи нарсанинг йўқлигига ишонч ҳосил қилишдир. Худди шундай, Худонинг Рухи бизга нисбатан рашқлидир, У юзаки муносабатларни истамайди, У чинакам яқинликни хоҳлайди.

Ушбу бобда, даставвал, бир кун ўғилларимдан бири билан қандай қўпол гаплашганим ҳақида гапирган эдим. Ўша воқеадан сўнг, кейинги бир неча кун ичида Муқаддас Рух буни менга ибодатда эсга солишни давом эттирди. Бу ҳукм эмас эди, бу мулоқот масаласи эди. Мен Уни нақадар қаттиқ ранжитганимни англамаган эдим ва бошида бир неча маротаба Ундан кечирим сўрадим, бироқ бу ҳақиқий диёнатли қайғуга асосланган эмас эди. Мен кўпроқ бу саволда тўхтаб қолмаслик ҳақида қайғулар

эдим. У мени астойдил, чукур ва диёнатли қайғу жойига юшоқ итаришни давом эттирди, бу эса, ўз ўрнида, менинг жонимни: онг, ирода ва ҳиссиётимни поклади.

Повул коринф жамоатига Худо билан муносабатларининг бузилишига сабаб бўладиган уларнинг итоатсизлигидан сўнг тахминан худди шундай мурожаат қилмоқда. У (унинг сўзларини ўқиганингизда, улар Муқаддас Рух томонидан айтилганлигини ёдга олинг):

«Қаранглар, Худо учун қайғуриш сизларда нимани келтириб чиқарди. Қандай очиклик, покланиш учун қандай хоҳиш, қандай ғазаб, қандай ваҳимани ва мени кўриш учун қандай истакни келтириб чиқарди» (2 Кор. 7:11, NLT).

Биз Кўзининг қони билан тозаланганимиз ва кечирилганимиз учун Худога шараф. Бироқ биз имонлилар Худонинг қаршисида оқланган ҳолда турар эканмиз, Муқаддас Рухни ранжитганимизда, биз ҳали ҳам У билан мулоқотни тиклашимиз керак бўлади. Худди шундай, Коринфликлар ҳақиқатдан ҳам тўлиқ афсусланмагунларича, хаворий Повул уларга нисбатан қандай йўл тутган бўлса, Муқаддас Рух ҳам худди шундай биздан талаб қилади ва ишонтиради, чунки У ҳақиқий дўстликни астойдил истайди. Раббий учун бошимдан ўтказган бу қайғуриш ҳақиқий тозаланиш истагини ва жоннинг мулоқотни янгилаш иштиёқини келтириб чиқарди. Муқаддас Рух дарҳол кечириши учун Худога шараф!

Муқаддас Рух мулойим, чексиз раҳм-шафқатли ва юпатувчи (биз кўпинча аёлларга нисбатан ишлатадиган сифатлар), бироқ У шунингдек, кучли, қудратли, У жангчидек (биз кўпинча эркакларга нисбатан ишлатадиган сифатлар) эканлигини унутманг. Агар биз У билан яқинликни бошдан кечирмоқчи бўлсак, Унинг шахси ҳақида янада кўпроқ билишимиз керак. Биз Унинг шартларида доимо У билан алоқада бўлишимиз лозим. Унинг Кимлигини англаб етишнинг ошиб боргани сари биз ҳамма нарсага Қодир

билан мулоқотни чуқурроқ ҳис қилиб борамиз.

Баъзида мен хотиним билан голф ҳақида гаплашиб ўтиришга ҳаракат қиламан. Мен тахминан қуйидаги сўзларни айтаман: «Жонгинам, тасаввур қил, бугун мен 68 очко тўпладим!» Менинг болаларим қойил қолиб: «Дада, бизга ҳар бир тўплаган очколарингиз ҳақида сўзлаб беринг», - дейишади. Менинг хотинимни, умуман тескариси, тўғрироғи, биз майдонда болалар билан олиб борган суҳбатлар қизиқтиради. Уни ҳамма нарсадан ҳам кўпроқ муносабатлар қизиқтиради. Агар мен Лиза билан унинг даражасида муносабат қурмоқчи бўлсам, уни қизиқтирадиган нарса ҳақида гапиришим керак. Худди шундай, биз Худонинг Руҳини қизиқтирадиган ва кўнглини оладиган нарсани ўзимиз учун очишимиз керак. Биз Унинг ҳузурида Калом ўқиб, сифатли вақт ўтказиб, Унинг шуҳратини ўрганиб чиққанимизда, У аниқ Ўзини бизга очади.

СИЗ ХУДОНИНГ ОВОЗИНИ ЭШИТИШИНГИЗ МУМКИН!

Ким Худога тегишли бўлса, ўша Худонинг нима деяётганини эшитади...

–Юҳанно 8:47. NIV таржимаси

Ҳа, сиз Худонинг овозини эшитишингиз мумкин! У ҳали ҳам Ўз халқига гапирмоқда, У бизга Ўзининг жуда қимматли Муқаддас Рухи орқали гапирмоқда. Масихийни Худо билан янада чуқурроқ ва шахсийроқ муносабатларга олиб келиш ҳаракатида муаллиф Генри Блакеби ва Клод Кинг ёзадилар:

«Худо Ҳаворийлар китобида Ўзининг одамларига аниқ қилиб гапирган. У бугун ҳам бизга аниқ қилиб гапирмоқда. Ҳаворийлар давридан ҳозирги давргача Худо Ўз халқига Муқаддас Рух орқали гапирмоқда... Модомики, У имонли одамда доимо бўлар экан, У сизга Ўзи танлаган ҳар қандай вақтда ва ҳар қандай йўл билан аниқ гапириши мумкин».

Исо У Яхши Чўпон, биз эса, Унинг овозини эшитадиган ва биладиган Унинг қўйлари эканлигимизни айтган. Юҳанно Хушхабаридаги Унинг сўзлари устидан фикр юритинг (10:3–5, 11, 14, 27). Муқаддас Рух сизга нимани очмоқда?

Муқаддас Рухга берилган исмлардан бири – ҳақиқат Рухидир. Нима учун? Блакеби шундай давом эттиради:

«Агар фақат Муқаддас Рух бизга Худонинг

ҳақиқатини очиб бермас экан, биз сизлар билан уни тушуна олмаймиз. У бизнинг Ўқитувчимиздир. У сизларни Худонинг Сўзига ўргатаётганида, Унинг қаршисида ўтиринг ва Унга жавоб беринг. Ибодат қилаётганингизда Худодан олинган сўзларни сизнинг юрагингизда тасдиқлашида У Худонинг Сўзини қандай ишлатаётганини кўриш учун диққат билан кузатинг. У вазиятларда сизнинг атрофингизда нима қилаётганини кузатинг. Сиз ибодат қилаётганингизда сизга гапираётган Худо ва Ёзувда сизларга гапираётган Худо – бу сизнинг атрофингизда ишловчи Худодир. Худо Ўзини, Ўз мақсадларини ва Ўз йўлларини очиш учун Муқаддас Руҳ воситасида Муқаддас Ёзув, ибодат, вазиятлар ва жамоат орқали гапиради».

Шундай қилиб, бизга бунини очадиган Муқаддас Руҳдан энг муҳим бўлган нимани кутиш мумкин? Юҳанно Хушхабаридидаги Раббий Исонинг сўзларини диққат билан ўқиб чиқинг (14:26; 15:26 ва 16:12–15) ва Муқаддас Руҳ ўргатаётган бешта пунктни белгиланг.

«Худонинг овозини қандай таниш мумкин? Блакеби ва Кинг давом эттиради:

Худонинг овозини билиш ҳақидаги сир – бу формула эмас. Бу қайта такрорлаш учун услуб эмас. Худонинг овозини билиш - Худо билан ўзаро яқин севгидан келади... Худо гапирганида, сиз эса жавоб берганингизда шундай пайт келадики, сиз Унинг овозини янада аниқроқ танишни бошлайсиз».

Ўзаро муносабатлар – бу Худонинг овозини таниб-билиш ва эшитиш учун калитдир. Ханўх, Нух, Иброҳим ва кўпгина

бошқа кишилар бу ҳақда шахсан билганлар, худди шундай, сиз ҳам билишингиз мумкин. Амос 3:7даги, Дониэл 2:22 ва Сано 24:14даги қандай негиз Юҳанно 15:15да, 1Коринфликлар 2:9,10 ва Эфесликлар 1:9да акс этмоқда? Бу сизларни «охирги кунлардаги» имонли сифатида қай тарзда руҳлантирмоқда?

Масалан, Ханўхнинг (Ибт. 5:21–24), Нух (Быт. 6:9–18), Иброҳим (Ибт. 18:16–22) ва Петъорнинг (Ҳав. 10:9–23) ҳаётида бўлган воқеани ўқиб чиқинг.

УНИНГ ҲУЗУРИ – БУ СИЗНИНГ МУҲИМ ЭҲТИЁЖИНГИЗДИР

Сен: «Менинг юзимни изланглар (Менинг ҳузуримни энг муҳим эҳтиёж сифатида сўранглар ва талаб қилинглар)», - деб айтдинг. Менинг юрагим Сенга дейди: «Мен Сенинг юзингни (Сенинг хузурингни) излайман, ё, Раббий... излайман...».

– Сано 26:8, кенгайтирилган тарж

Довуд оддий киши бўлмаган. Унинг юрагида барча фикрларини ютиб юборадиган бир истак алангаланар эди. Унда Худонинг хузурига иштиёқ бўлган. «Мен Раббийдан бир нарсани сўрадим, фақат шуни излайман – ҳаётимнинг барча кунларида Раббийнинг уйида бўлайин, Раббийнинг чиройига қарайин ва Унинг маъбадига доимо қатнайин» (Сано 26:4).

Худонинг аниқ хузуридан, У билан ҳамкорликдан кўра қимматли ҳеч нарса, умуман ҳеч нарса йўқ. Модомики, Ота ва Ўғил ҳозир самода экан, Худонинг хузурини ҳар бир имонлида ва ҳар бир имонли орқали намоён қилиш учун Муқаддас Рух ерга юборилган. Кўпроқ биродар Лоуренс номи билан таникли бўлган Николас Герман «Худонинг хузурини амалда ҳис қилиш»ни ўрганган ва бу соҳада бошқаларга ёрдам беришни ўз вазифасига айлантирди. Ўн еттинчи асрдаги бу монастир хизматчисининг сўзларига кўра:

«Бизнинг руҳий ҳаётимизда энг муқаддас ва энг керакли амалиёт – бу Худонинг хузуридир. Бу Унинг илоҳий хузурда доимий хузур-ҳаловат топишни, истаган вақтда, истаган пайтда суҳбатни ҳеч бир тарзда чегараламасдан У билан итоаткорлик билан ва мулойимлик билан суҳбатлашишни билдиради».

Тўхтанг ва ўйлаб кўринг: ҳаётда мен учун Худонинг ҳузурини нақадар зарур? Усиз менинг ҳаётим қанақа бўлган бўлар эди? Тасаввур қилинг, эртага эрталаб сиз Муқаддас Руҳнинг ҳузурисиз уйғонасиз.

Унинг исмлари ва роллари рўйхатини ёдга олинг (17-саҳифага қаранг). Ушбу янгиланган нуқтаи назар билан сиз учун Унинг ҳузурини нақадар муҳим эканлигини ёзинг.

Биз қачон ва қаерда Муқаддас Руҳнинг ҳузурини ҳис қилишимиз керак?

Лоуренс шундай давом эттиради:

«Худонинг ҳузурини қилиш учун доимо жамоатда бўлиш шарт эмас. Биз ўз юрагимизни Худо билан шахсан суҳбатлашиш учун истаган вақтда кела оладиган шахсий ибодатхона қилишимиз мумкин. Бу суҳбатлар севгига ва мулоимликка тўла бўлиши, истаган одам уларда иштирок этиши мумкин. Наҳотки, буни бошламасликка арзийдиган қандайдир бирор сабаб бор бўлса?».

Шубҳасиз, сиз Муқаддас Руҳнинг ҳузурини сифатли вақт, Унга диққатингизни тўлиқ қаратишинингиз учун етарлича вақт ажратишингиз лозим. Бу сиз Унинг Сўзини ўқиётганингиздаги, У билан суҳбатлашганингиз ва Унга қулоқ солганингиздаги, миннатдорчилик билдирганингиздаги ва Унга сано қуйлаганингиздаги, ёки ҳаттоки, шунчаки жимжитликда ўтирганингиздаги вақтдир. Тўхтанг ва ибодат қилинг: «Муқаддас Руҳ, ҳаётимнинг бу даврида менинг Сен билан ўтказадиган кундалик вақтим қандай бўлиши керак?». У сизга очадиган нарсани ёзиб қўйинг.

Худонинг хузурини қандай амалда қўллашингиз мумкин?

Биродар Лоуренс шундай деган: «Шунчаки ўзингизни Худога тақдим этинг... ва диққатингизни Унинг хузурига қаратинг. Агар сизнинг онгингиз чалғиб кетишни бошласа, кўнглингиз ғаш бўлмасин, чунки хафагарчилик янада кўпроқ сизни чалғитади. Ирода кучи билан яна юмшоқлик билан диққатингизни Худога қаратинг... У ҳақда тез-тез ўйлаб туриш муқаддас одатини ривожлантиринг».

Бундан кейин ўрганиш учун:

1 Пар. 16:9–11; Сан. 21:26; 104:3, 4; Ҳик. 8:17, 18; Иш. 55:1–3, 6; Йер. 29:11–13; Мт. 6:33; Ибр. 12:1, 2. кўздан кечириб чиқинг.

У СИЗГА ЯҚИН БЎЛИШНИ ИСТАЙДИ

Мана, эшик олдида туриб тақиллатаяпман. Кимда-ким Менинг овозимни эшитиб эшикни очса, унинг олдига кираман. Шунда Мен у билан, у Мен билан кечки овқатни баҳам кўраимиз.

– Ваҳий 3:20

Худо Муқаддас Рухнинг Шахси орқали сизга ҳаммадан ҳам кўра яқин бўлишни хоҳлайди. У фақатгина муносабатларда эришиш имкони бўлган чуқур даражадаги яқинликни истайди.

Аввал айтилганидек, Худо билан яқинликка эга бўлиш – бу барибир Худо «мени ичимдан кўра» олади деб айтишдир. Муқаддас Рух ҳеч бир одам киришга қодир бўлмаган жойга – бизнинг жонимизнинг ва руҳимизнинг ичига кириши мумкин. У вақт билан ҳам, масофа билан ҳам чегараланмаган. Рух нафақат бизнинг юрагимизни ўрганиб чиқади ва уларни билади, балки У шунингдек, Худонинг юрагини ўрганиб чиқади ва билади, бизга Ўзининг чуқур фикрларини, сирларини, истакларини очади, токи биз «Уни ичидан кўра» олайлик.

*Раббийнинг [ширин, дўстликка тўлдирувчи] сирин –
Ундан кўрқадиганларгадир [сажда қилувчилар ва
хурмат қилувчиларга], У уларга Ўз аҳдини кўрсатади,
унинг [чуқур, ички] маъносини очади.*

– Сано 24:14, кенгайтирилган тарж.

Демак, Муқаддас Рух – бу бизни ҳар қандай ҳақиқатга ўргатувчи «ҳақиқат Рухи» эканлигини қайтарамиз. Сиз Худонинг ёки Раббий Исонинг бирор жиҳатини ёки Муқаддас Ёзув оятини тушунмоқчимиз? Ибодат қилинг ва Муқаддас Рухдан унинг ҳақиқий чуқур маъносини сизга кўрсатишини, унинг сизга қандай

дахли борлигини сўранг. У сизга очган нарсани ёзиб қўйинг.

*Мусодан тортиб, барча пайгамбарларда Ўзи ҳақида
айтилганларнинг ҳаммасини Ёзув бўйича уларга
тушунтира бошлади.*

– Луқо 24:27

Муқаддас Руҳ нафақат Ёзувда айтилган ҳақиқатни очади, балки шунингдек, бизнинг ўзимиз ва ерлик нарсалар ҳақидаги ҳақиқатни очади.

Сизнинг ҳаётингизда сиз тушунмайдиган соҳа борми? Сизни бир онли ғазаблар қийнайди, маълум бир вазиятларда ҳеч қандай жиддий сабабларсиз кўрқасизми? Муқаддас Руҳ сабабини билади. Тўхтанг ва бундай ибодат қилинг: Муқаддас Руҳ, менинг феъл-атворимнинг тубида ётувчи ҳақиқий сабабни менга кўрсат. Кўриш учун менга Ўз кўзларингни бергин. Ўзгариш учун ва бу ёвузликни ҳаётимда енгил учун мен нимани кўришим керак?» У сизга очган нарсани ёзиб қўйинг.

Ўтмишда ёки ҳозирги кунда сиз тушунмайдиган вазиятлар борми? Муқаддас Руҳ уларни тушунади. Тўхтанг ва бундай ибодат қилинг: «Муқаддас Руҳ, бу вазиятда энг муҳими нима? Сен менда ўзгартиришга уринаётган нарсани қандай тушунайсин ва мени ўзгартиришингда Сенга ёрдам беришим учун қандай Сен билан биргаликда ишлай оламан?» У сизга очган нарсани ёзиб қўйинг.

Бундан кейин ўрганиш учун:

Раббий Исо Ота билан жуда ҳам қалин яқинликда бўлган:
Мт. 14:22,23; 17:1–5; Марк. 1:35; 6:31, 46, 47; Лқ. 5:16; 6:12.

Биз Худога яқинлашганимизда, Худонинг Руҳи бизга яқин бўлади: Сано 15:8; 33:19; 72:28; 144:18; Ибр. 10:22; Ёқуб 4:8.

УНИ ХАФА ҚИЛИБ ҚЎЙИШДАН ЭҲТИЁТ БЎЛИНГ

Худонинг Муқаддас Рухини ўз ҳаётингиз билан хафа қилманг. У сизларни Ўзиники деб атаганини унутманг...

– Эфесликлар 4:30, NLT таржимаси

Муқаддас Рух билан мулоқот бебаҳодир! Унинг намоён бўлган ҳузурни бизнинг ҳаётимизнинг ҳар бир соҳасига ҳаёт бахш этади. Кетрин Кульман учун бу яшаш тарзи бўлган. У Худонинг севгиси ва Унинг Рухининг кучи ҳақида қандай воизлик қилганини миллионлаб одамлар эшитганлар, кўпчилик одамлар ажойиб шифоланишга эга бўлганлар. Кетрин ўзининг «Дунёдаги буюк куч» китобида Муқаддас Рухни нима билан ранжитиш мумкинлигини тушунтиради:

«...Муқаддас Рух – бу Учликнинг қудратли кучидир, шунга қарамасдан, У таъсирчан ва Уни хафа қилиш жуда ҳам осон. Шак-шубҳасиз, бу ажойиб Шахсни алам, ғазаб, ёвузлик, ёмон муомала билан гапириш билан ранжитиб қўйиш мумкин. Бошқа сўз билан айтганда, инсоннинг ҳаётида мулойимликка, узок сабр-тоқатга, одамларга нисбатан бўлган севгига, тинчлик иттифоқида Рухнинг бирлигини сақлашга қарама-қарши нимадир бўлган жойда Уни исталган нарса билан хафа қилиш мумкин».

Рухни хафа қиладиган(қайғуга соладиган) ва Ўзини намоён қилишдан Уни тўхтатиб турадиган нарсани тушунишимиз муҳимдир. Муқаддас Рухни хафа қилиш нимани англатишини таърифлаб берувчи Эфесликларга мактубининг 4-бобини диққат билан ўқиб чиқинг (1-6 ва 17-32 оятларга жиддий эътибор қаратинг.

17-24 оятларда тилга олинган қандай муносабат, фикр ва

феъл-атвор Муқаддас Рухни хафа қилади?

Эфесликларга мактуб (4:17-24) Рухни хафа қиладиган ва бизни Унинг намоён бўлган ҳузуридан ажратадиган шундай ҳаёт тарзи, феъл-атвор ва фикр танловини кўрсатмоқда.

25-31 оятларда таърифланган Муқаддас Рухни хафа қилувчи барча ҳаракатларни яна бир бор қайтаринг. Шунингдек, ушбу парчада сизга очилган аниқ ҳаракатларни ёзиб олиш учун вақт ажратинг.

Эфесликларга мактуб (4:25-31) Муқаддас Рухга қайғу келтирадиган ва бизни Ундан ажратадиган феъл-атворнинг аниқ шакллари ва бошқа одамларга нисбатан шундай муносабатни кўрсатмоқда.

Ҳа, Муқаддас Рухни хафа қилиш мумкин, аммо шунингдек, биз Уни хурсанд қилишимиз мумкинлигини билиш ёқимлидир! 1–7, 14, 15, 25,29 ва 32 оятларни диққат билан ўқиб чиқинг ва Муқаддас Рухни хурсанд қилувчи феъл-атворлар турини айтиб ўтинг.

Ўз саволингизга жавоб бера туриб, шунингдек, Уни хафа қиладиган нарсани таърифлаш учун қандай антонимларни (сўзнинг маъносига кўра қарама-қарши сўзлар) айтиб ўтиш

мумкинлиги устида фикр юритинг.

Муқаддас Руҳни хафа қилмаслик учун поклик ва бирлик руҳига интилиш ва уни асраш керак. Мағрурлик ва булғаниш Руҳнинг ишини фалаж қилиб қўяди, бироқ бўйсунувчанлик уни озод қилади. Худонинг қаршисида тинчланинг. Ундан: «Сени хафа қилаётган нимадир қилаяпманми?» –деб сўранг. У очаётган барча нарсаларда тавба қилинг ва Уни хурсанд қиладиган пок бўйсунувчанлик йўлларида юришингиз учун Ундан шафқат қилишини сўранг ҳамда Унинг ҳаракатини ўз ҳаётингизга таклиф қилинг.

МУҚАДДАС РУҲНИНГ УЙИ ИНСОННИНГ ИЧИДАДИР

*Сизлар Худонинг маъбади эканлигингизни ва Худонинг
Руҳи ичингизда яшаётганини наҳотки билмасангиз?*

– 1 Коринфликларга 3:16

Ҳамма нарсага қодир, ҳамма нарсани кўрувчи, ҳаммадан ҳам кучли Худо, микроскопик молекуладан улкан галактикагача – ҳамма нарсанинг Яратувчиси – сизнинг юрагингизда Ўзига уй қуришни танлаган. Ҳа, агар сиз имонли бўлсангиз, унда Исо Масиҳни ўликлардан тирилтирган худди ўша Руҳ сизнинг ичингизда яшамокда!

Чўпон, муаллиф ва юнон тили бўйича мутахассис Рик Реннер Худонинг уйи бўлиш нимани англатишини айтиб бермоқда:

«Муқаддас Руҳ сизнинг юрагингизга кирганида, У у ерда уй қурди. Бу уй шу қадар қулай эдики, У сизнинг ичингизда ўрнашганидан бахтли эди! У бу жойга кўчиб қирди ва У сизнинг юрагингизда Ўзига доимий макон, Ўзининг янги уйини қурди!

Кўрдингизми, сиз нажот топганингизда, сизнинг юрагингизда ҳақиқий мўъжиза содир бўлди. Муқаддас Руҳ сизнинг ўз гуноҳларига кўра ўлик бўлган руҳингизни олиб, уни янги ҳаёт учун тирилтирди. Унинг сизнинг ичингиздаги иши шу қадар шарафли эдики, ҳаммаси тамом бўлганида, У сизни Ўзининг ижоди деб эълон қилди (Эф. 2:10). Ўша лаҳзада сизнинг руҳингиз Худонинг серҳашам маъбадига айланди».

Қаерга борсангиз ҳам, қандай суҳбат олиб борсангиз ҳам, нима биландир машғул бўлсангиз ҳам сиз ҳамма жойда Муқаддас Руҳни ўзингиз билан олиб юрасиз. Китобни бир четга олиб қўйиб, бу ҳақида фикр юритинг.

Ушбу ҳақиқат сизни қай даражада руҳлантирмоқда, ҳайрон

қолдирмоқда, мустаҳкамламоқда? Қай тарзда у сизнинг ибодатингизни барпо этмоқда?

Эфесликларга 3:14-20; Луко 12:11,12; Юханно 14:12-17; Колосликларга 1:27; 2 Тимўтийга 1:13; ва Римликларга 8:1-17даги Худонинг ваъдалари устидан фикр юритинг.

Қай даражада бу ҳақиқат сизга қарши чиқмоқда ва у сизни нимада фош қилмоқда? Сизнинг жавобларингиз сизни қандай ибодатга ундамоқда?

Сиз кўриш ёки тинглаш учун танлаган кўнгилочар дастурлар, суҳбатлашадиган одамлар ва қиладиган ишлар ҳақида ўйлаб кўринг.

Шундай қилиб, ҳозирги пайтда, Муқаддас Руҳ билан мулоқотлардаги ўзингизнинг поғонангизни қандай таърифлаган бўлар эдингиз? Сиз У билан мулоқотдан, дўстликдан, ҳамкорликдан ва яқинликдан лаззатланасизми? Унинг овозини эшитасизми ва ўз ҳаётингизда Унинг ҳозирги, намоён бўлган ҳузурини ҳис қиласизми? У сизнинг ичингизда Ўзини уйдагидек янада қулайроқ ҳис қила олиши учун уни «обдон тозалаш» вақти келдими? Ибодат қилинг ва Ундан сизнинг юрагингизнинг ҳолатини очиб беришини сўранг. У нима демоқда? У сиздан қандай қадамларни бошлашингизни сўрамоқда?

*Шундай қилиб, қадрли биродарлар ва
опа-сингиллар, сизлардан ўтинаман: Худо
сизлар учун қилган барча нарсалар ҳақи Унга
аъзойи баданларингизни бағишланглар. Уларга
Унга маъқул бўладиган шундай тирик, муқаддас
қурбонлик бўлишига ижозат беринг. Бу Унга
сажда қилишнинг тўғри усулидир. Бу дунёнинг
ўзинини тутишига ва одатларига тақлид қилманг,
балки Худога сизнинг фикрлаш тарзингизни
тубдан ўзгартириши орқали сизни янги одамга
айлантиришига рухсат беринг.*

– Римликларга 12:1,2, NLT таржимаси.

МУҲОКАМА УЧУН САВОЛЛАР

Агар сиз «Муқаддас Рух» мавзуси бўйича «Messenger Series» нинг бошқа манбалари билан бир қаторда бу китобдан фойдаланаётган бўлсангиз, унда сизларга 2-видео дарсни кўришингизни таклиф қиламиз.

Биз Муқаддас Рух билан мулоқотга эгамиз.

Мулоқот юнонча «κοινωνία» сўзи -«дўстлик, шерикчилик, мулоқот, яқинлик, фикрлашув, ижтимоий диалог, ҳамкорлик, биргаликдаги иштирок, яқин ўзаро ёрдам»ни англатади. Мулоқотнинг бундай турини учта асосий гуруҳга бўлиш мумкин: дўстлик, ҳамкорлик, яқинлик.

- 1 | Муқаддас Рух бизлар билан Худонинг ўғиллари ва қизлари сифатида мустақкам мулоқотга (κοινωνία) эга бўлишни хоҳлайди. Бу мулоқот ўзаро дўстлик муносабатларини қамраб олади, улар орқали ўзаро фикр ва мулоҳаза алмашиш амалга ошади. Нима учун Муқаддас Рухнинг шерикчилигини яхши англаб етиш ва маъқуллаш шунчалик муҳим? Агар бизда у бўлмаса, нима содир бўлиши мумкин?
- 2 | Муқаддас Рух дўстликдан ташқари биз билан ҳамкорликда ҳам бўлишни хоҳлайди. Ҳамкорлар мувафаққиятга эришишларида бир-бирларига кўмак бериш учун қандай амалий қадамларни қабул қиладилар? Худонинг Рухи билан сизнинг ҳамкорлигингизда Эски Аҳд давридаги Иброҳим ва Мусо каби Худонинг издошлари билан солиштирганда бугун қандай ноёблик бор? Бу сизни қанчалик кучли руҳлантирмокда?

- 3 | Муқаддас Рух билан мулоқот шунчаки дўстлик ва ҳамкорлик муносабатларидан кўра янада чуқурроқдир. У ўзига яқинликни – ўзаро яқин кўмакни камраб олади. Биз имонлилар сифатида қандай қилиб Муқаддас Рух билан бундай мулоқот даражасини ривожлантиришимиз мумкин?

ИЗЗАТ-ҲУРМАТ

Ҳар қандай ҳурмат ва юқори баҳони ифода этиш сўзлар ҳамда ҳаракатлар биландир. Аслини олганда, ҳурмат қилиш – қадрлашни, кадр-қимматга кўра баҳолаш, ҳурмат қилиш, одоб сақлаб муносабатда бўлиш ва юқори фикрда бўлишни билдиради.

Инглиз тилидаги Америка луғатидан соддалаштирилган,
Ной Вебстер, 1828

- 4 | Муқаддас Рухнинг асосий вазифаси Раббий Исони бизга очишдан ва Унга шуҳрат ва иззатни беришдан иборатдир. У Масихни очади ва Уни қаерда чин дилдан ҳурмат қилсалар, У Ўзини ўша ерда намоён қилади. Иззат-ҳурматнинг таърифини диққат билан ўқиб чиқинг. Муқаддас Рухни Унинг Жамоати каби алоҳида ва биргаликда қандай ўзига хос йўллар билан ҳурмат қилиш мумкин?
- 5 | Муқаддас Рухнинг аёл кўринишидаги таърифи Муқаддас Ёзувнинг ҳеч бир жойида йўқлигига қарамасдан, баъзан Унинг Ўзини тутишининг кўриниши вазифасига кўра аёлларникига яқиндир. Ибтидо 1:27ни диққат билан ўқиб чиқинг ва бу Ёзув ояти Муқаддас Рухнинг феъл-атворини кўшиб ҳисоблаганда, Худонинг феъл-атвори ҳақида нима деяётганини тушунтиринг. Ушбу ҳақиқатни билиш сизнинг У билан муносабатингизга нақадар таъсир этади?

- 6 | Муқаддас Руҳ жуда ҳам мулойим, нозик ва Ўз табиатига кўра юпатувчидир. Агар биз эътиборли бўлмасак, Руҳни хафа қилишимиз ва сўндиришимиз мумкин – биз Уни қаттиқ ранжитишимиз ва бизнинг ҳаётимизда ҳаракат қилишни тўхтатишга Уни мажбурлашимиз мумкин. Эфесликларга (4:29-32) мактуби устидан диққат билан фикр юритинг ва Руҳни хафа қилувчи ҳаракатларни аниқлаб олинг. Бу хафагарчилик Салоникаликларга (5:19-22) биринчи мактуби гапираётган Руҳни сўндиришдан қандай фарқ қилади? Биз қандай қилиб ушбу ҳаракатлардан ҳимояланишимиз мумкин?
- 7 | Фақат битта: Муқаддас Руҳни куфр қилишдан ташқари инсонга маълум ҳар бир гуноҳни Худо кечириши мумкин. Матто хушхабари (12:22-32) (шунингдек, Марк Хушхабари (3:22-30) ва Луқо (12:10) даги Раббий Исонинг огоҳлантиришини ўқиб чиқинг. Бу оятларнинг нуқтаи-назаридан Муқаддас Руҳни куфр қилиш нимани англатишини таърифланг. Қандай ўйлайсиз, нима учун Раббий Исо бунга қарши шунчалик қатъий огоҳлантирган?

БОБНИНГ ҚИСҚАЧА МАЗМУНИ:

- Муқаддас Руҳ биз билан доимий мулоқотга чанқоқдир.
- Мулоқот дўстлик , ҳамкорлик ва яқинликни ўз ичига олади.
- Алоқа ва фикр-мулоҳаза алмашинуви натижасида дўстликнинг имкони бор.
- Ҳамкорлик –бу биргаликдаги иш, у бизнинг фикр алмашинувимизга ҳаракатни қўшади.
- Яқинлик – бу биз ўзимизнинг яширин фикрларимизни, истакларимиз ва сирларимизни Муқаддас Руҳ билан баҳам кўрган, У эса, Ўзининг фикрларини, истак ва сирларини бизлар билан баҳам кўрган пайтидаги дўстликнинг энг чуқур даражасидир.
- Худони тўлиқ намоён этувчи Муқаддас Руҳ бизнинг юрагимизни (руҳимизни) танлади ва уларни Ўзининг доимий уйи қилди.
- Уни хафа қилиб қўймаслик учун биз диққат-эътиборли бўлишимиз лозим, чунки У мулойим ва нозик, биз Уни ўзимизнинг ҳатти-ҳаракатларимиз билан осонгина хафа қилиб қўйишимиз мумкин.

ЎЗАРО МУНОСАБАТЛАРНИНГ УЧТА ДАРАЖАСИ

«Сизлар ўз урф-одатларингиз(сизларга ота-боболарингиз томонидан берилган қоидалар) билан Худонинг Сўзини (унинг кучини ва ҳокимиятини маҳрум қилиб, уни ҳеч бир ҳаракатларсиз қолдириб) бекор қилдингизлар. Эй, иккиюзламачилар (мугомбирлар)! Ишаъё сизлар ҳақингизда яхши ва тўғри башорат қилган: «Бу халқ Менга оғизлари билан яқинлашади ва Мени тили билан ҳурмат қилади, лекин унинг юраги Мендан узоқдир». Бироқ одамларнинг амрларини таълимот каби ўргатиб, улар Мени беҳудага эҳтиром қиладилар».

– Исо (Матто 15:6-9, кенг. тарж.)

1-кун

Раббий Исо ушбу ҳушига келтириб қўядиган сўзларни фарзийларга айтди, чунки улар урф-одатларни Худонинг Сўзидан устун қўйдилар. Менинг луғатим урф-одатга қуйидагича таъриф бермоқда: «ўрнашиб қолган, омма томонидан қабул қилинган, авлодлардан авлодларга ўтадиган одатлар, хулқ- атвор нормалари ва дунёқарашлар». Ўз-ўзидан кўриниб турибдики, урф-одатлар ўз-ўзича, албатта, бирор ёмон нарсани ифодаламайди. Бизлар оиламиз ва дўстларимиз даврасида амал қиладиган жуда кўп ажойиб урф-одатлар мавжуд. Бироқ фарзийлар урф-одатни Худонинг Сўзидан юқори кўтардилар, бунинг натижасида, Сўз уларнинг ҳаётларида ўз кучини йўқотди. Худди шундай, бугун ҳам бу ҳақиқат тўғридир. Бизнинг ҳақиқатни тушуниб етишимиз ўткинчи ҳиссиётларга,

урф-одатларга ва одамнинг доноликларига эмас, балки Худонинг Сўзига асосланган бўлишини назорат қилишимиз лозим.

Раббий Исо фарзийларнинг урф-одатлари Яратувчи билан уларнинг муносабатларида ёриқ пайдо қилганини тушунтирди. Ҳақиқатан ҳам, У хаттоки Худога сажда қилиш ҳам бефойда бўлганини айтди, чунки улар кўпроқ назарияларга (таълимотлар ва улар устида фикрлашларга) ишонар эдилар. Агар фарзийлар ўзларининг кўрликларига тавба қилмаганларида ва ҳақиқатни қабул қилмаганларида эди, уларда Худо билан ҳақиқий яқинликдан роҳатланиш имкони бўлмаган бўлар эди. Худди шундай биз ҳам, Руҳ билан ўзаро яқин муносабатлардан роҳатланишимиз учун одамлар томонидан ўйлаб топилган барча фикрларни ва урф-одатларни бир четга олиб қўйишимиз ва Унинг Сўзида аниқ кўриниб турган У ҳақидаги ҳақиқатни қабул қилишимиз керак. Акс ҳолда, бизнинг Худо билан ўзаро яқин муносабатлар қуришга уринишларимиз фарзийлардагидек ҳеч қандай муваффақият қозонмайди.

МУКАММАЛ ЎҚИТУВЧИ

Менда Муқаддас Руҳ билан яқинлик пайдо бўлгунича, Мен Муқаддас Китобни ўқир ва Худони бутун юрагим билан севаман деб ўйлар эдим, бироқ шунга қарамасдан мен У билан муносабатларда қуруқликни ҳис қилар эдим. Гап мен Муқаддас Руҳни ўз ибодатларимга ва Муқаддас Китобни ўрганишга таклиф этмаганимда эди ва фақатгина У Ёзувни менинг юрагимда тирилтириши мумкинлигини пайқадим. Унинг бошқаруви орқали Муқаддас Китоб шунчаки сўздан кўра кўпроқ нарсага айланади – у ҳаётнинг моҳиятига айланади. Коринфликларга иккинчи мактуб (3:6)да ёзилган:

«У бизни ҳарф бўйича эмас, балки Руҳ бўйича Янги Аҳднинг хизматкорлари бўлишга қодир қилди, чунки ҳарф ўлдиради, Руҳ эса ҳаёт бахш этади».

Худонинг Сўзи ёрдамида ифодаланган Янги Аҳд бу шунчаки коида ва меъёрлар тўплами эмас, балки ҳаётнинг ўзидир. Бундан ташқари, Янги Аҳд унинг қоидаларига бўйсунадиганларнинг ҳаётини тўлдиради. Фақатгина Муқаддас Рух ёрдамида Янги Аҳднинг тўлиқлигидан роҳатланиш мумкин, чунки у бизнинг Масихда ким эканлигимиз ҳақидаги буюк сирни очади (ва бу Янги Аҳднинг хабаридир). Мана, нима учун биз Муқаддас Китобни ўрганаётган вақтимизда бизнинг мукамал ўқитувчимизни, Муқаддас Рухни таклиф қилишимиз керак.

Сиз қачонлардир ўзининг фанига қизиқмайдиган ўқитувчини учратганмисиз? Менимча, бундай ўқитувчиларнинг дарслари ҳам ёмон. Улардан ўрганиш тиш оғриғидан азоб тортиш билан бир хил. Сиз қачонлардир ўз талабаларини яхши кўрмайдиган ўқитувчини учратганмисиз? Қайғули воқеа. Яхши хабар: Муқаддас Рух Худо Сўзининг сирини очишга астойдил қизиқади ва У шахсан сизга нисбатан ғайритабиий иштиёққа эга! У сизга Масих орқали очиқ бўлган барча инъомларда юришингизни кўришга чанқокдир. Агар биз сўрасак ва изласак, унда У албатта бизга ҳаёт сирини очади.

МУҲИТ ВА ҲУЗУР

Афсуски, шундай ҳис пайдо бўладики, кўпинча, биз ўзимизнинг масихий ҳаётимизда ўз ўқитувчимизнинг маслаҳатидан ва ҳузуридан маҳрум бўлган ҳолда юришга ҳаракат қиламиз. Дарҳақиқат, Муқаддас Рух бугун кўпгина жамоатларда дарбадар келгинди сингаридир. Биз ўз ғафлатимизга кўра Унинг ҳузурини яхши муҳитларга алмаштирдик. Бошқа сўз билан айтганда, бир неча одамнинг Унинг ҳузурини «кўрқинчли» тарзда қалбаки нарса қилишга уринганликлари, баъзилар эса, «кўрқинчли» тарзда Унинг ҳузурига муносабат билдирганликлари учунгина биз гўё Худо Рухининг намоён бўлишидан воз кечдик.

Мени нотўғри тушунманг, ишончим комилки, хизматларда бизга яхши муҳит керак. Охирги бир неча йил ичида жамоатда

кўпгина зурур маданий ўзгаришлар содир бўлди, улардан бир қисми – йиғин муҳитининг яхшиланиш соҳасидадир. Жамоат маълум даражада дунё учун янада яқинроқ ва жозибадор бўлиб қолди. Ўйлашимча, бу Худога маъқул. Повул айтганидек: «Мен ҳам ўз манфаатимни эмас, балки кўпларнинг манфаатини излайман. Улар нажот топишлари учун мен ҳаммага ҳамма нарсада маъқул бўлишга ҳаракат қилмоқдаман» (1 Кор. 10:33). Биз инсоннинг ижодий қобилияти ва технологияларнинг ривожланиши ёрдамида буюк ишни амалга оширдик. Мен қачонлардир кўришга муяссар бўлган янгиланган жойлардан бири айнан жамоат бинолари бўлган. Масиҳнинг танаси ижодни доимо янги даражага кўтарадиган новатор(янгилик яратувчи) бўлиши керак. Лекин жамоат агар ўз ишига Муқаддас Рухни таклиф қилмаса, ерда ҳеч қачон куч, севги ва ҳокимият ўрнини бутунлай эгаллай олмайди. Ёдда тутинг, У муносабатларда бош ҳамкор бўлиб ҳисобланади.

Биз ҳам ажойиб муҳитга, ҳам Унинг намоён бўлган ҳузурига эга бўла олишимиз жуда яхши. Мен ташриф буюра оладиган барча жамоатлардан қайси бирида ҳам ажойиб муҳит, ҳам Худонинг ҳузурини бўлганларидан завқланаман. Муқаддас Рух ҳузурининг намоён бўлиши одамларнинг Шохликка киришига тўсқинлик қилади деган фикрларнинг қурбони бўлиб қолишдан эҳтиёт бўлинг. Умидсизликка тушган одамларни хаворийлардан совутмасдан, балки уларга жалб этган нарса нима эканлигини ва бу уларнинг Муқаддас Рух билан ҳамкориклари шарофати билан содир бўлганлигини ёдда тутишимиз лозим. Жамоат Муқаддас Рухнинг иштирокисиз эришган ҳар қандай тараққиёт нолга айланади.

Ҳатто Худонинг Ўғли Исо Муқаддас Рухнинг кучисиз ҳеч нима қилмаган (Лқ. 4:1-15). Луко Хушхабари (4:14,15) да ёзилган: «Исо Рух қудратида Галилияга қайтиб келди. У ҳақида бутун ўлка атрофи бўйлаб овоза тарқалди. Исо эса уларнинг синагогаларида таълим берар ва ҳамма Уни улуғлар эди». Эътибор беринг, бу ерда У «Рух қудратида қайтиб келди» деб ёзилган. Бу парча Раббий Исо иблис томонидан васвасага

солинган саҳрода қирқ кундан сўнг нима содир бўлганлигининг якунини тасвирлаб бермоқда. Раббий Исо саҳродан чиқиб Носирага қайтиб келди ва шундай деб эълон қилди:

«Раббийнинг Руҳи Менинг устимда, чунки қашшоқларга хушxabарни эълон қилиши учун, дили эзилганларга шифо бериши учун, асирларга халос бўлишларини, кўрларга кўзлари очилишини воизлик қилиши учун, азоб чекканларни озодликка чиқариши учун, Раббийнинг илтифот йилини воизлик қилиши учун У Мени мойлаб юборди» (Луқо 4:18-19).

Модомики, Раббий Исо Худо Руҳининг кучида ҳаракат қилган экан, У ерда Ўз Отасининг иродасини амалга ошира олган. Худди шундай, жамоат ҳам худди ўша куч билан руҳан қашшоқларга хушxabарни воизлик қилиши, дили эзилганларга шифо олиб бориши, асирларга озодликни, кўрларга кўзлари очилишини, жабрланганларга озодликни эълон қилиши ва Худонинг қўли қутқариш учун калта эмаслиги ҳақидаги ҳақиқатни намойиш қилиши керак. Аммо биз Руҳнинг кучига суянмас эканмиз, ушбу самовий кучларни ҳам тарқата олмаймиз. Раббий Исога Муқаддас Руҳнинг кучи керак бўлган – биз нима билан фарқ қиламиз?

2-кун

«КЎПРОҚ РАББИЙ ИСО»

Мен жамоатга келадиган барча одамлар Исо Масихнинг намоён бўлган хузурини ҳис қилишлари истаги билан ёнмоқдаман. Ҳар томондан: «Бизга жамоатларда кўпроқ Раббий Исо керак», -деяётганларини эшитаман ва мен бу сўзларга тўлиқ қўшиламан. Бироқ бизга Раббий Исони Ким очиб беради? Муқаддас Руҳ. Муқаддас Руҳ сотиб олиниши мумкин бўлган мулк эмаслигини биз аллақачон ушбу курсдан билиб олдик, У ҳурмат қилиниши ва таклиф этилиши лозим бўлган Шахедир.

Ҳақиқат Руҳи бизнинг қилаётган барча ишларимизда бизлар билан бирга бўлишини нима учун биз хоҳламаслигимиз керак? Раббий Исо бир куни Ўз шогирдларига шундай деган:

«Сизларга кўп нарсаларни айтишим керак, лекин ҳозир буларни сиздира олмайсизлар. Ҳақиқат Руҳи келганида эса, У сизларни бор ҳақиқатга етаклайди. Чунки У Ўздан гапирмайди, лекин нимани эшитса, ўшани гапирди ва сизларга келажакни маълум қилади. У Мени улуғлайди, чунки Мендан олиб сизларга маълум қилади. Отамга тегишли бўлган ҳамма нарса Меникидир. Шунинг учун Мен, У Мендан олиб, сизларга маълум қилади, дедим» (Юҳ. 16:12-15).

Муқаддас Руҳ Раббий Исони улуғлайди. Раббий Исо Муқаддас Руҳ ёрдамида бизга очилади. Биз Худо ўрнатган нарсани ўзгартира олмаймиз. Агар биз ўз ҳаётимизда Раббий Исо кўпроқ бўлишини хоҳласак, биз Масиҳ Руҳи деб аталган Муқаддас Руҳ билан янада яқинроқ мулоқотда юришимиз керак (1 Пет.1:11; Рим. 8:9). Муқаддас Руҳ бизга гапирётганида, У Раббий Исони ифодалайди. Муқаддас Руҳ Масиҳ билан биргаликдаги ҳаётга шунчаки (ёқимли қўшимча) эмас, балки тўғрироғи, ерда Масиҳнинг моҳиятидир. Унинг хузури Уни иззат қилмаган жойда намоён бўлмайди. Шу сабабли, агар биз Муқаддас Руҳни иззат қилишдан воз кечсак, унда Масиҳнинг Руҳи ва Унинг кучи бизнинг ҳаётимиздан йўқ бўлади. Айнан шунинг учун дунё (Масиҳнинг ўзгартирувчи кучининг нишони бўлмиш дунё) кўпинча жамоатни жонсиз ва кучсиз қабул қилаётган бўлиши мумкинми?

ХУДО БИЛАН ЧУҚУР ЎЗARO МУНОСАБАТЛАР

Мулоқотнинг туб мақсади – шахсий чуқур дўстлик. Худонинг Руҳи сизнинг дўстингиз бўлишни истайди. У ҳақиқатан ҳам сиз билан яқин дўстлик муносабатига жуда ҳам муштоқ.

Ёқуб: «Бизнинг ичимизда яшаётган Рух рашк қадар севади», – демоқда. Рашк қадар севиш дегани нимани англатади? Бу шуни англатадики, У бизлар билан яқинликка жуда ҳам мушток. Нахотки бизларнинг барчамиз бизга яқин бўлган одамлардан шуни истамасак? Эътибор беринг, «У рашк қадар севади». Бу шуни англатадики, биз бошқа давогарлар билан вақтимизни чоғ ўтказишимизга У чидай олмайди, ҳаттоки, менинг хотиним агар мен бошқа аёлнинг кўнглини овлаганимда эди, ўз юрагининг шахсий сирларини мен билан бўлишмаган бўлар эди.

Худо бизнинг тўлиқ бағишланишимизни истайди. Ёқуб мактубининг аввалги оятида шундай ёзилган: «Дунё билан дўстлик Худога қарши душманликдир» (Ёқуб 4:4га қаранг). Душманлик сўзи луғатда қуйидаги тарзда таърифланади: «адоват, нафрат, бузук ният ҳисси ёки ҳолати, совуқчилик». Булар кучли сўзлар. Унда савол туғилади: нима учун дунё билан дўстлик Худо билан душманликни англатади?

Дунё билан дўстлик тана шахватини билдиради. Бу фойдага, ҳақ-ҳуқуққа ёки вазиятга худбинларча интилиш, ўзининг шахсий танавий худбинлигига эрк беришдир. Бу мақсадларга интилиш фойдасиз бўлишини ва фақатгина бўшлиққа олиб боришини Муқаддас Рух билади. Худо Ўзининг рашкли севгиси туфайли жоннинг ҳалокатига олиб борувчи барча нарсалар билан ўйнашишимизни ёмон кўради. Унутманг, Худо – бизнинг ҳақиқий Отамиз ва ҳар қандай буюк Ота сифатида Унинг болалари улар учун энг яхши бўлмаган нарсалар билан қониқишини У ёмон кўради. Мана нима учун У бизнинг дунё билан дўст бўлишимизга чидай олмайди. Раббий Исо бизга тўла-тўқис ҳаётни тилайди (Юх. 10:10га қаранг), Муқаддас Рух эса Ўғилнинг истагини намоён қилади. Ёдда тутинг, Худонинг Учлиги Ўз мақсадида бирдир. Худо Ўз болалари билан ўзаро яқин муносабатларга жуда ҳам муштоқдир. Биз дунё билан ўйнашганимизда, Худо билан чуқур яқинлик билан роҳатланишдан ўзимизни маҳрум этамиз. Қандай фожеавий йўқотиш –бу Отанинг юрагини қанчалар жароҳатлайди!

ФАҚАТГИНА НАЖОТДАН КЎРА АНЧА КЎПРОҚ

Худо фақатгина нажотдан кўра анчагина кўпроқ нарсани бизлар учун истабини тушундим. Ҳа, нажотимизнинг ҳақиқийлиги шу қадар ажойибки, у бизнинг онгимиз англаши даражасидан баланд туради. Бироқ самодаги жой – бу бор -йўғи Худо бизга бермоқчи бўлган барча нарсаларнинг бошидир. Биз бу ер юзида ажойиб ҳаётдан роҳатланишимиз учун Худо Ўз Ўғлини юборган. Нима учун? Чунки биз бу дунёнинг қўрқувлари ва истаклари билан боғланган ҳолда Унинг шоҳлигини унумли равишда ёйишимиз ҳақиқатан қийин.

Повул бир сафар шундай деб айтган: «... художўйлик ҳозирги ва келажакдаги ҳаётнинг ваъдасига эга бўлиб, ҳамма нарса учун фойдалидир» (1 Тим. 4:8). Художўйлик сўзига эътибор беринг. Фақатгина Худони биладиган кишигина художўйликка эга бўлиши мумкин, чунки бу Худога ўхшашликни англатади. Менимча, кам учрашадиган одамингга ўхшаш бўлиш қийин. Биз одамлар билан вақт ўтказганимизда, улар бизга таъсир кўрсатишни бошлашади. Мана, нима учун Ёқуб дунё билан дўстлик ҳақидаги сўзларини давом эттириб: «Худога яқинлашинглар ва сизларга яқинлашади», -демоқда. Сиз Худога ўхшаш бўлишингиз учун У сиз билан вақт ўтказишни хоҳлайди. Биз Худони яқиндан таниб-билиш орқали художўй бўлиб борамиз, буни амалга оширишнинг ягона йўли – Унинг Руҳи орқали У билан чуқур ўзаро муносабатларни ривожлантиришдир (1 Кор. 1га қаранг).

Кўпинча имонлилар: «Дунё билан дўстлик Худога қарши душманликдир», сўзларини ўқиётганларида, дарҳол дунёдан узоклашишга ҳаракат қиладилар. Албатта, бунда маъно йўқ.. Агар Жамоат ўзини одамлардан узоклаштира, қандай қилиб, у дунёни қўлга киритиши мумкин? Биз Жамоат бўлган ҳолда, Раббий Исони биз ўхшашга ҳаракат қиладиган намунага айланттиришимиз лозим. Гуноҳ уммонида фарқ бўлган одамлар Раббий Исога талпинар эди. У солиқ йиғувчилар ва фоҳишалар

билан, диний етакчилар юқоридан қараган одамлар билан вақт ўтказар эди. У ҳаттоки, уларнинг байрамларига келар эди, аммо шу билан бирга улардан жуда ҳам ажралиб турар эди. Нима учун У «художўйлар» менсимаган одамларга шунчалик бағишланган эди? Чунки улар бўйсунувчан ва кўпроғига чанқок эканликларини билар эди. У уларнинг байрамларига уларнинг ўйин-кулгиларида иштирок этиш учун эмас, балки уларга янги йўлни кўрсатиш учун борар эди.

Худди шундай, биз ахлоқи бузуқ ва синган одамларга интилишга даъват этилганмиз. Агар жамоат Масихнинг қўл-оёқлари бўлмаса, унда ким қўл-оёқ бўлади? Биз ва фақатгина биз – Унинг Танасимиз. Иноятнинг ўзгартирувчи кучи орқали биз энди Масихдамиз. Биз Унинг ер юзидаги элчиларимиз (Унинг вакилларимиз). Агар биз ҳақиқатни ва Масихнинг нуруни бу дунёга олиб бормасак, бошқа ҳеч ким буни қилмайди.

ИНДАМАС ЖАНОБ

Мен ўзимнинг Муқаддас Рух билан юриш тажрибамда Унинг жаноб эканлигини билдим. У ҳеч қачон бизга Ўз иродасини юклаб қўймайди. Агар биз Унга яқинлашишдан бош тортсак, унда У жим туради.

Мен йигирма беш йилдан кўпроқ хизматдаман, доимо ҳар хил мамлакатлар бўйлаб сафарда юраман. Бу вақт ичида мени аэропортларда кутиб оладиган ҳайдовчиларда қандайдир умумийликни сездим. Улар ҳар доим жуда ҳам яхши ва қўлларидан келгунича ёрдам берадилар, улар ҳар доим менинг борадиган жойимга ёки бошқа жойга ва хизмат қиладиган вақтимга тегишли барча майда -чуйдаларга эътиборлилар. Агар фақатгина менинг ўзим суҳбатни бошламасам, улар одатда мен билан йўлда гаплашмайдилар. Улар шундай йўл тутадилар, чунки менга йўл бўйи машинада хизматга тайёрланиш ёки ишлаш зарур бўлиб қолиши мумкинлиги сабабли чўпонлар уларни мен билан гаплашмасликка ўргатишган. Мана шу

Йиллар ичида мен кўпгина хизматкор юрагига эга бўлган ажойиб хайдовчиларни учратдим ва улар учун жуда ҳам миннатдорман. Шу сабабли, мен ҳар бир хайдовчидан унинг оиласи ҳақида ва унинг жамоатдаги хизмати ҳақида сўрашга қарор қилдим. Агар мен гапиришни бошламасам, биз ҳеч қандай жиддий гапни бошламасдан, бутун йўл бўйи жим кетишимиз мумкин.

Ўйлашимча, бу ерда Муқаддас Руҳ билан параллел ўтказиш мумкин. Биринчи бўлиб бизнинг ўзимиз Унинг овозини эшитишни хоҳламагунимизча, У биз билан суҳбатни бошламайди. Агар биз У билан гаплашишни бошламасак, У худди шундай жим тураверади. Ёдда тутинг, Ёқуб: «Биз Худога яқинлашганимизда, У бизга яқинлашади», -деб айтган. Биз биринчи кадамни босиш учун жавоб берамиз. Биз У билан ажойиб мулоқотга киришиш мақсадини кўрсатишимиз керак. Бошқача қилиб айтганда, қачонлардир сизга таклиф қилинган ҳар қандай барча таклифлардан энг буюги таклиф қилинган. Энди гап сизда...

Кўп масиҳийлар бу ҳақиқат ҳақида билмайдилар. Шу сабабли, мен кўпинча шундай мулоҳазаларни эшитаман: «Нима учун Худо мен билан гаплашмаяпти?» ёки «Худо бир неча йиллар давомида мен билан гаплашмаяпти». Бу одамлар Муқаддас Китоб айтаётган Худо билан шундай мулоқотни изламоқдаларми? Агар биз Худога яқинлашмоқчи бўлсак, биз Уни таниб-билишга интилишимиз лозим. Бу биз Унинг Рухининг Шахси билан дўстликни излашимиз лозимлигини билдиради.

Мен сизларни Муқаддас Руҳ билан мулоқотни фаол равишда излашга чакираман. Сиз Унинг қандай жавоб беришидан хайратда қоласиз. Менинг хайдовчиларимнинг кўпчилиги каби У ҳар доим сиз У билан мулоқот қуриш ёки қурмаслигингизга қарамасдан сизнинг ёнингизда бўлади, чунки У ҳеч қачон сизни тарк этмасликка ва ташлаб кетмасликка ваъда берган (Ибр. 13:5га қаранг). Бироқ агар сиз Унга мурожаат қилмасангиз, кўпинча У жим бўлади ва сиз ҳеч қачон ҳаётингизда Унинг ҳузурининг тўлиқлигидан ва У билан мулоқотнинг барча эзгуликларидан роҳатлана олмайсиз.

ХУДОНИНГ ТЕРАНЛИКЛАРИ

Келинг, Юханно Хушхабари 16-бобдан парча ўқиймиз:

«Сизларга кўп нарсаларни айтишим керак, лекин ҳозир буларни сиғдира олмайсизлар. Ҳақиқат Руҳи келганида эса, У сизларни бор ҳақиқатга етаклайди. Чунки У Ўзидан гапирмайди, лекин нимани эшитса, ўшани гапирди ва сизларга келажакни маълум қилади. У Мени улуғлайди, чунки Мендан олиб сизларга маълум қилади. Отамга тегишли бўлган ҳамма нарса Меникидир. Шунинг учун Мен, У Мендан олиб, сизларга маълум қилади, дедим» (Юх. 16:12-15).

Исо Масиҳ бу сўзларни хочга михланиш олдидан Ўз шогирдларига мурожаат қилиб айтган эди. Сал кейинроқ, ўша тунда, Раббий Исо Рим аскарлари томонидан ҳибсга олинган ва ўлимга ҳукм қилиниш учун олиб кетилган эди. Бу лаҳзалар - Унинг ҳаётидаги энг муҳим сўзлар учун вақт бўлганлиги шубҳасиздир.

Раббий Исонинг нима деяётганига эътибор беринг: *«Сизларга кўп нарсаларни айтишим керак, лекин ҳозир буларни сиғдира олмайсизлар»* (12-оят). Раббий Исо бу одамлар учун ҳамма нарса бўлган. Улар У билан бир неча йилни бирга ўтказдилар. Раббий Исонинг ортидан эргашиш учун уларнинг ҳар бири ўз оиласини, дўстларини ва ишини қолдирди. Эҳтимол, шогирдлар: Бор манзарани бутунлигича кўриш учун умуман олганда биз нима қилишимиз мумкин?» –деб ўйлашгандир. Унда Раббий Исо бизларга ваъда бериб кўйидаги ажойиб сўзларни айтмоқда: *«Ҳақиқат Руҳи келганида эса, У сизларни бор ҳақиқатга етаклайди»* (13-оят). Бошқа сўз билан айтганда: «Мен (танада) сизлар билан бирга бўлсам ҳам, Мен сизларга беришим керак бўлган барча нарсаларни олиш ҳолатида эмассизлар. Лекин Мен сизларга Муқаддас Руҳни юбораман, У Менинг сўзларимни гапирди, У Менинг иродамини ошкор қилади ва сизларни келажакда нарсага тайёрлайди». Қандай ваъда! Айнан ўша

оқшомда айтилган Раббий Исонинг аввалги сўзларини эсланг:

«Аmmo Мен сизларга ҳақиқатни айтаман: Менинг кетганим сизлар учун яхшидир, чунки агар Мен кетмасам, Юпатувчи сизларга келмайди. Агарда Мен кетсам, Уни сизларга юбораман» (Юҳ. 16:7).

Умид қиламанки, бу сўзлар янада ойдинлаштиради. Бизга вазифани қийинлаштириш учун Худо бизлар билан ўйин ўйнамайди, аксинча. Бизларнинг ҳар биримиз биз севадиган одамлар бизни яқиндан билишларини истаймиз. Айнан шу Худого ҳам тегишлидир. Раббий Исо ер юзида юрганида, У инсон учун очиқ ва олдига боришнинг имкони бўлган Ўз Отасининг аниқ тимсоли бўлган (Ибр. 1:1–3; Кол. 1:15–19га қаранг). Бироқ, билганимиздек, энди Раббий Исо самода, Отанинг ўнг томонида ўтирибди. Муқаддас Рух – ерда Худонинг халқи билан ва унинг ичида бўладиган Учликнинг Шахсидир. Шу сабабли, Худонинг теранликларини таниб-билиш учун биз Унинг Рухи – ҳақиқат Рухини чуқур билишимиз зарур.

ШУБҲАЛАНУВЧИ ТЎМА

Раббий Исо ўликлардан тирилганидан сўнг, ўн нафар шогирдлар эшиклари ёпиқ хонада ўтирган эдилар. Тўсатдан Раббий пайдо бўлди. Шогирдлар ҳайратда ва шок ҳолатида қолдилар. Ҳаттоки, Раббий Исо У шарпа эмаслигига уларни ишонтиришига тўғри келди. Ўновининг барчаси Унинг тирилганлиги мўъжизасидан хурсанд бўлдилар ва кейинроқ, Тўмага бўлиб ўтган воқеани айтиб бердилар, чунки Раббий Исо намоён бўлган онда Тўма улар билан бирга эмас эди. Бу хабарни эшитиб, Тўма таниш сўзларни айтди: «Мен Унинг қўлларида михларнинг чандиғини кўрмагунимча, бармоғимни михларнинг чандиғига теккизмагунимча ва қўлимни Унинг биқинига қўймагунимча ишонмайман» (Юҳ. 20:25).

Бир неча кундан сўнг, Раббий Исо уларга яна намоён

бўлганида, барча ўн бир шогирдлар биргаликда бир хонада йиғилган эдилар. Нимадир дейишдан ва қилишдан аввал, У гўё: «Тўма, кел, сенинг ишонмаслик муаммонгни ҳал қиламиз», – деяётгандек Тўмага мурожаат қилди У: «Бармоғингни бу ерга узат ва кўлларимга қара, кўлингни бу ерга чўз ва биқинимга қўй. Энди имонсиз эмас, лекин имонли бўлгин»,- деди (Юҳ. 20:27). Тўма жавоб бериб: «Менинг Раббим ва менинг Худойим!»-деди. Энди Раббий Исо унинг бу гапига нима деб жавоб бераётганига қаранг: «Сен Мени кўрганинг учун ишондинг, *Мени* кўрмасдан туриб ишонганлар бахтлидирлар» (Юҳ. 20:29).

Аслини олганда, Раббий Исо: «Тўма, ҳаттоки кўрмасалар ҳам, ишонадиган бахтли одамлар бор», -демоқда. Мен қачонлардир Раббий Исо унга етарлича кўпол муомалада бўлган деб ўйлар эдим. Йиғит шундоқ ҳам тавба қилди, Унинг қаршисида тиз чўқди, шубҳасиз, унинг аҳволи шундоқ ҳам ёмон эди. Бироқ Раббий Исо унга қараб: «*Мени* кўрмасдан туриб ишонганлар бахтлидирлар», - демоқда. Нима учун Раббий Исо Тўма билан бундай дағал муомалада бўлганлигини тушуна олмас эдим. Шундай сўнг, Раббий менга бир кун деди: «Мен Тўмага таъна қилганим йўқ, Мен шунчаки бор нарсани гапирдим. Мени танада билганлардан кўра, Мени Рухимда билганлар билан Биз янада яқинроқмиз».

4-кун

ЎЗАРО МУНОСАБАТНИНГ УЧТА ДАРАЖАСИ

Шундай қилиб, Раббий Исо бу сўзларни Тўмага айтганида, У ҳақиқатда нимани назарда тутган эди? Ушбу саволга жавоб бериш учун сизларга нима учун муносабатларда хис этишдан кўра имон билан янада кўпроқ теранликларга эришиш мумкинлигини тушунтириб беришга рухсат этинг.

Ўзаро муносабатнинг учта даражаси мавжуд: жисмоний, жоний ва рухий. Энг паст (энг юзаки) даража – *табиий* ёки *жисмоний* даражадир. Кўпгина романтик ўзаро муносабатлар

шундан, мана шундай фикрлардан бошланади: қиз ёқимтой ёки йигитнинг истараси иссиқ, балки яқиндан танишишимизга арзир. Афсуски, кўпгина жуфтликлар турмуш қурганларида ўзаро муносабатларнинг фақатгина мана шу даражасида қолиб кетган бўладилар. Улар кичик тушунмовчиликларни ва суҳбатнинг етишмовчилигини эътиборсиз қолдириш мумкин деб ўйлашади. Уларнинг қандайдир бирликка эга эканликлари амри маҳол, уларни бир-бирларига шунчаки тортиб туради. Бундай вазиятларда муносабатларнинг жоний даражаси ривожланмасдан қолиб кетади. Тўй овози жаранглайди, асал оёи тугайди ва ҳаёт бошланади. Бундай жуфтлик улар бир-бирлари билан яқинликнинг бошқа даражасига ўтиш кераклигини тушуниб етишлари лозим, акс ҳолда уларнинг никоҳи ночорликка маҳкумдир. Агар улар ўзларини янада чуқурроқ муносабатларга бағишламасалар, унда аёл дугоналари билан, эркак эса дўстлари билан ўз қизиқишларини қондиришни излайди. Уларнинг биргаликдаги ҳаётлари охир оқибат қайғули манзарага айланади. Худо оилада бундай муносабатларни режалаштирмаган.

Шунингдек, муносабатларнинг жоний даражаси ёки характерларнинг муносабатлари ҳам мавжуд, масалан, Довуд ва Йўнатан ўртасидаги муносабатлар: «...Йўнатаннинг қалби Довуднинг қалбига ёпишди ва Йўнатан уни ўз қалби каби севиб қолди» (1 Шом. 18:1). Йўнатан ҳалок бўлганида, Довуд унинг учун мотам тутди: «Менинг биродарим Йўнатан, сен учун мотам тутаман, сен мен учун жуда кадрли эдинг, сенинг севгинг мен учун аёлнинг севгисидан ҳам устунроқ эди» (2 Шом. 1:26). Довуд бу ерда жисмоний бузук муносабатлар ҳақида гапирмаяпти. Уларнинг ўртасида жисмоний майл бўлмаган. Уларнинг боғлиқлиги жон даражасида бўлган ва қандайдир нотабий жисмоний жиҳатлардан бутунлай озод бўлган. Уларнинг муносабатлари (Довуд «аёлнинг севгиси» ҳақида гапириб назарда тутган) оддий жисмоний муносабатлардан кўра анчагина чуқурроқдир.

Жон даражаси – бу унда никоҳ қурилиши керак бўлган даражадир. Мени ногўғри тушунманг, ўзаро муносабатларда

жисмоний томон ҳам жуда муҳимдир.

Хотиним мени жуда ҳам ўзига тортади, у мен учун дунёдаги энг чиройли аёлдир. Бироқ эр ва хотин ўртасида анчагина чуқурроқ ўзаро муносабатлар бўлиши мумкин ва бўлиши зарур. Гап шундаки, Лизанинг ташки гўзаллигидан кўра унинг ички гўзаллиги менга қадридир.

Афсуски, интернет орқали танишган одам учун бир-бирларидан ажрашиб кетган эркаклар ва аёллар ҳақидаги кўп воқеаларни эшитганман. Бир неча йил аввал, мен бир жамоатда воизлик қилган эдим ва йиғиндан сўнг менинг олдимга бир эркак келди. У билан унинг олти нафар фарзандлари бор эди – иккитаси қўлида, иккитаси оёғидан ушлаб олган, яна иккитаси ёнида югуриб юрар эди. Унинг юз ифодасида сира ҳам хурсандчилик бўлмагани учун мен ундан ҳаммаси жойидами йўқми, шуни сўрадим. У жавоб бериб: «Унчалик эмас. Бугун хотиним мени олпита бола билан ташлаб, интернетда танишган эркакнинг олдига кетди», -деди. Унинг ўша одам билан «жоний» муносабатлари шундай нуқтагача борганки, у кўп йиллик никоҳидан сўнг ўз эрини ташлаб кетган. Жоний муносабатлар шунчалик кучли бўлиб қолганки, бу аёлни ўз болалари билан бирга бўлиш ва уларга ғамхўрлик қилишдек табиий эҳтиёжларини енгиб чиққан.

Муносабатларнинг жоний даражаси кўпинча жисмоний алоқани талаб қилмайди ёки умуман уни талаб қилмайди. Мана нима учун икки киши бир-бирларидан узоқ масофада бўлганларида бошланадиган муносабатлар кўпинча мустаҳкам оилалар билан тугайди. Муносабатларнинг жисмоний томонини ривожлантириш имкониятига эга бўлмасдан, жуфтлик жоний муносабатларнинг ривожига эътиборни қаратишга қодирдирлар.

МУНОСАБАТЛАРНИНГ ЭНГ ЮҚОРИ ДАРАЖАСИ

Муносабатларнинг энг юқори ёки энг чуқури – рухийдир. Бу Раббий Исо Тўмага айтган даража. Повул бир сафар шундай деган: «Чунки инсоннинг ичида нима борлигини унинг ичида бўлган инсоннинг руҳидан бошқа ким билади?» (1 Кор. 2:11).

Бошқача айтганда, сиз одамнинг руҳига нисбатан муносабатда бўлмагунигизча, унинг ҳақиқий фикрларини ва ниятларини билмайсиз.

Мен сизга айтганимдек, биз Лиза билан яқинда оила қурганимизнинг ўттиз йиллигини нишонладик. Ҳаммасидан ҳам кўпроқ менга биз сув ҳавзасида ўтириб, Худо ҳақида гаплашганимизни эслаш ёқади. Биз ҳаттоки, кўп вақтни ушбу китобнинг мавзусида гаплашиб ўтказдик. Мен унга Худо менинг юрагимга солган нарсани айтиб бердим, у донолик ва ваҳий билан жавоб берди; кейинчалик, буни менга Муқаддас Руҳ очиб берди. Модомики, бизларнинг иккаламизда ҳам Руҳ билан ўзаро яқин муносабатлар бор экан, биз чуқур руҳий даражада мулоқот қила оламиз.

Бу шунингдек, биз нима учун Лиза билан биргаликда ибодат қилишимизнинг сабабларидан бири ҳамдир. Ибодат бизни руҳий бирлаштиради, чунки биз бир-биримиз билан Руҳнинг ишлари ҳақида суҳбатлашамиз. Тахминан мана шу сабаб туфайли, биз Messenger International ташкилоти ҳамкорлари учун ҳар куни биринчи ўн беш дақиқани умумий ибодатга ажратишларини қоида қилдик. Биз шундай йўл тутамиз, чунки бизнинг гуруҳимиз руҳий бирлашган бўлишларини истаймиз. Ибодат вақти ташкилотнинг ҳамкорлари ўртасидаги ўзаро муносабатларда нимани яратганини кўриш ажойибдир. Айнан шу нарса ҳар қандай ўзаро муносабатларга тегишлидир: Муқаддас Ёзув муҳокамаси ва ибодат одамлар ўртасидаги яқинликнинг энг чуқур даражасини яратади, чунки бу руҳий алоқадир.

Руҳий нарсалар ҳақидаги ақлий баҳс ва ҳақиқий руҳий мулоқот ўртасида фарқ бор. Баъзида одамлар менга Муқаддас Китоб ҳақида гапиришни бошлашади ва мен улар шунчаки маълумот бераётганини тушунаман. Мен буни қаердан биламан? Чунки менинг онгим уларнинг сўзларидан тез чарчаб қолади. Улар руҳда эмас, ондан сўзлашади. Руҳий нарсалар ҳақида ўз руҳидан гапирадиган бошқа одамлар ҳам бор. Мен бу одамлар билан ҳеч қандай чарчокни сезмасдан соатлаб суҳбатлашганман, чунки биз руҳий даражада бирлашамиз.

ХУДОНИ УНИНГ РУҲИ ВОСИТАСИДА ЧУҚУР БИЛИБ

Келинг, энди Коринфликларга биринчи мактубдан бутун оятни ўқиб чиқамиз:

Чунки инсоннинг ичида нима борлигини унинг ичида бўлган инсоннинг руҳидан бошқа ким билади? Худди шундай, Худонинг фикрларини ҳам Худонинг Руҳидан бошқа ҳеч ким билмайди. (1 Кор. 2:11, NASB).

Бу ерда «фикрлар» деб таржима қилинган юнонча сўз – биринчи навбатда «яшаш ҳолати ва онгининг ҳолати»ни англатади. Аслини олганда, Повул Худонинг Руҳини чуқур билмасдан туриб, Худонинг ҳақиқий «онгининг ҳолатини» (яъни Худо юрагининг теранликларини) билиш имконсизлигини айтмоқда. «Чуқур билиш» сўзи остида мен озгина куч билан ёки умуман ҳеч қандай кучсиз эришилган юзаки билимдан анча кўп бўлган фаҳмлашни назарда тутаяпман. Қўшма Штатлардаги деярли ҳар бир киши бизда ким президент эканлигини билади, лекин бизларнинг кўпчилигимиз у билан шахсий ўзаро муносабатларга эга эмасмиз. Биз унинг энг яширин истакларини билмаймиз, уни нима ҳаракатлантираётганини, у нимага чиндан ишонишини билмаймиз. Худди шундай, биз ҳам агар Худони Унинг Руҳи билан чуқур билмасак, Худо ҳақидаги шунчаки «энг кенг тарқалган билимлардан» ортиқроғига ҳеч қачон эга бўла олмаймиз.

Повул давом этади: «Биз эса бу дунёнинг руҳини олмадик, балки Худо бизга ато қилганларини билишимиз учун, Худодан бўлган Руҳни қабул қилдик» (1 Кор. 2:12). Нақадар ажойиб сўзлар! Худонинг фикрларини Унинг Руҳидан бошқа ҳеч ким билмайди (11-оят), бироқ У бизга ушбу Руҳни берди! Худонинг Руҳи билан мулоқот ёрдамида биз Яратувчи билан ўзаро муносабатларнинг энг юқори даражаси – руҳий даражада яқинликка эга бўлишимиз мумкин.

Повул Руҳ билан мана шу даражада муносабатда бўлган. У

Раббий Исо билан ҳеч қачон жисмоний юрмаганлигига қарамасдан, у: «Биродарлар, сизларга шуни билдирияпманки, мен сизларга воизлик қилган Хушхабар инсондан эмасдир. Чунки мен ҳам уни инсондан қабул қилганим ёки ўрганганим йўқ, балки Исо Масихнинг ваҳийи орқали олганман», - деб айтган (Гал. 1:11-12). Повул Исо Масихнинг ваҳийини қай тарзда олган? Повул ваҳий инсондан келмаганлигини аниқ айтмоқда. Агар у инсондан бўлмаса ва у Раббий Исо билан танада вақт ўтказмаган бўлса, унда у ваҳийни Масихнинг Руҳи (Муқаддас Руҳ) орқали олган бўлиши керак.

Повул Нажоткор билан ҳеч қачон жисмоний юрмаганлиги учун у Раббий Исо билан янада чуқурроқ даражадаги муносабатларга эриша олишими мумкин эдими? Раббий Исо билан жисмоний мулоқот қилган Петъор ҳаётининг сўнггида мактуб ёзган, у ерда шундай сўзларни айтган: «Севикли биродаримиз Повул ҳам, унга берилган донолик бўйича сизларга қандай ёзган бўлса, худди шундай, Раббимизнинг узоқсабр-тоқатини нажот деб ҳисобланглар. Повул бу ҳақида ҳамма мактубларида гапиради. Бу мактубларда тушуниш қийин бўлган нарсалар бор» (2 Пет. 3:15-16). Петъор бир неча йиллар давомида ҳар кун Раббий Исо билан юзма-юз сўзлашган одамлардан бири бўлган. Раббий Исо Ўзгариш тоғида улуғланганида, у ёнида бўлган. У хочга михланишнинг гувоҳи бўлган ва қайта тирилишдан сўнг, у Раббий Исони кўрган ҳамда У билан гаплашган эди. Бироқ шунга қарамасдан, Раббий Исо ерда танада бўлганида У билан мулоқот қилишдан роҳатланиш шарафига эга бўлган бу шогирд – Повулнинг «тушуниш қийин», яъни фаҳмлаш учун қийин бўлган баъзи ваҳийлари Руҳдан эканлигини айтган. Шахсан мен бу Повулнинг Петъордан кўра Раббий Исо билан янада чуқурроқ ўзаро муносабатларга эга бўлганлигини кўрсатмоқда, деб ҳисоблайман.

Повул ҳеч қачон Раббий Исо билан бирга юрмаган бўлса ҳам, у Руҳнинг руҳлантириши билан Янги Аҳддаги китобларнинг кўп қисмини ёзган. Бунинг қандай имкони бўлган? Чунки айнан Руҳ Раббий Исони тўлиқ очиб беради. Раббийнинг сўзлари

эсингиздами? «Сизларга кўп нарсаларни айтишим керак, лекин ҳозир буларни сиғдира олмайсизлар. Ҳақиқат Рухи келганида эса, У сизларни бор ҳақиқатга етаклайди [сизларга тўлик ваҳийни беради]» (Юх. 16:12-13). Повул Раббий Исога бўлган ўз имонини У билан жисмоний муносабатлар пойдеворида қура олмас эди, чунки унда бундай тажриба йўқ эди. У ишонишига ва ваҳийларни бошқа йўл билан олишига тўғри келган эди. Аслини олганда, у мулоқотда Рух унга кўрсатишга уринган нарсани қабул қилишга фақатгина ҳалақит бериши мумкин бўлган қандайдир жисмоний сезгидан маҳрум эди. Мана, Раббий Исо Тўмага жавоб бериб нимани назарда тутмоқда. Повул Раббий Исо билан у суяниши мумкин бўлган жисмоний ўзаро муносабатларга эга бўлмаганлиги туфайли, у Устоз билан рухий муносабатларга тўлик қарам бўлишига тўғри келган. Унда бошқа танлов бўлмаган.

Повулда бўлгани каби бизларда ҳам жисмоний сезги туфайли келиб чиққан ҳар қандай қоқилиш тошларисиз Раббий Исонинг ортидан эргашиш имконияти мавжуд. Ҳайратда қолдирадиган ҳақиқат шундай иборатки, биз Раббий Исони кўрган бўлганимиздан кўра, Уни кўрмасдан туриб, Унга янада яқинроқ бўлишимиз мумкин. У билан жисмоний юриш имкониятига эга бўлмасдан, биз У билан бизнинг ичимизда бўлган Масих Рухи орқали мулоқот қилишга мажбурмиз – шу тарзда, Худо билан чуқур рухий ўзаро муносабатларни мустаҳкамлаймиз. Қандай мўъжиза!

УНИ ЧУҚУР ДАРАЖАДА ҲИС ҚИЛИШ

Худо биладики, одамнинг танаси «ҳозирча» қайта сотиб олинмаган. Одамнинг руҳи қайта сотиб олинган, у Раббий Исонинг аниқ сурати ва ўхшашидир (1 Юх. 4:17). Жон ҳали қайта сотиб олиниш жараёнидадир (Ёкуб. 1:21). Бироқ жисмоний тана ҳозирча қайта сотиб олинишни бошдан кечиргани йўқ.

Биз нарсалардан жуда ҳам тез чарчаб қолишимизга ҳеч эътибор берганмисиз? Баъзи бир одамлар янги машина харид

қилишади ва бир ҳафтадан сўнг харид ҳақидаги янгилик эскиради. Қайта сотиб олинмаган тананинг табиати шундайдир. Жисмоний томоннинг теранликлари кам, у узоқ яшамайди ва тез орада йўқолиб кетади. Шунинг учун Худо Ўз эзгулигида: «Мен халқимга Ўзимни жисмонан очмайман. У Мени чинакам билиши учун унга Мен билан Менинг Руҳим орқали мулоқот қилиш имкониятини бераман», -деб айтган. Яъни, Худо тахминан шундай демоқда: «Мен севган кишилар билан узоқ масофа ажратиб турадиган муносабатда бшсламан, токи улар Менинг юрагимни ҳаққоний билиб олишсин».

Биз Жамоат сифатида Масихнинг Келинимиз. Худо бизни У билан ҳайратланарли никоҳ муносабатига тайёрламоқда. Биз Уни жисмоний даражада билишимиздан аввал У бизга Уни чуқур (руҳий) даражада таниб-билишга имкон беради. Мана нима учун Повул: «Шунинг учун, энди биз тана изми бўйича ҳеч кимни билмаймиз. Агарда аввал Масихни тана изми бўйича билган бўлсак ҳам, энди билмаймиз», -деб ёзган (2 Кор. 5:16). Биз Уни Руҳ изми – тирик Худонинг изми бўйича биламиз. Масих танада намоён бўлган вақтлар бўлган. Лекин ҳозир, ерда энди У жисмоний танада бўлмаганлиги сабабли, бизда Уни Руҳ орқали таниб-билиш имконияти мавжуд.

Агар биз Руҳ билан мулоқотни менсимасак, демак, бу билан биз ўзимизни Ўғилни таниб-билиш имкониятидан маҳрум этамиз. Руҳ бизга Раббий Исони очиш учун Худонинг юраги ва онгининг барча теранликларини ўрганиб чиқади. Агар сиз Худо билан чуқур муносабатларни истасангиз, Худони юзаки билиш чегараларидан чиқишингиз ва Уни сизларга ҳақиқат нурида очиб берадиган саёҳатни бошлашингиз зарур. Бу саёҳат фақатгина Руҳ билан мулоқот орқали имконлидир. Мана нима учун Муқаддас Руҳ муносабатида биз Худонинг абадий Сўзида илдиз отмаган урф-одатларга (одатий фикр тарзи) амал қила олмаймиз. Агар биз Муқаддас Руҳ ҳақидаги тасаввурларимизни бузишга қодир бўлган етарлича тушунмовчилик, шахсий нотўғри тушунчалар ва салбий тажрибанинг бизга таъсир

қилишига йўл қўйсак, биз ҳаётимиздаги Худонинг шарафли ҳузури ҳақидаги ваъдаларидан тўлиқ роҳатлана олмаймиз. Биз Худони Унинг Руҳидан алоҳида таниб-била олмаймиз.

Ишонаманки, агар Руҳ истаган нарса исталса ва У ҳис қилган нарса ҳис қилинса, У билан мулоқотга эга бўлиш мумкин. Сизларга чуқур ўзаро муносабатлар даражаси – рухий даража очикдир. Сиз унда бошқа бирор киши билан ҳис қилмаганингиз - ўз Яратувчингиз билан яқинликни ҳис қиласиз. Бироқ агар сиз У билан яқин мулоқотда бўлишни истасангиз, Муқаддас Руҳни чуқур билишга ҳаракат қилишингиз лозим. Қандай қилиб, Уни чуқур билиш мумкин? Унинг Сўзини ўқиш ва Унинг ҳузурида вақт ўтказиш орқали. Худо сизга яқинлашишни истамокда, сиз фақатгина Унга пешвоз чиқиш учун биринчи қадамни босишингиз керак, холос.

Қуйида келтираётган Ёзув ояти устидан фикр юритинг ва Муқаддас Руҳ сизнинг юрагингизда Ўз ишини амалга оширсин. Худога мурожаат қилганингизда, Ундан Унинг ҳузурини ҳис қилишга қаршилиқ қилувчи ҳар қандай пардани сизнинг онгингиздан олиб ташлашини сўранг. Парда олингани заҳоти, сиз илгари ҳеч қачон кўрмагандек, Уни кўра оласиз. Сиз Унинг юзига қараганингиз сари (ўзингизнинг яқин дўстингиз билан вақт ўтказгандек, У билан сифатли вақт ўтказсангиз), У сизни Ўзининг қиёфасига ўхшатиб ўзгартиради. Сизни хаворий Повулнинг сўзлари билан қолдираман:

Бироқ Раббийга мурожаат қилганларида, бу парда олиб ташланади. Раббий Руҳдир. Раббийнинг Руҳи бор жойда озодлик бор. Бизнинг ҳаммамиз очик юзимиз билан кўзуга қараганимиздек, Раббийнинг шухратига қараб турибмиз ва Раббийнинг Руҳи орқали шухратдан шухратга, худди ўша тасвирга ўзгармоқдамиз (2 Кор. 3:16-18).

УНИ ЎЗ УСТОЗИНГИЗ СИФАТИДА ҚУТЛАНГ

Бироқ Худодан олган мойланиш сизларда бор экан, сизларга бировнинг уқтиришининг ҳожати йўқдир. Лекин шу мойланишининг ўзи сизларга ҳамма нарсани ўргатганидек – бу эса ёлгон эмас, балки ҳақиқатдир–шундай қилиб, у сизларга ўргатганидек, Масихда бўлинглар.

– 1 Юҳанно 2:27

Муқаддас Рух бизнинг ҳаётимизда кўпгина вазифаларни бажаради, улардан энг буюги Устозлик вазифасидир. У доимо бизни нимагадир ўргатади. У бизнинг ичимизда доимо бўладиган ҳақиқий отадир. У Ўша бизга йўналиш берадиган ва бизни севгида мулойимгина тўғрилайдиган Шахсдир.

Ёзув – бу вақтдан ташқарида мавжуд бўлган Рухнинг китобидир. Худонинг Сўзи Худо фикрларининг қайдларини ўзида намоён қилади. У каби ўйлаш, У каби гапириш, У каби ҳаракат қилиш учун бизга биз тушунишимиз керак бўлган Унинг Сўзи зарур. Бизнинг Устозимизнинг вазифаси мана будир: бизни етаклаш ва бизлар айнан мухтож бўлган вақтимизда Муқаддас Ёзувнинг маъносини очиб бизларга бор ҳақиқатни ўргатиш. Муаллиф ва чўпон Фрэнсис Фрэнгипейн шундай ажойиб сўзларни айтган:

«Раббийнинг Сўзи Муқаддас Рух билан бирликда Масихнинг тасвирига ўзгариб боришимиз воситасидир. Сўз Худодир. Ёзув Худо эмас, балки сўзлар орасида нафас олувчи Рух Худодир. Ва мана шу Муқаддас Рухни Худони ҳурмат қилгандек, ҳурмат қилиш зарур. Шу сабабли, Раббийни излаганингизда, шунчаки онг билан ўқимаслигингиз учун ибодат қилинг. Бироқ Муқаддас Рухдан Сўз орқали сизнинг юрагингизга гапиришини сўранг. Раббийнинг қаршисида

бўйсунувчанликда тиз чўкканингизда, Сўз сизнинг жонингизга ўрнашиб, сизнинг ички борлигингизнинг бир қисмига айланади (Ёқуб 1:21га қаранг)».

Тўхтаб ўзингизга савол беринг: «Мен Худонинг Сўзини қандай қабул қиламан? Устозни мени ўқитишга таклиф этаманми? Сўзни ўқиб, қабул қиламанми?» Энди эса Рухдан сўранг: «Сўзнинг тирилтиришини ва менинг табиатимнинг бир қисмига айланишини кўриш учун нимани бошқачароқ қилишим мумкин?» У сизга очадиган ҳамма нарсани ёзиб қўйинг ва тажрибада қўлланг.

Муқаддас Рух фақатгина ибодат қилиш ва Ёзувни ўқиш вақтида ўргатиши мумкинми? Йўқ. У доимо ўргатади, агар сиз У билан бир оқимда бўлсангиз, унда ҳар бир ҳаракатингизда сабоқ олишингиз мумкин. Фрэнгипейн шундай маслаҳатни таклиф қилади:

«...Ҳар доим ўзингиз билан қоғоз ва ручка олиб юринг... Биз ҳар замон-бир замонда Уни йўқлаб туришга эмас, Унда бўлишга даъват этилганмиз... Рух сизга қаерда бўлса ҳам ва нимадир айтса ҳам, Унинг овозини эшитиш учун сиз эшитиш қобилиятингизни ривожлантиришингиз лозим. Уни ҳурмат қилинг ва У сизни ҳурмат қилади».

Барчаси одамга боғлиқ. Сиз учун энг қулай бўлган воситалардан ва технологиялардан фойдаланинг. Энг муҳими – У нима деяётганига қулоқ солиш ва эслаб қолишдир.

Ушбу оятлар устидан диққат билан фикр юритинг. Рух сизга ҳаётингиздаги Сўз ҳақида нимани очяпти?

2 Тимўтий 3:16, 17; 2 Петъор 1:12–21

**Қонуннинг қайтарилиши 6:6; 11:18; Санолар 118:9–11;
Колосликларга 3:16**

Санолар 18:9; 118:105, 130; Ҳикматлар 4:20–23; 6:20–23

Ибронийликларга 4:12; Ёқуб 1:21; Йеремиах 23:28, 29

Мени чақиргин ва Мен сенга жавоб бераман. Сенинг ўзинг ҳеч қачон била олмайдиган, буюк ва имкондан юқори бўлган нарсаларни сенга кўрсатаман.

– Йеремиах 33:3

РАББИЙГА СОДИҚЛИГИНГИЗНИ БИЛДИРГАНИНГИЗДЕК, УНГА ҲАМ БИЛДИРИНГ

Исо унга шундай жавоб берди: «Барча амрлардан энг биринчиси: ...Бизнинг Раббий Худойимиз ягона Раббийдир. Раббий Худойингни бутун юрагинг билан, бор жонинг билан, бор идрокинг билан ва бор қувватинг билан севгин. Мана шу биринчи амрдир!».

– Марк 12:29, 30

Рух бўлмиш Худо бизни астойдил севади ва жавоб тариқасида бизнинг ҳеч ким билан бўлишилмайдиган севгимизга муштоқдир. У бизни дунё тортиб кетмаслигини истайди. У шундай демоқда:

«Дунёнинг йўлларини севманглар. Бу дунёнинг худоларини севманглар. Дунёга бўлган севги Худога бўлган севгини сиқиб чиқаради. Зеро дунёдаги деярли барча нарсалар – шахсий йўлларнинг истаги, ўзи учун керак бўлган ҳамма нарсанинг истаги, муҳим бўлиб кўриниш истаги – Ота билан ҳеч қандай умумийликка эга эмас, балки фақатгина ундан узоқлаштиради холос. Дунё ва унинг барча «истайман, истайман, истайман»лари ўтиб кетади, бироқ Худонинг истаганини қилган киши абадийликда яшайди».

– Юҳанно 2:15-17

(The massage парафразали таржимаси).

Шунингдек, маъноси бўйича яқин бўлган қуйидаги Ёзув оятларини ҳам ўқиб чиқинг: Мат. 16:24–26; Тит. 2:12–14; Ёқуб 4:4–6; Юҳ. 15:18–21; Рим. 12:2.

Сизнинг жонингиз нимага бағишланган? Кейинги саволларга рўйи - рост жавоб беринг:

Ким ёки нима вақтимнинг ва эътиборимнинг кўп қисмини эгаллайди? Мен бўш вақтимни қандай ўтказаман?

Ким ёки нима мени хурсанд қилади? Технологиядаги ва модадаги йўналишлар менинг ҳаётимда ўз ўрнига эгами?

Мен ўз пулларимни нимага сарфлайман?

Ҳамма нарсадан ҳам кўпроқ нима менинг онгимни эгаллайди? Мен нима ҳақда кўп гапираман? Қанақа мавзулар менинг ибодатларимда иштирок этади?

Бизнинг сўзларимиз бизнинг содиқлигимизни очади. Раббий Исо: «Бизнинг юрагимиз нима билан тўлган бўлса, оғзимиз ўшани гапиради», - деб айтган (Луқо 6:45).

Жавобларингизга қайтадан назар ташланг. Муқаддас Рухдан: «Ўз устунликларимни қайтадан кўриб чиқиш учун Сен менга керакмисан? Менинг ҳаётимда бутлар пайдо бўлганми? Менинг ҳаётимда Сенга интилишдан кўра кўпроқ интиладиган бирор нарса борми?» –деб сўранг.

У нима демоқда? Унга бўлган содиқлигингизни янгилаш учун У сизга амалга оширишингиз керак бўлган қандай қадамларни таклиф этмоқда?

Колосликлар (3:1-17) ва Магто Хушхабаридagi (6:19-21) Худонинг сўзлари устидан фикр юритинг. Бағишланиш ибодатини ёзиш учун улардан фойдаланинг ва Муқаддас Рух сизни Раббий Худойингизга содиқ сақлашини сўранг.

УНИНГ ИНОЯТИ БИЛАН СЕКИН-АСТА ЎСИШ

Биз Масиҳнинг тасвирига ўзгармоқдамиз, бизнинг ҳаётимиз секин-аста ёруглашиб ва гўзаллашиб бормоқда, Худо бизнинг ҳаётимизга кириб боргани сари биз Унга ўхшаши бўлиб борамиз.

– 2 Коринфликлар 3:18 (The message таржимаси)

Раббий Исо Ўз хочини кўтаришдан аввал Муқаддас Рух ҳақида муҳим сўзларни айтган эди: «Сизларга кўп нарсаларни айтишим керак, лекин ҳозир буларни сиғдира олмайсизлар. Дўстингиз, Ҳақиқат Рухи келганида эса, У сизларнинг кўлингиздан тутиб, сизларни бор ҳақиқатга етаклай боради».

Ҳамма нарсадан хабардор бўлган Раббий Исо Ўз шигирдлари билан кўп нарсани бўлишиши мумкин эди, бироқ У улар ҳаммасини бирданига тушуна олмасликларини билар эди. Ўсишлари учун уларга вақт керак эди. У ўлиб, қайта тирилганидан ва самога кўтарилганидан сўнг, Унинг иноятида секин-аста ўсишимизда бизга ёрдам бериш учун Ота Ўз Рухини юборди.

Эс-хуши жойида ота-оналар ўзларининг янги туғилган боласидан кўпайиш қонуни тушунчасини талаб қилишлари мумкинми? Ёки чақалоғидан солиқларни қандай тўлаш илмини талаб қилиши мумкинми? Йўқ. Худди шундай, Муқаддас Рух ҳам У бизга бериши керак бўлган ҳақиқатни билишимиз учун етарлича улғайишимизни кутмоқда. У бизга нафақат Ёзув ҳақидаги бор ҳақиқатни ўргатади, балки шунингдек, бизнинг ўзимиз, фарзандларимиз, соғлик, вазиятлар ва ҳоказолар ҳақидаги бор ҳақиқатни ўргатади.

Худонинг Сўзига биноан биз имоннинг ва шуҳратнинг бир даражасидан бошқасига ўсмоқдамиз. Ушбу жараёнда

биз ўз қисмимизни, Муқаддас Рух Ўз қисмини бажаради. Филиппликларга 1:6; 2:12, 13; 1 Салоникаликларга 5:23, 24 ва Ибронийларга 13:20, 21 Ёзув оятлари устидан диққат билан фикр юритинг. Муқаддас Рух сизга бу оятларда Масихда ўсиш ҳақида нимани очмоқда. Қайтарилаётган мавзуни кўраяпсизми?

Ўн тўққизинчи асрнинг охирларида хизмат қилган Англиялик энг машхур воизхон Чарльз Х. Сперджен ҳар хил мавзуларда, шу жумладан, Муқаддас Рух ва руҳий ўсиш ҳақида жуда ҳам кўп асарлар ёзган. У шундай деб айтган:

«Биз Раббий Исога ўзимиз қила олмайдиган нарсалар учун ишонамиз. Агар бу бизнинг ҳокимиятимизда бўлганида эди, унда Унга мурожаат қилишимизнинг нима кераги бор эди? Бироқ биз айнан ўз кучимиз билан ишонамиз, Худонинг кучи (Муқаддас Рух) эса, бизни янги ижод қилади. У бизнинг ўрнимизга ишонмайди ва биз Унинг ўрнига қайта тикланиш ишини қилишимиз шарт эмас. Бизга илтифотли буйруққа итоат қилишимизнинг ўзи етарлидир. Зеро бизни юкоридан туғилтириш - Худонинг ишидир».

Фақатгина янада руҳий етук бўлишингиз зарурлиги ҳақида ўйламанг. Бу нотўғри. Аск ҳолда, сиз фақат айблов ҳиссини ҳис қиласиз ва ўзингизнинг руҳий кучингизни йўқотасиз. Тўхтаб, ўйлаб кўринг: «Муқаддас Рух, Сен мени ҳозир қаерда кўраяпсан (менинг руҳий етуклик даражам қандай)?» У сизга нима демоқда?

Руҳ сизни қандай кўрса, сиз ўзингизни худди шундай кўришингиз керак. Сиз ўсишда давом эта олишингиз учун бугун қаерда эканлигингизни билишингизда Унинг иноятини сўранг.

Сиз қачонлардир ўзингизни ўзгартиришга ғоятда кучли уринганмисиз? Агар шундай бўлса, унда буни қандай қилдингиз? Сиз энди қандай ўзгаришларни кўрмоқдасиз?

ХУДО АМАЛГА ОШИРАЁТГАН ИЛОҲИЙ АЛОҚАЛАРНИ ҚАДРЛАНГ

*Севгингиз риёсиз бўлсин. Ниҳоят даражада севувчи
яхши дўстлар бўлинглар, иккинчи даражали ролларда
бўлишни билинг.*

– Римликлар 12:9,10 (The massage таржимаси)

Биз мулоқот – Ота билан ва бошқа одамлар билан мулоқот учун яратилганмиз. Бу ҳақда ўйлаб кўринг. Сизнинг ҳаётингиз муқотсиз қандай бўлган бўлар эди? Агар сизнинг барча ҳаётий алоқаларингиз йўқ қилинса, сизда нима қолади? Бўм-бўш, ёлғиз ҳаёт.

Алоқалар учун Худога миннатдорчилик билдиринг! Худодан кўрқадиган, содиқ дўстнинг баҳоси йўқдир. Темир темирни чархлагандек, яхши дўст бизни ақлан, руҳан ва ҳиссиёт томондан чархлайди. Яхши дўст бизга хатоларимизни севгида кўрсатади ва керак бўлганида тўғрилайди. Яхши дўст сизнинг мувафакқиятларингиздан хурсанд бўлади ва ҳаётий қийин вақтларда сизни руҳлантиради.

*Бутунлай ёлғизликда бўлгандан кўра, дўстинг бўлгани
яхшироқ, чунки ўшанда сиз ўз меҳнатларингиздан кўпроқ
қувонасиз. Агар сен қуласанг, унда дўст ўрнингдан
туришинга ёрдам беради. Агар ёнингда дўстга эга
бўлмай туриб йиқилсанг, унда кулфатга дучор бўласан.*

– Екклесиаст 4:9,10 (CEV таржимаси)

Биз ўзаро муносабатларнинг учта: жисмоний, жоний ва руҳий даражалари мавжуд эканлигини билиб олдик.

Энди улар ҳақида билган ҳолда, ўзингизнинг ўзаро муносабатларингизни қандай тушунасиз? Бу ким билан муносабатларингизда энг кўп ёрдам бермоқда? Нима учун?

Алоқанинг энг чуқур ва тўлиқ маъносига биз руҳий даражада эга бўлишимиз мумкин. Улар ўзларида нимани ифодалаётганини таърифлаб беринг. Жисмоний ва жоний даражалардаги муносабатлар олдида руҳий даражадаги муносабатнинг қандай афзалликлари бор?

Сиз муносабатларингизни чуқурлаштиришни истайдиган одамлар борми? Тўхтанг ва ибодат қилинг: «Муқаддас Руҳ, Сен менинг ҳаётимга жойлаштирган одамлар билан янада чуқур ва руҳий муносабатларни ривожлантириш учун мен нима қила оламан?». Жим туринг ва қулоқ солинг. У нима деяётганини ёзиб қўйинг.

Илоҳий алоқалар учун ибодат:

Муқаддас Руҳ, менга илоҳий алоқаларни ато қилгин. Довуд учун Йўнатан бўлганидек, Наоми учун Рут бўлганидек, Раббий Исо учун Юҳанно бўлганидек, мени ҳам Ўзинг бирлаштиришни истаётган одамлар билан бирлаштиргин. Соғлом дўстликни, шу жумладан, одамлар билан руҳий даражадаги дўстликни ривожлантириш учун менга Ўз иноятингни бергин. Раббий Исо номи билан, Омин!

Бундан кейин ўрганиш учун...

Ҳикматлар 13:20; 17:9, 17; 27:6,10,17; Юҳанно 15:13;
1 Юҳанно1:7; 1 Шомуил 18:1–4.

ХУДОНИ ЧУҚУРРОҚ ДАРАЖАДА ҲИС ҚИЛИШ

Оталарингнинг Худосини яқиндан таниб-билишни ўрган.

Унга бор юрагинг билан ва бор жонинг билан сажда қилгин ва хизмат қилгин.

-1 Йилнома 28:9 (NLT таржимаси)

Худонинг буюк мақсади шундан иборатки, бизни яқиндан билиш учун У бизни У билан бирга яшашга таклиф этмоқда. Бундан-да қизиқарлироқ сафар бўлиши мумкинми? Повул: «Шубҳасиз, Раббим Исо Масиҳни билишнинг афзаллиги олдида мен ҳамма нарсани беҳуда, деб ҳисоблайман. У учун мен ҳамма нарсадан воз кечдим. Масиҳга эга бўлишим учун мен ҳамма нарсани ахлат, деб ҳисоблайман», -деган (Филиппикларга 3:8).

Исо Масиҳнинг теранликларини ўрганиб яшаш Жанна Гийоннинг жону дили бўлган. Бу вазифа у учун шу қадар муҳим бўлганки, у шу номли китоб ёзган. Ўн еттинчи асрда яшаган бу француз аёли Джон Уэсли, Хадсон Тейлор и Вочман Ни каби имонлиларга таъсир кўрсатган. У яқинлик ҳақида шундай деган:

«Сизлардан сўрашга рухсат этсангиз... Раббийни чуқурроқ билишни хоҳлайсизларми? Худо бундай ҳаётни, бундай юришни У Ўзининг барча қайта сотиб олинган болаларига берган иноят орқали, Ўзининг Муқаддас Руҳи орқали сизлар учун имконли қилди. Унда қандай қилиб Раббийнинг теранликларини таниб-билишга яқинлашиш мумкин? Сир ибодатда».

Шундай қилиб, сиз Худони яқиндан таниб-билган одамнинг ибодатини қандай тасвирлаган бўлар эдингиз? Матто Хушхабаригаги Раббий Исонинг ибодатини диққат билан ўқиб чиқинг (6:5-15). Сиз Ундан нимани ўрганишингиз ва ўз

хаётингизда қандай қўллашингиз мумкин?

Одам юқоридан туғилганида, Муқаддас Руҳ келиб унинг руҳига ўрнашишини биз энди билиб олдик. Руҳ биз билан мулоқот қилиб туриб, бизнинг руҳимиз орқали мурожаат қилади. Жанна Гийон шундай сўзларни ёзади:

«Сиз Раббийни фақатгина ўз руҳингизнинг ичида, борлигингизнинг ичида, Муқаддаслар Муқаддасида топасиз. У айнан ўша ерда бўлади. Раббий бир кун келиб, сизнинг ичингизда Ўзига уй қилишга ваъда берган (Юҳанно 14:23га қаранг). У ўша жойда Унга сажда қилувчиларнинг ва Унинг иродасини бажарувчиларнинг барчаси билан учрашишга ваъда берган. Раббий сиз билан сизнинг руҳингизда учрашади... Сизнинг юрагингиз ичкарига Раббийга ўгирилгани заҳоти сизда Унинг ҳузурини ҳис қилиш пайдо бўлади».

Биз Худони ҳаммадан ҳам яқинроқ Унинг Руҳи – бизга ато этилган Унинг Муқаддас Руҳи орқали таниб-билишимиз мумкин (1 Кор. 2:9-12га қ.). Тўхтанг ва ибодат қилинг: «Муқаддас Руҳ, хаётимда менга Сени чинакамига тушунишимга халақит берувчи қандайдир адашишлар, ёмон тажриба ёки шахсий бидъатлар борми?» Жим туриб, кулоқ солинг. Ундан Унинг ҳузурига қаршилик қилаётган фикрлардан сизни тозалашини сўранг. У сизга нима деб жавоб берса, ўшани ёзиб қўйинг.

Бу ҳақиқат устидан фикр юритинг ва Муқаддас Рухдан унинг маъносини юрагингизга очиб беришини сўранг.

Бироқ Раббийга мурожаат қилганларида, бу парда олиб ташланади. Раббий Рухдир. Раббийнинг Рухи бор жойда озодлик бор. Бизнинг ҳаммамиз очиқ юзимиз билан кўзгуга қараганимиздек, Раббийнинг шуҳратига қараб турибмиз ва Раббийнинг Рухи орқали шуҳратдан шуҳратга, худди ўша тасвирга ўзгармоқдамиз.

– 2 Кор. 3:16-18

МУҲОКАМА УЧУН САВОЛЛАР

Агар сиз бу китобни «Messenger» хизматидан Муқаддас Рух ҳақидаги материалларнинг бир қисми сифатида ўқиётган бўлсангиз, унда марҳамат қилиб, 3- видео дарсини кўринг.

- 1 | Раббий Исо фарзийлар инсоний урф-одатларни Худо Сўзининг обрўсидан ҳам юқори кўтарганликларини айтган. Булар одамларнинг қандай урф-одатлари ва нима учун улар бизнинг Яратувчи билан мулоқотимизга ҳалақит бермоқда? Инсоний урф-одатлар Худонинг Сўзидан юқори турган замонавий дунёдан муҳим бир мисол келтиринг.
- 2 | Муқаддас Рух бизнинг энг яхши дўстимиз бўлишни жуда ҳам истайди. У биз билан яқин мулоқотни рашк билан истайди. Сизнинг фикрингизча, дунёдаги қандай нарса Жамоатнинг (имонлиларнинг) диққатини ва боғлиқлигини Муқаддас Рухдан чалғитади? Агар биз дунё билан ўйнашсак, Муқаддас Рух билан мулоқот қилишдан кўра, кўпроқ хузур-ҳаловатни, бойликни ва ҳақ-ҳуқуқларни изласак, нима содир бўлади?
- 3 | Юҳанно Хушхабариди (20:29) Раббий Исо ҳаворий Тўмага нима ҳақида гапирмоқда? Ушбу ҳақиқатнинг Коринфликларга иккинчи мактубида (5:16) апостол Повул томонидан айтилган Худонинг Сўзлари билан қандай боғлиқлик томони бор ва мазкур ҳақиқат қай тарзда бизнинг Худо билан алоқаларимизни мустаҳкамлайди ва чуқурлаштиради?
- 4 | Биз бошқа одамлар билан эга бўлишимиз мумкин бўлган ўзаро муносабатларнинг уч даражасини айтиб ўтинг ва таърифлаб беринг. Улардан қай бири энг чуқуридир ва

нима учун? Қандай қилиб, биз муносабатларнинг мазкур даражасини одамлар билан қуришимиз мумкин?

- 5 | Бизга Муқаддас Рухда жуда ажойиб инъом берилган: Худониякиндан таниб-билишқобилияти. Коринфликларга биринчи мактубни (2:11-16) диққат билан ўқиб чиқинг. Муқаддас Рух бу парчада Худони ҳақиқатан таниб-билиш ҳақида нима демоқда?
- 6 | Петъорда ва бошқа шогирдларда ҳеч бир бошқа кишида бўлмаган шундай кечинмалар бор эди: улар Раббий Исо билан юзма-юз сўзлашган эдилар. Повулда бундан мулоқотнинг имкони бўлмаган эди, шунга қарамасдан, Худо уни қудрат билан ишлатди. Бунинг қандай имкони бор?

Ўрганиб чиқиш учун Муқаддас Ёзувнинг бошқа оятлари: Юҳанно 20:29; 2 Коринфликларга 5:16; 2 Петъор 3:15,16.

- 7 | Агар биз Муқаддас Рух билан мулоқот қилишни менсимасак ва Уни излашга ҳаракат қилмасак, Худо билан бизнинг ўртамиздаги ўзаро мулоқотларимиз билан нима содир бўлади? Агар истасангиз, ўз уй гуруҳларингиздаги одамларга Муқаддас Рух билан мулоқотнинг шахсан сизнинг ўзингиз фойдаланадиган бир неча амалий усуллари ҳақида айтиб беринг, шунингдек, ўзингизнинг У билан бўлган ажойиб дўстлик тажрибангизни ҳам сўзлаб беринг.

БОБНИНГ ҚИСҚАЧА МАЗМУНИ:

- Агар биз Худо билан чуқур ўзаро яқин муносабатларни истасак, биз Уни Унинг Руҳи орқали таниб-билишимиз зарур.
- Худо юрагининг ҳиссиётларини ва унда бор бўлган мақсадларни ва фикрларни фақатгина Муқаддас Рух билади ҳамда очиб беради.
- Бизга Худонинг Руҳи ато этилган, У бизни ҳар қандай ҳақиқатга ўргатувчи ҳақиқий Устоздир.
- Дунё билан дўстликни қўллаб-қувватлаш (ҳақ-хуқуққа ва ҳузур-ҳаловатга худбинларча интилиш) - Худога душман бўлишни билдиради.
- Муқаддас Рух – жаноб, У бизга Ўзининг иродасини ва дўстлигини тикиштирмайди.
- Ўзаро муносабатларнинг учта даражаси мавжуд: жисмоний (энг паст ва энг юзаки), жоний (ёки хис-туйғули), руҳий (энг чуқур ва энг яқин).
- Худони Исо Масихнинг жисмоний Шаҳси билан мулоқот қилиш орқали таниб -билишдан кўра, Унинг Руҳи орқали чуқурроқ ва яқинроқ таниб-билиш мумкин.

МУҚАДДАС РУҲНИНГ КУЧИ ИНЪОМ ҚИЛИНГАНЛАР

1-кун

Ўрта асрлардаги қиролни тасаввур қилинг. Уни ўраб турган шароитлар манзарасини хаёлан чизишга уриниб кўринг: қаср, ер-мулклар, рицарлар ва хонимлар, жанглар, ҳокимият, шараф. Ўрта асрларда, қирол ўзининг барча нарсалари билан бирга Худо томонидан халққа берилган деб ҳисобланган, шу сабабли, қироллар бой бўлишган, тўла-тўқисликда яшашган ва барча фуқаролар уларни ҳурмат қилишган. Қиролнинг сўзи қонун, унинг ҳукмлари муқаррар бўлган. Агар қирол яхши бўлса, у қиролликнинг аҳолисини ҳимоя қилиш масъулиятини тушунган, у шунингдек, қиролликнинг чегараларини кенгайтириб ва ҳимоя қилиб, унинг манфаатлари учун қайғурган.

Бу мавқега улкан масъулият юкланган, шунинг учун қирол қудратли ҳокимиятга, баъзан мутлақ ҳокимиятга эга бўлган. Ёдда тутинг, мен демократлар ва республикачилар бошқарувнинг умумий қабул қилинган шакллари билан хизмат қилаётган бизнинг давримиз учун ўзига хос бўлган ҳокимият вакилини таърифламаяпман. Мен мутлақ монархия ҳокимиятини таъриф-лаяпман. Энди унинг мавқеига ҳамроҳ бўлган ҳокимиятни рад этадиган ва уни тушунмайдиган қиролни тасаввур қилинг. Бундай ҳолда унинг қироллиги билан нима содир бўлади? У жуда ҳам тез забт этилади, аҳолини қулликка олиб кетадилар, бойликни эса тортиб олишади. Қирол нафақат қироллик мавқеини тутиб туриши (яъни саройдаги дабдабали ва беташвиш ҳаётдан

лаззатланиши), балки яна фақатгина унинг мавқеи воситасидагина бажаришнинг имкони бўлган ўз вазифаларини ҳам бажариши лозим. Агар қиролнинг ҳукмронлик мавқеи унга ҳамроҳ бўлган куч билан мустаҳкамланмаган бўлса у ҳеч нимага арзимайди.

Биз Худонинг фарзандлари сифатида Масиҳнинг ворисдошларига айландик. Римликларга мактубда шундай ёзилган: «Агарда фарзандлари бўлсак, унда биз меросхўрлармиз, яъни Худонинг меросхўрларимиз ва Масиҳнинг ворисдошларимиз...» (8:17). Эфесликларга мактуб (2:6)да бу ҳолат ҳақида яна гапирилмоқда: «[Худо] У билан бирга тирилтириб, бизларни Исо Масиҳда самода ўтирғизди». Масиҳда ва Масиҳ орқали биз маълум ҳолатни қўлга киритдик. Биз ортиқ бу дунёнинг фарзандлари эмасмиз, балки Худонинг Шоҳлигини қироллик оиласининг (меросхўрларимиз) аъзоларимиз. Унинг Шоҳлигидаги меросхўрлар сифатида биз Раббийнинг даъватини тарқатиш вазифасини олдик. Ҳайратда қолдирувчи ҳокимият! Бироқ агар биз Масиҳдаги ҳолатда самарали бўлишни хоҳласак, унда ушбу мисолдаги ерлик қирол каби биз ўзимиз учун бизга мавқе билан биргаликда берилган кучни очишимиз ва у билан қуролланишимиз керак. Биз бу бобда Унинг Шоҳлигини тарқатишдаги вазифамизни бажариш учун қандай ҳокимиятга эга эканлигимизни чуқурроқ кўриб чиқамиз. Повул шундай демоқда:

«Аmmo сизлар – танланган бир авлод, шоҳона руҳонийлар, муқаддас халқ, Худонинг шахсий одамларисизлар. Сизлар Худонинг баркамоллиги ҳақидаги хабарни етказишингиз учун қоронғилиқдан Унинг ажойиб нурига даъват қилингансизлар» (1 Пет. 2:9).

Ўқишни давом эттиришдан аввал эътибор беринг: мавқе ҳар доим кучдан олдин юз беради. Биз Унинг Шоҳлиги учун нимадир қилишни бошлашдан олдин Масиҳда ўрнашган бўлишимиз керак.

БИЗГА КЕРАК БЎЛГАН КУЧ

«Сўнгра уларни йиғиб, уларга буюрди: «Иерусалимдан кетиб қолманглар, лекин Мендан эшитганларинг, Отам ваъда қилганни кутиб туринглар. Зеро Яхё сувга чўмдирган эди, аммо сизлар бир неча кундан кейин Муқаддас Рухга чўмдириласизлар»» (Ҳав. 1:4-5).

Раббий Исо ҳаворийларга ваъда қилинганни кутишни *таклиф қилмади* ва Унинг насихатларини бажаришни *маслаҳат бермади*. Ваъда қилинган амалга ошмагунча, У «уларга Иерусалимдан кетиб қолмасликни буюрди». Раббий Исо Ўз сўзларининг муҳимлигига урғу беришга мажбур эди, чунки Муқаддас Рухнинг кучи Шоҳликнинг иши учун ҳал қилувчи даражада муҳимдир. Унинг шогирдлари Масихнинг қайта тирилганлиги ҳақидаги Эзгу хабарни сўзлаб беришга сабри етмаслигини ва бу сабрсизлик уларнинг ваъда қилинган Муқаддас Рухни кутишларида акс этиши мумкинлигини У билар эди. Ҳаворийлар китоби (1:3)дан шуни билиб оламизки, улар Раббий Исо уларга Худонинг Шоҳлигини қандай ўргатганлигини тинглаб, У билан бир неча кунни бирга ўтказган эдилар. Муқаддас Ёзув ҳаворийлар Унинг қайта тирилишининг «рад қилиб бўлмас далилини» олганликларини айтмоқда. Уларни ҳақиқатан ҳам Унинг қайта тирилганига ишонтаришнинг кераги йўқ эди, чунки улар Масихнинг ўлим устидан қозонган ғалабасининг далилини биринчилардан бўлиб қабул қилган эдилар. Бошқача сўз билан айтганда, улар боришга тайёр эдилар!

Бироқ Раббий Исо уларга қараб, шундай деди: «Муқаддас Рухнинг кучига бурканмагунингизгача, хизматингизни бошламанг. Хушxabарни бутун ер юзи бўйлаб тарқатишни бошламанг ва жамоатлар тузманг» (Лқ. 24:49, муаллифнинг парафрази). Ёзув бизга Раббий Исонинг тахминан 500 нафар одамга намоён бўлганини ва уларга нима қилиш кераклигини

айтганини сўзламоқда (1 Кор. 15:6). Бирок Ҳаворийлар китоби (1:16)да биз болохонада фақатгина 120 киши йиғилганлигини кўрамиз. Қолган 380 кишига нима бўлди? Ўйлашимча, кундан-кунга улар тобора камайиб борган ва ниҳоят 500 нафардан 120 нафари қолган. Охиригача кута олмаган ўша 380 киши балки шундай ўйлаган бўлишлари мумкин: «Келинг, синагогага қайтамиз, жамоатлар тузишни бошлаймиз ва барчага Раббий Исонинг қайта тирилиши ҳақидаги ажойиб янгиликни сўзлаб берамиз. Ахир қимматбаҳо кунларни йўқотиш ва Эзгу хабарни ҳеч кимга айтмаслик яхши эмас». Фақатгина 120 киши Устознинг амрлари амалга ошишини кутиб туришни истадилар.

Ҳозир сиз шундай дерсиз: «Ҳа, Жон, албатта, шогирдлар Муқаддас Рухни кутиб туришлари керак эди. Улар ҳали ўша вақтда Уни қабул қилмаган эдилар.

Бизда ҳаммаси бошқача, чунки биз Муқаддас Рухга нажот топиш вақтида эга бўламиз».

Юханно Хушхабарини ўкиб чиқинг (20:21,22):

«Шунда Исо яна уларга: «Сизларга тинчлик бўлсин, Отам Мени юборганидек, Мен ҳам сизларни юборяпман», - деди. У шуларни айтиб пуфлади ва уларга: «Муқаддас Рухни қабул қилинглар», - деди».

Раббий Исо шогирдларига пуфлаб, деди: «Муқаддас Рухни қабул қилинглар». Бу ерда «қабул қилмоқ» маъносида ишлатилаётган юнонча сўз «дархол ёки ҳозирнинг ўзидаёқ»ни англатувчи туб маънога эгадир.

Бу ерда нима содир бўлишига ҳеч қандай ишора йўқ. Шогирдлар ҳақиқатан ҳам Раббий Исо самога кўтарилгунга қадар Муқаддас Рухни қабул қилиб бўлган эдилар. Улар «Элликлик» кунида Рухга тўлмагунларича, улар ҳали кучга бурканмаган эдилар.

«ЭЛЛИКЛИК» КУНИ

«Элликлик» куни келганида, уларнинг ҳаммалари якдилликда бирга эдилар. Тўсатдан осмондан худди кучли шамол бўлгандек, шовқин келди ва улар ўтирган уйни бутунлай тўлдирди. Уларга олов каби бўлинаётган тиллар зоҳир бўлиб, уларнинг ҳар бирининг устига биттадан кўнди. Шунда уларнинг ҳаммалари Муқаддас Руҳга тўлдилар ва Руҳ уларга бераётган иборалар билан бошқа тилларда гапира бошладилар» (Ҳав. 2:1-4).

Билишимча, бизларнинг кўпчилигимиз бу ҳодисанинг суратдаги мисолини эслаймиз, чунки якшанба мактабида кўпинча шуни кўрсатишади. Одатда, имонлилар унда бошлари устида кичкина олов ҳарфлар билан тасвирланган. Эҳтимол, бу ўша ҳодисанинг жуда ҳам яхши мисоли эмасдир. Эски Аҳдда олов кўпинча Худонинг хузурининг тимсоли бўлиб хизмат қилади. Ҳаворийлар китобининг муаллифи «олов каби тиллар» деб таърифлаган нарсани Худонинг хузурининг намоён бўлишидир.

Раббий Исонинг ушбу издошлари, аёллар ва эркаклар Худонинг хузурини билан қамраб олинган эдилар, унга чўмган эдилар. Бу намоён бўлган хузур шунингдек, «кучли шамол бўлгандек» таърифидан ҳам кўриниб турибди. Биринчи бобда айтганимиздек, Муқаддас Руҳ «кучли шамол» эмас. У Шахсдир. Бироқ Унинг ташриф буюришининг намоён бўлиши болохонада кучли шамол шаклига эга бўлди.

Ҳаворийлар китоби (2:4)да ишлатилаётган «тўлдилар» маъносидаги юнонча сўз, айнан «тўйиб кетдилар» маъносини билдиради. Луғатда «тўйдириб юбормоқ» сўзи «мўл-қўлчиликкача таъминлаш» маъносини билдиради. Болохонадаги одамлар Муқаддас Руҳга мўл-қўл тўлдилар. Уларнинг барчаси ўз ҳаётларида Худонинг намоён бўлган хузурининг буюк даражасини ҳис қилдилар. Олов ва шамолдан

ташқари имонлиларнинг Муқаддас Рух билан тўлганининг яна бир аъломати бор эди – улар номаълум тилларда гапира бошладилар.

2-кун

БУ ҚАНДАЙ НОМАЪЛУМ ТИЛЛАР?

Номаълум тил оддий тилни англатади. Агар мен Испанияга бориб, у ерда испанча гапирмайдиган одамни учратиб қолганимда эди, мен ундан унинг она тили қандай эканлигини сўраган бўлар эдим. Инглизча гапирадиган одамни учратиб қолсам, унинг она тили қанақа эканлигини сўраб ўтирмаган бўлар эдим, чунки менинг ўзим инглиз тилида гапиришим туфайли унинг инглизча сўзлаётганини осонгина билиб олган бўлар эдим. Шу сабабли, мен учун инглиз тили – бу менга таниш тилдир, қайсидир бошқа тилни эса мен ўзим учун номаълум тил, хорижий тил ҳисоблаган бўлар эдим. Биз бу мавзуга яна қайтамыз.

«Элликлик» кунда яҳудийлар диний байрам учун Иерусалимга ҳар хил жойлардан йиғилган эдилар. Улар ҳар хил шаҳарларда яшаганлари туфайли барчалари ҳар хил тилларда гапирар эдилар.

«Шу пайтда, Иерусалимда осмон остидаги барча халқлардан бўлган художўй яҳудийлар бор эди. Бу шовқин содир бўлганида, кўпчилик одамлар тўпланиб, саросимага тушдилар, чунки улардан ҳар бири ҳаворийларнинг уларнинг маҳаллий шевасида гапираётганини эшитдилар. Шунда ҳаммалари ажабланиб ва хайрон бўлиб ўзаро дер эдилар: «Бу гапираётганларнинг ҳаммаси галилиялик эмасми? Қандай қилиб, ҳар биримиз ўзимизнинг туғилган маҳаллий шевамизни эшитяпмиз?» (Ҳав. 2:5-8).

Муқаддас Китоб нима деяётганига эътибор беринг: «Бу шовқин содир бўлганида, кўпчилик одамлар тўпландилар».

Шогирдлар гапиришни бошлаганлари туфайли кўпчилик одамлар уларнинг олдига тўпланишни бошладилар. Кўпчилик одамлар (кўпчилик қисми саводсиз ва маълумотсиз одамлар деб хисобланган) жалилаликлар ҳар хил тилларда гапирганларидан хайратда қолишди. Худо Руҳининг бундай намоён бўлиши ҳали Раббий Исонинг ортидан эргашмаган одамлар учун нотаниш эди.

«...уларнинг бизнинг тилларимизда Худонинг буюк ишлари ҳақида гапираётганларини эшитяпмиз». Ҳаммалари ажабланиб ва довдираб бир-бирларига: «Бу нимани билдиради?»- дейишар эди (Ҳав. 2:11-12).

Муқаддас Руҳнинг қуйилиши Петъорга халқнинг олдига Муқаддас Китобдаги машҳур воизликлардан бири билан чиқишига имкон яратиб берди. У бу ерда шундай деб айтган: «Ушбу Исони Худо тирилтирди, бунга эса биз ҳаммамиз гувоҳмиз. Шундай қилиб, У Худонинг ўнг қўли билан юксалтирилиб ва Отадан Муқаддас Руҳ ваъдасини олиб, энди сизлар кўраётган ҳамда эшитаётган нарсаларни ёғдирди» (32, 33-оятлар).

Эътибор беринг, ҳар бир киши Муқаддас Руҳ кучининг исботини ҳам кўрди, ҳам эшитди.

Бир неча оятлардан сўнг оломон унга шундай деб жавоб бермоқда:

«Эркаклару биродарлар, биз энди нима қилайлик?» (Ҳав. 2:37).

Шунда Петъор уларга деди:

«Тавба қилинглр ва гуноҳларингиз кечирилиши учун ҳар бирингиз Исо Масих исмига чўмдирилинглр ва Муқаддас Руҳ инъомини оласизлар. Чунки бу ваъда сизларга, фарзандларингизга ва бизнинг Раббий Худойимиз даъват этган барча узоқдагиларга тегишлидир» (Ҳав. 2:38-39).

Раббийнинг исмини чақирадиган ҳар бир кишига очик бўлган нажот ҳақидаги Эзгу хабарни (Рим. 10:13га қаранг) Петъор эълон қилганида, у шунингдек, Муқаддас Рухнинг инъоми ишонадиган ҳар бир кишига очик эканлигини аник қилиб тушунтирди. Ажойиб! Бу ваъда ўтмишдаги, ҳозирги кундаги ва келажакдаги ҳар бир имонли учун очикдир.

ТЎРТТА ВОҚЕА

Ҳаворийлар китобида одамлар қандай қилиб «Элликлик» кунда Муқаддас Рухга тўлганликлари ҳақидаги яна тўртта воқеа баён қилинган. Биз уларни ўқиб чиқамиз. Иккита нарсага алоҳида эътибор қаратинг: Биринчидан, биттасидан ташқари ҳар бир ҳодисада Муқаддас Рухга тўлиш нажот топишдан алоҳида ҳодиса сифатида содир бўлган. Иккинчидан, Муқаддас Рухга тўлишни кузатган одамлар эндигина имонга келган масихийларда Муқаддас Рухнинг ажойиб ҳузурини кўрдилар ва эшитдилар.

Филип ва самарияликлар

Тўртта воқеадан биринчиси Ҳаворийлар китоби 8-бобда баён қилинмоқда. Филип Исо Масихнинг Хушхабарини айтиб бериш учун Самарияга юборилган эди. У Хушхабарни эълон қилганида, бутун шаҳар рухий уйғонишга юз бурди. Фалажлар шифо топдилар, одамлардан нопок рухлар чиқиб кетди, кўпчилик Худонинг нажоти ҳақидаги буюк янгиликни эшитди.

«Лекин Худонинг Шоҳлиги ва Исо Масихнинг исми ҳақида воизлик қилаётган Филипга ишонганларида, кўп эркак ва аёллар сувга чўмдирилдилар. Шунда Шимўннинг ўзи ҳам имон келтириб чўмдирилди ва Филипдан ажралмайдиган бўлиб қолди; у содир бўлаётган ажойиб мўъжизалар ва аломатларни кўриб, хайратланар эди» (Ҳав. 8:12,13).

Наҳотки самарияликлар Исо Масих исми ҳақидаги Эзгу

хабарга ишониб, юқоридан туғилган бўлсалар? Албатта, ҳа! Агар одам Хушхабарга ишонса, у Исо Масихни қабул қилади ва Худонинг фарзандига айланади. Сўнгра, ушбу янги имонга келганлар Масихга имон келтирганининг белгиси сифатида сувга чўмдилар. Лекин биз кейинги оятларда илк Жамоатнинг етакчилари ниманидир кўпроқ билганликларини кўрамиз. Имон келтиришдан ва сувга чўмишдан ташқари Муқаддас Рухга чўмишни қабул қилиш зарур бўлган.

«Иерусалимда бўлган ҳаворийлар эса, самарияликлар Худонинг Сўзини (нажотни) қабул қилганларини эшитганларида, уларнинг олдиларига Петъор билан Юҳаннони юбордилар. Улар келиб, самарияликлар Муқаддас Рухни қабул қилишлари учун ибодат қилдилар, чунки У ҳали уларнинг ҳеч бирига тушмаган эди, улар фақатгина Раббий Исонинг исмига чўмдирилган эдилар» [сувга чўмдирилиш] (Ҳав. 8:14-16).

Самария Хушхабарни қабул қилганини эшитиб, ҳаворийлар Петъор ва Юҳаннони янги имонга келган одамларнинг олдига юборишга қарор қилдилар. Нима учун ҳаворийлар энг ҳурматли аъзолардан икки нафарини самарияликлар билан ибодат қилишга юбордилар? Ахир самарияликлар аллақачон нажотни қабул қилган ва сувга чўмган эдилар. Петъор ва Юҳаннони у ерга одамлар Муқаддас Рухни қабул қилишлари учун улар ҳақида ибодат қилишга атайлаб юборган эдилар (15-оят). Ёдингиздами, Иерусалим Самариядан эллик беш километр узоқликда жойлашган эди. Бугун бу масофа бизга унчалик узоқ кўринмаслиги мумкин, бироқ ҳаворийларнинг машиналари бўлмаган ва умумий транспорт бўлмаган. Улар бу эллик беш километрни пиёда босиб ўтишларига ёки қандайдир ҳайвоннинг елкасида ўтишларига тўғри келган. Сафар ҳеч бўлмаганда уларнинг бир ёки икки кунини олган бўлиши керак.

Яна шуни эътиборга олиш муҳимки, янги имонга келган-

лар аллақачон Раббий Исонинг исмига чўмган эдилар. Улар аллақачон Худонинг фарзандлари эдилар. Бироқ хали улар хис қилмаган нажот инъомининг бир қисми қолган эди. Сиз: «Бир сония, Жон, мен Исо Масихнинг Руҳи биз нажот инъомини қабул қилганимиз заҳоти бизнинг юрагимизда Ўзига уй куради деб ўйлаган эдим», – дейсиз. Ҳа, айнан шундай. Ёзувда аниқ қилиб: «Ҳеч ким Муқаддас Руҳсиз Исони Раббим деб атай олмайди», – дейилмоқда (1 Кор. 12:3). Гарчи бу ерда гап унга тўлиш ҳақида кетаётган бўлмаса ҳам, Муқаддас Руҳнинг таъсирисиз биз Исони Раббий деб эътироф эта олмаймиз.

Муқаддас Ёзув аниқ қилиб айтмоқдаки, бизларнинг барчамиз Масихда муқаддасланган ва Муқаддас Руҳ билан муҳрланганмиз (1 Пет. 1:2; Эф. 1:13га қаранг). Демак, шубҳа йўқки, Муқаддас Руҳнинг доимо бўладиган ҳузурини қабул қилиш – бу нажотнинг бир қисмидир. Худо бизни кўрганида, У Ўз Ўғлининг Руҳини кўради. Эсингиздами, сиз нажотни қабул қилганингизда, сиз самода Масих билан ўтқизилган – Унинг меросининг ва Шоҳлигининг бир қисмига айланган эдингиз? Бироқ сиз Отадан бундай деб сўрамагунингизча, Муқаддас Руҳнинг кучига тўлмаган эдингиз:

«Шундай қилиб, агар сизлар ёвуз бўла туриб, болаларингизга яхши ҳадялар беришни билсангизлар, боз устига, осмондаги Ота Ундан сўраганларга Муқаддас Руҳни беради» (Лк. 11:13).

Раббий Исо Худони «сизнинг осмондаги Отангиз» деб атаган, шу сабабли, Унинг имонлилар ҳақида гапираётгани шубҳасиздир. Биз буни биламиз, чунки Юҳанно Хушхабариди Раббий Исо Муқаддас Руҳ ҳақида «дунё Уни кўрмаслиги ва билмаслиги туфайли қабул қила олмайдиган ҳақиқат» Руҳи ҳақида гапираётгандек гапирмоқда (Юҳ. 14:17). Мазкур ҳолатда дунё – Худо Шоҳлигининг чегараларидан ташқарида бўлган одамларни англатади. Аниқ, Раббий Исонинг ҳукмронлигига бўйсунмайдиган ҳар қандай киши Муқаддас Руҳни қабул қила

олмайди. Шу сабабли, мазкур «сизнинг Отангиздан» Муқаддас Рухни сўраш насихати нажотга тегишли эмас. У аллақачон нажот топган кишигина қабул қилиши мумкин бўлган кейинги тўлдиришларга тегишлидир.

Энди, келинг, Ҳаворийлар китоби 8-бобга қараймиз:

«Шунда ҳаворийлар уларга қўлларини қўйишди ва улар Муқаддас Рухни қабул қилдилар. Шимўн эса ҳаворийларнинг қўлларини қўйишлари орқали Муқаддас Рух берилаётганини кўриб, уларга пул олиб келди ва деди: «Менга ҳам шу ҳокимиятни беринглар, токи мен кимга қўлларимни қўйсам, у Муқаддас Рухни қабул қиладиган бўлсин!» (Ҳав. 8:17-19).

Петъор ва Юҳанно имонлиларга қўлларини қўйдилар ва улар Муқаддас Рухни қабул қилдилар. Бу Муқаддас Рухга тўлиш жисмоний хиссиётлар учун сезиларли даражада бўлган, чунки Муқаддас Китоб Шимўн «ҳаворийларнинг қўлларини қўйишлари орқали Муқаддас Рух берилаётганини» кўрганини айтмоқда. Шимўн имонли киши бўлган. Имонлиларда Муқаддас Рух кучининг намоён бўлишидан ҳайрон бўлиб, у ҳаворийлардан бу кучни қандай беришни унга ўргатишларини сўради. (бирок унинг илтимоси ноўрин эди, шу сабабли, Петъор Шимўнни айблади).

Бутун Ҳаворийлар китоби давомида, Рухга тўлиш - одатдагидек кўриш ва эшитиш мумкин бўлган ташқи кўринишлар билан бир вақтда содир бўлган, ҳаммадан ҳам кўпроқ номаълум тиллар ва башоратлар кўринишида содир бўлган. Шунинг учун ҳаворийлар Муқаддас Рух «имонлиларга» тушишини кўп бора айтганлар. Самариядаги бу ҳодиса – Муқаддас Рухга тўлишга ҳамроҳ бўлган номаълум тиллар ва башоратлар ҳақида Муқаддас Китоб аниқ айтмаган мисоллардан биридир. Бирок шуни ҳисобга олиш мумкинки, бундай кўриниш ҳақиқатан ҳам содир бўлган, акс ҳолда, сеҳргар Шимўн Муқаддас Рух хузурининг имонлиларда намоён бўлишини яққол кўрмаган бўлар эди.

3-кун

ТАРСЛИК ШОУЛ

Шоулнинг имонга келиш тарихи Ёзувдаги энг машхур воқеалардан бири ҳисобланади. Мен ҳозир ушбу ажойиб учрашувнинг эҳтимол энг кескин бўлган жиҳатига эътиборни қаратмоқчиман. Ҳаворийлар китоби 9-бобда биз Повулнинг имондиларга қарши қувғин уюштириш учун Дамашққа кетаётганини кўраемиз:

«У кетаётиб, Дамашққа яқинлашганида, тўсатдан уни осмондан нур ёритди. У эса ерга йиқилди ва: «Шоул, Шоул! Нега Мени қувғин қилаяпсан?»- деган овозни эшитди. «Сен кимсан, ё, Раббий?» - деди у. Раббий эса: «Мен – сен қувғин қилаётган Исоман. Нишга қарши тегишинг қийин»,- деди. Шунда Шоул даҳшатга тушиб ва титраб деди: «Ё, Раббий, нима қилишимни буюрасан?» Раббий унга: «Ўрнингдан туриб шаҳарга бор ва сенга нима қилишинг кераклиги айтилади», - деди» (3-6-оятлар).

Эътибор беринг, Шоул Исони «Раббий» деб атади. Исо Масих инсоннинг ҳаётига Раббийга айланганида, у бир лаҳзада юқоридан туғилади. Шоул Исони Раббий деб тан олган ўша онда, у аллақачон имонли кишига айланганига ишонаман.

Бу учрашувдан сўнг Шоул уч кунни шаҳарда рўза тутиб ва кейинги кўрсатмаларни кутиб ўтказди. Сўнгра, Раббий Ҳананиах исмли шогирддан Шоулнинг олдига боришини сўради. Ҳананиах бу илтимос устидан ўйга толиб қолди, чунки Шоул имондиларга қарши уюштирган шафқатсиз қувғинлар ҳақидаги кўп воқеаларни эшитган эди. Бироқ Худо унга: «Бор, чунки у Менинг исмимни олиб бориш учун танланган идишимдир», - деди (Ҳав. 9:15). Ҳананиах Шоул ўтирган уйга келиб, кўлларини унга қўйиб шундай деди: «Биродарим Шоул! Сен келаётган йўлда сенга зоҳир бўлган Раббий Исо, кўзларинг

яна кўриши ва Муқаддас Рухга тўлишинг учун мени юборди» (Ҳав. 9:17). Шубҳасиз, Ҳананиах Шоулнинг нажот топганини билан эди, чунки у уни «биродарим Шоул» деб атади. Гарча Шоул аллақачон имонли бўлган бўлса ҳам, шунга қарамасдан, Худо барибир Ҳананиахни Шоулнинг шифо топиши ва Муқаддас Рухга тўлиши учун ибодат қилишга юборди.

Биз мазкур мисолда яна бир бор шуни кўрмоқдамизки, Муқаддас Рухга тўлиш нажот инъомини қабул қилишдан сўнг содир бўлди. Ҳаворийлар китобининг 9-бобида сиз номаълум тилларда гапираётган Шоул (шунингдек, Повул деб ҳам аталган) ҳақидаги фикрларни топмайсиз. Бироқ бизларнинг барчамиз Повулнинг номаълум тилларга гапирганини биламиз, чунки кейинроқ у шундай деб ёзган: «Худойимдан миннатдорманки, мен *номаълум* тилларда ҳаммаларингиздан кўпроқ гапираман» (1 Кор. 14:18). Шахсан мен, Ҳананиах Повул учун ибодат қилганида, у номаълум тилларда гапира бошлаганига ишонаман. Гарчи Повул аллақачон нажот топган бўлса ҳам, у шу пайтгача, ҳали Муқаддас Рухга тўлишни қабул қилмаган эди, шу сабабли, Повул Раббий Исо ҳақида мажусийларга, подшоҳларга ва Исроил фарзандларига эълон қилиши учун Муқаддас Рухнинг кучи унга зарур эди (Ҳав. 9:15га қаранг).

Петъор ва Корнилий

Ҳаворийлар китобининг 10-бобида Худонинг ҳазил-мутойиба туйғуси учқунини пайқаш мумкин. Биринчи оятда биз Рим зобити – Корнилийни учратамиз. Муқаддас Китоб уни бағишланган, Худодан кўрқадиган одам, камбағалларга мурувват кўрсатувчи ва доимо Худога ибодат қиладиган одам деб атайди. Ўша пайтда, Хушхабар ҳали мажусийларга етиб бормаган эди, шунинг учун Худо Корнилийнинг олдига фариштани юборди. Бироқ фаришта Корнилийга Худонинг нажот режасини очиб бермади, фаришта унга Петъорнинг олдига одам юборишни буюрди. У буйруқни хурсатдчилик

билан бажариб, ўз одамларига фаришта кўрсатган жойда Петъорни топишни айтди.

Кейинроқ биз Яффада бўлган Петъор қандай қилиб ибодатда ваҳий олганининг манзарасини кўрамиз. Худо бу ваҳийда Петъорга ҳар хил турдаги ҳайвонларни кўрсатиб деди: «Худо поклаганини сен ҳаром дема» (Ҳав. 10:9-15га қаранг). Шубҳасиз, кўринган нарсанинг маъносини тушуниш Петъорга қийин бўлишини Худо билар эди, шунинг учун Худо ваҳийни Петъорга уч маротаба кўрсатди. Петъор унинг маъноси ҳақида фикрлаб турганида, уйга унинг олдига Корнилийнинг одамлари келишди. Муқаддас Рух Петъорни улар билан бирга боришга юборди. Гарчи ўша вақтларда бағишланган яҳудийлар мажусийлар билан алоқа қилмаган бўлсалар ҳам, Худо Петъорга Корнилийнинг олдига нима учун бориши кераклигини айтмади. Корнилийнинг уйига келиб Петъор деди:

«Бошқа қабилалikka кўшилиш ёки уникага келиш яҳудий учун Қонунга қарши иш эканлигини биласизлар. Лекин Худо менга ҳеч бир одамни ҳаром ёки нопок деб ҳисобламаслигим лозимлигини кўрсатди. Шунинг учун мен чақирилганимда, рад қилмасдан келдим. Энди: «Нима мақсадда мени чақирдингизлар?»-деб сўрамоқчиман» (Ҳав. 10:28-29).

Петъор ваҳий ва бу бағишланган мажусийлар билан учрашув ўртасидаги боғлиқликни тушуна бошлаган эди, шунинг учун Корнилийга Хушхабарни воизлик қила бошлади. Тўсатдан, воизликнинг ўртасида Петъорга Худонинг Рухи намён бўлди ва мажусийлар номаълум тилларда гапира бошладилар. Петъор хайратда эди, чунки илгари ҳеч қачон бунақа иш содир бўлмаган эди.

Петъор ва унинг яҳудий ҳамроҳлари нажот инъоми нафақат улар учун, балки мажусийлар учун ҳам аталганлигига аранг ишонишларини Худо билар эди. Шу сабабдан, Петъор улар учун ибодат қилиш ва уларни сувда чўмдириш имкониятига эга бўлгунига қадар Худо Ўз Рухини мажусийларга қуйди. Шу

тарзда, Худо Исроил халқига тегишли бўлмаган одамлар ҳам нажот режасига киришларининг далилини кўрсатди.

«Петъор билан бирга келган, хатна қилинганлардан бўлган имонлилар Муқаддас Рухнинг инъоми мажусийларга ҳам қуйилганини кўриб, ҳайратда қолдилар, чунки уларнинг *янги* тилларда гапираётганларини ва Худони улуғлаётганларини эшитар эдилар. Шунда Петъор деди: «Худди бизлар каби Муқаддас Рухни қабул қилганларга сувга чўмдирилишни ким тақиқлар экан?» Шундай қилиб, уларга Исо Масих номига чўмдирилишни буюрди. Сўнг улар Петъордан бир неча кун қолишини илтимос қилдилар» (Ҳав. 10:45-48).

Яхудийлар Худо мажусийларга ҳам нажот берганлигининг шак-шубҳасиз далилини инкор қила олмадилар, чунки уларнинг орасида (Муқаддас Рухга тўлишни) Худонинг кучи намоён бўлишини улар кўрдилар ва эшитдилар. Худо мажусийларга нафақат нажот берди, балки У шунингдек, ҳаракатларнинг одатий тартиби – омманинг олдида тавба қилиш ва сувга чўмиш амалга оширилишидан аввал Муқаддас Рухга тўлишни юборди! Бу Ёзувдаги Худонинг бундай тартибдаги ҳаракатини кўришингиз мумкин бўлган ягона мисолидир.

Барча қолган мисолларда Муқаддас Рухнинг қуйилиши имонга келгандан сўнг содир бўлади. Ишонаманки, Худо шундай йўл тутган, чунки Худо Ўзининг нажот инъомини шу билан бир қаторда мажусийларга ҳам тарқатиши ҳақидаги алоҳида аломат яхудийларга керак эканлигини У билар эди.

Эфесликлар

Мен кўриб чикмоқчи бўлган тўртинчи ҳодиса - Ҳаворийлар китобининг 19-бобида ёзилган. Повул Эфесга ўзининг кўп сонли сафарларидан бирини амалга оширади. Муқаддас Ёзув у шаҳарга келиб, у ерда Яхё чўмдирувчининг баъзи бир

шогирдларини учратганини айтмоқда. У улардан сўраган биринчи нарса қуйидагича эди: «Сизлар имон келтириб Муқаддас Рухни қабул қилдингизларми?» (2-оят). Ана бунисига қойил! Агар Повул эфесликларга шундай мурожаат қилган бўлса, унда биз ҳам биринчи навбатда ҳар қандай янги имонга келган кишидан худди шуни сўрашимиз керак.

Бундан ташқари, нима учун мазкур савол янги Жамоатнинг етакчилари орасида шу қадар муҳим? Чунки Муқаддас Рухнинг кучига тўлиш Масихдаги бизнинг даъватимиз учун ниҳоятда муҳимдир. Нима учун бизларнинг бирортамиз бу даъватни алангалатадиган кучсиз бир соат ҳам яшашни ҳохламаймиз? (Ҳав. 1:8га қаранг). Отанинг Шохлигида самарали бўлиш учун биз Масихда (нажотда) ўтқизилган ва Муқаддас Рухнинг кучига (Рухга тўлишга) тўлган бўлишимиз зарур.

Повул шуни билдики, гарчи эфесликлар Яхё чўмдирувчининг шогирдлари бўлсалар ҳам, улар Раббий Исо орқали нажот топиш ҳақидаги Эзгу хабарни эшитмаган эдилар, шу сабабли, у уларга Хушхабар айтишни бошлади.

Мен аввал айтганимдек, Масихда ўрин эгаллаш ҳар доим Муқаддас Рухнинг кучига тўлиш олдидан юради. Ҳаттоки агар кучнинг ташқи намоён бўлиши (Рухга тўлиш) нажотнинг ташқи эътирофи (сувга чўмиш кўринишидаги) олдин келса ҳам, мисол учун, Корнилий билан бўлган ходисадек, нажот доимо кучга тўлишдан олдин келади.

Шунинг учун Повулнинг сўзларини эшитиб, эфесликлар биринчи бўлиб «Раббий Исонинг исмига чўмдирилдилар» (Ҳав. 19:5). Бошқа сўз билан айтганда, улар фақатгина Раббий Исода ва У орқали қўлга киритиш мумкин бўлган нажотни қабул қилдилар. Бироқ бу ҳали ҳаммаси эмас: «Повул уларга қўлини қўйганида, Муқаддас Рух уларнинг устига тушиб келди ва улар ўзга тилларда гапириб, башорат қила бошладилар» (Ҳав. 19:6). Муқаддас Рухга тўлиш янги имонга келганлар бизнинг Раббимиз Исо номига сувга чўмишни бошлаганларидан сўнг содир бўлди. Бу одамлар Повул билан учрашгунларича Раббий Исо ҳақида жуда кам нарсани

билар эдилар. Бироқ улар Муқаддас Рухга тўлганлари заҳоти *башорат қилдилар*, демакки, улар Исо Масихнинг Хушхабарини эълон қилдилар. Улар ҳали бир неча дақиқа олдин билмаган бу башорат қилиш кучи Муқаддас Рух туфайли имконли бўлди. Имонли учун Худонинг Рухини таниб-билмасдан туриб, Худонинг сирлари ҳақида ҳокимият билан эълон қилиш имконсиздир (1 Кор. 2-бобга қаранг). Муқаддас Рухнинг кучисиз ҳеч қачон воизлик қилишимга тўғри келмаслиги учун мен жуда ҳам миннатдорман. Мен ўз-ўзимча энг яхши ёзувчи бўлмаганим сингари, омма олдида чиқиш учун ҳам унчалик яхши номзод эмасман. Мен «инглиз тили» фанидан шунчалик ёмон ўқиганманки, битириш имтиҳонидан ўтолмаганман. 800 баллдан мен бор-йўғи 370 балл йиққанман. Мендан кўра ҳеч ким шуни яхши билмайдики, фақатгина Худонинг инояти ва Муқаддас Рухнинг кучи билан мен ким бўлсам ўшаман. Унинг кучисиз бу китобни ёза олмаган бўлар эдим. У менинг кучимнинг ва қобилиятларимнинг манбаидир. Усиз Шохликдаги даъватим амалга оширилмаган бўлар эди. Муқаддас Рух Худонинг менга бўлган иноятини «намоён этмоқда».

4-кун

ТИЛЛАР ТАМОМ БЎЛДИМИ?

«Пайғамбарчиликлар тугайди, тиллар тамом бўлади, билим ҳам бекор бўлади, аммо севги ҳеч қачон тугамайди. Чунки биз қисман биламиз ва қисман пайғамбарчилик қиламиз. Лекин мукамаллик келганида, қисман бўлган нарсалар тугайди» (1 Кор. 13:8-10).

Энди, биз Ҳаворийлар китобидан барча Муқаддас Рухга тўлиш тарихларини диққат билан қараб чиққанимизда, сизларнинг кўпчилигингиз берадиган саволни кўтаришни хоҳлаган эдим. Мен кўпинча одамларнинг «тиллар тамом бўлади», деяётганларини эшитаман. Одатда улар, бунга исбот

тариқасида 1-Коринфликларга 13-бобдаги Повулнинг сўзларини келтирадилар: «Лекин мукамаллик келганида, қисман бўлган нарсалар тугайди» (10-оят). Яъни, Муқаддас Ёзув бу - бизларга берилган ўша мукамаллик. Демак, энди мукамал (Муқаддас Ёзув) келган экан, тиллар тамом бўлди.

Повулнинг нима деяётганлигини билиш учун биз бу парчани диққат билан ўрганиб чиқишимиз муҳимдир. Мазкур оятнинг контекстини кўриб чиққанимизда, бундай таъриф имконсиз эканлиги аниқ бўлади. Агар тиллар тамом бўлган бўлса, билим ва башорат ҳам тамом бўлди. Лекин билим ва башорат тамом бўлдимиди? Албатта, йўқ. Унда Повул қандай «мукамал» нарса ҳақида гапирмоқда?

Биз жавобни ўн иккинчи оятда топамиз:

«Ҳозир биз гўё хира ойна орқали тахминан кўряпмиз, ўша кунда эса юзма-юз кўрамиз. Ҳозир мен қисман билмоқдаман, аммо ўша кунда мен ўзим таниб- билгандек таниб-биламан» (1 Кор. 13:12).

Повул у қандай қилиб Раббий Исо билан юзма-юз кўришганини таърифлаб бермоқда. «Мукамал» мана нимани англатади – Раббий Исони Унинг шуҳратида таниб-билишни англатади. Биз ҳозирги пайтда Раббий Исо билан бу учрашувни ҳис қилмоқдамизми? Биз Уни бутун шуҳратда томоша қилаяпмизми? Бизнинг ерлик ҳаётимизда Раббий Исо билан учрашув гўё хира ойнадаги тасвирдекдир. Бироқ кейинги асрда У бизни қандай билса, биз ҳам Раббий Исони шундай таниб-билаемиз. Бу Раббий Исо билан чуқур яқинликни ҳис этиш ва «мукамал»нинг келаётганининг белгисидир. Гарчи мазкур сафар ерда бошланаётган бўлса ҳам, биз у билан абадийликда юзма-юз кўришмагунимизча, у тугамайди.

ТИЛЛАРНИНГ ТЎРТТА ТУРИ

Кўпинча менга яна бир саволни беришади: «Жон, нима учун Коринфликларга биринчи мактуб (12:30)да: «Ҳамма

ҳам номаълум тилларда гапирадими?» –деб ёзилган. Бу савол ҳамма одамлар ҳам ноъмалум тилларда гапирмаслигини англамайди? Ҳа, айнан шундай. Бироқ Повул бу парчада ҳамма имонлилар ҳам гапирмайдиган тилларнинг аниқ тури ҳақида гапирмоқда. Яхшироқ тушуниш учун келинг, Янги Аҳдда бу тўртта тур ҳақида нима дейилаётганини кўриб чиқсак.

Бизнинг мунозарамиз доирасида мен ноъмалум тилларни уларнинг қўлланилишига кўра бўлиб чиқаман: умумий ва хусусий. Тилларнинг икки тури умумий хизмат учун хизмат қилади. Умумий қўллаш деганда - мен бир кишининг Муқаддас Руҳнинг инъоми билан бошқа кишига ёки бир гуруҳ одамларга хизмат қилгандаги хизматини назарда тутаяпман. Яна, аксинча, иккита хусусий турдаги тиллар - бизларни Унга яқинроқ қилиб ва бизга Унинг мукамал тушунчасига мувофиқ равишда шафоат қилиш қобилиятини бериб, бизларни имонлилар сифатида тўғридан-тўғри Худо билан боғлайди. Келинг бу турларнинг ҳар бирини кўриб чиқамиз.

Биринчи. Имонсизлар учун аломат бўлган номаълум тиллар

Тилларнинг биринчи тури оммавий намоён бўлишлар учун хизмат қилади.

«Шундай қилиб, *номаълум* тиллар имонлилар учун эмас, балки имонсизлар учун аломатдир» (1 Кор. 14:22).

Бу тиллар - Муқаддас Руҳ бизнинг онгимизга тушганида ва бизга ер юзида бўлган бошқа тилда – айнан биз гапира олмайдиган, ўрганиб чиқмаган ва мулоқот қилиш тажрибасига эга бўлмаган тилда гапириш қобилиятини берганида ҳаракат қилишни бошлайди. Айнан мана шу турдаги тиллар «Элликлик» кунда шогирдлар орқали ҳаракат қилган эди.

«Шу пайтда, Иерусалимда осмон остидаги барча халқлардан бўлган ҳудудий яҳудийлар бор эди. Бу шовқин

содир бўлганида, кўпчилик одамлар тўпланиб, саросимага тушдилар, чунки улардан ҳар бири ҳаворийларнинг уларнинг маҳаллий шеvasида гапираётганини эшитдилар. Шунда ҳаммалари ажабланиб ва хайрон бўлиб ўзаро дер эдилар: «Бу гапираётганларнинг ҳаммаси галилиялик эмасми? Қандай қилиб, ҳар биримиз ўзимизнинг туғилган маҳаллий шевамизни эшитяпмиз? Парфияликлар, мидияликлар, эламликлар; Месопотамия, Яҳудия, Каппадокия, Понт ва Асия ўлкасида яшовчилар, Фригия, Памфилия, Миср ва Ливиянинг Киринеяга тугаш қисмидагилар ҳамда Римдаги мусофирлар, яҳудийлар ва прозелитлар, критликлар ва араблар ҳам уларнинг бизнинг тилларимизда Худонинг буюк ишлари ҳақида гапираётганларини эшитяпмиз» (Ҳав. 2:5-11).

Яҳудийлар имонлилар уларнинг маҳаллий шеваларида гапирганларини эшитдилар. Бу манзара - Исо Масих Хушхабарига ишонган одамларнинг орасида Худо ҳаракат қилаётганининг аломати эди. Акс ҳолда, маълумотсиз галилияликлар Худонинг мўъжизаларини кўпгина ҳар хил тилларда бундай мукамал эълон қила олмаган бўлар эдилар. Муқаддас Рух кучининг бундай намоён бўлиши орқали кўп одамлар Раббий Исони таниб-билдилар.

Мен бир неча йил аввал Колорадо-Спрингс шаҳридаги бир жамоатда воизлик қилган эдим. Хизмат вақтида менинг гуруҳимдан бир аёл жамоатда орқа қаторда ўтирган эди. Хизмат тугагандан сўнг, ундан олдинги қаторда ўтирган эркак унинг олдига келиб деди: «Сиз француз тилида жуда яхши гапираяпсиз, сиз бу тилнинг эски бир шеvasини бенуксон талаффуз қиляпсиз. Мен кўп йиллардан буён француз тилидан дарс бериш билан шуғулланаман ва бу тилда сиз каби шу қадар яхши гапирадиган одамни ҳеч қачон учратмаганман».

Бу аёл унга жавоб бериб: «Мен француз тилида умуман гапирмайман», - деди. Эркак хайратда қолди.

У деди: «Сиз француз тилида нафақат мукамал гапирдингиз, балки сиз яна Ёзув оятларини Жон уларни айтишидан ва

тингловчилардан уларни Муқаддас Китобда очишларини сўрашидан олдин француз тилида айтиб бердингиз». Бу ҳодиса аниқ мазкур эркак учун Худо мен орқали айтаётган Сўзини тасдиқлаганининг исботи бўлди. Тилларнинг аломат сифатида аниқ мақсади – Масихни ҳали ўзининг Раббийси ва Қутқарувчиси деб қабул қилмаган одамнинг эътиборини тортишдан иборатдир.

Иккинчи. Талқин қилиш учун номаълум тиллар

Шунингдек, иккинчи тур ҳам умумий хизматда қўлланилади. Аломат сифатида намоён бўладиган тиллардан фарқли равишда, бу тиллар самовий бўлиб ҳисобланиб, бу тилларда ер юзининг ҳеч бир жойида гапирмайдилар. Повул талқин қилиш учун бўлган тиллар ҳақида руҳий инъом ҳақида гапиргандек гапирмоқда: «...бошқага ҳар хил тиллар, яна бошқага тилларни талқин қилиш» (1 Кор. 12:10). Модомики, ер юзининг ҳеч бир жойида бу тилларда гапирилмас экан, уларни талқин қилиш керак.

Бир неча йил аввал мен Сингапурда бир жамоатда воизлик қилиш учун чиқишга тайёрланаётган эдим. Тўсатдан бир киши хизмат вақтида нотаниш тилда гапиришни бошлади. Бу тил ер юзида бўлган тиллардан бирортаси ҳам эмаслигини мен аниқ билар эдим, у – самовий тил эди. Залдаги ҳар бир одам Руҳнинг бундай намоёишидан ҳайратда қолди. У самовий тилда гапириб бўлганидан сўнг, дарҳол талқин қилиб берди. Унинг талқин қилгани Худо менга ушбу жамоат учун берган сўзга аниқ мос келди. Мен Худога бу ажойиб тасдиқ учун кўнглимда миннатдорчилик билдирдим! Худо менинг юрагимга солган сўзни тасдиқлаш учун унинг тилларни талқин қилиш инъомини ишлатди. Бу мен учун ва аудиторияда йиғилганларнинг барчаси учун аломат бўлди.

Эътибор беринг, мазкур турдаги тилларга нисбатан «таржима қилиш» сўзи эмас, айнан «талқин қилиш» сўзи ишлатилмоқда. Самовий тилларни таржима қилиб бўлмайди (буларга Янги Аҳдда таърифланган тўрт турдаги тиллардан учтаси тегишли-

дир), чунки улар инсоний тушунчадан устундир – уларни фақат талқин қилиш мумкин.

«Талқин қилиш учун тиллар» тоифасига кирувчи тилларнинг ҳар қандай ифодаси доимо талқин қилиш билан бирга юриши керак. Жамоат унингсиз барпо бўла олмайди, бундай тил эса, фақат унинг барпо бўлиши учун берилади (1 Кор. 14га қаранг).

Повулдан: «Ҳамма ҳам *номаълум* тилларда гапирадими?» – деб сўраганларида, у бу турдаги тиллар ҳақида гапирган эди. Келинг, энди бу оятга контекстда қарасак:

«Худо эса баъзиларни Жамоатда биринчидан ҳаворийлар, иккинчидан пайғамбарлар, учинчидан муаллимлар қилиб қўйди. Яна баъзиларга мўъжизакорликни, бошқаларга эса шифокорлик, ёрдам бериш, бошқариш, турли тиллар инъомларини берди. Ҳамма ҳам ҳаворийми? Ҳамма ҳам пайғамбарми? Ҳамма ҳам муаллимми? Ҳамма ҳам мўъжизакорми? Ҳамма ҳам шифокорлик инъомларига эгами? Ҳамма ҳам *номаълум* тилларда гапирадими? Ҳамма ҳам талқин қиладими?» (1 Кор. 12:28-30).

Повул Худо Жамоатда хизмат учун қўйган умумий инъомлар ҳақида гапирмоқда. Ҳамма ҳам ҳаворийми? Йўқ. Ҳамма ҳам пайғамбарми? Йўқ. Ҳамма ҳам муаллимми? Йўқ. Худди шундай, ҳамма ҳам ўзининг умумий хизматини бажариб, *номаълум* тилларда гапирадими ва уларни талқин қиладими? Йўқ. Повул бизларнинг барчамиз Худо бизга берган аниқ бир инъомларда равақ топишимиз керак деб ҳисоблайди. Ҳар бир одам ҳам Жамоатда *номаълум* тилларда гапириш хизматига эга бўлмайди.

Номаълум тилларда омма олдида гапиришнинг иккита тури ўртасидаги фарқ

Кейинроқ Повул Коринфликларга мактубида *номаълум* тилларда омма олдида гапиришнинг иккита тури ўртасидаги фарқни тушунтириб беради:

«Шундай қилиб, *номаълум* тиллар имонлилар учун эмас, балки имонсизлар учун аломатдир. Пайғамбарчилик эса имонсизлар учун эмас, имонлилар учундир. Агар бутун Жамоат бир ерда тўпланиб, ҳамма *номаълум* тилларда гапира бошласа ва оддий одамлар ёки имонсизлар у ерга кирса, унда «сизлар ақлдан озибсизлар», - деб айтмайдиларми?» (1 Кор. 14:22,23).

Агар сиз тилларнинг тўртта ҳар хил турлари бор эканлигини тушунмасангиз, унда сиз Повул бу сатрларни ёзганида бутунлай ўз-ўзига қарши чиққан деб ўйлашингиз мумкин. Дастлаб у: «*Номаълум* тиллар имонсизлар учун аломатдир», - деб айтган. Сўнгра, кейинги оятда шундай деб ёзилган: «Агар сиз *номаълум* тилларда гапирсангиз, унда имонсизлар сизни ақлдан озган деб ўйлашади». Бирок, тилларнинг тўртта ҳар хил турлари ўртасидаги фарқни англаган ҳолда, биз шунингдек, Повул мазкур ҳолатда тилларнинг иккита ҳар хил турлари ҳақида гапираётганини англаймиз.

У биринчи ҳолатда аломат учун бўлган тилларни тилга олмоқда – бу имонсизларни жалб қиладиган турдир, чунки улар учун аломат бўлиб хизмат қилади. Иккинчи турдаги тиллар - (талқин қилиш учун бўлган тиллар) фақат жамоатнинг барпо бўлиши учун белгиланган. Бу тиллар имонсизлар учун аломат эмас. Ҳақиқатан ҳам, Повул агар имонлилар иккинчи турга тегишли тилларда гапирсалар ва уларни талқин қилмасалар, унда имонсизлар уларни ақлдан озган деб ўйлашади деган хулосага келади!

Ҳар бир киши бир вақтнинг ўзида воизлик қиладиган, ўқитадиган ва башорат қиладиган яхшанба кундаги эрталабки йиғинни тасаввур қила оласизми? Бундай йиғин ғалати ва ҳеч қандай маъносиз бўлган бўлар эди. Шунинг учун Повул Жамоатни талқин қилиш учун бўлган *номаълум* тилларда гапириш орқали саросима келтириб чиқармасликка ўргатмоқда. Нотўғри шароитларда тилларнинг бундай ифодаси тартибсиз ва мақсадсиз бўлади.

Аввал, мана шу бобда Повул шуни аниқ қилиб кўрсатмоқдаки, номаълум тиллар саросима чақириш учун эмас, балки тушуниш ва ваҳий олиб келиш учун хизмат қилади.

«Худойимдан миннатдорманки, мен *номаълум* тилларда ҳаммаларингиздан кўпроқ гапирман. Жамоатда эса *номаълум* тилда ўн минг сўз гапиргандан кўра, бошқаларга насихат қилиш учун ўз онгим билан бешта сўз айтганим афзалроқдир» (1 Кор. 14:18-19).

Ҳаммаси етарлича оддий: умумий қўлланиладиган турдаги номаълум тилларда(яъни омма олдида) гапиришганда, уни барча қатнашувчиларнинг барпо бўлиши учун талқин қилиш зарур. Бўлмаса, шунчаки ҳаммага маълум тилда мулоқот қилган яхшироқ.

5-кун

Учинчи. Шахсий ибодат учун номаълум тиллар

«Агар мен *номаълум* тилда ибодат қилсам, руҳим ибодат қилади, онгим эса ҳосилсиз қолади. Унда нима қилсам экан? Руҳим билан ибодат қиламан, онгим билан ҳам ибодат қиламан. Руҳим билан қўшиқ айтаман, онгим билан ҳам қўшиқ айтаман» (1 Кор. 14:14-15).

Биз муҳокама қилган биринчи икки турдаги тиллар умумий қўлланилиш учун мавжуддир ва Худодан одамларга хабар олиб келади. Аломат учун бўлган тиллар имонсизларни имонга келтириш ва уларга хизмат қилиш учун белгиланган. Талқин қилиш учун бўлган тиллар имонлиларга хизмат қилиш учун белгиланган. Юқоридаги оятларда Повул учинчи турни тақдим этмоқда: шахсий ибодат учун тиллар. У ортиқ умумий хизмат ҳақида гапирма-япти, бироқ у тилларни шахсий мақсадлар учун қандай ишлатиш

кераклиги ҳақида ўргатмоқда. Тилнинг бундай тури -шахсий барпо бўлиш ва ибодат учун берилган. Повул аниқ қилиб, биз «онг билан ибодат қилишимиз» мумкинлигини, бу ўз она тилида ибодат қилишимиз ёки номаълум тилда, яъни самовий тилда ибодат қилишни билдирувчи «руҳ билан ибодат қилиш»имиз мумкинлигини аниқ тасдиқламоқда. У яна шуни тасдиқламоқдаки, биз худди шу тарзда куйлашимиз (сажда қилишимиз) ҳам мумкин.

Коринфликларга биринчи мактуб 14-бобнинг бошида шундай деб ёзилган: «Ким *номаълум* тилда гапирса, у одамларга эмас, Худога гапиради» (2-оят). Биз биламизки, Руҳнинг бу намойиши - тилларга аломат сифатида тегишли бўла олмайди, чунки «Элликлик» кунда шогирдлар одамларга гапирдилар – Худонинг ажойиб ишларини чет тилларда эълон қилдилар. Повул шунингдек, талқин қилиш учун бўлган тиллар ҳақида гапира олмас эди, чунки бу инъом имонли жамоатда номаълум самовий тилда (талқин қилиниши керак бўлган тилда) гапирган ҳолатга тегишлидир. Повул аниқ бу ерда руҳда «одамларга эмас, Худога гапираётган» одам ҳақида гапирапти.

Шахсий ибодатда номаълум тилларда гапириш – бу Худо билан ибодат қилувчи ўртасидаги шахсий алоқадир. Унинг мақсади ибодат қилувчини мустаҳкамлашдан иборатдир. «Сизлар эса, эй, севганларим, Муқаддас Руҳда ибодат қилиб, ўзингизни энг муқаддас бўлган имонингизда барпо қилинглар, ўзингизни Худонинг севгисида сакланглар» (Ях. 1:20-21). Ўйибор беринг, Яхудо: «Биз Муқаддас Руҳ билан (номаълум тилларда) ибодат қилганимизда, ўзимизни барпо қиламиз», -демоқда, бироқ биз жамоатда имонлиларга талқин қилиш учун номаълум тилларда гапирганимизда, жамоатни барпо қиламиз ёки қурамиз (1 Кор. 14:5). Худо унисини ҳам, бунисини ҳам истайди, ўз-ўзини барпо қилиш ҳам, жамоатни барпо қилиш ҳам муҳимдир.

Кўпчилик имонлилар шундай саволни беришади: «Муқаддас Руҳга тўлган бўлиб, шу билан бирга, номаълум тилларда ибодат қилмаслик мумкинми? Ҳа, мумкин. Ўйлашимча, одам Муқаддас Руҳга тўлган бўлиши, лекин номаълум тилларда ибодат

қилмаслиги мумкин. Бироқ мен яна шуни кўшган бўлар эдимки, Муқаддас Рухга тўлган ҳар бир одам номаълум тилларда ибодат қилиш қобилиятига эгадир. Кўпчилик имонлилар бу инъомда ҳаракат қилмайдилар, чунки уни қабул қилиш учун ўз имонларини жалб қилишмаган. Худонинг ҳар қандай инъоми имон билан қабул қилинади ва унда имон билан ҳаракат қилинади.

Дарёдаги иккита одамни тасаввур қилинг, улар бири дарё ўз сувларини унинг ёнгинасидан олиб ўтаётган пайтда, дарёда тинчгина турибди. Иккинчиси бўшашиб, дарёнинг оқимиغا енгилди. Уларнинг иккаласи ҳам дарёда турибди: дарёнинг тагида тинчгина турган киши ҳам, бўшашиб, оқим бўйича сузишга қарор қилган киши ҳам, бироқ айнан иккинчи киши оқимга эргашади ва оқим уни қаерга олиб борса, ўша ерда бўлади.

Номаълум тилларда ибодат қилувчи одамни дарёнинг оқими билан сузиб кетаётган одам билан таққослаш мумкин. Ҳали номаълум тилларда ибодат қилмайдиган имонли - сувнинг оқимиغا эргашмайдиган одамга ўхшайди. (Агар ўзини Муқаддас Рухга қандай бўйсундириш кераклигини билмоқчи бўлсангиз, биз бу ҳақда кейинги бобда суҳбатлашамиз).

Муқаддас Рух билан мулоқот – бу Раббий Исонинг ўлими ва қайта тирилиши орқали бизга очиқ бўладиган кўпгина дуо-баракатлардан биридир. Бироқ бу мулоқотни тўлиқ равишда ҳис эта олиш нажот топиш вақтида беихтиёр содир бўлмайди. Афсуски, кўп имонлилар нажот инъомининг баъзи бир томонларидан роҳатланишни қўлдан бой бермоқдалар. Худо биз учун олиб кўйган барча нарсаларга эга бўлишга интилишимиз муҳимдир. Раббий Исо бизлар нималарга эга бўлишимиз учун бизлар учун ўлганини билиб олиш - бу бизнинг Масихдаги саёҳатимизнинг улкан бир қисмидир. Биз энди аввал билганимиздек, айнан Муқаддас Рух бизга куч ато қилади ва Шохликнинг топшириқлари учун шайлайди. Агар Муқаддас Рух томонидан бизга очиқ бўлган инъомлар ҳақида унутсак, унда биз Худо билан чуқур яқинликни ҳам, Унга яхши хизмат қилиш учун бизга керак бўлган кучнинг ўлчовини ҳам менсимаймиз.

Тўртинчи. Шафоат учун номаълум тиллар

«Шунингдек, Руҳ ҳам заифликларимизда бизга ёрдам бермоқда; чунки биз қандай ибодат қилиш кераклигини билмаймиз, аммо Руҳнинг Ўзи сўз билан ифодаланмайдиган оҳ-нолалар билан биз учун шафоат қиляпти. Юракларни синайдиган Худо эса Руҳнинг фикрини билади, чунки Руҳ муқаддаслар учун Худонинг иродаси бўйича шафоат қилади» (Рим. 8:26-27).

Повул мазкур парчани «Руҳ ҳам заифликларимизда бизга ёрдам бермоқда» деган сўзлар билан бошламоқда. Повул қандай заифликлар ҳақида гапирмоқда? Жавоб: «Чунки биз қандай ибодат қилиш кераклигини билмаймиз, аммо Руҳнинг Ўзи сўз билан ифодаланмайдиган оҳ-нолалар билан биз учун шафоат қиляпти». Бошқача сўз билан айтганда, бизнинг заифлигимиз шундаки, биз бу дунёда содир бўлаётган нарсалар ҳақида чекланган маълумотга эгамиз. Шунинг учун биз қандай ва нима ҳақида ибодат қилишни билмайдиган вақтлар бўлади. Бирок биз Муқаддас Руҳга суянганимизда ва Руҳда (ахир У ҳамма нарсани билади) шафоат қилганимизда, У Худонинг мукамал иродасига биноан биз орқали ибодат қилади.

Мен коллежда ўқиб юрганымда, Пурдю университетининг талабалари бўлган йигит ва кизлар учун Муқаддас Китобни ўрганиш бўйича курсни олиб борган эдим. Гуруҳда олтимишга яқин одам бўлиб, уларнинг баъзилари ҳеч қачон жамоатга бормаган, бошқалари ҳар хил деноминациядаги жамоатлардан эдилар. Гуруҳдаги бир қиз номаълум тиллар йўқолиб кетган деб ҳисоблайдиган деноминацияда ўсган эди. Бир куни кечкурун у менинг Муқаддас Руҳ ҳақидаги дарсимни эшитиб, номаълум тилларнинг шу кунгача мавжудлигини ва улар ҳақида Муқаддас Китобда ёзилганини тушунди. У ўша оқшом Муқаддас Руҳга тўлди.

Кейинги кун тонгги 6:30да, мен - коллеж талабаси уйғонишни

истаган вақтдан анча барвақт телефон қўнғироғи мени уйғотди. Айнан ўша қиз мендан у билан учрашишни қатъий сўради. У яшайдиган аёллар ётоқхонаси бизнинг эркаклар ётоқхонамизга яқин бўлиб, йўлнинг нариги томонида жойлашган эди. Мен ўзимни тўшакдан аранг тортиб чиқардим ва у мени кутиб турган кўчага йўл олдим. Мен ҳали уйқусирар ва шу қадар эрта қилинган қўнғироқ туфайли озроқ жаҳлим чиқаётган эди. У эса, аксинча, жуда ҳам асабий ҳолатда эди. Мен ундан нима бўлганлигини айтиб беришини сўрадим.

У деди: «Худо мени тонгги соат бешда уйғотди. Мен номаълум тилларда ибодат қилишга кучли даъватни ҳис қилдим, шу сабабли, шундай қилдим ҳам ва тез орада шафоат қилаётганимни ҳис қилдим. Мен Худодан нима учун шу қадар қаттиқ номаълум тилларда ибодат қилаётганимни кўрсатишини сўрадим ва Раббий жавоб бериб, бир кекса одам учун ибодат ва шафоат қилаётганимни айтди. Шунинг учун мен ибодат қилишни давоқ эттирдим».

Ундан кейин унинг бир хонадаги ёнма-ён қўшнисига эрталабки соат олтида қўнғироқ қилишиб, унинг буvasида юрак ҳуружи бўлганлигини ва уни қутқариб қолган шифохонага уни зудлик билан етказганликларини айтишганини у айтиб берди. Бу ҳақда менинг танишим эшитганида, Муқаддас Рух унга: «Сен шу одам учун ибодат қилган эдинг», -деб айтибди. Бу номаълум тиллардаги шафоатнинг –ибодатнинг ажойиб мисолидир. У ўша одамнинг ҳаёти хавф остида эканлигини тушунмаган эди, бироқ Муқаддас Рух билган эди. Агар у ўзининг одатий вақтида фақатгина онг билан ибодат қилганида эди, у унинг учун шафоат қила олмаган бўлар эди.

Менинг онам Флорида штатида яшайди, шу сабабли, мен унинг ҳаётида ҳозир нима содир бўлаётганини аниқ билмайман. Калифорния штатида яшайдиган синглимнинг ҳаётида нима содир бўлаётганини билмайман. Лекин Муқаддас Рух уларнинг иккаласи учун Худонинг мукамал иродасини билади ва мен ибодатда Унинг ҳамқори бўлишга рози бўлганимга қараб, У мен орқали шафоат

қилади. Муқаддас Рух ҳамма нарсани ўрганиб чиқади ва ҳамма нарсани билади. Биз Муқаддас Рухга биз орқали ибодат қилишига рухсат берганимизда, бизни ажойиб тинчлик чулғаб олади!

Хусусий номаълум тиллар ҳақида тушунча

Мен «хусусий тиллар» категориясига қўшган икки турдаги тиллар тўғрисидаги истиснога эътибор қаратиш муҳимдир. Шундай ҳолатлар бўладики, Муқаддас Рухга тўлган имонлилар биргаликда номаълум тилларда ибодат қиладилар. Мазкур ҳолатларда уларнинг барчаси биргаликда Рухда ибодат қилганликлари етарлича ўринлидир. Имонлилар тингловчилар олдида номаълум тиллардаги ибодатдан ўзларини тийишлари керак бўлган яна бошқа ҳолатлар ҳам бор. Повул шундай сўзларни айтмоқда:

«Агар бутун Жамоат бир ерда тўпланиб, ҳамма *номаълум* тилларда гапира бошласа ва оддий одамлар ёки имонсизлар у ерга кирса, унда «сизлар ақлдан озибсизлар»,- деб айтмайдиларми?» (1Кор.14:23).

Мазкур оятда икки гуруҳ одамлар ҳақида гапирилмоқда. Биринчидан, Повул имонсизларни тилга олаяпти. Бу ҳали Исо Масихни ўз Раббийси сифатида қабул қилмаган, ҳали *имонга келмаган* одамлардир. Иккинчи гуруҳ одамлар – *билмайдиган* одамлардир. Бу Исо Масихга ишонадиган, лекин уларга Муқаддас Рух ҳақидаги таълимот айтилмаган одамлардир. Имонсиз ёки билмайдиган одам қолган барча одамлар биргаликда номаълум тилларда ибодат қилаётган муҳитда ўзини ноқулай ҳис қилади. Шунинг учун у осонгина ибодат қилаётганлар ҳақида: «Улар ақлдан озишмаганми?» –деб ўйлаши мумкин.

Афсуски, мен кўп бора яхшанба кундаги эргалабки хизматларда кўпчилик одамлар номаълум тилларда ҳаммалари биргаликда, бир вақтнинг ўзида ибодат қилганларини ва етакчилар уларни бунга қўллаб-қувватлаганларини кўрганман. Ҳақиқатан ҳам бир вақтлар анча олдин менинг ўзим ҳам

билмаслигим туфайли одамларни шундай ибодат қилишга даъват этганман. Оддий якшанба кунги хизматларда одатда меҳмонлар бўлади, улардан кўпчилиги имонсизлардан ёки билмайдиганлардан бўлади. Улар эҳтимол шундай деб ўйлаган бўлишса керак: «Бу ерда ақлдан озганлар йиғилишмаганми?». Мен шуни пайқадимки, бундай жамоатлар қийинчилик билан ўсадилар ва ўз шаҳарларига базўр таъсир кўрсатадилар. Муаммо уларнинг Коринфликларга биринчи мактуб (14:23)да берилган донолик ҳақида унутаётганликларида эмасми? Ўйлайманки, агар улар мана шу руҳда давом этсалар, унда билмайдиганлар ва имонсизлар уларнинг олдиларига қайтиб келишмайди.

Бошқа томондан, жамоат имонлилар учун ибодат йиғинини ташкиллаштириши мумкин (дейлик, шанба куни эрталаб ёки душанба куни кечкурун). Бу йиғинларга биладиган ва имонли одамлар келадилар. Ўшанда, ҳамма номаълум тилларда ибодат қилиши тўлиқ ўринлидир, чунки бундай йиғинларга Раббийга хизмат қилиш ва шафоат қилиш учун йиғиладилар.

Бошқача сўз билан айтганда, Повул имонлилар номаълум тилларда биргаликда ибодат қилиш учун йиғилишлари мумкин бўлган ҳолатлар йўқ, деган эмас. У шунчаки, ҳали имонга келмаганлар ва тиллар борлигини билмайдиган одамлар йиғиладиган жойда номаълум тилларда сўзлаш маълум вазиятдагина бўлиши мумкинлигини айтиб, чегара белгиламоқда

ХУДОНИНГ СИЗЛАР УЧУН ИСТАГИ

«Шундай қилиб, биродарларим, пайғамбарчилик қилиш учун рашқ қилинглр, номаълум тилларда ҳам гапиришни тақиқламанглр. Ҳамма нарса одоб ва тартиб билан қилинсин» (1 Кор. 14:39-40).

Жамоат ажойиб номаълум тиллар инъомидан тегишлича фойдалана олмаслигини Повул билар эди. Шу сабабли, у бизни огоҳлантиради: Номаълум тилларнинг тўғри туридан

тўғри жойда фойдаланинг ва номаълум тилларда гапиришни унутиб юборманг, чунки айрим имонлилар Муқаддас Рухнинг ушбу мислсиз инъомини йўқотиб қўйдилар. Афсуски, жамоат Муқаддас Рухнинг кўп инъомларига аҳамият бермайди. Бу фожеали, чунки Муқаддас Рух жамоатга куч ато этиш учун юборилган. Худо Ўз жамоатини у орқали Ўз Шоҳлигини ёядиган восита сифатида танлаган. Агар бизга Исо Масихдаги ҳолатимиз билан биргаликда берилган кучда турмасак, биз ўз тахтининг кучини қўллашни рад этадиган подшоҳдан ҳеч қандай фарқ қилмаймиз.

Қанча имонлилар Муқаддас Рухнинг бу ажойиб инъомларини қўлдан бой бермоқдалар, чунки номаълум тиллар йўқолиб кетган деб ўйлашмоқдалар. Худонинг юрагини тушуниш қийин эмас: «Сизларнинг ҳаммангиз *номаълум* тилларда гапиришингизни хоҳлайман» (1 Кор. 14:5). Айримлар буни Худо эмас, Повул ёзган деб тасдиқлаб, рози бўлмасликлари мумкин. Тимўтийга иккинчи мактубда: «Бутун Ёзув Худодан илҳомланган», (3:16) -деб ёзилган, демак, бу оят ҳам бундан мустасно эмас.

Ҳеч қачон унутманг: Номаълум тиллар инъоми – бу Муқаддас Рухнинг кучига тўлишнинг муҳим жиҳати, шунингдек, Худо билан бизнинг ўзаро яқин муносабатларимизнинг ажойиб қисмидир. Шунинг учун мен Повул сизлар ҳақингизда айтган ўша умидни айтаман: сизлар ушбу ажойиб инъомга эга бўлишингиз ва кучда ҳамда Муқаддас Рухнинг ҳузурда ҳар куни ўсишингиз учун ибодат қиламан.

МУҚАДДАС РУҲ ҲАРАКАТНИ ОЛИБ КЕЛАДИ!

*Худо хабарни аломатлар, ажойиботлар, ҳар турли
мўъжизалар ва Ўз иродаси бўйича тарқатган Муқаддас
Руҳнинг инъомлари билан тасдиқлади.*

– Ибронийларга 2:4, (NLT таржимаси)

Муқаддас Руҳ – бу кўпгина ажойиб йўллар билан намоён бўладиган ҳаракатнинг ижрочисидир. Ёзувда У кабутар, олов, шамол ва шароб кўринишидаги рамзлар орқали гавдаланади. Бу кўринишларни тушуниш бизга Унинг феъл-атворини ва У қанчалар бизнинг ҳаётимизда ҳамда бизнинг ҳаётимиз орқали ҳаракат қилишни истаётганини англашга ёрдам беради.

Муқаддас Руҳ кабутар сифатида. Барча тўртта Хушхабарда Муқаддас Руҳ Исо Масихнинг устига кабутар кўринишида тушгани таърифланади. Кабутарлар табиатига кўра беозор ва меҳрибон мавжудотдирлар, улар жуда ҳам кўрқокдирлар, уларни осонгина чўчитиб юбориш мумкин. Улар фақат бехатар ва осуда деб ҳис қилган жойга дам олиш учун учиб борадилар. Улар ўзига жуфт танлаб, бир умрга танлайдилар. Муқаддас Руҳни яхшироқ тушунишга бу билимлар қанчалик ёрдам бермоқда? Энди Унга нисбатан муносабатингиз қандай бўлади?

Матто 3:16-17; Марк 1:9-11; Луқо 3:21-22; Юҳанно 1:32-33ни ўқиб чиқинг.

Муқаддас Руҳ олов сифатида. У Ўзини Мусога ёнаётган бутада ва Исроилга оловли устунда намоёт қилди. «Элликлик» кунда Муқаддас Руҳ одамларни «олов каби бўлинаётган

тилла»га чўмдирди (Ҳав. 2:3га қаранг). У Исо Масих ер юзига олиб келган Оловдир ва биз Уни ўчириб кўймаслик учун хушёр бўлишимиз керак. Оловнинг сифатлари ҳақида ўйлаб кўринг: у тозалайди, нур беради, иссиқлик/ҳарорат чиқаради, бутун атрофни ютиб юборади. Бу билимлар ҳаётингизда Муқаддас Руҳнинг Оловини тушунишга қанчалик ёрдам бермоқда? Оловни нима озиклантириб турибди ва аланганинг ёнишига нима ёрдам бермоқда?

Ҳаворийлар 2:3,4; Луко 12:49; 1 Салоникаликларга. 5:19–21; Матто 3:11, 12; Луко. 3:16, 17; Йеремиах 20:9, 23:29; Ибронийларга 12:29ни ўқиб чикинг.

Муқаддас Руҳ шамол сифатида. У «Элликлик» кунда нафақат олов каби, балки шамол каби ҳам намоён бўлди. Шамол энгил шабададан кудратли довулгача ўзгариши мумкин. Шамол нима қилиши ҳақида ўйлаб кўринг. Қандай қилиб, Муқаддас Руҳнинг шамоли ҳаётингизнинг ҳар хил мавсумига ҳаракатни олиб келиши мумкин? У нимага олиб келиши мумкин?

Юҳанно 3:5-8ни ўқиб чикинг.

Муқаддас Руҳ шароб сифатида. Шогирдлар «Элликлик» кунда Худонинг ишларини эълон қилиб, номаълум тилларда гапирдилар. Бу ҳаракатдаги Муқаддас Руҳнинг намоён бўлиши шу қадар диққатга сазовор эдики, баъзилар уларни ҳаддан ташқари кўп шароб ичган деб ўйладилар. Бироқ Петъор гап шаробда эмас, Муқаддас Руҳнинг кучида эканлигини айтди! Тўхтанг ва ибодат қилинг. Шароб одатда инсоннинг ҳиссиётига

қандай таъсир кўрсатади? Муқаддас Рухнинг янги шароби сизга қандай таъсир қилиши мумкин?

Ҳав. 2:13–18; Лқ. 5:37, 38 (шунингдек, Мк. 2:22; Мат. 9:17); Эф. 5:18, 19; Эст. 1:10; Йерем. 31:11–13ни ўқиб чиқинг.

«Самолар Муқаддас Рухни сиздиролмайди, шундай бўлса ҳам, У Ўз хизматкорларининг юракларида уй қурмоқда. Биз Унинг маъбадимиз. Унинг ҳар бир яқинлашиши биздан буюк шараф садосини чиқаради.

Агар У шамол каби бўлса, унда биз шамолнинг муסיқасига ўхшаши бўламиз; агар У шабнам каби бўлса, унда бизнинг ичимизда гуллар очилади; агар у аланга каби бўлса, унда биз иссиқдан ёнамиз. У бизнинг ичимизда қандай ҳаракат қилмасин, биз Унинг овозига жавоб қайтарамиз».

– Чарльз Х.Сперджен

УНИНГ ҲУЗУРИ ГУВОҲЛИК БЕРАДИ!

*Муқаддас Рух ҳузурининг гувоҳлиги ҳар бир одамга
ҳамманинг фойдаси учун берилади.*

– 1 Коринфликларга 12:7, (GW таржимаси)

Худонинг Руҳи бўлган жойда, Унинг гувоҳлиги ҳам бор. Дарё ва денгизлар сахрога оқиб бормоқда. Кўрлар кўрмоқда, карлар эшитмоқда. Чўлоқлар юрмоқда, соқовлар гапирмоқда. Кўрқув энгилди ва умид қайта туғилмоқда! Бизни Худонинг Руҳи билан муносабатлар янада боғлагани сари, ҳар турдаги мўъжиза ва аломатлар ҳаётимизнинг манзараларида пайдо бўлмоқда.

Ҳаворийлар китобидаги воқеалар Муқаддас Рух келганида, одамлар Унинг ҳузурининг намоён бўлишини кўрганларини ва эшитганларини қайта ва қайта тасдиқламоқда. Ўз ҳаётингизга назар ташланг ва Муқаддас Рух ҳузурининг қандайдир бир намоён бўлганини ёдга олинг. Муқаддас Рух намоён бўлган ва ҳаётингизни тубдан ўзгартирган вазиятларни таърифловчи бир жуфт гап ёзинг.

Мен эслайманки, _____

Мен эслайманки, _____

Мен эслайманки, _____

Шошманг. Худонинг эзгулиги устидан фикр юритинг. Сиз Унинг содиқлигини эслаганингиз сари Муқаддас Руҳ сизнинг ҳаётингизни қайта тирилтирсин!

Мен Раббийнинг ишларини эслайман. Сенинг қадимги мўъжизаларингни эслайман. Сенинг барча ишларинг ҳақида фикр юритиб, ҳатти-ҳаракатларинг ҳақида чуқур ўйлайман. Ё, Худо! Сенинг йўлинг муқаддасдир! Ким бизнинг Худойимиздек буюк Худо? Сен мўъжизалар қилувчи Худосан. Сен халқлар орасида Ўз қудратингни намоён қилдинг.

– Сано 76:12–15

Муқаддас Руҳ илгари ҳам сизга ёрдам берган ва У сизга келгусида ҳам ёрдам беришни хоҳлайди! Сизга ҳозир нимада Унинг ёрдами зарур? Унинг қаршисида тинчланинг ва Уни яна сизга ёрдам беришга чақиринг! Ундан сизга Унинг ҳақиқий эканлигига ва У ҳақиқатан ҳам сизга ҳамда сизни ўраб турган одамларга ғамхўрлик қилишига гувоҳлик беришини сўранг. Жимжитликда туринг. У сизга нима демоқда?

Худого ҳамду- сано келтиринг. Унга ҳамду-сано ва миннатдорчилик ибодатини ёзинг. У бунга лойиқдир!

МУҚАДДАС РУҲГА ТЎЛИШ - БУ ДОИМИЙ ҲОЛАТ

*Шароб ичиб маст бўлманглар, чунки у сизнинг
ҳаётингизни барбод қилади; бунинг ўрнига Муқаддас
Рухга тўлиб-тошинглар.*

– Ефесеям 5:18, (NLT таржимаси)

Повул орқали айтилган Муқаддас Рухга тўлиш ҳақидаги Худонинг амри муҳимдир. Юнонча «тўлиб-тошиш» сўзи, *pleroo* (плэй-ро-о) деган маънони англатади, унинг синонимлари «тўлмоқ ва жон бўйлаб тарқалмоқдир». Мазкур ҳолатда энг муҳими - феълнинг замонидир: мажҳул феъл, буйруқ шакл, ҳозирги замон. Мажҳул нисбат - «сиз» (эга) ҳаракатга дучор қилинган бўлишингизни, буйруқ майли бунинг таклиф эмас, балки буйруқ, амр эканлигини билдиради ва ҳозирги замон ҳаракатнинг доимий давомийлигини билдиради.

Эфесликларга мактуб Муқаддас Китобнинг кенгайтирилган таржимасида шундай ҳақиқатни очиб беради: «Шунингдек, бузуқлик келтирадиган шароб ичиб маст бўлманглар, балки Рухга тўлиб-тошинглар ва Муқаддас Рухга итоат қилинглр». Муқаддас Рухга доимий тўлиш ҳолати Раббий Исодек яшаш ва осмонда бўлгани каби ерда Худонинг иродасини ўрнатиш учун барча зарур нарсалар билан таъминлайди. Хушхабарчи Смит Виглворт шундай деган:

«Мен учун Муқаддас Рухга чўмиш нима бўлганини ҳеч қачон тўлиқликда баҳолай олмайман... Муқаддас Рухга тўлиш – бу дабдаба ва бир вақтнинг ўзида бу биз учун илоҳий амрдир... Тасдиқлайманки, доимо тўлиб туриб, сиз номаълум тилларда эрталаб, кундузи ва кечқурун гапирасиз. Сиз Рухда яшаб, уйингизнинг зинасидан пастга тушасиз ва шайтон сизнинг қаршингизда чекинишига тўғри келади. Сиз унинг

устидан ғолибдан кўра устун бўласиз.

Рухда яшаб туриб, сиз қимирлайсиз, ҳаракат қиласиз, еб-ичасиз ва ҳамма нарсани Худонинг шарафи учун қиласиз. Бизнинг мактубимиз ҳар доим мана шундай бўлади: «Муқаддас Рухга тўлиб-тошинг». Бу сиз учун Худо тайинлаган ўриндир ва само ердан нақадар юқори бўлгани каби, у табиий ҳаётдан шу қадар юқоридир. Унга тўлиш учун ўзингизни Муқаддас Рухга бўйсундиринг».

Петъор, Юханно ва бошқа шогирдлар «Элликлик» кунда Рухга чўмган эдилар. Шундан сўнг, тез орада улар ибодат вақтида Муқаддас Рухга яна тўлдилар.

Бу ҳақида Ҳаворийлар китоби (4:23-31)да диққат билан ўқиб чиқинг. Муқаддас Рухга доимий тўлиш ҳолатига етишиш учун таърифлангандан қандай сабоқлар чиқаришингиз мумкин?

Худо Повул орқали Муқаддас Рухнинг «мазкур инъомига бепарволик қилишни эмас», балки «Худонинг инъомини алангалатиш»ни буюрмоқда. Бошқача сўз билан айтганда, доимо Муқаддас Рухга тўлиб-тошинг. Эфесликларга 5:18, 19; 6:18 ва Яхудо 20ни диққат билан ўқиб чиқинг. Муқаддас Рух сизга, ичингиздаги оловни қандай алангалатиш кераклиги ҳақида нимани кўрсатмоқда?

Шундай қилиб, мана мен сизлардан Худонинг ёрдами билан нимани хоҳлаяпман: кундалик одатий ҳаётингизни – ухлайсизми, ейсизми, ишга борасизми, Худонинг қаршисига олиб келинг, кундалик барча ишларингизни олиб келинг ва уларни қурбонлик сифатида Худонинг қаршисига қўйинг. Худо сизлар учун тайёрлаб қўйган барча нарсаларни қабул қилиш – Унинг учун қила олишингиз мумкин бўлган нарсаларнинг энг аълосидир. Ҳаттоки ўйлаб ҳам ўтирмасдан, маданиятга мослашиш учун шу қадар ўз маданиятингизга яхши мослашган бўлманг. Бунинг ўрнига бутун диққатингизни Худога қаратинг. Сиз ичкаридан ташқарига ўзгарасиз.

– Римлянам 12:1, 2 (The Message таржимаси)

У СИЗЛАРНИ МАЪЛУМ МАҚСАД БИЛАН ТАЪМИНЛАГАН

Бироқ ҳар бир кишига Худонинг Кимлигини кўрсатувчи қандайдир иш берилган: ҳар бир киши бунда иштирок этмоқда, ҳар кимга у фойдалидир.

– 1 Коринфянам 12:7 (The Message таржимаси)

Раббий Исо томонидан бошланган ишни давом эттириш учун Муқаддас Рух бизга алоҳида инъомларни берган. Инъомларнинг ҳар хиллигига қарамасдан, «буларнинг ҳаммасини ўша битта Рух келтириб чиқаради. У Ўзи хоҳлагани бўйича буларни ҳар кимга алоҳида тақсимлайди» (1 Кор. 12:11).

Бу инъомлар бугун ҳаракат қиладими? Биз Раббий Исо қилган ишларни қилишимиз керакми? Албатта, ҳа! Хушхабарчи Рейнхард Бонке бутун Африка қитъаси бўйлаб миллионлаб одамлар Масихга келаётганларини кўриб, шундай деган:

Мен қаттиқ ишонаманки, Худо – Ўз халқи учун мўъжиза Ярагувчидир. Раббий Исо ер юзида юрганида Унинг ортидан эргашган аломатлар бугун бизнинг ҳаётимизда ҳам муҳим бўлиши керак ва бунинг мумкинлигига ишонаман. Раббий Исо Ўз шогирдларига: «Менга ишонган одам, Мен қилган ишларни қилади ва бу ишлардан кўра каттароғини ҳам қилади, чунки Мен Отамнинг олдига кетяпман», -деди.

Римликларга 12:3-8ни диққат билан ўқиб чиқинг ва тилга олинган инъомларни айтиб беринг. Умуман олганда, сиз уларни (мақсад ва вазифасини) қандай таърифлаган бўлар эдингиз?

Энди келинг, 1 Коринфликларга 12:4-11ни ўқиб чиқамиз ва тўққизта инъомларни белгилаймиз.

Умуман олганда, сиз уларни (мақсад ва вазифасини) қандай таърифлаган бўлар эдингиз?

Иккала парчалардаги бу инъомларга назар ташланг. Ушбу инъомлардан бирортаси сизда ҳаракат қиладими? Агар ҳа бўлса, унда қайсилари?

Ишончингиз комил эмасми? Мазкур инъомлардан қай бирлари сизни жуда ҳам қизиқтирмакда ва хурсанд қилмакда? Муқаддас Рухдан У сизни нақадар таъминлаганини кўрсатишини сўранг.

Сиз бошқа инъомларга қандай муносабатда бўлишингиз ва Муқаддас Рух сизга қандай инъомлар бергани муҳимдир. Худо демоқда: «Сизнинг муносабатингиз қандай бўлиши кераклигида Масихнинг Ўзи сизнинг намунангиз бўлсин» (Флп. 2:5, Филлипс таржимаси). Рейнхард шундай сўзларни қўшиб, ушбу сўзларни таъкидламоқда:

«Худонинг ишининг муваффақияти бизларнинг ҳеч биримизга боғлиқ эмас... Барчаси Унга боғлиқлик орқали амалга ошади. Мен Худо фойдаланишга қодир бўлган нолман, чунки мен Унинг овозини барча овозлардан юқори кадрлайман... Мен Худонинг бошқа хизматкори устидан ҳеч қачон ўзимни баланд қўймаслигим керак».

1 Коринфликларга 12:12-26 ва Римликларга 12:3-5ни диққат

билан ўқиб чиқинг. Муқаддас Руҳ сизга муносабатингиз ҳақида нимани кўрсатмоқда? Ҳар бир одамнинг инъоми, шу жумладан, сизнинг инъомингиз нақадар муҳим? Агар сиз ўз инъомларингизга бепарволик билан қарасангиз ва улардан фойдаланмасангиз, Масиҳнинг Танаси билан нима содир бўлади?

Бундан кейин ўрганиш учун:

Тўғри муносабатга эга бўлиш: Флп. 2:1-8; 2 Кор. 8-9;
Мт. 23:11,12.

Шунингдек, Муқаддас Руҳ имонлиларни маълум мақсад билан хизматга тайинлайди: 1 Кор. 12:28-31; Эф. 4:11-14.

УНГА ХУДОНИНГ ИРОДАСИГА МУВОФИҚ СИЗ ОРҚАЛИ ИБОДАТ ҚИЛИШИГА РУХСАТ БЕРИНГ

Худонинг Руҳи бизга ёрдам бериш учун ҳар доим биз билан ёнма-ёндир. Агар биз қандай ва нима учун ибодат қилишни билмасак, бу муҳим эмас. У биз учун ибодат қилмоқда, бизнинг тилсиз хўрсинишларимиз, оғир оҳ-нолаларимиз билан биз орқали ибодат қилмоқда.

– Римликларга 8:26 (The Message таржимаси)

Сизда қачонлардир ҳаётий вазиятлардан шу қадар эзилган ва қандай ибодат қилишни билмаган пайтингиз бўлганми? Сиз ёлғиз эмассиз. Сон-саноксиз кўп муқаддаслар ҳаётда бундай даврларни бошдан кечирганлар. Бундай лаҳзаларда, Худо сиз Ундан қочишингизни эмас, Унинг олдига югуришингизни хоҳламоқда. Ўз чиғаноғингизда бекилиб олишнинг ўрнига, юрагингизнинг эшигини кенг очишингизни У хоҳлайди. Сиз нима дейишни ва қандай ибодат қилишни билмаганингизда, сизнинг ичингизда яшаётган Масих Руҳи билади.

Худонинг Руҳи сизнинг ичингизда яшаётганини фақатгина бош билан эмас, юрак билан ҳам билиш жуда муҳимдир. Кейинги оятлар устидан маълум вақт фикр юритинг. Муқаддас Руҳ сизга қандай ҳақиқатларни очмоқда?

Гал. 4:6; Рим. 8:16; 1 Кор. 6:19; Юҳ. 14:23; 1 Юҳ. 3:24; 4:12, 13 оятлар устидан фикр юритинг. Муқаддас Рухдан сиз учун Ўзини реал қилишини сўранг.

Худо «хар доим ва хар қандай вазиятларда Руҳда ибодат қилишингизни» хоҳлайди (Эф. 6:18, NLT). Кўпгина жисмоний синовлардан қахрамонларча ўтган ва кўп йилларни қамоқхонада ўтказган қимматли хизматчи Вочман Ни шундай деган:

«Худога шараф, бизда бизга ёрдам бераётган қудратли Муқаддас Руҳ бор. Бизнинг ичимизда кучли меҳнат қилаётган, бизнинг ичимизда бўладиган Муқаддас Руҳга суянишимиз керак, зеро У заифлик ва ғафлат вақтида бизнинг кўмагимиздир. Гарчи биз қандай ибодат қилишни билмасак-да, ҳатто ўшанда ҳам бизнинг ичимизда бўладиган, Худонинг иродасини биладиган Муқаддас Руҳ бизни Худонинг онгига биноан ибодат қилишга ўргатади».

Ўйлаб кўринг, ўзингиз учун, бошқалар учун ва сиз тўқнаш келадиган вазиятлар учун қандай ибодат қилиш кераклигини нақадар аниқ биласиз? Ҳар бир ибодатимизда Худога нисбатан муносабат ва муомала қандай бўлиши керак?

Ҳикматлар 3:5–8; 28:26; Луко. 18:9–14; Ёқуб 4:6–10ни ўқиб чиқинг.

Сиз Худонинг мукамал иродасида юрмоқчимисиз? Муқаддас Руҳ биз орқали йиғи билан, хўрсинишлар, оҳ-нолалар ва самовий тилларда ибодат қилганида, сизга уни бажаришингизга ёрдам беради. «Бизнинг юрагимизни билувчи Ота Муқаддас Руҳнинг гапираётганини билади, чунки Муқаддас Руҳ биз имонлилар учун Худонинг иродасига кўра ибодат қилади» (Рим. 8:27, NLT). Бу Ёзув оятини ўқиб чиқинг. Муқаддас Руҳ у орқали сизга нима демокда?

Зеро агар кимдир номаълум тилда гапириш қобилиятига эга бўлса, у фақат Худога гапиради...

У Руҳнинг кучи билан гапиреди, бироқ унинг барча сўзлари сирдир. Ким номаълум тилда гапирса, у шахсан ўзини мустаҳкамлайди. Зеро мен номаълум тилда ибодат қилаётганимда, гарчи руҳим ибодат қилса ҳам, унинг нима деяётганини мен тушунмайман. Нима қилиш керак? Руҳ билан ибодат қиламан, тушунадиган сўзлар билан ҳам ибодат қиламан. Руҳ билан куйлайман, мен тушунадиган сўзлар билан ҳам куйлайман.

–1 Кор. 14:2,4,14,15 (NLT)

«Сиз ўзингизни Муқаддас Руҳга бўйсундирганингизда, У сизни ва сизнинг муҳтожликларингизни Отанинг тахти қаришида тақдим этади. Муқаддас Руҳ Худонинг мукамал онгини ва иродасини билади. У сизнинг юрагингизни текширади ва сизни ўзингиздан ҳам яхшироқ билади. У сизнинг муҳтожлигингизни Худонинг тахти қаришида сиздан кўра яхшироқ тақдим этади, Муқаддас Руҳнинг сиз орқали ибодат қилишини ўтказиб юборманг».

– Кетрин Кульман

МУҲОКАМА УЧУН САВОЛЛАР

Агар сиз бу китобни «Хабарчи» хизматидан Муқаддас Рух ҳақидаги материалларнинг бир қисми сифатида ўқиётган бўлсангиз, унда марҳамат қилиб, 4-видео дарсини кўринг.

- 1 | Нажот топиш лаҳзасида Муқаддас Рух келиб, бизнинг ичимизда Ўз уйини қуриш билан У бизни Ўзи билан тўлдириши орасида фарқ борлигини тушуниб етиш муҳимдир.
- 2 | Нима деб ўйлайсиз, нима учун Раббий Исо Ўз шоғирдларига бориб, Унинг Шоҳлиги учун нимадир қилишдан аввал Муқаддас Рухга тўлишни кутишни буюрди? (Ҳав. 1:4-5га қаранг). Биз бу «юқоридан бўлган кучни қабул қилишни кутиш» негизидан нимани ўрганишимиз ва бугун уни ўз ҳаётимизда қандай қўллашимиз мумкин?
- 3 | Муқаддас Рухга тўлиш бизга номаълум тилларда гапиришга куч беради. Номаълум тил – бу биз тушунмайдиган тилдир. «Элликлик» кунида бошқа мамлакатдан Иерусалимга келган қандайдир содик яхудийнинг ўрнида ўзингизни тасаввур қилиб кўринг. Нима деб ўйлайсиз, агар у имонлиларнинг унинг ўз шеvasида Исо Масих орқали нажот топиш ҳақида гапираётганларини эшитганида эди, унинг муносабати қандай бўлган бўлар эди?
- 4 | Муқаддас Рух имонлиларни тўлдираётганида, қандай икки куч ҳар бир ҳолатда доимо амалий ҳаракат қилади? Худо қандай сабабга кўра, Корнилийга ва унинг оиласига бир вақтнинг ўзида нажот ва Муқаддас Рухга тўлишни

берди? Сиз Худони солиб қўйган «диний кути»ни Худо қандай синдиргани ҳақидаги ва Унинг Ким эканлиги ҳақидаги сизнинг тушунчангизни қандай кенгайтиргани ҳақидаги воқеани сўзлаб беринг.

5 | Агар башоратларнинг намоён бўлиши ва номаълум тилларда гапириш имонлилар учун бугун ҳам жуда муҳим бўлса, Повул «ҳамма ҳам номаълум тилларда гапирмайди», (1 Кор. 12:27-30га қаранг) ва «тиллер йўк бўлиб кетади», (1 Кор. 13:8-12) деб айтганида, нимани назарда тутган эди? Ушбу оятларни диққат билан ўқиб чиқинг ва тушунтириб беринг.

6 | Муқаддас Китоб тилларнинг тўрт хил тури борлиги ҳақида гапирмоқда. Кейинги оятларни ўқинг ва тилларнинг тўрттала турини айтиб ўтинг, шунингдек, Худо Муқаддас Рухнинг бу тўртта ҳар хил намоёишини Ўз Жамоатига нима учун берганлигини тушунтириб беринг.

1 Коринфликларга 14:22;

1 Коринфликларга 12:10;

1 Коринфликларга 14:14,15;

Нима учун бу тилларнинг турлари орасидаги фарқни тушуниш муҳим?

7 | Имонли одам Муқаддас Рухга тўлган бўлиши ва номаълум тилларда гапирмаслиги мумкинми? Агар «ҳа» бўлса, унда нима учун, агар «йўк» бўлса, унда нима учун? Қандай ўзига хос сабабларга кўра бу содир бўлади?

БОБНИНГ ҚИСҚАЧА МАЗМУНИ:

- Муқаддас Руҳ кучининг инъом қилиниши Шоҳликнинг барча ишлари учун муҳимдир.
- Муқаддас Руҳга тўлиш – бу нажот топишдан сўнг содир бўладиган алоҳида ҳолатдир.
- Нажот бизга Масихда ўрин беради; Муқаддас Руҳга тўлиш бизга У каби яшашга куч ато этади.
- Номаълум тиллар йўқ бўлиб кетмаган, биз Раббий Исони юзма-юз кўрмагунимизча, улар ҳаракат қиладилар.
- Номаълум тилларнинг тўртта тури мавжуд: имонсизлар учун белги сифатида бўлган номаълум тиллар, талқин қилиш учун номаълум тиллар, шахсий ибодат учун номаълум тиллар ва шафоат учун номаълум тиллар. Биринчи иккитаси умумий қўллаш учун, иккинчи иккитаси хусусий қўллаш учун хизмат қилади.

РУҲНИНГ ТИЛИ

*Агар сиз Уни номаълум тилларда шарафласангиз, унда
Худо сизни тушунади... чунки сиз сир тутилганларни
фақат У билан бўлишасиз.*

– 1 Коринфликларга 14:2. (The Message таржимаси)

1-кун

Менга Муқаддас Китобнинг «The Message» таржимаси Худойимиз билан ушбу шахсий учрашувни қандай таърифлаши ёқади. Номаълум тиллар фақатгина сиз билан Худонинг ўртасида содир бўладиган қудратли ўзаро ҳаракатнинг ифодасидир.

Охирги бобда биз Янги Ахдда таърифланган номаълум тилларнинг тўртта турини кўриб чиққан эдик: имонсизлар учун аломат сифатида бўлган номаълум тиллар, жамоатда талкин қилиш учун номаълум тиллар, шахсий ибодат учун номаълум тиллар ва шафоат учун номаълум тиллар. Кейинги иккитаси хусусий фойдаланиш учун мўлжалланган бир вақтда, биринчи иккита тури (икки кишидан ортиқ йиғилган) умумий хизматда фойдаланиш учун мўлжалланган. Бу бобда биз Худонинг Руҳи билан бизнинг шахсий ўзаро ҳаракатларимизнинг вазифасини ва табиатини кўриб чиқишни давом эттираемиз. Улар номаълум тилларда гапириш ва тушунган ҳолда гапиришни ўз ичига олади. Бу иккита ифода биргаликда Руҳнинг тилини ташкил этади.

Яна бир бор тушунтириб бераман: бу икки ифода ҳақида «хусусий» ҳақида гапиргандек гапириб, улар фақатгина одам бир ўзи бўлганида ишлатилишини назарда тутмаяпман. аниқроғи,

самовий тилларнинг хусусий қўлланиши - Муқаддас Китоб «билмайдиганлар» ёки «имонга келмаганлар» деб атайдиган одамларнинг хиссиётларига сезгир бўлиш лозимлигини билдиради. Бу тур ибодатларни - одам ёлғиз бўлганида ёки Рухнинг бундай кўринишини тушунадиган бошқа имонлилар орасида бўлганида қўллаши мумкин. Бу- биз ҳеч қачон оммага ёки унчалик таниш бўлмаган одамларга ёймайдиган ўз оиламиз билан шахсий суҳбатимизга ўхшашдир, чунки ушбу унчалик таниш бўлмаган одамлар бизнинг нима ҳақида гаплашаётганимизни тушунишмайди (1 Кор. 14:22-25).

Петъор Коринфликларга биринчи мактуб (14:2)да номаълум тилларни «хусусий номаълум тиллар» сифатида қўллаш ҳақида нима деяётганига эътибор қаратинг. Афсуски, кўп жамоатларда шахсий номаълум тилларнинг ажойиб инъомини тушунишмайди ва бутунлай қўлдан бой беришади, чунки қалин яқинлик мос вақтни ва жойни талаб қилишини англаб етмайдилар.

Ҳар қандай жуфтлик жинсий муносабатлар учун ўз вақтига ва жойига эга бўлади. Бу уларнинг тўйларигача содир бўладими? Йўқ. Омма олдидами? Албатта, йўқ. Бир вақт ва жой учун чиройли бўлган ва Худо томонидан ўрнатилган нарса- бошқаси учун ноўрин ва ахлоқ қоидаларига хилоф бўлиши мумкин. Худо жинсий яқинлик фақат шахсан ва фақат эр-хотинлик қасамёди алмашишгандан сўнг амалга ошишини ўрнатган. Худди шундай тилларнинг маълум турлари фақатгина хусусий қўлланиши керак, чунки улар руҳий маънода жисмоний яқинликка ўхшаш бўлган, шунингдек, ўз жойи ва вақтига эга бўлган пинҳона яқинлик учун мўлжаллангандир. Дунё жинсий муносабатлар борасидаги Худонинг азалий ниятини ва мақсадини бузганлиги учунгина масиҳийлар жинсий муносабатлар инъомидан тийилишлари керакми? Албатта, йўқ! Худди шундай, биз номаълум тиллар инъомини бекор қила олмаймиз ва улардан нафратлана олмаймиз.

Жамоатдаги кўп одамлар номаълум тиллар инъомларининг ҳар хил томонларидан нотўғри фойдаланишганини ва ҳаттоки, уларни суиистеъмол қилишганини учратганликларини биламан.

Бироқ биз кимдир буни нотўғри тушунаётгани ва нотўғри фойдаланаётгани учунгина - бу инъом ҳақида Масихнинг танасига таълим беришни рад этмаслигимиз керак. Мана нима учун мен бу бобда бизнинг самовий тилимизнинг яширин табиатини ўрганиб чиқиб, сизларга унинг мақсадини ва ҳаётдаги вазифасини яхшироқ билиб олишингизга ёрдам бермоқчиман.

Ёдингиздами, Муқаддас Рух – бу сиз ўзингизни Худо Сўзининг донолигига бўйсундирганингизда, сизга ҳамма ҳақиқатни очиб берадиган ҳақиқат Рухидир. Қисқа муддатга тўхтанг ва Уни мазкур дарсга таклиф қилинг. Ундан Унинг Сўзига қарама-қарши бўлган ҳар қандай бидъатлардан ва котмалардан онгингизни тозалашини сўранг. Агар Худонинг чексиз шуҳратини бизнинг чекланган тушунчамиз белгилаши ва чегаралашига рухсат берсак - Худонинг тўлиқлигини ҳис қилишимизнинг имкони бўлмайди.

ПРЕЗИДЕНТ ВА ШОҲ

Америка Кўшма Штатлари фуқароси сифатида, мен президентимиз билан тушлик қилиш таклифномасини қабул қилишни шараф деб ҳисоблаган бўлар эдим. Бизнинг президентимиз – ер юзидаги энг маълумотли ва кучли одамлардан биридир. Кўплаб, турли хил тизимлар унинг қўл остида эканлигини ҳисобга олган ҳолда айтишимиз мумкинки, у учун мавҳум бўлган маълумотнинг борлиги амри-маҳол. Президентнинг бизнинг аҳволимиз ҳақидаги билими менинг билимдан анча ортик: у бош қўмондон бўлган бир вақтда, менинг ҳукуматда ҳеч қандай ўрним йўқ. Шу сабабли, мамлакатимизнинг ишларини муҳокама қилишда президент мен билан менинг тушунчам даражасида гаплашган бўлар эди. Бошқачасига мен у билан муносабат кура олмаган бўлар эдим, чунки сермаҳсул мулоқот умумий даражани талаб этади.

Худди шундай, мен бутун дунёнинг Шоҳи билан Унинг даражасида мулоқот қила олмайман. АҚШнинг президенти

мамлакатимиздаги ишларнинг ҳолати ҳақида кўп нарсани билиши мумкин, лекин Худо мутлақо ҳамма нарсани билади. Ундан ҳеч нима яширин эмас. Мен Худога онг билан ибодат қилаётганимда, менинг мақсадим ва билимларим чеклангандир. Худога Ўз болалари билан яқинликнинг чекланган даражаси етарли эмас. Шунинг учун У бизга У билан Унинг даражасида мулоқот қилиш имкониятини берган. У буни Унинг Рухининг инъоми орқали амалга оширди. Худо бизга гўё шундай демоқда: «Мен Ўз болаларим билан Менинг билимларимдан, тушунчамдан ва донолигимдан анчагина паст бўлган даражада, шунчаки мулоқот қилишни хоҳламайман. Мен уларнинг Мен билан чуқур муносабатга кириш қобилиятига эга бўлишларини истайман. Шунинг учун Мен Ўз болаларимга Ёрдамчини - Ўз Рухимни бермоқчиман». Муқаддас Рухнинг ҳузури ва У билан мулоқот туфайли биз Яратувчи билан чуқур яқинликни ҳис қилишимиз мумкин.

Худонинг иродаси ва Унинг йўллари бизнинг чегараланган тушунчамиздан устундир, бироқ биз Рухда ибодат қилганимизда, биз ўзимизнинг шахсий тушунчамизга кўра эмас, балки Унинг Рухининг иродасига кўра ибодат қиламиз. Тушунапсизми? Биз Рухда ибодат қилганимизда, Худонинг мукамал иродасига мувофиқ ибодат қиламиз.

ЖАНГ УЧУН НОМАЪЛУМ ТИЛ

«Чунки бизнинг жангимиз қон-у танага қарши эмас, балки бу дунёдаги зулматни бошқарадиган бошлиқларга, ҳокимлар-у ҳокимиятларга ва самовий оламдаги ёвузлик руҳларига қаршидир» (Эф. 6:12).

Баъзан биз шайтон бутун инсониятни қириб ташлаш учун уруш эълон қилганини осонгина унутамиз. Унинг режаси ҳар доим бизни Яратувчи – ҳаёт манбаи Бўлгандан ажратишни ўз ичига олади. Бироқ Худо душманнинг ниятини билади. У

Ўзининг туганмас донолигида шайтоннинг режаларини пучга чиқариш учун сирли режани ишлаб чиққан. Повул ўйиндаги бу ўзгаришни Коринфликларга биринчи мактуб (2:7-8)да таърифламоқда: «Бироқ Худонинг сирли ва яширин бўлган донолигини воизлик қилмоқдамиз. Худо бу донолигини асрлар бошланишидан аввал бизнинг шуҳратимиз учун тайин қилган. Шу доноликни бу дунё ҳокимларидан ҳеч ким англамади. Буни англаганларида эди, шуҳрат Раббийсини хочга михламас эдилар». Повул «аввалдан тайинланган» бироқ Раббий Исонинг ўлиб-тирилишидан сўнг очилган сирли ва яширин доноликни-хочнинг кучини таърифламоқда. Шу тарзда, душманнинг азалий ниятларини пучга чиқариб, Раббий Исонинг хочдаги курбонлиги бизга Худо билан яқин ўзаро алоқаларга эшик очди.

Худонинг хоч ҳақидаги режаси – бу фақатгина дунё бошлиқларидан яширин бўлган сир эмас. Ҳозир ёпик ва уларни фақатгина Муқаддас Руҳ билан очиш ва фарклаш мумкин бўлган Худо донолигининг (Унинг Сўзининг) кўпгина соҳалари мавжуд. Имонлилар сифатида бизга бу сирларга фақат Муқаддас Руҳ орқали кириш ҳуқуқи берилган. Мазкур китобда айтиб ўтганимдек, Худо фақат бизнинг нажотимиз билан қаноатланмаган. У шунингдек, бизга Масихда ўрин берган ва узоқ вақт бизнинг жонимизнинг азобловчиси бўлмиш худди ўша душман устидан куч ва ҳокимиятни ишониб топширган. Энди биз меросхўрлар ва Худонинг Шоҳлигида жангчилармиз, бизнинг мақсадимиз Масихнинг ишини ёйишдир. Худо Ўзининг донолигида бизларларнинг орамиздан Унинг вазифаси учун курашаётганларга Ўзининг муқаммал режасини яширин бериш йўлини яратди.

Уруш даврида кўшин, кўпинча, қийин кодларни яратиб ва маълумотни ҳимояланган частоталарда узатиб туриб, режа ва маълумотларни яширин бериб юбориш учун бутун бошли «тиллер»ни ишлаб чиқади. Нима учун улар бундай йўл туттишади? Махфийлик – одамлар ҳаётининг хавфсизлиги ва ҳарбий ҳаракатнинг муваффақияти учун зарурдир. Агар душман уларнинг режаларини фош қилса, у тўғри қарши

хужумни режалаштира олади. Бизга Худонинг фарзандлари сифатида Муқаддас Рух орқали самовий яширин частоталарга эга бўлиш ҳуқуқи берилган. Бу бизларга душманга бош Қўмондонимизнинг режаларини ошкор қилмасдан, Худо режаларининг сирларини очишимизга имкон беради. Повул давом этмоқда:

«Ҳар доим барча ибодат ва илтижолар билан Рухда ибодат қилиб, бутун сабот билан ҳамма муқаддаслар учун бўлган илтижоларда ҳушёр бўлинглар».

–Эф. 6:18

Худо сизга шунчаки ибодат қилишни буюрмади, айнан бизлар – Унинг ердаги жангчилари зулматнинг кучи билан курашамиз. Бизнинг энг даҳшатга солувчи курулларимиздан бири – бу Рухда ибодат қилишдир. У душманни Худонинг стратегиялари ортида турувчи режа ва мақсадларидан беҳабарликда тутиб туради.

Баъзан Худо онани ўз ўғли учун шафоат қилишга ундаб, унинг юрагига оғирлик юклаб кўяди. У ўғлининг ҳаётида нима содир бўлаётганини умуман билмаслиги мумкин, аммо Муқаддас Рухнинг даъватига кўра у ибодат қилишни бошлаши кераклигини тушунади. Шафоат ибодатида, у ўзининг номаълум тилида руҳий дунёда буйруқ беради ва ўғлининг ҳаётида Худонинг мукамал иродаси учун ибодат қилади. Шу сабабга кўра, бизга шундай дейилган: «Жангни яхши маслаҳатлашиб олиб бор» (Ҳик. 20:18).

Самовий тил бизнинг тушунчамиздан устундир ҳамда вақт ва масофа билан чегараланмаган. Биз Рухда ибодат қилаётганимизда, ўз онгимизга умид қилмаймиз, балки Худонинг туганмас донолигининг кенглигига суянамиз. Бу Повул нима учун: «Сизларнинг барчангизни номаълум тилларда гапиришингизни истайман», –деб айтаётганининг сабабларидан биридир.

Душман бизнинг самовий тилимизни эшитмайди ва тушунмайди, чунки бу душманнинг сизга ҳамда бизнинг

биродар ва опа-сингилларимизга қарши ниятларини барбод қилишда жуда ҳам сифатли ҳаракат қиладиган Худонинг Унинг фарзандлари билан сирли мулоқотининг воситасидир.

«Мана, Мен сизларга... душманнинг бутун куч-қудратини босиш учун ҳокимият беряпман».

– Лк. 10:19

Биз имонлилар Худонинг Шоҳлигини дунёда дадил тарқатиш учун зарур қурол-яроққа эгамиз (Мат. 11:12га қаранг). Жамоат – бу Масихнинг ердаги Танасидир. Биз айтиб ўтганимиздек, Раббий Исо бу ерда ортиқ жисман яшамайди. Биз Худо Шоҳлигининг элчилари ва жангчиларимиз, биз Унинг ўзгартирувчи кучини олиб юрувчи ва уни қайта тикланишга, озодликка ва қайта сотиб олинишга муҳтож бўлган одамларга берувчи кишилармиз. Бироқ биз Муқаддас Руҳнинг кучисиз муҳтож ва ҳалок бўлаётган дунё учун ҳеч қачон Масихнинг Танаси бўла олмаемиз. Шайтон ва унинг югурдаклари сиздан кўрқишмайди, улар Масихда сизнинг ким эканлигингиздан ва ҳамма нарсага Қодирнинг ўғил-кизи сифатида сиз эга бўлган кучдан кўрқишади.

2-кун

ЯҚИНЛИК УЧУН ТИЛ

Биз хотиним билан етарлича узоқ вақт биргаликда яшяпмиз, шунинг учун бизнинг ўз тилимиз бор. Мен шунчаки СХХ дейишим мумкин ва хотиним мен нимани назарда тутаётганимни дарҳол тушунади. Биз турмуш қурганимизда, ҳар бир янги хизмат ўз номида «Халқаро Хизмат» сўзини ўз ичига олгандек туюлар эди. Шунинг учун биз Лиза билан ўз «Севги Халқаро хизмати»мизга асос солишга қарор қилдик (СХХ). Биз бир-биримизга қараб, «СХХ» дейишимиз мумкин ҳамда

иккаламиз ҳам кучоклашиш ва бўсаларни хоҳлаётганимизни тушунамиз. Бизни эшитган ҳар қандай киши шубҳасиз: «Улар нима ҳақда гапираяпти?» –деб ўйлайди. Эҳтимол, бу маъносиз тилдир, аммо у махфийдир, уни фақат мен ва Лиза биламиз. СХХ – бу бор -йўғи, биз бир-биримиз учун ўйлаб топган мулоқотнинг кўпгина воситаларидан биридир.

Худди шундай, самовий тилда ибодат қилиб туриб, биз Худо билан яқин, махфий мулоқот қиламиз. Сиз: «Жон, мен хаттоки, нима ҳақида ибодат қилаётганимни тушунмайман», -дейсиз. Наҳотки Муқаддас Китобда ёзилмаган: «Зеро агар мен номаълум тилда ибодат қилсам, руҳим ибодат қилади, онгим эса ҳосилсиз қолади?» (1 Кор. 14:14). Ҳа, бу ҳақиқат. Бирок айнан шунинг учун олдинги оят шундай демоқда: «Шунингдек, *номаълум* тилда гапирувчи талқин қилиш учун ибодат қилсин» (13-оят). Мен номаълум тилларда ибодат қилаётганимда ёки Худо билан гаплашаётганимда, мен ундан ибодатларимнинг талқинини беришини сўрайман. Биласизми, ўшанда нима содир бўлади? Ғоялар, донолик, ваҳийлар келади ва менинг руҳимдан отилиб чиқади. Ғоя ва ваҳийлар мени тўлдираётганида, уларни денгизнинг тубидан чиқиб келаётган ҳаво билан солиштириб, ҳолатни жуда ҳам яхши таърифлаб бера оламан. Улар менинг ички одамимнинг тубидан озод бўлиб, онгимнинг ва тушунчамнинг юзасига чиқади.

Сизга мисол келтираман. Менга тушунарсиз бўлган Ёзув оятини ўқиётганимда, мен: «Муқаддас Рух, менга ўргат», -дейман, сўнгра, номаълум тилларда ибодат қилишни бошлайман. Ваҳий бир лаҳзада келмайди, одатда у кечроқ, мен қандайдир иш билан шуғулланаётганимда, рулда кетаётганимда, душ қабул қилаётганимда ёки шунчаки дам олаётганимда, голф ўйнаётганимда келади. Муқаддас Рух билан яқинлик натижасида, менинг ёзилган оятнинг маъносини равшан қилиш ҳақидаги илтимосларимнинг жавоби сифатида у мени қувиб етади. Худо Ўз сирларини бўйсунувчанларга очади. Биз ўзимизни бўйсундирганимизда (Муқаддас Рухдан Унинг бошқарувини сўраганимизда), биз У

билан чуқур яқинликни ҳис қиламиз ва буюк руҳий ваҳий оламиз.

Худди шу руҳий кучга ҳам тегишлидир. Повул унга тўғридан-тўғри Худонинг Руҳидан айтилган кейинги сўзларни ёзган:

«Раббий эса менга деди: «Менинг иноятим сен учун етарлидир, чунки Менинг қудратим заифликда камолга етади». Шунинг учун, Масихнинг қудрати менда жо бўлиши учун бажонидил ўз заифликларим билан янада кўпроқ мактанаман» (2 Кор. 12:9).

Худонинг кучи бўлмиш Унинг инояти, шунингдек, камтарларга ҳам куйилади (Повул ўз «заифликлари»ни тан олаётганида, у айнан камтарлик ҳақида гапирмоқда). Сиз Худо Руҳининг туганмас донолигини забт этиб ўзингизни бўйсундирганингизда, сизга Худо кучи кўп меъёрда тушади. Ахир бу ҳам Муқаддас Руҳ билан яқинликнинг натижасидир.

Бизнинг ғарбий жамиятимиз натижаларга йўналтирилган. Агар биз ўз кучимиз ва харажатларимизнинг натижаларини тезда кўрмасак, кўпинча, ўз қатъиятимизни йўқотамиз. Биз шуни тушунишимиз керакки, Руҳда ибодат қилаётганимизда, бу билан биз ўз келажагимизга экаётган бўламиз. Ваҳий бизнинг тушунчамизнинг сиртида пайдо бўлишидан олдин, баъзан маълум муддат кутиш керак бўлади. Руҳдаги ибодат имонни талаб қилади, чунки бизнинг табиий онгимиз тугаган жойда имон бошланади. Руҳда ибодат бизнинг имонимизни чўзади ва Худонинг донолигини тушуниш қобилиятини кўпайтиради.

ОНГ БИЛАН ИБОДАТ

Мазкур боб Руҳдаги ибодатни кўриб чиқади, бироқ онг билан ибодат ҳам хаддан ташқари самаралидир. Повул аниқ қилиб, биз онг билан ҳам, Руҳ билан ҳам ибодат қилишимиз кераклигини айтмоқда.

«Руҳим билан ибодат қиламан, онгим билан ҳам ибо-

дат қиламан. Руҳим билан кўшиқ айтаман, онгим билан ҳам кўшиқ айтаман» (1 Кор. 14:15).

Мен ўзона тилимда ибодат қилаётганимда, бевосита ўз онгимни барпо қиламан. Бундай ибодат кучли ҳиссиётни ва иштиёкни чақиради. У мени мен ибодат қилаётган одам билан боғлайди, у Лиза, фарзандларим, дўстларим, хизматдошларим ва бошқалар бўлиши мумкин. Худди шундай, мен онгимдан гапираётганимда ва Отамнинг улуғворлигини эълон қилаётганимда, ташаккур ва миннатдорчилик ҳиссига тўламан.

Худонинг бошқарувига эргашган ҳолда онгим билан ибодат қиладиган ҳолатлар ҳам бўлади. Бу Руҳдаги ибодатнинг бошқа шаклидир. Бироқ мен кўпинча аввало Руҳда ибодат қиламан, сўнгра Худо менга мен ибодат қилаётган нарса ҳақида тушунча ва талқин беради. Ўшанда менга тушунарли бўлган сўзлар оғзимдан дарё бўлиб оқишни бошлайди.

Мазкур китобда Руҳ билан ибодат қилишнинг муҳимлиги ҳақида гапириб, мен онг билан ибодат қилишнинг зарурлигини мутлақо кичрайтирганим йўқ. Мен фақатгина шуни етказишга умид қиламанки, соғлом ибодатли ҳаёт Руҳ билан ибодат қилишни ҳам, онг билан ибодат қилишни ҳам ўз ичига олади. У ва бу ибодат ҳам Худодаги бизнинг ҳаётимиз учун жуда ҳам зарурдир.

БИЗНИНГ ҲАЁТ МАНБАИМИЗ

Ҳикматлар китобида шундай ёзилган: «Инсоннинг руҳи – унинг борлигининг барча ички қисмларини текширадиган Раббийнинг чироғидир» (20:27). Худо Руҳининг мўъжизалари онгда эмас, аввало бизнинг руҳимизда ёришади ва очилади. Мана, нима учун биз Руҳ билан ибодат қилаётганимизда, биз шунингдек, ишонишимиз ва ибодатимизнинг талқинини сўрашимиз керак. Сўнгра, Муқаддас Руҳ бизнинг руҳимизга бераётган ваҳий чиқади ва тушунчамизнинг юзасига кўтарилади.

Ёзув дейди: «Инсоннинг юрагидаги ниятлари (маслаҳат, до-

нолик, йўналиш ва мақсад) – чуқур сувлардир, аммо ақлли одам уларни сузиб олади (Ҳик. 20:5). Худо хочнинг ёрдами орқали янги юрак берди (Йез. 36:26га қаранг). Энди биз янгиланган юрагимизнинг теранликларидан ниятларни (Муқаддас Китобнинг инглизча таржимасида «маслаҳатлар») сузиб олишимиз мумкин (Муқаддас Руҳ бизнинг Маслаҳатчимиз деб номланган). Юҳанно Хушхабари (7:38-39)да ёзилган Раббий Исонинг сўзлари бу ҳақиқатни тасдиқламоқда:

«Ким Менга имон келтирса, Ёзувда айтилганидек, ўша одамнинг бағридан ҳаётбахш сув дарёлари оқиб чиқади». У буни – имонлилар қабул қилиши лозим бўлган Руҳ ҳақида айтди, зеро ҳали уларда Муқаддас Руҳ йўқ эди, чунки Исо ҳали улуғланган эмас эди».

Шунингдек, Ишаёе китоби (12:3)даги бошқа оят ёдга тушади:

«Сизлар нажот булоқларидан қувонч билан сув тор-тасизлар...».

Юҳанно аниқ қилиб, Раббий Исо айтгандек, бизнинг юрагимиздан оқиб чиқадиган «тирик сув» – Муқаддас Руҳ эканлигини айтмоқда. Нима учун Раббий Исо Руҳни сувга ўхшатапти? Сув ҳаёт ва соғлиқ беради, усиз ер юзида ҳаёт йўқ бўлиб кетади. Раббий Исо Муқаддас Руҳ ҳақида «тирик сув» ҳақида гапиргандек гапириб, Руҳ ҳаётнинг мазмуни эканлигини айтмоқда.

Худо шундай дейди: «Менинг халқим билим етишмаслиги туфайли кириб ташланади...» (Ҳосия 4:6). Худо қанақа билим ҳақида гапираяпти? Айнан Унинг йўллари ва мақсадларини билиш ҳақида. Ажойиб янгилик, биз Унинг юрагини билиш билан келадиган ҳаётнинг тўлиқлигида яшай олишимиз учун Худо бизга Ўз Руҳини юборди. Худонинг Кимлигини тушунмасдан, Унга хизмат қилишнинг иложи йўқ, ҳатто менинг хизматимдаги гуруҳ аъзолари ҳам агар менинг юрагимда нима борлигини билмасалар, мен билан талаб қилингандай ишлай

олишмайди. Биз Худонинг Сўзини ўқиётганимизда ва ибодатда вақт ўтказаетганимизда, Муқаддас Рух бизга Худонинг юрагини очади. Бу куч бизга қувончда яшашимиз учун зарур. Неҳемияҳ китобида ёзилган: «...Раббий олдидаги қувончингиз сиз учун қувватдир» (8:10). Бошқача қилиб айтганда, биз ундан лаззатланганимизда (Муқаддас Рухнинг софлигини ҳис қилганимизда), биз келажак учун кучга эга бўламиз. Сизни билмадим-у, лекин мен Унинг қувончисиз бир кун ҳам яшашни хоҳламайман.

ХУДОНИНГ СИРЛАРИ

Ҳикматлардаги ва Юҳанно Хушхабаридagi Ёзув оятларидан шуни кўраяпмизки, юракларимизнинг тубидан отилиб чиқаётган сув сирни ёки Худонинг яширин донолигини ўзида сақлайди. Биз шунингдек, Худо бу сирларни ва тубликларни Ўз Рухи билан очишини ҳам биламиз. Энди яна бир бор Повулнинг сўзига назар соламиз: «Худонинг сирли ва яширин бўлган донолигини воизлик қилмоқдамиз» (1 Кор. 2:7).

Юнонча «сир» сўзи «махфий» ёки «хиралашган» деган маънони эмас, «яширин ёки тўлиқ намоён бўлмаган» деган маъноларни билдиради.

Манзара қуйидагича кўринишда намоён бўлади: тасаввур қилинг, сиз ҳашаматли ресторанга келдингиз. Сиз нималарни ёқтиришингизни билиш учун сизнинг столингизга бош ошпаз келади. Сўнгра у сизнинг таъбингизга кўра ўзига хос таом тайёрлайди. Таом тайёр бўлганида, официант уни олиб келади ва сизнинг олдингизга қўяди. Модомики, бу юксак таъб ва модага жавоб берадиган ресторан экан, таом мижознинг столида пайдо бўлгунигача ёпиқ бўлиши керак. Олдингизда айнан сизнинг таомингиз турганлигини биласиз, лекин у маълум бир сирга чулганган, чунки у ҳозирча кўринмасдир.

Официант ликопчани стол устига қўйиб, копкағини очади ва марҳамат, мана, у, сизнинг таомингиз. Бош ошпаз сиз учун нима

тайёрлаганини мана энди кўряпсиз. Ахир таом қопқокни очганларида ликопча устида қутилмаганда пайдо бўлиб қолмади. У олдинроқ ҳам ўша ерда эди, шунчаки сиз уни кўрмаган эдингиз. Официант сизнинг тушлигинингизнинг сирини очди. Бош ошпаз ушбу тансиқ таом нималигидан хабардор эди, лекин у сиздан яширин эди. Худо Ўз Руҳи билан Ўзининг яширин режаларидан – Унинг сирларидан қопқокни олиб ташлайди. Муқаддас Руҳнинг ҳамкорлиги билан энди биз...

«Худонинг сирли ва яширин бўлган донолигини воизлик қилмоқдамиз... токи Худо бизга ато қилганларини билайлик ва биз буни инсоний доноликдан ўрганган сўзлар билан эмас, балки Муқаддас Руҳ ўрнатган сўзлар билан воизлик қилиб, руҳий нарсаларни руҳий нарсалар билан таққослайлик» (1 Кор. 2:7, 12,13).

Кейинроқ, мана шу мактубда Повул шундай ёзган: «Ким *номаълум* тилда гапирса, у одамларга эмас, Худога гапиради, чунки уни ҳеч ким тушунмайди. У Руҳ билан сирларни гапиради» (1 Кор. 14:2). Ўхшашликни кўраяпсизми? *Номаълум* тилларда гапирганимизда, биз Худонинг сирларини гапираемиз. Бу сирлар юрагимизнинг тубида яширин эканлигини (Ҳик. 20:5га қаранг) ва Худо донолигининг тирик суви бизнинг ичимизда жўш ураётганида, юзага чиқишини (Юх. 7:38-39га қаранг) биз энди билаемиз. Шунинг учун *номаълум* тиллардаги ибодат бизни барпо қилади, чунки биз чуқур маслаҳатни Руҳнинг Ўзидан билишимиз учун у ҳаёт мазмуни бўлмиш «тирик сувни» сузиб олади!

Мен илгари айтганимдек, менинг тушунчамдан юқори бўлган Ёзув оятига етарлича кўп дуч келганман. Ўшанда, мен Руҳда ибодат қилишни бошлаганман ва ваҳий олганман. Мен китоб ёзиш жараёнида кўп бора тўсатдан деворга дуч келиб қолганман. Мен бошқа ҳеч нарса айта олмайдигандек туюлар эди. Бундай вазиятларда қила олишим мумкин бўлган ягона нарса – компьютердан узоқлашиб, *номаълум* тилларда ибодат қилишдир ва одатда, янги ваҳий ҳеч бир муболагасиз мени

тўлдиришни бошлайди. Бу вазиятларда нима содир бўлади? Худо Рухининг тирик суви тўғридан-тўғри менинг юрагимдан оқади!

Агар сиз Худо билан мулоқот қилмасангиз, маълум бир сирлар сизнинг табиий онгингиз учун яширин бўлиб қолиб кетиши ҳам мумкин. Бу сизнинг қайси жамоатга боришингиз, кимга уйланишингиз ёки кимга тушмушга чиқишингиз, қанақа ишга киришингиз, қанақа уй сотиб олишингиз ёки етакчилар учун қандай ибодат билан шафоат қилишингиз, шунингдек, масалан, қандай қилиб янада яхшироқ турмуш ўртоқ бўлиш, болаларингизнинг тарбиясидаги даъватларни қандай удалаш, ўз ишингизни қандай қилиб янада самаралироқ қилиш ва бошқаларга ёрдам бериш тўғрисидаги нарсалар сир бўлиши мумкин. Фақатгина ўз онгингиз билан бошқариб, барча хужум ва ташвишлардан ҳимояланишда Худо сизни ёлғизликда ташлаб қўймаганлиги ажойиб эмасми? Унинг Рухи орқали биз Унинг (биз учун ҳаммасидан яхши бўлган нарса ҳақидаги) режалари ҳақида билишимиз ва Унинг ваъда берган тинчлигидан роҳатланишимиз мумкин.

3-кун

ТИНЧЛИК: ЯҚИНЛИКНИНГ ИНЪОМИ

Галатликларга мактубнинг бешинчи боби – тинчлик Рух ҳузурининг намоён бўлиши ва бизнинг ҳаётимиздаги келишув эканлиги ҳақида гапирмоқда. Бу кундалик ҳаётда кўп ишлатиладиган ажойиб дуо-барақадир.

Ҳали уйланмаган пайтимда, менинг бўлажак хотинимнинг феъл-атвори қандай бўлиши ҳақида умуман билмас эдим. Мен Лиза Тоскано исмли қиз билан учрашар эдим. У менга жуда ҳам ёқишини тушунар эдим. Менга унинг феъл-атвори ёқар эди ва умуман олганда, ундаги ҳамма нарса мени ўзига тортар эди. Аммо

мен фақат Худо мен учун тайёрлаган қизга уйланишни хоҳлар эдим. Лиза Аризона штатида яшар эди, мен эса, Техас штатида яшар эдим. Бизларнинг иккаламиз ҳам бизнинг келгуси ўзаро муносабатларимиз учун Худонинг йўналишини излар эдик. Шунинг учун мен унга дедим: «Кел, ўттиз кун давомида ҳар куни ярим соатдан Рухда ибодат қиламиз ва юрагимизга кулоқ соламиз. Агар сен қандайдир юракни сиқадиган ҳиссиётни сезсанг, демак, Худо бизга муносабатларимизни тўхтатишни айтаяпти. Бироқ агар юрагингда тинчлик бўлса, демак, Муқаддас Рух уларни давом эттиришга бизни ундаяпти». Биз ибодат қилган пайтимизда, ҳар биримиз тинчликни ва қувончни ҳис қилдик, биз умидларга тўла эдик. Ўттиз кундан сўнг, ҳар биримиз ибодат вақтида нимани ҳис қилганимиз ҳақида очиқча гаплашиб олдик ва иккаламиз ҳам бир хил ҳисларни бошдан кечирганимизни билдик. Шундан сўнг биз жуфтлик сифатида гаплашишни давом эттирдик ва охири турмуш қурдик. Ўттиз йилдан кўпроқ вақт ўтди ва мен иккаламиз ҳам бу тинчликни ҳис қилганимиздан жуда ҳам миннатдорман!

Римликларга мактуб (8:14)да ёзилган: «Чунки Худонинг Рухи билан бошқариладиганларнинг ҳаммаси Худонинг ўғиллари [ва қизлари]дир». Мазкур Ёзув оятида Муқаддас Рух Худонинг фарзандларини қандай бошқариши тушунтирилмоқда: «Ана шу Рухнинг Ўзи бизнинг руҳимизга, биз Худонинг фарзандлари эканлигимиз ҳақида гувоҳлик бермоқда» (8:16). Бу Муқаддас Рух – Ўзининг тинчлиги ва гувоҳлиги билан етаклайдиган асосий йўлдир.

Сизда қачонлардир шунақаси бўлганми: сиз мантиқан тўғри қарор бўлиб кўринган ишни қилмоқчи бўлгансиз, лекин ҳар сафар у ҳақда ўйлаганингизда, эзувчи ноқулайликни ҳис қилгансиз? Эҳтимол, сиз бунинг сабаби нима эканлигини, нимани нотўғри танлаганингизни тушунолмайд хайрон бўлгандирсиз, ахир ҳаммаси тўғри бўлиб кўринган. Агар сиз Муқаддас Рух билан мулоқотда бўлган бўлсангиз, демак, унда бу сизга: «Бу йўналишда ҳаракат қилмагин», -деювчи У берган ноқулай ҳис бўлган. Мен бунга ўхшаш ҳолатларни кўп маротаба ҳис қилганман. Баъзан

менинг Муқаддас Руҳ бошқаруви ортидан эргашиш қарорим йиллар ўтмагунича, ҳеч қандай маънога эга бўлмаган. Мен бундай ҳолатларда Унга ишонишни ўргандим. Ёдда тутинг, Унинг донолиги вақт билан, жой билан чегараланмаган – бу У сизни ҳозирда йўналтириб, ҳар доим келажагингизни ҳисобга олади демакдир.

Жуда ҳам хавфли бўлиб туйилган қарорни қабул қилиб, ажабланарли тинчликни ҳис қиладиган бошқа бир ҳолатлар ҳам бўлади – бу менинг юрагимда ҳукмронлик қиладиган Масихнинг тинчлигидир. Ҳаворий Повулнинг сўзларини ўқиб чиқинг:

«Худонинг [узил-кесил ва мустаҳкам, ҳеч қандай саволларга шубҳа қолдирмайдиган, онда пайдо бўлувчи, тинчлик ҳолатини берувчи] (жоннинг уйғунлигига олиб келадиган) тинчлиги юракларингизда ҳукмронлик қилсин [судья каби доимо ҳаракат қилсин], чунки сизлар [Масих Танасининг аъзолари] бир Танада бўлиб, шунга [яшашга] даъват этилгансизлар. *Доимо* миннатдор бўлинглар» (Кол. 3:15, кенг. тарж.).

Муқаддас Руҳни судьяга ўхшатган Муқаддас Китобнинг кенгайтирилган таржимаси менга жуда ёқди. Яхши судья ҳар доим шубҳаларсиз ва чуқур ўйлашларсиз ҳуштак чалади. Худди шундай, Муқаддас Руҳ ҳам сизнинг онгингизда пайдо бўладиган ҳар қандай саволларни (қарорларни, ваҳималарни ва бошқ.) иккиланмасдан бартараф этади. Агар сиз Унга зарур бўлганда, ҳуштак чалишига руҳсат берсангиз, У сизга Ўзининг донолигини беради. Унинг «ҳуштаги» одамнинг шуурини тўлдириб турган тинчлик орқали ниҳоятда кўп эшиттирилади, бу Руҳнинг гувоҳлигидир. Ёзув дейди:

«Шунда ҳар қандай тушунчадан юкори бўлган Худонинг тинчлиги сизларнинг юракларингизни ва фикрмулоҳазаларингизни Исо Масихда сақлайди» (Флп. 4:7).

Биз Исо Масихда ўтқизилганмиз – демак, бизнинг

давримизда ниҳоятда қийин эришиш мумкин бўлган тинчликка кириш ҳуқуқини кўлга киритдик. Раббий Исо тинчликнинг Ҳокимидир, шу сабабли, Унда бўлганларнинг барчаси тинчлик ваъдасига эга бўладилар. Биз Муқаддас Руҳни қарорларимизни қабул қилишда иштирок этишга таклиф этсак, У ҳар доим Исо Масиҳнинг тинчлиги орқали гувоҳлик беради.

ТИНЧЛИК ВА ҚАРОРЛАРНИ ҚАБУЛ ҚИЛИШ

Мен Messenger International хизматининг етакчиси бўлиб, Унинг тинчлиги тўлиқ ҳамроҳлик қилган кўп қарорларни қабул қилганман. Баъзан топшириқ кўлдан келмайдиган бўлиб кўринар эди, бироқ Худонинг тинчлиги мени хизматнинг имкониятини ўз фикр доирамда чеклаб қўйишдан ушлаб турар эди.

Муқаддас Руҳ менга гапирганини аниқ эшитган ҳолатлар ҳам бўлган. Масалан, мен ушбу китобни бошлашга тайёрланиб, умуман бошқа мавзуда ёзишни режалаштирган эдим. Мен рўза тутиб, ибодат қилганимда, Муқаддас Руҳ мени Унинг Кимлиги ҳақида ёзишга ундади.

Кўпчилик қарорларга аниқ кўрсатмалар эмас, Худонинг тинчлиги (ҳар доим Унинг Сўзига мувофиқ) ҳамроҳлик қилади. Лекин Худонинг Руҳи менга гапирган вақтлар ҳам бўлган. Одатда, бу Худо мен учун умуман янги йўналишни ўрнатаётганида содир бўлишини пайқайман. Сизга мисол келтираман.

Messenger International хизматининг асосий мақсади - маҳаллий жамоат қуришни ўз ичига олади. Биз ишонамизки, маҳаллий жамоат – бу умидсизларни қутқариш, умид олиб бориш, одамларнинг муҳтожликларини қондириш ва халқларда шогирдлар кўтаришининг энг стратегик усулидир. Шимолий Америкадаги 20 мингдан ортиқ жамоатлар бизнинг ўқув дастуримиздан фойдаланмоқда. Биз Қўшма Штатларда, Канада, Австралия ва Бирлашган Қиролликда жамоатлар кўтаришдек асосий вазифаларимиз устидан кўп йиллар меҳнат қилдик.

2010 йил 31майда Дониёрнинг китобини ўқиганимда, Худо

менга: «Сен инглиз тилида гапирувчилар дунёсидаги маҳаллий жамоатларга интилиб, содиқ бўлдинг. Энди Мен сени узокқа – дунёнинг барча мамлакатларига юбораман», -деди. Буюк фурсат. Мен нима содир бўлишини мутлақо тушунмадим, шунинг учун хизматимиз етакчиларини йиғинга чақирдим. Мен уларга Худо менинг юрагимга солган ваҳий ҳақида сўзлаб бердим ва 2011 йил давомида мен ривожланган давлатлардаги етакчиларга 250 мингта китоб тарқатишни хоҳлаганимни айтдим. Ҳаммалари ҳайратда қолишди. Ҳеч қачон биз бир йил ичида ҳатто бу микдорга яқин китоблар тарқатмаган эдик. Менинг ёрдамчим ва барча бўлим бошлиқлари мендан бундай топшириқни олганимга ишончим комил эканлигини кўп маротаба сўрадилар. Ахийри, у мендан бу топшириқни ибодатда Худонинг қаршисида кўтаришимни сўради. Албатта, менда тинчлик бор эди. Муқаддас Руҳ бу ҳақда менга баланд овозда гапириши шарт эмас эди, чунки мен бу мақсад Унинг биринчи йўналиши билан мос келганлигини билар эдим. Бу даъватда Унинг гувоҳлиги сезилиб турар эди. Мен бу ҳақида ўз гуруҳимга айтиб берганимда, улар менга берилган ваҳийни дарҳол қўллаб-қувватладилар. Табиийки, Худо ажойиб тарзда ҳаракат қилди ва ўша йили биз дунёнинг 47 давлатларидаги чўпонлар ва етакчилар орасида 270 мингдан ортиқ китоб тарқатишнинг уддасидан чиқдик.

2011 йил Бейрут ва Ливанда мен (Яқин Шарқда 2500 нафар чўпон ва етакчилар йиғилган аудиторияда воизлик қилган сафарим чоғида) бир ироклик чўпон билан танишдим. Ушбу ўттиз олти ёшли киши ўз шаҳридаги энг катта жамоатнинг чўпони эди. У менга: «Чўпон Жон, сиз мен учун отамдексиз. Мен қўлга киритишга муваффақ бўлган сизнинг барча китобларингизни ўқиб чиққанман. Мен ҳаттоки сизнинг сайтингиздан манбалар харид қилганман», -деди. Ундан бундай сўзларни эшитиб, уялганимдан ерга кириб кетгудек бўлдим. Мана бу - уруш ағдартўнтар қилиб юборган давлатдан бўлган, кўп пулга эгалиги амри - маҳол бўлган одам ва у пулларини Messenger International маълумотлари учун берган. Мен бу ҳақида ўйлаганимда, ушбу

махаллий жамоатларга ўз етакчиларини хизмат учун керакли маълумотлар билан таъминлашларига қандай ёрдам беришга донолик бериши учун Худога ёлвора бошладим. Мен Руҳда ибодат қила бошладим ва биз ривожланаётган давлатлардаги жамоатлар чўпонларига нафақат китобларни, балки тўлик ўқув дастурларини совға қила олишимиз мумкинлиги ҳақидаги ғояни олдим. Кейинги йил биз бу чўпонларга ва етакчиларга 1,3 миллион манба совға қилдик. Манбаларни тарқатишнинг барча умумий режасининг муҳим нуқтаси www.CloudLibrary.org сайтидир, бундан чўпонлар ва етакчилар, шунингдек, уларнинг жамоатларининг барча аъзолари фойдаланишлари ва у ердан манбаларни ўз она тилларида юклаб олишлари мумкин. Шу тарзда, энди улар масиҳийлар учун очиқ бўлмоқда ва уларнинг сони ойдан-ойга 2011 йилда совға қилинган дастлабки 270 мингтадан янада кўпроқ ошиб бормоқда. Агар биз Муқаддас Руҳ тинчлигининг гувоҳлиги ортидан эргашсак, Худо бизда ва биз орқали мана шундай ишни амалга оширишга қодирдир!

4-кун

ЙЎНАЛИШНИ ҚЎЛГА КИРИТИШ

Кўпчилик имонлиларга Худонинг йўналишини топиш жуда ҳам қийин туйилади. Мен одамларнинг: «Худо менинг ўз ҳаётимда нима қилишимни иташини билмайман», деб айтганларини кўп бора эшитаман. Ёқуб бизга йўналиш зарур бўлган ҳолатларда нима қилишимиз кераклигини айтмоқда: «Агар сизлардан бирортангизга донолик етишмаса, Худодан сўрасин» (1:5). Юнонча донолик сўзи - sophia, «тушуниш қобилияти ва натижада донолик билан ҳаракат қилиш»ни англатади. Ўйлаб кўринг: Худонинг донолиги орқали биз аввалом бор тушуниб, *кейин* эса, ҳаракат қила оламиз.

Худонинг донолигини тушуниш, сўнгра, ундан фойдаланиш қобилиятини бизга ким беради? Муқаддас Руҳ. Менга йўналиш

жуда ҳам керак бўлган шундай вазиятларга тушиб қолганман. Мен номаълум тилларда ибодат қилишни бошлаганимда, Худонинг донолиги ва йўналиши менинг руҳимдан кўтарилиб, онгимни тўлдиради. Номаълум тиллардаги ибодатнинг ҳаракати бизларнинг ҳаётимиздаги Худонинг йўналишини ёритади. Келинг, Ҳикматлар китоби (20:5)даги Ёзув оятини яна бир бор ўқиймиз: «Инсоннинг юрагидаги ниятлари – чуқур сувлардир, аммо ақлли одам уларни сузиб олади». Бошқа инглизча таржимада «ниятлар» сўзининг ўрнига «мақсад» сўзи ишлатилмоқда. Бизга Масихда топшириқ ёки бизларнинг ҳар биримиз учун ноёб бўлган мақсад берилган. Бу мақсад сизнинг йўналишингизни белгилайди, у юрагингизнинг ичида чуқур яширинган. Сиз Рухда ибодат қила туриб, Худонинг ниятларини пайқайсиз ва У сизга уларнинг мақсадини очади. Бу бир тунда содир бўлмайди, шунинг учун сабр-тоқатли бўлинг. Ўғилларимдан бири шундай деб айтишни яхши кўради: «Муқаддас Китоб – бу бизнинг харитамиз, Муқаддас Рух эса, бизнинг Йўлбошловчимиздир».

Йўналиш инъоми бизга ҳаётнинг ҳар бир соҳасида очикдир. Агар сизга болаларингиздан бирини эплаш қийин бўлса, орқага бир қадам ташланг ва Рухда ибодат қилинг. У сизга ўзингизни қандай тутишни кўрсатади. Агар сиз савдо билан шуғуллансангиз ва нима қилишни билмаётган бўлсангиз, офиснинг эшигини ёпинг ва ҳаммасини Биладигандан донолик сўранг. У сизнинг ичингизда аллақачон бор бўлади, шунинг учун шунчаки сиз, ҳали сизга маълум бўлмаган нарсани оласиз. У сизга йўналиш беришни хоҳлайди! Ишаёе китоби (48:17) да шундай дейилмоқда: «Мен - сени фойдали нарсаларга ўргатувчи ва сени юришинг керак бўлган йўлдан етакловчи Раббий сенинг Худойингман». Худо Шохликда сизларга берилган мақсадни бажариб яшашингизни истайди. Худо бу йўлдаги сизнинг ҳар бир қадамингизни йўналтирмоқчи.

Баъзан одамлар менга: «Жон, буларнинг барчаси шунчалик «руҳий» ва қандайдир ғалати. Биз бундай илтимослар билан

Худоба муружаат қила олмаймиз. Уни фақат хизмат ишлари ташвишга солади», - дейишади. Биринчидан, Худоба ҳеч қандай ғалатилик йўқ, шунинг учун у бизнинг ҳаётимизнинг барча соҳаларида аралашисида ҳеч қандай ғалатилик йўқдир. Одамлар ғалати бўлиши мумкин, лекин Худо ҳеч қачон ғалати бўлмайди. Шунингдек, қандайдир одамлар Унинг Рухининг намоён бўлишини қўллай олмаганликлари ва бузиб кўрсатганликлари учунгина Худонинг ваъдаларини унутиш ярамайди.

Иккинчидан, Муқаддас Китоб бизни «тинимсиз ибодат қилишга» ўргатмоқда (1 Сал. 5:17). Кўп масиҳийлар ушбу оят нимани англатишини тушуниш учун унинг контекстини кўриб чиқишга бирор марта ҳам фурсат топмаганлар. Шубҳасиз, Повул бу ерда: «Ҳаётингизнинг ҳар бир дақиқасида лабларингиз билан ибодатда ҳаракат қилинг», - демапти. Ахир Муқаддас Китоб бизга доимо Хушхабар айтишни ва бир-биримизни қувватлашни айтаяпти. Биз бир вақтнинг ўзида унисини ҳам, бунисини ҳам қила олмаймиз.

Дарҳақиқат, Повул бу оятда Худонинг Рухи билан доимий мулоқот ҳақида гапирмоқда. Буни қандай қилиш мумкин? Повул бизга жавобини бермоқда, чунки у яна шундай деб давом этапти: «Рухни сўндирманглар» (19-оят). Тинмасдан ибодат қилиш, Муқаддас Рухнинг ҳузурини ҳеч қачон сўндирмасликни англатади, бу ҳар доим Унинг ҳузурини ёдга олишни ва Унинг овозига сезгир бўлишни англатади. Бошқача қилиб айтганда, бу - бизнинг ҳаётимиздаги Унинг иштирокини сиқиб қўймасликдир. Муқаддас Рух сизга ҳар бир саволда ёрдам беришни, сизни йўналтиришни ва сиз билан доимий мулоқотга эга бўлишни хоҳлайди. Бу Унинг тинчлигини, кучини ва ҳаётдаги йўналишини олиб келади.

Мен бизнесмен бўлишга даъват этилмаганман. Лекин агар мен бизнесмен бўлганимда эди, мен кўп вақтни ўз бизнесим учун рухий ибодат қилиш билан ўтказган бўлар эдим, сўнгра, юрагимда тинчликка эга бўлган қарорларни қабул

қилган бўлар эдим. Сиз «тўлиқ хизматда» бўлмаганлигингиз учунгина, ўз Яратувчингиздан йўналиш олиш қобилиятингизга эътиборсизлик билан қараманг. У мени йўлимда йўналтиргани каби, сизни ҳам худди шундай йўлингизда йўналтиради.

ШАХСИЙ ИБОДАТ ВАҚТИ

Мен ибодат вақтимни бошида Ёзувни ўқишдан бошлаганимда, у анча самаралироқ эканлигини пайқадим. Худонинг сўзи менинг ақлимни тозалайди ва гўё руҳдан ақлга канал очади. Агар мен вақтни китоб ўқиш билан ўтказсам, унда кейинроқ Муқаддас Рух билан янада кучлироқ алоқани ҳис қиламан ва менинг ибодат вақтим Унинг намоён бўлган хузури билан бойийди.

Шунингдек, мен шуни билдимки, мен ҳаётимда Худонинг хузурини доимо эъзозлаганимда, У Ўзини очишни секинлатмайди. Мен Унинг улуғворлиги ва эзгулиги ҳақида фикрлашни бошлаганимда, тўсатдан Муқаддас Рух Ўзини намоён этади. Нима учун? Ҳамду-сано куйловчи бизга жавоб беради: «Унинг атрофидагиларнинг барчаси учун У кўрқинчлидир» (Сано 88:8га қаранг). Агар Худонинг хузурини ҳис қилмоқчи бўлсангиз, сиз Унга Худонинг кўрқувида ва эҳтиром билан яқинлашингиз керак. Ўзингизни Худонинг хузуридан жудо қилиш жуда ҳам осон, бу учун – Унинг олдида эҳтиромда бўлишни тўхтатиш ва Унинг Рухини ҳурмат қилишни тўхтатиш керак, холос.

Раббий Исо Ўз шогирдларига (шу жумладан, бизга) қандай ибодат қилишни кўрсатганида, У шундай сўзлар билан бошлади: «Бизнинг Осмондаги Отамиз, Сенинг исминг муқаддас бўлсин...» (Мат. 6:9). Бошқача қилиб айтганда, биз Отамизнинг олдида яқинлашаётганимизда, аввало, Унинг хузурига муқаддас эҳтиром билан киришимиз лозим. Агар биз шундай йўл тутсак, Муқаддас Рух бизга Ўз хузурини намоён этади, чунки У эҳтиромда бўлишини У билади. Унинг хузури

бизга келажакни кўришга имкон беради, бизга донолик, билим ва куч беради. У ҳақиқатан ҳам бизнинг ҳаёт булоғимиздир! Нима учун биз ўзимизни Ундан узоқлаштиришни хоҳлашимиз керак экан?

РУҲДА ШАФОАТ ҚИЛИШ

Мен қачонлардир бир дўстим, жамоатнинг чўпони билан мунтазам ибодат қилган эдим. Ибодат вақтида биз кўпинча номаълум тилларда шафоат қилар эдик. Бир куни биз ибодатда Яқин Шарқдаги қандайдир жойни гапираётганимизни ва буюраётганимизни аниқ билдик. Кейинги кун биз Турцияда кучли ер қимирлаш содир бўлганини билдик. Ишончим комилки, биз дўстим билан айнан мана шу мамлакат учун ибодат қилган эдик. Биз бу давлатнинг одамлари билан Руҳда бирлашдик, чунки айнан ўша Руҳ бизда бўлади. Худо Турциядаги одамлар ҳақидаги Ўз иродасини бизлар орқали айтди.

Руҳий шафоатнинг бу ҳаракати ерда Худо Шоҳлигининголға силжишида муҳим аҳамиятга эгадир. Биздан узоқда бўлган биродарларимиз ва опа-сингилларимиз учун Худонинг иродасини эълон қилишимизни душман ёмон кўради. Унинг мақсади жамоатни бўлиб ва парчалаб ташлашдир, у бизнинг шафоатимизни ўз ақлимиз доирасида чеклаб қўйишни хоҳлаган бўлар эди. Балки сиз бутун дунёдаги имонлилар билан қанчалар чамбарчас боғланганлигинизни ҳеч қачон ўйламагандирсиз. Ҳатто, агар сиз улар билан табиий дунёда ҳеч қандай алоқага эга бўлмасангиз ҳам, сиз бошқа давлатлардаги имонлилар учун ибодат қилишингиз мумкин.

Бир сафар мен Кенияда Масаи қабиласидан бир одам билан танишиб қолдим. Кейинчалик у Қўшма Штатларга келди ва Пенсильваниядаги дўстларимникида қолди. У уларникида бир ойга яқин яшади. Ора-сирада, у Африкада, уйда унинг оиласида нималар содир бўлаётгани ҳақида дўстларга айтиб турар эди. Ниҳоят, уй бекаси ундан: «Оилангизда нима содир

бўлаётганини сиз қаердан биласиз? Ахир уларда телефон бўлмаса», -деб сўради. У: «Повул Колосдаги ва Коринфдаги жамоатларда нима содир бўлганини, улардан узоқда бўлганида ҳам билган. Мен Рухда ибодат қилаётганимда, Раббий менга оила аъзоларим билан нима содир бўлаётганини кўрсатади», -деб жавоб берди. У айтган оятлар Колосликларга мактубда шундай дейилган: «Зеро мен жисман сизларнинг орангизда бўлмасам ҳам, руҳан орангиздаман; сизларнинг тартиб-интизомингизни ва Масихга бўлган имонингизнинг мустаҳкамлигини кўриб қувонмоқдаман» (Кол. 2:5) ва Коринфликларга биринчи мактубда ёзилган: «Мен эса танам билан сизлардан узоқда бўлсам ҳам, лекин руҳим билан орангизда бўлиб...» (5:3). Повул бу жамоатнинг одамлари билан Рухда бирга бўлган ва у ерда жисман бўлмаса ҳам, уларнинг ишлари ва ҳаёти ҳақида билган.

Кўпинча шундай бўладики, гуруҳим аъзоларидан ёки ҳамкорларимдан кимдир мен учун ибодат қилаётганини биламан. Баъзан мен оз бўлмаса ҳаёт ва ўлимнинг чегарасида бўлиб қолган хавфли вазиятларда бўлиб қоламан ҳамда Худо тўсатдан аралашиб, мўъжиза яратади. Бундай вазиятларда, кимдир менинг ҳимоям учун ибодат қилаётганини ва мен учун Рухда шафоат қилаётганини биламан.

ОРОМНИ БОШДАН КЕЧИРИШ

«Биродарларим, онгингизда болалар каби бўлманглар, ёвузликка нисбатан гўдаклар каби бўлинглар, онгингизда эса вояга етганлар каби бўлинглар. Қонунда ёзилган: «Бошқа тиллар ва бошқа оғизлар билан бу халққа гапираман» (1 Кор. 14:20-21).

Эҳтимол, сиз Повул Коринфликларга биринчи мактубининг 14-бобида номаълум тиллар ҳақида кўп ёзганини биласиз. Повул мазкур оятларда Ишаъё пайғамбарнинг сўзларини айтиб бермоқда: «Зеро бу халққа мужмал гапирадиган забон ва бегона

тилда гапиради. Уларга айтилган эди: «Мана – ором, ҳориганга дам беринглар. Мана – ором олиш» (28:11-12).

Худо номаълум тилларда гапириш ором ва дам олиб келишини Ишаё орқали башорат қилган. Бир сафар менинг бир дўстим, катта жамоатнинг чўпони унга: «Мен бу хизматдан кетишга тайёрман. Мен чарчадим. Кучим йўқ, ҳолдан тойдим», -деб айтган бошқа бир катта жамоатнинг чўпони билан гаплашди.

Менинг дўстим унга шундай жавоб берди: «Сен Рухда ибодат қилишни тўхтатгансан, тўғрими?» Ўша чўпон ҳеч нарса деб жавоб бера олмади ва менинг дўстим давом этиб: Сен қанча вақтни Рухда ибодат қилишда ўтказасан?» У бошида жим туриб, сўнгра, деди: «Ахир мен доимо воизликка тайёрланаман, менинг жамоатимда шундай кўп нарсалар содир бўлади, ахир унга 15минг нафар одам қатнайди ва...».

Менинг дўстим ундан яна сўради: «Сен Рухда ибодат қиласанми?» Ниҳоят ўша чўпон жавоб бериб: «Тўғриси айтиладиган бўлсам, йўқ», -деди. «Унда ибодат қилишни бошла».

Тез орада, ўша чарчаган чўпон хизматдан кетишни истамай қолди. Ҳозир унинг ва жамоатининг ишлари ажойиб кетмоқда.

Нима учун чўпоннинг номаълум тилда ибодат қилиши шу қадар муҳим? Биз Рухда ибодат қилганда ғайритабиий тинчликка ва янгиланишга эга бўлаемиз.

Қандай қилиб, доктор Чо 800 минг кишилик жамоатни бошқариши ва қуйиб кетмаслиги мумкин? У Рухда ибодат қилади. Мен доктор Чодан кўра кўпроқ босимни ва жавобгарликни бошдан кечирган чўпонни тасаввур қила олмайман.

Унинг жамоати Жанубий Кореяни бутунлай ўзгартирди ва у дунёдаги энг ҳурматли чўпонлардан биридир. Одамга бундай юкни ўз кучи билан кўтариб юришнинг имкони йўқ. Бироқ мен доктор Чонинг ўз ақлига суянмаслигини биламан. У шахсий ибодатнинг аҳамиятлилигини тушунади ва у ҳар куни соатлаб Рух билан ибодат қилиб, улкан кучни ва қайта тикланишни

қўлга киритади.

Лестер Самралл Худонинг буюк одами бўлган. Мен бир неча маротаба у билан вақт ўтказиш шарафига муяссар бўлганман. Доктор Самралл бир кеча-кундузда тўрт соат ухлар ва бир вақтнинг ўзида тўртта китоб ёзар эди! Унинг кучи ва ғайрати (ундан ёшига кўра икки баробар кичкина) унинг гуруҳ аъзоларидан ва кўпгина ёшроқ чўпонлардан кўра икки баробар кўп эди. У кучни қаердан сузиб олган? У кўп вақтни Рухда ибодат қилишда ўтказар эди.

Илтимос, тушунинг, биз ўзимизнинг жисмоний танамиз ҳақида зинҳор унутмаслигимиз лозим. Худо аниқ қилиб, шаббатни ҳурмат қилишимизни ва унга амал қилишимизни бизга амр этмоқда. Биз жисмоний дам олишимиз керак. Мен голф ўйнайман, чунки у мени ишдан чалғитади ва менинг ақлимни, танамни бардам қилади. У менинг дам олишимнинг кучли манбаидир. Бироқ шаббат оромига амал қилиб, Рух билан ибодатда бўлиб, биз руҳан ва жонан тетикликка эга бўламиз. Афеуски, кўпчилик одамлар вақтидан олдин ёниб қулга айланишди, чунки Рухда ором топа олишмади.

5-кун

БИЗНИНГ ИЧКИ ОДАМИМИЗ

«Номаълум тилда гапирувчи ўзини барпо қилади»
(1 Кор. 14:4).

Юнонча барпо қилиш «oikodomeo» ни билдиради. Бу сўз айнан «қуриш, ўрнатиш» деган маънони билдиради. Биз Рух билан ибодат қилганимизда, Худонинг ҳузурини ва кучини ўз ичимизда қабул қилиш қобилиятимизни қурамыз. Исо: «Шундай қилиб, кимки Менинг бу сўзларимни эшитиб, уларни бажарса, уни ўз уйини тош устида қурган фаросатли одамга

ўхшатаман» (Мат. 7:24), -деб айтганида, У худди ўша юнонча сўзни ишлатган.

Шунингдек, Худо Яхудо орқали бизга гапирмоқда: «Сизлар эса, эй, севганларим, Муқаддас Рухда ибодат қилиб, ўзингизни энг муқаддас бўлган имонингизда барпо қилинглар» (20-оят).

Дўстларимдан бирининг ўғли жуда ҳам қаттиқ бетоб бўлиб қолган вақтларни эслайман. Врачлар унинг касалини аниқлай олишмади ва дўстим нима қилишни билмай қолди. Охири у ўз офисининг эшиги ичидан қулфлаб олиб, ўша ерда беш соат Рухда ибодат қилди. Сўнгра, у офисдан чиқиб, уйга келди ва уйга кириб, тўппа-тўғри ўғлининг хонаси томон йўл олди. У овозида қатъий ҳокимият билан унга тўшакдан туришни буюрди. Бола ўша пайтнинг ўзидаёқ бутунлай шифо топди. Нима содир бўлди? Бу Рухда беш соат ибодат қилиш - отанинг ўз ўғли учун шафоат қилиш ва унга хизмат қилиш қобилиятини кўпайтирди. Биз Худодан қабул қиладиган ҳамма нарсани имонга кўра қабул қиламиз. Бошқа йўл йўқ – Муқаддас Рух билан вақт ўтказиш бизнинг ваъдаларни қўлга киритиш ва Худонинг хузурини намоён қилиш қобилиятимизни оширади, чунки у бизнинг ички одамимизни барпо қилади.

ЧУҚУР САЖДА

Бизнинг самовий тилимиздаги ибодат бизга Худони янада чуқурроқ даражада шарафлаш ва Унга сажда қилиш лаёқатини беради. Повул шундай деган:

«Хуллас, агар сен руҳинг билан дуо ўқийдиган бўлсанг, ўша ерда турган оддий одам сенинг миннатдорчилигингга қандай қилиб «омин» дейди? У сенинг нима деяётганингни тушунмайди-ку! Сен яхши миннатдорчилик билдирыпсан, аммо бошқа *одам* барпо қилинмаяпти!» (1 Кор. 14:16-17).

Повул ҳамду-санонинг умумий ифодаси ҳақида гапирмоқда

ва биз «Руҳ билан дуо ўқиётганимиз» (Худони номаълум тилларда шарафлаётганимиз)да, биз яқинимизга ҳеч қайдай фойда келтирмаслигимизни кўрсатмоқда. Модомики, номаълум тиллардаги ҳамду-сано шахсий ифода экан, у умумий эмас, шахсий барпо бўлишни олиб келади. Повул Худони номаълум тилларда шарафлаш ҳаракатини занҳор ерга ургани йўқ. У шунчаки, унинг ўз вақти ва жойи борлигини айтаяпти.

Повул қандай хулоса чиқараётганига эътибор қаратинг: «Сизлар ҳақиқатан ҳам яхши миннатдорчилик билдирыясизлар!». Биз Худони номаълум тилларда шарафлаётганимизда, Муқаддас Руҳга биз орқали Худонинг мўъжиза ва сирларини чиройли қилиб кўкларга қўтаришига имкон берамиз. Сажда қилишнинг янада чуқурроқ даражаси мавжуд. Биз Худони номаълум тилларда шарафлаётганимизда, унга тушиб борамиз. Мана нима учун Повул Руҳ ва онг билан куйлаган (1 Кор. 14:15га қаранг).

ҲАР ҚАНДАЙ ОДАМ МУҚАДДАС РУҲГА ТЎЛИШИ МУМКИН

Масиҳийлар ўзларини юқори олиб бошқа имонлиларга менсимасдан қараётганларида, менинг юрагим озор чекади, чунки улар номаълум тилларда гапирмайдилар ва ибодат қилмайдилар. Масиҳдаги бу биродарлар ва опа-сингиллар Муқаддас Руҳнинг ажойиб номаълум тилларда гапириш ва ибодат қилиш инъомини шунчаки ҳис қилмаганлар. Уларни бунинг учун уялтириш ва пастга уришнинг кераги йўқ, чунки бизларнинг барчамиз Масиҳда битгамиз.

Биз охири бобда номаълум тилларда гапириш инъоми ҳар бир имонлига очиклиги ва ҳали номаълум тилларда гапирмайдиганлар бу ваъдани йўқотмаслиги ҳақида гапириб ўтган эдик. Раббий Исо шундай деган: «Имон келтирганларга бундай аломатлар ҳамроҳ бўлади: ...янги тилларда сўзлайдилар...» (Мк. 16:17). Повул шундай деб айтган: «Сизларнинг ҳаммангиз номаълум тилларда

гапиришингизни хоҳлайман» (1 Кор. 14:5). Худонинг юраги Унинг барча фарзандлари учун очикдир, улар самовий тилнинг ажойиб имтиёздан роҳатланишларини У истайди.

МУҚАДДАС РУҲНИ ҚАНДАЙ ҚАБУЛ ҚИЛИШ МУМКИН?

Мавзуни давом эттиришдан аввал, дастлаб менинг дўстларимдан кўпчилиги ҳар хил вазиятларда – кимдир машинада, кимдир уйда, кимдир ҳатто офисда Муқаддас Рухга тўлганликларини қайд этиб ўтмоқчиман. Қилиш керак бўлган нарса – фақатгина бизнинг самовий Отамиздан бизга Ўз Рухини беришини сўрашдир. Агар сиз мазкур инъомни аллақачон сўраган бўлсангиз, уни қандай қабул қилишни шунчаки билишингиз керак, холос.

Ҳаммасидан ҳам энг муҳими – Муқаддас Рухга тўлишдан олдин, сиз Исо Масихни ўз Раббийингиз ва Нажоткорингиз сифатида қабул қилишингиз керак. Дунё (нажотни қабул қилмаганлар) Муқаддас Рухни қабул қила олмаслигини Раббий Исо айтган (Юх. 14:17). Агар сиз ҳали Исо Масихни ҳаётингизнинг Раббийси деб қабул қилмаган бўлсангиз, сиз ҳозирнинг ўзида ўзингизни Унинг ҳокимлигига бўйсундиришингиз мумкин (Қандай нажот топиш мумкинлигини иловадан билиб оласиз).

Агар сиз Худонинг фарзанди бўлсангиз-у, атайин итоат қилмаётган бўлсангиз, унда сиз барибир Муқаддас Рухга тўла олмайсиз. Худо Унга итоатда бўлганларга Муқаддас Рухни беради (Ҳав. 5:32). Бу сизнинг мукамал бўлишингиз кераклигини англатмайди, балки сиз Унинг иродасига бўйсунуш белгиси сифатида ўзингизни Унинг қаршисида бўйсундиришингиз лозимлигини англатади. Ўшанда Худо сизга гуноҳнинг хўрагини енгиб ўтишингиз учун Ўз иноятини беради ва сиз Муқаддас Рухга тўлиш учун яна очик бўласиз.

Кўпчилик масихийларнинг ҳаётидаги итоатсизликнинг

энг кўп кўринишларидан бири – хафагарчиликдир. Сиз сизга карши гуноҳ қилганларни кечириш ниятига эга бўлишингиз керак. Мен кўрган мисолларнинг мутлақ барчасида - Муқаддас Рухга тўлишни истаган имонли ўзи хафа бўлган у ёки бу кишини кечиришга қарор қилганида Муқаддас Рух ўзини намоён қилар эди. Ҳозирнинг ўзида шундай қилинг: сизга карши гуноҳ қилганларнинг барчасини кечиринг ва Худодан юрагингизга уларга нисбатан Унинг муносабатини беришини сўранг. (Хафагарчилик ҳақида менинг («Шайтоннинг хўраги») китобимда янада батафсилроқ ўкиб чиқинг).

ШУНЧАКИ ИМОН БИЛАН СЎРАНГ

«Сизлардан қайси бир ота, ўғли ундан нон сўраса, унга тош берар экан? Ёки балиқ сўраса, унга балиқ ўрнига илон берар экан? Ёки тухум сўраса, унга чаён берар экан? Шундай қилиб, агар сизлар ёвуз бўла туриб, болаларингизга яхши ҳадялар беришни билсангизлар, боз устига, осмондаги Ота Ундан сўраганларга Муқаддас Рухни беради» (Лқ. 11:11-13).

Кимдир: «Муқаддас Рухни сўраганингизда, Унинг ўрнига сиз ёвуз рухни қабул қилишингиз мумкин»,- деб айтган эди. Раббий Исонинг қуйидаги сўзлари бундай кўрқувни бутунлар таг-томири билан йўқ қилиши лозим: «Худо ҳар қандай эзгу ва мукамал инъомларнинг берувчисидир» (Ёкуб 1:17га қаранг). Агар сиз Отадан Муқаддас Рухни сўрасангиз, У сизга жин бермайди. У сизга Муқаддас Рухни беради. Шунинг учун Муқаддас Рухга тўлиш учун очиқ бўлишдан кўрқманг.

Сиз бунди қилганингиз захоти, Муқаддас Рух сизнинг тилингиздан тутиб, гапиришга мажбурлашини кутманг. У сизга танлаш учун ирода ва озодлик берган. Муқаддас Рух – ҳеч қачон сизни ҳеч нимага мажбурламайдиган жанобдир. Шайтон сизни нимадир қилишга мажбурлайди, Муқаддас Рух фақатгина

сизни бошқаради ва йўналтиради. У сизга сўз беради (балки, бошида бу товушлар, бўғинлар ва сўз бўлақларининг доимий такрорланиши бўлади), лекин сиз Унга бўйсунинингиз ва Унга ўз лабларингизни, тилингизни ва товуш боғламларингизни ишонишингиз керак. Сиз буни амалга оширганингиз заҳоти, қайнаётган чойнақдан сув чайқалиб тўкилаётгандек, самовий тил сизнинг ичингиздан чайқалиб тўкилишни бошлайди. Дастлаб, фақатгина алоҳида бўғинлар эшитилиши мумкин, лекин бу бўғинларни имонда қанча кўп талаффуз қилсангиз, сизнинг тилингиз шу қадар бойиб боради. Ахир Худодан бўлган барча нарсани имон билан қабул қилиш керак, номаълум тиллар инъоми бундан мустасно эмас. Ҳатто, агар бошида сизга фақат битта сўзда тутилиб қолаётганингиздек туюлаётган бўлса ҳам, У сизга бераётганини имон билан айтинг, секин-аста бу сўз тўлақонли тилга айланади.

ЧУҚУР ДАРАЖАЛАР

Мен бу икки бобнинг асосий қисмини номаълум тиллар инъоми ҳақидаги мунозарага бағишлайман, чунки ишонаманки, Худо бизни У билан янада кучлироқ боғловчи ва Унинг халқини Унинг Шоҳлигининг мақсадлари ҳақи бирлаштирувчи номаълум тилга эга бўлишимизни хоҳлайди. Барча эркак ва аёллар Раббий Исони билишларини Муқаддас Рух астойдил истайди. Бизнинг У билан яқинликда ва ҳамкорликда ўсишимизга қараб, У бизнинг кўзларимизни очади ва бизга дунёни янги нурда кўрсатади. Биз дунёнинг Масихга жуда қаттиқ муҳтож эканлигини кўрамиз, бироқ биз яна Масихни дунёга таниқли қилишда қандай иштирок этишимизни Унинг Рухи орқали кўрамиз ва биламиз.

Умид қиламанки, бу Муқаддас Рух шахсини таниб- билиш муқаддимаси сизларга ёқди. Сиз бу бобларда ўрганган барча нарсалар, ҳақиқатан, Унинг туганмас, абадий ва ўхшаши йўқ мўъжизасининг кичик бир бўлагидир, У сизни ҳаётингизнинг

хар бир кунда янада чуқурроқ даражага олиб боришни астойдил истамоқда. Муқаддас Руҳ сизнинг юрагингизни Уни кўп ва чуқур таниб- билишга ундай олиши учун мен сизларни бу китобни гоҳ-гоҳида қайтадан ўқиб чиқишга даъват этаман. Сизга Раббий Исони очиш Муқаддас Руҳга жуда ҳам ёқади. Унинг ҳузурини ҳурмат қилинг ва Уни ҳаётингизнинг нафақат «руҳий» соҳасига, балки ҳар бир соҳасига таклиф этинг. У сизни ҳеч қачон қолдирмасликка ва тарк этмасликка ваъда берган –бу ажойиб ваъдалардан ҳаётингизнинг ҳар бир дақиқасида завкланинг. Худонинг Сўзини ўқиётганингизда ва Унинг ҳузурини вақт ўтказаётганингизда, сиз Уни яқиндан ва яхшироқ таниб- биласиз. Энг ажойиби эса, бу саёҳатнинг поёни йўқлигидадир – Худо сизга нимадир кўпроқ нарсани кўрсатишни доимо истайди. Кўрадиган, эшитадиган ва биладиган нарсаларингиз билан кифояланиб қолманг. Исо Масихнинг Руҳи сизнинг онгингизнинг доирасини кенгайтириб, ҳаётингизда ҳукмронлик қилсин. Ишонаманки, сиз шундай йўл тутиб, сизнинг ҳаётингизда илгари ҳеч қачон бўлмаган Худонинг шарафи ва улуғворлиги қандай намоён бўлишини кўрасиз.

Рухда ибодат қилиш...

ЧУҚУР ЯҚИНЛИККА ЭШИК ОЧАДИ

Ким номаълум тилда гапирса, у одамларга эмас, Худога гапиради, чунки уни ҳеч ким тушунмайди. У Рух билан сирларни гапиради.

–1 Коринфликларга 14:2

Рухнинг тилидаги ибодатнинг буюк дуо-баракати - Худо билан кучли яқинликдадир. Барча яратилган нарсаларнинг Раббийси бизлар билан муносабатларни ва мулоқотларни шу қадар кучли истайдики, У бизнинг руҳимизга Ўзининг шахсий Рухини жойлаштирди ва У билан Унинг даражасида мулоқот қилиш учун бизга куч ато этди. Бу нақадар ажойиб! Чўпон Кеннет Хейгин шундай деган:

«Худо – бу Рухдир. Биз номаълум тилларда ибодат қилаётганимизда, бизнинг руҳимиз Рух бўлмиш Худо билан тўғридан-тўғри алоқада бўлади. Биз илоҳий ғайритабиий воситалар ёрдамида У билан гаплашамиз... Номаълум тилларда гапириш – бу фақатгина Муқаддас Рухга тўлишнинг дастлабки кўриниши эмас, балки шунингдек, қолган бутун ҳаётимиз давомида давом этувчи ҳодиса ҳамдир. Нима учун? Худога сажда қилишда бизга ёрдам бериш учун.

Худога номаълум тилларда доимо ибодат ва сажда қилиш бизга Унинг тирик ҳақиқий хузурини ҳис қилишимизга ёрдам беради. Агар мен Муқаддас Рухнинг тирик ҳақиқий хузурини ҳар куни ҳис қилсам, унда бу шубҳасиз, менинг ҳаёт тарзимга таъсир кўрсагади».

Биз Рух билан ибодат қилаётганимизда, биз ўз онгимиз билан ибодат қилмаймиз, балки Худонинг онги билан ибодат

киламиз. Унинг Руҳи биз орқали Худонинг мукамал иродаси учун ибодат қилади!

Руҳда ибодат қилиш ва ҳар куни Худонинг Сўзи билан озикланиш муҳимдир, чунки биз айнан шундай У билан жуда ҳам яқинлашишимиз мумкин. Сиз қайси вақтда ва қайси жойда ҳар куни Худо билан гаплашасиз? Муқаддас Руҳ сизга Ўзининг чуқур шахсий севгисини қандай кўрсатади?

Агар сизда бундай вақт ва жой бўлмаса, ибодат қилинг ва Муқаддас Руҳдан У сиз билан қачон ва қаерда учрашмоқчи эканлигини ва сизга Ўзининг кучли севгисини кўрсатишини сўранг.

Сиз ўзингиз ҳақингизда, номаълум тилларда гапириш инъомига етарлича баҳо бермаганман ва эътиборсизлик билан қараганман деб айта оласизми? Бу дарс сизга Руҳнинг тилини янада ижобий ва кучли нурда кўришга қанчалик ёрдам бермоқда?

Агар сиз номаълум тиллар инъомига етарлича баҳо бермаган ва эътиборсизлик билан қараган бўлсангиз, Худодан сизни кечиришини ва Муқаддас Руҳга қайтадан тўлдиришини сўранг.

Баъзи одамлар ўзларининг ибодат тилларини ишлатишга журъат қила олмайдилар, чунки фақатгина битта ёки иккита сўзни талаффуз қила оладилар. Сиз мазкур гуруҳ одамларига кирасизми? Агарда шундай бўлса, унда тасаввур қилинг, Муқаддас Руҳ сизга юмшоқлик билан шундай сўзларни айтаяпти: «Мен сени севаман. Мен сенга берган нарсани ишлатасанми? Сен эга бўлган сўзларни айтиб, Мени сеvasанми

ва ҳурмат қиласанми? Ҳаттоки, уларнинг камлилига ҳам қарамасдан, улар кадрлидирлар, улар фақат Мен билан сенинг ўртангда бўлади». Бироз ўйлаб кўриб, Унга жавоб беринг.

Ўзингизнинг номаълум тилингизни бошқаларнинг шахсий ибодати билан солиштирманг. Муқаддас Рух сизга берган сўзлардан фойдаланинг. Сизнинг камига содиқ бўлишингизга қараб, У сизга янада кўпроғини ишонади! Мат. 25:14-23ни ўқиб чиқинг, 20-23 оятларга алоҳида эътибор қаратинг.

Рухда ибодат қилиш...

ХУДОНИНГ СИРЛАРИНИ ОЧАДИ

Сизларга Осмон Шоҳлигининг сирларини билиш ато қилинган... зеро бу сирларни тушунадиганга яна кўпроқ билим берилади ва ўша уларни янада язишироқ тушунади...

– Матто 13:11-12, (GW таржимаси)

Раббий Исо сизларга Унинг Шоҳлигининг махфий нарсаларини ва сирларини тушуниш имконияти берилганлигини айтган. Бу сирларни қандай қабул қилиш ва тушуниш керак? Унинг Рухи билан мулоқотларда бўлиб. Худонинг сирлари сиз Рухда ибодат қилганингизда ва У билан вақт ўтказганингизда очилади.

Освальд Чемберс- муаллиф, нотик ва Худого яқиндан бағишланишнинг чемпиони эди. Ўзининг жуда ҳам яхши таниқли «Менинг бор имкониятларимнинг чўққиси – Раббийгадир» китобида у шундай дейди:

«Дўстнинг белгиси қанақа? У сизга ўзининг яширин қайғуларини айтиб беришими? Йўқ, у сизга ўзининг яширин қувончини айтиб беришидир. Кўпчилик сиз билан ўзининг яширин қайғуларини баҳам кўради, бироқ яқинликнинг энг катта белгиси сизга ўзининг яширин қувончини айтиб беришдадир».

Сизларга Муқаддас Рух томонидан очилган Худонинг энг ажойиб сири қанақа? Нима учун у сиз учун махсус?

Муқаддас Рухга ўз фикрларингиз, хиссиётларингиз ва истақларингиз ҳақида айтиб берасизми? Сиз бир кун ўзингизнинг энг махфий орзуларингиз ва қўркувларингиз ҳақида ҳақиқий дўстлар суҳбатлашганидек У билан гаплашинг. Ҳозир китобдан диққатингизни бўлиб, сиз ҳеч қачон Унга айтмаган ёки анчадан буён ёдга олмаган, сир тутилган, юрагингизга жуда ҳам қадрли бўлган нарсани Унга айтинг.

Агар сиз Муқаддас Рухга шахсий ва яширин бўлган нарсани айтмаётган бўлсангиз, унда нима учун айтмаяпсиз? Ундан сизга тўсқинликларни кўрсатишини ва Унинг олдида ўз юрагингизни эркин тўкиб-солишга ёрдам беришини сўранг.

Худо билан мулоқот – бу шунчаки суҳбат эмас, бу яна тинглашни ҳам англатади. Гапириш ва тинглаш ўртасида мувозанат зарурдир. Агар биз тинглашга вақт ажратмасак, Муқаддас Рухнинг нима деяётганини эшитмаймиз. Чемберс давом этади:

«Биз қачонлардир Худога Ўз шодликлари ҳақида бизга сўзлаб беришига имкон берамизми ёки Унга биз билан суҳбатлашишга имкон қолдирмасдан, ҳар доим Унга фақат ўзимизнинг сирларимиз ҳақида айтиб берамизми? Биз масиҳийлик ҳаётимизнинг бошида кўп илтимослар билан Худога мурожаат қиламиз, кейин эса, У бизни Ўзи билан муносабат қуришга жалб этмоқчи, бизни Ўзининг мақсадлари билан таништирмоқчи эканлигини билиб оламиз. Бизлар ҳақиқатан ҳам Исо Масиҳнинг ибодатдаги: «Сенинг ироданг бўлсин» деган ғоясига бағишланганмизми, Худонинг сирларини билиб борамизми?».

Худо ҳамма нарсанинг ўз вақти: ибодатда гапириш вақти ва жим туриш вақти борлигини айтмоқда (Воиз.3:1-7га қаранг). Муқаддас Рухдан: «Эҳтимол, мен фақат ибодатда гапираётгандирман? Эҳтимол, Сен менга Ўз сирларингни оча

олишинг учун Сенга вақт ажратмаётгандирман? Эҳтимол, Сен менга ниманидир айтишга уринаётгандирсан-у, лекин мен бир сония ҳам жим бўлмаётганим учун эшитмаётгандирман? Агарда шундай бўлса, менга айтгин», -деб сўранг. Жим туриб, кулоқ солинг. Муқаддас Рух қандай жавоб берапти?

«Мана менинг ибодатим, токи Худо... сизларга Уни янада кўпроқ таниб-билишингиз учун руҳий донолик ва ваҳий берсин: токи сизлар руҳнинг ички ёритишини қабул қила олинг, токи сизлар У сизларни даъват этган ўша умид нақадар буюк эканлигини ва масиҳийларга ваъда қилинган меросининг бойлиги ва улуғворлиги қандай эканлигини ҳамда биз, Худога ишонувчиларда Унинг кучининг чексиз буюклигини пайқаб олинглар...».

– Эфесликларга 1:17-19, (Phillips таржимаси)

Рухда ибодат қилиш...

ИЧКАРИДА ТИНЧЛИКНИ КЕЛТИРИБ ЧИҚАРАДИ

*Муқаддас Рух бизнинг ҳаётимизда шундай ҳосилни:
тинчликни келтириб чиқаради.*

– Галатам 5:22, (NLT таржимаси)

Тинчлик бу нима? Баъзан биз бирор нарсанинг у ёки бу нарса эмаслигини билганимизда, унинг нима эканлигини яхши тушунамиз. Раббий Исо Ўз Рухи орқали бизга берадиган ҳақиқий тинчлик – бу банкдаги катта ҳисоб рақами эмас, бенуқсон соғлиқ эмас, чиройли уй ёки ғайриоддий нарсалар эмас ва низолардан ҳоли бўлган муносабат эмас.

Ҳақиқий тинчлик – Худонинг тинчлиги – ташқи вазиятларга ва шароитларга боғлиқ эмас, у бўрон ўртасида барқарорликни, ақлан, ҳиссан, жисмонан ва руҳан хотиржам бўлиб қолиш қобилиятини ҳамда муаммолар ичида хаёлни бир жойга қўя олишни беради.

Китобдан биров чалғиб, ўзингизга савол беринг: «Мен тинчлик деганда нимани тушунаман? Менинг тинчлигим нимага боғлиқ? Менинг тинчлик ҳақидаги тасаввурларим Муқаддас Рухнинг ҳақиқий тинчлигидан қанчалик фарқ қилади? Нимани ўзгартириш зарур?».

Масиҳнинг қурбонлиги орқали бизга Худо билан тинчлик берилган. Муқаддас Рухга тўлиш орқали бизга Худонинг тинчлиги берилган. Раббий Исонинг Ўзи шундай деган:

«Сизларга тинчлик қолдириятман: Мен сизларга дунё

берадигандек бермаяпман, сизларга Ўз тинчлигимни беряпман. Юракларингиз ташвишланмасин ва кўрқувга тушмасин» (Юҳ.14:27).

Тинчликнинг Шоҳи томонидан берилган тинчликни нима қиламиз?

«Худонинг [узил-кесил ва мустаҳкам, ҳеч қандай саволларга шубҳа қолдирмайдиган, онгда пайдо бўлувчи, тинчлик ҳолатини берувчи] (жоннинг уйғунлигига олиб келадиган) тинчлиги юракларингизда ҳукмронлик қилсин [судья каби доимо ҳаракат қилсин], чунки сизлар [Масих Танасининг аъзолари] бир Танада бўлиб, шунга [яшашга] даъват этилгансизлар. *Доимо* миннатдор бўлинглар».

– Колоссликларга 3:15, (кенг. тарж.)

Тасаввур қилинг, сиз бейсбол ўйнаяпсиз. Сиз асосий таянчга тушган коптокни уриб қайтарувчи спортчи ролини ўйнаяпсиз. Сизнинг ортингизда Тинчлик Судьясининг ўрни ва сизга питчер (коптокни оширувчи) томонидан ташланган ҳар бир копток – бу сиз қабул қилишингиз керак бўлган қарордир. Энди Колосликларга мактубнинг (3:15) оятини яна бир бор диққат билан ўқиб чиқинг. Судьянинг хуштаги қанчалик муҳим? Муқаддас Руҳ сизнинг Тинчлик Судьянгиз бўлиш хусусида нима демоқда?

Муқаддас Руҳ бизни асосан ички тинчлик ҳисси орқали Худонинг муқаммал иродасига олиб бормоқда. Бу Ёзув: «Ана шу Руҳнинг Ўзи бизнинг руҳимизга, биз Худонинг фарзандлари эканлигимиз ҳақида гувоҳлик бермоқда», - деб назарда тутаётган нарсадир (Рим.8:16). Ҳозирнинг ўзида қандай қарорларни қабул қилишингиз зарур, сизга нимада Худонинг бошқаруви зарур? Китобдан бироз чалғиб, Руҳда ибодат қилинг. Сўнгра, Унинг тинчлик гувоҳлигини кутинг. У сизга нима демоқда?

Рухда ибодат қилиш...

ДОНОЛИК ВА ЙЎНАЛИШНИ ОЧАДИ

Агар сиз Худо сизлардан нимани истаётганини билмоқчи бўлсангиз, Ундан сўранг, У сизларга мамнуният билан айтиб беради, чунки У Ундан сўраганларнинг барчасига доноликнинг мўл-кўлчилигини беришига ҳар доим тайёрдир. У сизларни жавобсиз қолдирмайди.

– Иакова 1:5, (TLB таржимаси)

Донолик ва йўналишни Берувчи Ким? Муқаддас Рух. Ишаъё Уни донолик ва фаҳмлаш Рухи, билим ва маслаҳат Рухи деб атамоқда. Раббий Исо У бизларни ҳар қандай ҳақиқатга етаклайдиган бизнинг Ўқитувчимиз эканлигини айтган. Бизнинг Ўқитувчимиз қаерда яшайди? Бизнинг ичимизда – Ўзининг маъбадида. Агар сизга қандай йўл тутишга донолик етишмаса, онг ва Рухда ибодат қилинг ва У сизларга зарур йўналишни беради!

Раббий ва Муқаддас Рух – битта эканлигини ёдда сақлаб, қандайдир муддат қуйидаги кучли ваъдалар устидан фикр юритинг.

«Раббий шундай дейди: «Мен - сени фойдали нарсаларга ўргатувчи ва сени юришинг керак бўлган йўлдан етакловчи Раббий сенинг Худойингман».

–Ишаъё 48:17

«Қулоқларинг сенинг орқангда: «Мана йўл, ундан бор», - деб айтаётган сўзни эшитадиган бўлади».

–Ишаъё 30:21

«Мен сенга ақл киритаман, юришинг керак бўлган йўлни сенга ўргатаман. Мен сени бошқараман, Менинг нигоҳим сенинг устингдадир».

– Сано 31:8

«Менинг илтимосимга кўра Ота юборадиган Дўст – Муқаддас Руҳ сизлар учун ҳаммасини равшан қилади».

– Юҳанно 14:26, (The Message таржимаси)

Ҳақиқат Руҳи келганида эса, У сизларни бор ҳақиқатга етаклайди.

– Юҳанно 16:13

Ё, Раббий, менга Ўз йўлларингни кўрсат ва менга Ўз йўлақларингни ўргат. Мени Ўз ҳақиқатингга бошқар ва менга ўргат, чунки Сен менинг нажотимнинг Худосан. Кун бўйи Сени кутаман... У камтарларни адолатга олиб боради ва камтарларга Ўз йўлларини ўргатади... Раббийдан кўрқадиган киши ким? Раббий унга танлаши лозим бўлган йўлни кўрсатади.

– Сано 24:4, 5, 9, 12

Сизга нимада донолик ва йўналиш зарур? Ишдами? Соғлиқдами? Никоҳдами? Болаларни тарбиясидами? Маблағдами? Дўстлар билан муносабатлардами? Нима бўлса ҳам, қуйидаги ҳаракатларни қилишга уриниб кўринг:

1. Худодан аниқ бир вазият учун донолик сўранг, ўтмишда У сизни етаклагани учун Унга миннатдорчилик билдиринг (Флп. 4:6-7га қаранг).
2. Руҳда ибодат қилинг. Муқаддас Руҳ сиз орқали ибодат қилишни истаётганидек, узоқ ва иштиёқ билан ибодат қилиш учун номаълум тиллар инъомидан фойдаланинг (Эф. 6:18; Рим. 8:26-27га қаранг).
3. Муқаддас Руҳдан талқин қилишни сўранг. У сиз

ҳозиргина ибодат қилганингизнинг сирини очади (1 Кор. 14:13га қаранг).

4. (Ваъда қилинган нарсa, эҳтимол, мана шу дақиқанинг ўзидаёқ келмаслигини, бироқ барибир келишини тушуниб) У сизга очаётган нарсани ёзиб қўйинг.
5. У сизга кўрсатадиган йўналишда ҳаракат қилишингиз учун Муқаддас Рухдан иноят сўранг.

МЕН ҲАММАДАН ҲАМ ДОНОЛИККА ВА ЙЎНАЛИШГА
МАНА БУ СОҲАДА КЎПРОҚ МУҲТОЖМАН:

МУҚАДДАС РУҲ МЕНГА ДОНОЛИК ВА ЙЎНАЛИШ
БЕРМОҚДА:

Рухда ибодат қилиш...

**СИЗНИ МУСТАҲҚАМЛАЙДИ ВА
БАРПО ҚИЛАДИ**

Номаълум тилда гапирувчи ўзини барпо қилади.

– 1 Коринфликларга 14:4

Нима учун душман сизга номаълум тилларда ибодат қилишингизга халақит бериш учун шунчалик жон-жаҳди билан ҳаракат қилади? Коринфликларга биринчи мактуб (14:4) бизга жиддий сабабни кўрсатмоқда: у сиз ўзингизни барпо қилишингизни ва мустаҳқамлашингизни хоҳламайди. Сиз руҳда қанчалик кучли бўлсангиз, Масихда шунчалик кучлидирсиз ва шайтоннинг шоҳлиги учун шунчалик хавф туғдирасиз.

Генератор машина моторини қувват олдиргани каби, Рухда ибодат қилиш ҳам сизнинг руҳингизни қувватлайди. У кўрқувни, тушкунлик ва салбийликни қувиб юборади. У сизни сўзлар билан ифодалаб бўлмайдиган даражада барпо қилади. Номаълум тилларда ибодат қилиб, сиз Худонинг ҳузурини ва кучини сақлаш қобилиятингизни оширасиз.

Сиз Рухда мунтазам ёки камдан-кам ҳолларда ибодат қиласизми? Агар мунтазам бўлса, унда қанчалик кўп ва узок ибодат қиласиз. Агар камдан-кам бўлса, унда нима учун?

Сиз номаълум тилларда ибодат қилишга вақт ажратганингизда, сизнинг ичингизда нима содир бўлади?

Сиз ибодат натижасида Муқаддас Руҳнинг қандай бошқа хосилларини ва кўринишларини кўрдингиз? Улар сизни янада кўпроқ ибодат қилишга руҳлантирадими?

Стрессли ва ҳолдан тойдирувчи вазиятларда сиз одатда қандай жавоб берасиз? Руҳда ибодат қилишга уринганмисиз? Ҳозирнинг ўзида чалғиб, шундай ибодат қилинг: «Муқаддас Руҳ, номаълум тилларда ибодат қилишнинг ғайритабиий ижобий реакциясига менинг табиий салбий реакциямни ўзгартиргин. Мени Ўзинг билан ҳар қачонгидан ҳам кўпроқ тўлдиргин!».

Муқаддас Руҳ ҳаётингизнинг асосий қисмига айланиши учун У қандай ҳаракатларни амалга оширишингизни буюрмоқда? Уларни ёзинг ва қўлланг.

Шубҳасиз, душман сизга номаълум тилларда ибодат қилишингизга халақит бериш учун сизнинг онгингизга фикрларни экади ва танада ҳиссиётларни кўтаради. У кўпчилик имонлилар билан шундай йўл тутади. Пастроқда у ирғитадиган бир нечта сабаблар ва вазлар берилган. Таниш кўриняптими? Яна эсингизга тушадиган ҳар қандай баҳоналарни ёзинг, сўнгра, ибодат қилиб, Муқаддас Руҳдан душманнинг ҳар бир ёлғонига Худонинг кучина тўла жавоб беришини сўранг.

Бу Худо эмас, ҳаммасини ўзинг ўйлаб чиқардинг.

Мен ўзимни ҳис қиляпман/бу аҳмоқона эшитиляпти.

Сен бошқа кимдир айтган сўзларни шунчаки такрорляпсан.

Бундан фойда йўқ.

Мен номаълум тилларда ибодат қилиш истагини ҳис қилмаяпман.

Менинг бутун номаълум тилим – бор-йўғи бир-иккита сўз.

Агар одамлар менинг қандай ибодат қилаётганимни эшитсалар, мен ҳақимда нима деб ўйлайдилар?

Дўстим, душман сизни номаълум тилларда ибодат қилиш керак эмас деган фикрга боғлаб кўйишига йўл қўйманг. Бу фикларни ўзингизда қувиб юборинг ва бу ҳиссиётларни

узокрокқа суриб қўйинг. Ҳар куни оғзингизни очиб, «Муқаддас Рухда ибодат қилиб, ўзингизни энг муқаддас бўлган имонингизда барпо қилинглр...» (Яхудо 20).

МУҲОКАМА УЧУН САВОЛЛАР

*Агар сиз бу китобни «Хабарчи» хизматидан
Муқаддас Рух ҳақидаги материалларнинг бир қисми
сифатида ўқиётган бўлсангиз, унда марҳамат қилиб,
5- видео дарсни кўринг.*

- 1 | Номаълум тиллардаги (Рухнинг тилидаги) ибодат ақлга тўғри келмайдиган фойдага эгадир. Унинг афзалликларини иложи борича кўпроқ санаб чиқиш учун бир неча дақиқа ажратинг. Улардан қайси бирлари ҳозирги пайтда сиз учун энг юқори аҳамиятни касб этади? Агар иложингиз бўлса, фикрингиз билан бўлишинг.

- 2 | Худо бизга номаълум тиллар инъомини берганининг сабабларидан бири шундан иборатки, душманга нима содир бўлаётганини билишига халақит беришдир. Худо ҳамма нарсани кўрувчидир, шайтон эса, йўқ – у Муқаддас Рух тилининг илоҳий тебранишини тушунмайди. Сиз номаълум тилларда ибодат (шафоат) қилиб, ўз ҳаётингизда ёки бошқа одамларнинг ҳаётида шайтоннинг режасини барбод қилган қандайдир аниқ вазиятлар ҳақида сўзлаб беринг.

Етакчиларга: фикр юритиш учун Ёзув оятлари: Лк. 10:19; Эф. 6:10–18; 2 Кор. 10:3–5; Мф. 11:12; Вах. 12:11.

*Ҳар доим барча ибодат ва илтижолар билан Рухда
ибодат қилиб, бутун сабот билан ҳамма муқаддаслар
учун бўлган илтижоларда ҳушёр бўлинглар.*

– Эфесликларга 6:18

- 3 | Бизга у ёки бу вазиятларда қандай йўл тутиш учун донолик керак бўлганида, Муқаддас Рух билан ибодат

қилиш илоҳий йўналиш олиш учун муҳим калит ҳисобланади. Ҳикматлар 20:5; 1 Коринфликларга 14:13 ва Юҳанно 7:38-39ни диққат билан ўқиб чиқинг. Номаълум тиллардаги ибодат бизнинг юрагимизга қуйилган Худонинг маслаҳатини қандай ечиб юборишини таърифлаб беринг.

- 4 | Муқаддас Рухнинг Шаҳси билан мулоқотда бўлиш биз учун яширин «сирларни» очиб беради. Ушбу сирлар, масалан, қанақа жамоатга бориш, кимга уйланиш ёки кимга турмушга чиқиш, қанақа ишни бошлаш, бошқа одамлар учун қандай ибодат қилиш, қандай қилиб яхши турмуш ўртоқ бўлиш, яна энг яхши ота-она бўлиш ва ишдаги қийинчиликларни қандай ҳал қилиш кераклиги ҳақидаги саволларни ўз ичига олади. Агар истасангиз, руҳда ибодат қилишингиз у ёки бу вазиятларда қандай жавобларни очиб бергани ҳақида гуруҳ билан ўртоқлашинг.
- 5 | Коринфликларга биринчи мактуб (14:15) дан кўриниб турибдики, Рух билан ибодат қилиш ҳам, онг билан ибодат қилиш ҳам муҳимдир. Онг билан ибодат қилишдан қандай фойда бор? Рух билан ибодат қилиш бизга онг билан янада аниқроқ ибодат қилишга қандай ёрдам беради?
- 6 | Салоникаликларга биринчи мактуб (5:17) бизни «тинмасдан ибодат қилишга» ўргатмоқда. Бу бизнинг ҳафтада етти кун, бир кунда йигирма тўрт соат ибодат қилишимиз кераклигини англатадими ёки гап бошқа нарса ҳақида кетаяптими? Саноникаликларга биринчи мактуб (5:16-19)ни ўқиб чиқинг ва Худо бизга нима деяётганини муҳокама қилинг.
- 7 | Муқаддас Рухга тўлган баъзи бир имонлилар ҳали бу ажойиб инъомни олмаганларга мансимасдан қарайдилар – уларга паст тоифадаги масиҳийларга нисбатан

муносабатда бўлгандек муносабатда бўладилар. Сизга шу тарзда муносабатда бўлишганми? Агар шундай бўлса, унда бу сизнинг Худо билан ва бошқа имонлилар билан муносабатларингизга қандай таъсир кўрсатган? Сиз ҳам билиб ёки билмасдан кимгадир шундай муносабатда бўлганмисиз? Муқаддас Рухга тўлишга бизнинг муносабатимиз қандай бўлиши керак?

БОБ ҲАҚИДА ҚИСҚАЧА МАЪЛУМОТ

- Муқаддас Руҳ билан яқинлик, жумладан, номаълум тиллардаги ибодат ўз вақтига ва жойига эгадир.
- Кимдир номаълум тилни нотўғри тушуниши мумкинлиги учунгина уни эътиборсиз қолдирманг, менсимасдан қараманг ва сўндирманг.
- Номаълум тилларда ибодат қила туриб, сиз Худога сирларни гапирасиз ва Ундан сизга ибодатингизнинг талқинини беришини сўрашингиз мумкин.
- Муқаддас Руҳнинг кучи бўйсунувчанларга берилади. Бўйсунувчанлик Худонинг сирларига эшик очади.
- Биз доноликка муҳтож бўлганимизда, бизнинг Худога бўлган саждамиз янги даражага кўтарилишини хоҳлаганимизда, ёки бошқалар учун шафоат қилмоқчи бўлганимизда, биз Руҳ билан ибодат қилишимиз мумкин. Муқаддас Руҳ барча соҳалардаги бизнинг қобилиятимизни ғайриоддий даражада кенгайтиради.
- Худонинг йўналиши кўпинча тинчлик кўринишида келади. Биз Руҳ билан ибодат қилаётганимиз ва сўраган нарсамизга нисбатан тинчликни ҳис қилаётганимиз, Муқаддас Руҳ бизнинг руҳимизга гувоҳлик бераётганини ва бизга олдинга ҳаракат қилишни айтаётганини англатади.
- Руҳ билан ибодат қилиш бизнинг бутун вужудимизни тетиклаштиради, янгилайди ва барпо қилади. Номаълум тилларда ибодат қилишга ҳар қуни вақт ажратинг.

БОНУС БОБ

САВОЛ – ЖАВОБ

Мазкур матн Жон ва Лиза Биверлар саволларга жавоб берган тўғридан-тўғри эфирдан олинган. Эфирни «Хабарчи» хизматидан Муқаддас Рух ҳақидаги материалларнинг бир қисми сифатида аудио ёки видео шаклида кўришингиз мумкин.

Лиза: Сен эслатиб ўтдингки, баъзи бир жамоатлар жамоатдаги муҳитни яхшилашга шу қадар эътиборларини қаратганларки, Муқаддас Рухнинг хузурига аҳамият бермай қўйганлар. Кўпгина жамоатларда одамлар қандай қилиб Муқаддас Рухнинг хузурини яна таклиф қилишлари мумкинлигини билишни хошлашади, шу билан бирга, худди илгаригидек «ғалати» ва асоссиз узоқ хизматларни тартибга солмайдилар. Буни қандай йўлга солиш керак?

Жон: Шунчаки сўраш лозим. Айтиб ўтганимдек, Муқаддас Рух – жанобдир. У ташаббусни бизга қолдиради.

Кўпинча, мен жамоатларда хизмат қилаётганимда ва одамлар (тавба қилиш) нажотга эришиш учун олдинга чиқаётганларида шундай дейман: «Муқаддас Рух, илтимос уларга таъсир қилгин». Бор-йўғи бир неча дақиқа ўтиб, Унинг хузури намоён бўлади ва бутун зал бўйлаб одамлар ҳиқиллаб йиғлашни бошлашади. Мен Унинг хузурини жуда ҳам севаман, чунки Муқаддас Китоб бизга самовий инъомни татиб кўришимизни лозимлигини айтади (Ибр. 6:1-6). Мен шунингдек, агар одамлар самовий инъом – Муқаддас Рух хузурининг намоён бўлишини татиб кўрган бўлсалар, улар

имондан қайтишга анча кам дучор бўлишларини сездим.

Бир сафар, мен бир замонлар харизматик хизматларда мавжуд бўлган нарс ҳақида эслатишга қодир кўринишларнинг баъзи бир шаклларида узоқлашган катта бир жамоатда бўлдим. Бир йиғинда Худонинг Руҳи Ўз ҳузурини намоён қилди. Бутун зал бўйлаб одамлар ҳиқиллаб йиғлашни бошладилар. Худонинг ҳузурини жуда ҳам сезилиб турар эди. Раббий менга деди: «Энди уларга Худога миннатдорчилик ва мақтов келтириш вақти келганлигини айтиш керак». Мен шундай қилдим ва йиғинни ёпдим. Шундан сўнг чўпон менга деди: «Ана буниси қойил! Аввалгидек, ҳар қандай ғалати кўринишларни кузатиб туриб, биз яна бир соат шу ерда бўламиз деб ўйлаган эдим». Сўнгра: «Муқаддас Рухнинг сени қандай бошқариши менга жуда ёқади. Сен Худо амалга ошираётган ишини тугатганини айтганинда, мен гўё У Ўз мақсадига етганлигини ҳеч бир муболағасиз ҳис қилдим. Айнан шу дақиқада сен биз йиғинни тугатишимизни айтдинг», -деб кўшиб кўйди. Мен қандай қилиб Муқаддас Рухнинг намоён бўлган ҳузурини икки дақиқагагина тушганлигини, лекин шу билан бирга одамларга кучли таъсир қилганини кўрдим.

Лиза: Яқинда биз Жон билан айнан шу ҳақда гаплашган эдик. Баъзан бизга бутун воизликка ўттиз беш дақиқа берилади, лекин бу барча ўттиз беш дақиқа ахир бизники эмас-ку. Шунинг учун ўттиз беш дақиқа воизлик қилишнинг ўрнига, –

Жон: Ўттиз дақиқа воизлик қилинг.

Лиза: Ўттиз дақиқа воизлик қилинг. Ёки ўз воизлигининг ўртасида Муқаддас Рухга ўрин беринг. У нимани хоҳлаётган бўлса, ўшани қилишга Унга рухсат беринг. Баъзида хизматчилар мавзунини иложи борича кенгроқ камраб олишга жуда ҳаракат қиладилар ва шу сабабли, Муқаддас

Рухга У бутун сўзни сингдириши учун Унга ўрин беришни унутиб қўйишади.

Лиза: Сен Муқаддас Рухга «тўлиш» нимани англатиши ҳақида жуда кўп гапирдинг. У бизга тақиқлаши ёки йўл қўймаслиги нимани англатишини айтсанг. Буни қандай таърифлаш мумкин?

Жон: Колосликларга мактуб бизга шундай дейди: «Худонинг тинчлиги юракларингизда ҳукмронлик қилсин» (3:15). Римликларга мактубда шундай дейилмоқда: «Чунки Худонинг Рухи билан бошқариладиганларнинг ҳаммаси Худонинг ўғилларидир» (8:14). Мазкур оятдаги ўғилларга ҳам, қизларга ҳам тегишли «ўғиллар» сўзи – бу «етук ўғиллар» деган маънони англатувчи юнонча «huios» сўзидир. Ҳар бир масихий ҳам Муқаддас Рух томонидан бошқарилмайди. Кўпчилик ўзининг ҳиссиёти томонидан, ўз ақли томонидан, вазият ва шароитлар томонидан бошқарилади. Худо етук ўғил ва қизлар Муқаддас Рух томонидан бошқарилишини айтган. Муқаддас Рух бизни қандай бошқаради? У бизнинг руҳимизга гувоҳлик беради (16-оят). Шу сабабли, масалан, мен қандайдир шаҳарга бормоқчи бўлсам-у, шу билан бирга руҳимда қандайдир юракни сикадиган, ғувиллайдиган – деярли жаҳлни чиқарадиган ниманидир ҳис қиламан.

Лиза: Шунга қарамасдан, қачонлардир ҳаётингга сен боришинг керак бўлмаган жойга жўнаб кетган вақтлар бўлганми?

Жон: Ҳа.

Лиза: Натижаси қандай бўлган?

Жон: Натижани шундай ифодалаш мумкин: «Ҳеч қачон ортиқ бундай йўл тутмайман!» Бу катта бахтсизлик бўлган. Мен, агар бундай сигнал бўлса, тўхташ кераклигини тушуниб етдим.

Мен у ёки бу учрашувга ёки йиғинга боришга розилик билдириб, сўнгра Раббий менинг боришимни хохламаганини ҳис қилган, лекин мен аллақачон боришга сўз бериб қўйган ҳолатлар ҳам бўлган. Ўшанда мен: «Худо, Сенинг Сўзинг мени юрагида қасам ичиб, ўзгартирмайдиган одам бўлишим кераклигини айтмоқда. Мен бу учрашувга боришим шарт. Менга Сенинг ҳимоянг керак», -деб айтганман. У бунинг учун мени айбламаган. Сафар жуда ҳам яхши амалга ошган, лекин мен деярли Унинг ҳимоясини ҳис қилганман.

Бироқ шунга қарамасдан, менга боришим керак эмаслигини, у ёки бу жойда бўлмаслигим кераклигини тушунтирувчи белгиларни билиб олишни маъқул кўраман. Ҳақиқатан ҳам, уларни билиб олиш мумкинлиги шу қадар ажойиб. Бундай имтиёз. Худо билан қанчалик кўп юрсанг, шунчалик сезгир бўлиб борасан.

Лиза: Сен доктор Чо ва у томондан амалга оширилган ажойиб нарсалар, унинг Муқаддас Руҳ билан ибодат қилиб, ўзини қандай тўлдириши ҳақида гапирдинг. Мен билманки, кўпчилик одамлар тушунмайдиган унинг сирларидан бири-унинг кўп нарсаларга «йўқ» дея олиши ва шу тарзда, ўзининг Муқаддас Руҳ билан вақтини ҳимоя қилишидадир. Муқаддас Руҳ бизнинг ҳаётимизда имконсиз нарсани амалга ошира олиши учун У бизга у ёки бу имконли ишларда рад жавобини беради.

Жон: Ҳаворийлар китобининг иккинчи бобида уларнинг Муқаддас Руҳга тўлганига, сўнгра, бошлиқларга ва оқсоқолларга мурожаат қилиб Петъор «Муқаддас Руҳга тўлганига» (4:8) ва имонлиларнинг «Муқаддас Руҳга тўлганига» (4:31) эътибор қаратиш мумкин. Муқаддас Руҳга тўлиш – бу бир маргалик ҳодиса эмас. Худо: «Бузуклик келтирадиган шароб ичиб маст бўлманглар, балки Руҳга тўлиб-тошинглар», -демоқда. Гап Муқаддас Руҳ биздан оқиб

кетиб камайишида эмас, балки биз доимо Унга тўлишимиз кераклигидадир. Шундай ҳолатлар бўладики, биз никоҳда бир-биримизга нисбатан севгига тўлиб-тошамиз. Бошқа шундай ҳолатлар ҳам бўладики, биз бир-биримиздан узоқлашамиз ва яна севгига тўлиб-тошишимиз керак бўлади.

Лиза: Яъни, шунга интилиш керак.

Жон: Интилиш зарур. Шунинг учун ҳар доим Муқаддас Рухга тўла бўлинг. Муқаддас Рухга тўлиш – доимий жараён, у санолар, мадҳиялар ва руҳий кўшиқлар куйлашда намоён бўлади (Эфесликларга 5:18-20га қаранг). Сиз бирдан ҳамма жойда куйлаётганингизни пайқаб қоласиз. Мен бу ҳафтада янада кўпроқ куйлайман.

Лиза: Телевизорни ўчиринг.

Жон: Ҳа, телевизорни ўчиринг.

Лиза: Сизни ҳолдан тойдириши мумкин бўлган ҳамма нарсалардан ўзингизни ҳимояланг.

Лиза: **Ҳамма имонлилар руҳий инъомларда ҳаракат қила оладиларми ёки фақат хизматчиларми?**

Жон: Ишонаманки, ҳар бир имонли одам Муқаддас Рухнинг исталган инъомида ҳаракат қилиш қобилиятига эгадир. Агар кимгадир буюк мўъжиза керак бўлса, унда мўъжиза яратиш инъоми ҳар бир имонлига тушиши мумкин. Бундан ташқари, Худо аниқ бир инъомларни муайян одамларнинг ҳаётига беради ва бу инъомлар одам қаерга бормасин, ҳамма жойда ҳаракат қилади.

Биз Лиза билан шифолаш инъомига эга бўлган бир одамни билар эдик, у айниқса, юракларни шифолаш инъомида ҳаракат қилар эди. Юракларида муаммолари бўлган одамлар барча давлатлардан унинг йиғинига келар ва шифо топар эдилар. Унинг ҳаётидаги шифолаш инъоми у даъват этилган

хизматни амалга оширишига унга ёрдам берди.

Мен ўзимнинг яна бир дўстимни эслайман, унинг ўғли электр токи урганидан ваннада чўккан ва 45 дақиқа давомида ўлик бўлган. Дўстим менга шундай деб айтиб берган эди: «Жон, мен ярим соат ибодат қилдим ва ҳеч нима содир бўлмади. Шифокорлар менга таажжубланиб қарадилар. Сўнгра миямга бир нарса урилди. Кимдир бошқа киши менинг кўзларим билан ўғлимга қараб: «Сен яшайсан, ўлмайсан», – деди. Ўшанда, унинг ўғли ўликлардан тирилди. У ўша онда зарур бўлган ушбу имон инъоми унинг устига тушиб келган деб ҳисоблайди.

Лиза: У чўпон эмас эди.

Жон: У полициячи эди.

Лиза: У хизмат етакчиси эмас эди.

Жон: У ўша пайтда умуман олганда ҳаётида биринчи маротаба воизлик қилган хизматдан эндигина қайтиб келган эди.

Лиза: Мен жуда ҳам аниқ ва тушунарли бўлишини хоҳлайман –

Жон: Имонли киши, ҳар бир имонли киши.

Лиза: Муқаддас Рухга тўлган ҳар бир имонли киши ҳаётининг исталган вақтида.

Жон: Шифолаш инъомини умуман кутиши керак эмас. Раббий Исо шундай деган: «Имон келтирганларга бундай аломатлар ҳамроҳ бўлади: ...беморларга кўлларини қўядилар» (Мк. 16:17-18). Бу шуни англатадики, улар имон ибодати билан ибодат қилганларида, касал одам шифо топади. Худо бу ҳаракатни ҳурмат қилади, чунки У Ўз Сўзини ҳурмат қилади.

Лиза: Чўпон сизни минбар ортига қўйишини кутишнинг кераги йўқ. Кимдир сизни жамоатнинг фойесиди тутиб

олишини кутишнинг кераги йўқ. Сиз ҳаётингизнинг ҳар бир кунда, оддий вазиятларда Худонинг ваъдаларини, Худонинг кучини олиб, қўллашингиз мумкин. Агар Муқаддас Рух сизни ким биландир суҳбатлашишга, кимгадир қўл қўйишга, ким учундир ибодат қилишга ёки ким биландир бўлишишга бошқараётганини ҳис қилсангиз, – балки бор-йўғи одамларга саҳий бўлишдан бошлаш керакдир, – бу ажойиб бўлган бўлар эди. Биз буни қила оламиз.

Жон: Бу инъомлардан бири – бу ҳадя бериш, саҳийлик инъомидир.

Лиза: Муқаддас Рух бизга Раббий Исони очиш учун келганлигини биз биламиз. Шунинг учун, биз охирги икки ўн йиллик ичида кўрган қуйидаги намоишлар: титроқ, кулгу, ерга думалаш ва қулаш ҳақида сўзлаганимизда, бу нарсалар қай тарзда Раббий Исони очиб беради?

Жон: Ҳа, Муқаддас Китоб ғайритабиий аломатлар ҳақида гапирмоқда, бироқ кўпинча улар қисқа вақтда намоён бўлади. Шундай вақтлар бўладики, ғайритабиий мўъжиза ва аломатлар одамларнинг эътиборини тортиб ва уларга Раббий Исони кўрсатиб амалга ошади. Менинг ҳаммасидан ҳам кўпроқ жаҳлимни чиқарадиган нарса - бу одамларнинг бу намоишларни Бераётганга қизиқишдан кўра, кўпроқ намоишларга қизиқаётганларидир. Бир сафар мен Сингапурда бўлдим ва у ерда бир жамоатда хизмат қилдим. Шу вақтда, бу ерга шифолаш инъомига эга бўлган хушxabарчи келди. Унда одамларнинг асабий кулгуси билан намоён бўладиган инъом бор эди. Мен бизнинг йиғинимизда Худонинг хузури уларнинг бутун катта жамоатига мана ҳозир тушаётгандек ҳис қилдим. Тўсатдан одамлар кулишни бошладилар, худди кимдир тирноқлари билан тахтани тирнаётгандек ҳис бор эди – бу мен руҳда ҳис қилган нарса эди.

Лиза: Бошқача қилиб айтганда, иш тўғри, лекин вақт

муносиб эмас эди.

Жон: Мен: «Бас қилинглар. Сизлар намойишларга берилиб кетдингизлар. Сизлар Худонинг Руҳига эргашмадингизлар. У бу ерда умуман бошқа нарсани қилишни хоҳлаган эди. У одамларга Худонинг қўрқуви билан чуқур тақсир қилмоқчи эди. Умид қиламизки, Худонинг Руҳи қайтиб келади ва бизга хизмат қилади», - дедим. Шунда биз қайтадан ибодат қила бошладик. Худонинг Руҳи келди ва бутун зал бўйлаб одамлар йиғлай бошладилар.

Бундай вазиятларда одамлар шунчаки эътиборни ўзларига қаратишни бошлашади, шунинг учун намойишлар шу қадар хунук ва номуносиб бўлиб қолади. Эр-хотинлар ҳеч қачон ўзларининг ички яқинликларини ҳамманинг олдида кўрсатишмайди. Бундай вазиятларда эса, одамлар худди уларга берилган Худо билан яқинликни томошага қўйишни хоҳлаётганларидек, худди: «Бизларга қаранглар! Бизлар шунақа руҳиймиз!» - деяётгандек бўлади. Мен шуни сездимки, мен Муқаддас Руҳни қанча кўп билсам, Уни сўндирмасдан, ҳурмат ва эҳтиром билан шунча кўп (Унинг инъомларини, Унинг қобилиятини ва Унинг кучини) ҳимоя қилишни хоҳлайман. Муқаддас Китоб Муқаддас Руҳни сўндириш ҳақида Салоникаликларга биринчи мактуб (5:19-21)да гапирмоқда. Биз Муқаддас Руҳнинг кучини ва инъомларини сўндирганимизда, биз Уни сўндираемиз. Буни қилманг! Уни эҳтиром қилинг. Уни У қандайдир аҳамиятсиз таъсирга эгадек ёки ўзини қандайдир арзимас куч билан кўрсатаётгандек қилиб кўрсатманг.

Лиза: Мен шуни қўшимча қилмоқчиман, биз Худони Ўзи хоҳлаётган нарсани амалга ошириши учун таклиф қиламиз. Гоҳида Муқаддас Руҳ ниманидир шундай усулда ва шундай вақтда қиладики, бизга ноқулай бўлади, лекин У ҳеч қачон бизни мажбурламайди, ҳеч қачон Унинг хузурунинг намоён

бўлиши жаҳлни чиқарадиган бўлмайди. Улар эътиборни одамларга жалб қилиш учун эмас, балки эътиборни Худога жалб қилиш учундир – У улар учун оддий маълум хузур ва муҳитни яратади.

Яқинда мен ҳар хил деноминациядан бўлган одамлар билан учрашувда бўлдим. Мен улардан баъзиларининг менинг назаримда, ҳақиқатан ҳам қачонлардир ўз ўрнига эга бўлган Рухнинг намойишлари устидан кулганларини эшитдим. Кейин эса, одамлар, Худо уларни қачонлардир дуо қилган Рухнинг намойишларида бундан кейин ҳам дуо қилиши умидида уларга ўхшатишни давом этишган. Вазифа қаердадир йўлда қолиб кетди, бироқ усул қолган ва шунинг учун ҳам одамлар ҳазил қилиб куладиган бўлганлар. Бу кўринишлар устидан кулишнинг кераги йўқ. Биз Муқаддас Рух биз учун эга бўлган ҳамма нарсага истаймиз, лекин биз истаймизки, буларнинг барчаси имонда бўлсин. Биз истаймизки, кераклича тартиб бўлсин, биз истаймизки, ушбу барча Рухнинг намойишлари Худонинг хузурига ҳамроҳ бўлсин.

Лиза: Одам у ва бу вазият ёки қарор бўйича тинчликни ҳис қилиши, лекин шу билан бирга у Худодан бўлмаслиги мумкинми?

Жон: Ҳа, албатта. Йезекил пайғамбар китоби 14-бобда Худо Унинг олдига ўз юракларида бутлари билан келган одамлар ҳақида гапирмоқда. Бут нима? Янги Аҳдда бутпарастлик – бу манфаат (Кол. 3:5), нимагадир эга бўлиш учун бузук истакдир. Одамлар ҳатто юракларидаги бутлари билан пайғамбарнинг олдига бориб: «Илтимо, мен учун ибодан қил ва менга Раббийдан сўз айт», -деб айтадилар. Худо: «Мен, Раббий, унинг кўплаб бутлари олдида унга жавоб бера оламанми?» –дейди. Мен Худонинг хузурига кириб, нимадир сўраганимда, менинг юрагим – бетараф зона эканлигига

ишончим комил бўлиши керак. Мен бундай қилмаган вақтлар ҳам бўлган. Менинг юрагим бетараф бўлмаганлиги сабабли, унда Худодан бўлмаган тинчлик бўлган ва у менга кўп кулфатларни келтирган.

Мана нима учун биз Лиза билан унаштирилишимиздан олдин бошқа-бошқа шаҳарларда бўлганимиздан хурсандман. Муносабатларни ривожлантиришимиз керакми ёки йўқми - билиш учун биз ўттиз кун давомида ибодат қилган эдик.

Мени унга шу қадар тортдики, бу интилиш мени қамраб олишига йўл қўймаслик учун йигирма беш кун керак бўлди. Бироқ бу ўттиз кун ичида шундай лаҳзага етиб бордимки, агар Худо «Йўқ» деб айтса, мен Унинг жавобини қабул қила олар эдим. Бундай ҳолатларда, бу фақатгина Унда мен учун бошқа одам бўлганидек, худди шундай, унинг учун ҳам бошқа одам борлигини англатишини билар эдим. Мен бу бетараф фурсатга етганимда, чинакамига қулоқ солишни бошладим.

Агар мен ибодат хонамга кириб, менинг юрагим озод эмаслигини тушунсам, у озод бўлмагунича, Худонинг Сўзи ва ибодат ёрдамида уни нимадир қилишим керак бўлади. Мен «ҳа»ни ҳам, «йўқ»ни ҳам эшита олишим керак, чунки агар мен у ёки бу жавобга оғиб кетсам, ёлғон тинчликка эга бўлишим мумкин.

Лиза: Кўп маротаба ҳаётимизнинг ҳар хил даврида биз вазият бундай ёки бошқача бўлади деб ўйлаган, кейин эса, ҳаммаси биз ўйлагандек бўлмаслигини тушуниб етган вақтлар бўлган. Барча фикрларимиз ва вариантларимиздан воз кечишга ва: «Худо, Сенга қандай маъқул бўлса, шундай бўлсин», -деб айтишга тўғри келган.

Гап Муқаддас Рухдан чиқадиган шундай билим ҳақида кетаяпти. Мен озикланиш ҳақида китоб ёзишга тайёрланаётганимда, луғатда «интуиция» – «ички ҳис»

сўзини қидирдим. У лотинча «ин» ва «туеор» сўзларидан келиб чиқиб, биргаликда «ички ўқитувчи» деган маънони англатади. Муқаддас Рух бизнинг ички ўқитувчимиз ҳамдир. У бизга янги юрак беради (Йез. 36:26га қаранг) ва бизга ўргатишни бошлайди.

Лиза: Ҳаётда одамлар ёки ҳолатлар билан боғлиқ шундай вазиятлар бўладики, ҳаммаси тўғри бўлиб кўринади, бироқ шу билан бирга нимадир жойида эмаслиги ҳақидаги ҳис тарк этмайди. Бу ҳақида озрок гаплашамиз.

Жон: Рухда ҳаммаси нотўғри бўлиб туйилганида, ташқаридан эса, ҳаммаси аъло бўлиб кўринганида, ҳар сафар, мен бу ички ўқитувчига қулоқ солмаганимда, мен чинакам тўрға тушиб қоламан.

Лиза: Бу сенда бор бўлганида мантиқан рад этадиган биринчи жавобингми?

Жон: Ҳа. Одатдагидек биринчи жавоб – бу Худо Рухининг овозидир. Лиза, мен сенинг маслаҳатингни эътиборга олмаганимда, худди мана шу нарса содир бўлади.

Ҳозир эр ва хотинларга мурожаат қилмоқчиман. Биз Лиза билан турмуш қурганимизда, мен ҳар куни, бир кунда ярим соатдан ибодат қилар эдим, шу билан бирга, мен Лизанинг бор-йўғи ўн дақиқа ибодат қилишини – уни ҳам душ қабул қилаётганида қилишини билдим.

Лиза: Мен тўлиқ иш кунида ишлар эдим!

Жон: Мен жуда кўп: «Лиза, биз мана шундай, мана бундай йўл тутишимиз керак деб ўйлайман. Айнан шуни қилиш кераклигини ҳис қилаяпман», -деб айтар эдим. У эса: «Мен буни ҳис қилмаяпман», -деб жавоб берар ва ярим вазиятларда у ҳақ бўлар эди. Мен жуда ҳам хафа бўлиб кетар эдим.

Бир куни мен: «Худо, мен ҳар тонгда ярим соатдан ибодат қиламан. Лиза душ қабул қилаётганида ўн дақиқа ибодат қилади. Бунинг устига, ярим вазиятларда ва ҳатто кўпинча, у ҳақ бўлиб чиқади», - дедим.

Раббий менга жавоб бериб деди: «Айлана чиз». Мен қоғоз варағига доира чиздим. Худо деди: «Бутун айлананинг ичига «х» ҳарфини ёзиб чиқ». Мен айлананинг ичига иксларни чиза бошладим. У: «Энди қок ўртасидан чизиқ ўтказ», - деди. Мен шундай ҳам қилдим.



У: «Кўраяпсанми, ихсларнинг тахминан ярими бир томонда, ярими бошқа томонда? Жон, сен бўйдоқ пайтингда, Менда ва ўзингда тўлиқ эдинг. Бироқ энди сен Лиза билан битта тана бўлдинг, шунинг учун мазкур айлана сени ва Лизани ифодаламоқда. Сен чап ярим, у ўнг ярим томон», - деди.

Сўнг Худо деди: «Икслар нимани англатишини биласанми? Бу доно қарор қабул қилиш учун Мендан сенга керак бўладиган маълумотдир. Муаммо шундаки, сен ўзингнинг барча қарорларингни битта яримтага асослаиб қабул қиласан. Сен оила боши сифатида тўлиқ маълумот асосида қарор қабул қила олишинг учун Мен хотинингга кўрсатадиганларни ундан қабул қилишни ўрганишинг керак».

Ички ҳис тўғрисидаги ушбу ваҳийлар билан шуни айтишим керакки, ҳа, мен огоҳлантириш деб ҳис қилган, лекин уни эътиборга олмаган нарса баъзан мени эзган. Лекин шундай вақтлар бўлганки, Лиза менга ниманидир айтганида, гарчи

мен ич-ичимдан унинг сўзлари Муқаддас Рухдан эканлигини билсам-да, эътибор бермаганман – ахир У нима ҳам қилади? Гувоҳлик беради.

Баъзан Лиза бошқа нарсаларни ҳам гапиради, масалан: «Бу имон томонидан айтилмаган. Бу ерда кўрқув гапираяпти. Мен бунга имзо чекмайман». Тўғри бундай сўзларни жуда ҳам кам айтади, эҳтимол, эслашимча, бир неча йилда бир маротаба. Кўпинча, Лиза гапираётганида ўз руҳимнинг тубида «У ҳақ» эканлигини биламан. Агар мен бу гувоҳликни эътиборсиз қолдирсам, натижада, менинг ўзим жазосини тортаман.

Лиза: Ўйлашимча, Жон жуда ҳам бағрикенг инсон, лекин мен Худо одамга мурожаат қилганида, Унга шак-шубҳасиз ишониш мумкинлигини одамлар тушунишларини хоҳлайман. Тадқиқотчилар руҳ биз ўйлаганимиздан кўра анчагина зийракроқ эканлигини айтишмоқда. Биз ўз ақлимизни ишга тушириб, ҳар хил тахминларни қуришни бошлаганимизда, биз ўзимиздан шубҳаланмаймиз. Биз Худодан шубҳаланамиз. Худо бизга ниманидир айта бошлаганида, Унинг ортидан эргашиш зарур.

Яқинда бир гуруҳ одамлар билан автобусда юришимга тўғри келди, яна шуни айтиб ўтишим керакки, мен автобусни ёмон кўраман. Бизнинг гуруҳ аэропортга йўл олди ва биз етарлича узоқ вақт юриб етиб бордик. Бунинг устига, гуруҳимиздан бир аёл кечикаётган эди, чунки автобус кетадиган жойга йўлни топа олмаётган эди. Биз унга доимо кўнғироқ қилдик, лекин унинг қаерда эканлигини билиш учун кўнғироқ қилиб туша олмадик.

Ниҳоят, биз йиғилишимиз керак бўлган жойда эмас, балки биздан анча узоқда, таксилар турадиган жойнинг яқинида унинг сакраб, бизга қўлини силкитаётганини сезиб қолдим. Мен унга караганим захоти, дарров бу аёлни яхши кўришимни ўйладим. Бу юракларнинг бир сонияга бирлашуви эди. Фақат унга назар

ташлабгина, мен севги ва мустаҳкам алоқани ҳис қилдим.

Худо сизга мана шундай алоқаларни беради. Мантиқан ўйлаб, қандай қилиб мен уни тўсатдан яхши кўриб қолишимни тасаввур қилиш қийин эди. Бироқ шундай бўлса-да, бу шундай бўлди. Бугун у менга узун мактуб ёзди. У ерда: «Сен бирдан менга нисбатан севги кўрсатдинг ва мен сенинг севгинг туфайли ҳаддан ташқари ёлғиз бўлган ҳаётимдаги шундай вазиятларнинг бирида Худонинг севгисини ҳис қилдим», -деб айтилган эди. Биз ўзимизни шундай тутганимизда, биз вазиятлар билан эмас, шундай алоқалар билан ҳаракатланган бўлганимизда, мана бизда нима намоён бўлади.

Шундай вазиятлар бўлганки, Жон менга: «Лиза, мен бу одамга унчалик ишонмайман», -деб айтган. Мен: «Азизим, ахир сен аёл киши эмассан, сен шунчаки, бу нарсаларни тушунмайсан ва мен ҳис қилганчалик ҳис қила олмайсан», -деб жавоб берганман. У мени уч, тўрт маротаба огоҳлантирган ва ҳар сафар, мен унга кулоқ солмаганман, сўнгра, ўзим жазосини тортганман.

Жон: Шундай қилиб, мана, мен сизларга нимани айтаман: Ҳаворийлар китоби 15-бобда Повул ва Барнабо: «Мажусийлар Мусонинг Қонунини бажаришлари керакми?»-деган саволга тўкнашдилар. Жамоат уларни Иерусалимга ҳаворийлар ва оқсоқоллар билан учрашувга юборади. Нима учун Повул ва Барнабо мустақил равишда қарор қабул қила олмайдилар. Уларга Иерусалимга боришнинг ва барча қолганлар билан учрашишнинг нима кераги бор? Чунки куч ва йўналиш бирликка ҳамроҳ бўлади. Айнан шунинг учун эр-хотинлар ҳамма нарсани фақат бир-бирлари билан бирлик бўлгандагина очиқ бўлган кучнинг ёрдами билан қилишлари лозим. Бирлик ҳолати бизга Худодан аниқ жавобларни қабул қилишга ёрдам беради.

Лиза: Муқаддас Рухнинг инъомлари билан Муқаддас

Рухнинг ҳосиллари ўргасида қандай фарқ бор?

Жон: Муқаддас Рухнинг инъоми – бу Худо одамнинг ҳаётига берган нарсадир. Уни ривожлантиришнинг ёки ўстиришнинг кераги йўқ. У автоматик тарзда ҳаракат қилади. Ривожлантириш керак бўлган ягона нарса – бу инсоннинг унда қандай ҳаракат қилишидир. Муқаддас Рухнинг ҳосилини эса, ривожлантириш зарур. Шу тарзда, инъомлар берилади, ҳосиллар эса ўстирилади. Рухнинг ҳосили – бу Муқаддас Рух билан яшашнинг натижасидир. Сиз Муқаддас Рух билан юргангизда, ҳосиллар ҳам ўсади ва сиз қувонч, тинчлик, сабр-тоқат, севги ва бошқалар билан янада кўпроқ тўлган одамга айланасиз (Галатликлар 5:22-23га қаранг). Ушбу севги, қувонч ёки тинчлик сиздан булоқ бўлиб отилиб чиқади, чунки сиз Муқаддас Рух билан биргаликда юрасиз. Улар сизнинг шахсий ҳаётингизга алоқадордир. Рухнинг ҳосили сизни хизматда сақлаб турувчи асосдир. Муқаддас Рухнинг инъомлари сизнинг хизматингизга тегишлидир, афсуски, кўп одамлар ҳосилларга эга бўлишдан кўра, кўпроқ инъомларга эга бўлишга интиладилар.

Мен шундай ибодат қилдим: «Худо, Сен менинг ҳаётимга ўрнатган ҳосиллар Сен менда ривожлантирган ҳосилларни сиқиб қўйишини хохламайман». Мен ўз йўлимни яхши поёнига етказиш учун ибодат қилдим, чунки кўпинча, шундай бўладики, одамлар инъомларни таъқиб қилишни бошлайдилар. Муқаддас Китоб дейди: «Севгининг ортидан қувинглар. *Рухий* инъомлар учун рашк қилинглар» (1 Кор. 14:1). Одамлар инъомларнинг ортидан қувадилар, лекин ҳосил (севги)ни эътиборсиз қолдирадилар.

Инъомларнинг одамга тик туришига ёрдам берувчи хусусияти йўқ ва шунинг учун улар унинг ҳаётини барбод қилиши мумкин. Яҳудо жинларни қувган, касалларни шифолаган, бироқ шу билан бирга дўзахга тушди. Раббий Исо у ҳақида шундай деган: «Ўша одам учун унинг туғилмагани

яхшироқ бўлар эди» (Мт. 26:24). Яхудо ҳаётида ҳаракат қилувчи Муқаддас Рухнинг инъомларига эга эди, бироқ шубҳасиз, у ҳосилларни ривожлантирмаган.

Лиза: Баъзи бир одамлар гарчи уларнинг ҳаётининг ҳосиллари инъомларнинг кучидан жуда фарқ қилса-да, инъомларда кучли ҳаракат қилмоқдалар. Бу қандай содир бўлади?

Жон: Балъомга қараш етарлидир. Балъом башорат қилиш инъомига эга эди. Унинг башорати ҳатто Муқаддас Китобда ёзилган! У айтган сўзлар Худонинг сўзлари бўлган. Шундай бўлса-да, у ўзининг ўткир қиличи билан одамлар томонидан ўлдирилишига Худо йўл қўйди, чунки у бетавфиқ ва итоатсиз эди. Подшоҳ Шоул жинни эди. У ақлдан озган киши эди. Маълум муддат, у Худонинг мойлангани бўлмиш Довудни ўлдириш учун уни таъқиб қилди. Гарчи шу билан бирга у башоратчилар билан биргаликда башорат қилган кунлар ҳам бўлган (1 Шомуил 19га қаранг).

Ўша ёки бошқа одамнинг ҳаётидаги инъомларнинг ҳаракати, албатта, Худонинг илтифоти ҳақида гапирмайди. Исо шундай деган: «Ўша кунда кўпчилик Менга: «Ё, Раббий, ё, Раббий, биз Сенинг исминг билан башорат қилдик? Сенинг исминг билан жинларни қувиб чиқардик? Сенинг исминг билан кўпгина мўъжизаларни яратдик?»- дейдилар». Ўшанда У уларга шундай дейди: «Мен сизларни ҳеч қачон билганим йўқ. Менинг олдимдан кетинглар, эй, қонунбузарлик қилувчилар! Сизлар ўз ҳаётингизда ҳосил келтирмадингизлар» (Матто 7:22,23, НЕТга қаранг). Раббий бир кун менга мурожаат қилиб деди: «Эътибор бердингми, улар: «Ахир биз Сенинг исминг билан очларни боқдик, камоққа қамаб қўйилганларни Сенинг исминг билан кўришга бордик», -деб айтмадилар. Барча бундай ишларни қилувчи одамлар ҳосилни ривожлантирадилар». Рух ҳосилининг ривожи – бизга йўлимизни яхши поёнига етказишимизга

имкон берувчи ҳимоядир. Мен биринчи маротаба бу ҳақда катта бир жамоатда, бутун дунёдаги энг машхур жамоатлардан бирида ишлаганимда билдим. Бу жамоатга кўпчилик энг машхур нотиклар ва кўпгина, унчалик яхши маълум бўлмаган воизхонлар – масихий хизматчиларнинг бутун гуруҳи келишган. Менинг вазифам уларни аэропортда кутиб олиб, уларнинг бу ерда бўлиш вақтини ташкиллаштириш билан шуғулланишдан иборат эди. Мен баъзи бир хизматчилар машинага ўтиргани заҳоти Раббий Исо мен билан ёнма-ён ўтиргандек бир ҳис пайдо бўлишини сезар эдим. Улар саҳнага кўтарилиб, гапирганларида худди Раббий Исонинг Ўзи воизлик қилаётгандек бир ҳис пайдо бўлар эди. Бошқалар машинага ўтирганларида, баъзан шундай фикр келар эди: «Нима гап? Нима учун мен ўзимни бундай ифлос бўлгандек ҳис қиляяпман? Нима учун улар бундай одоб доирасидан ташқарида гаплашмоқда?» Сўнгра, улар саҳнага чиқар эдилар ва одамлар нажот топар эди, шифоланар эди ҳамда хизматдан бахраманд бўлар эди. Бу сохта нажот топиш ва шифоланиш эмас эди, бу Муқаддас Рухнинг кучи эди. Баъзан мен ўйлаб қолар эдим: «Худо, мен буни тушунмайман! Нима бўлаяпти? Улар қандай қилиб ўзларини мен билан шундай қўпол тутиб, кейин эса, саҳнага чиқиб, одамларни нажотга ва шифо топишга олиб келишлари мумкин?» Шунда Худо менга Яҳудонинг Шохликни эълон қилганини, жинларни қувганини, касалларни шифолаганини ва мўъжизалар яратганини, шу билан бирга, унинг дўзахга тушганини кўрсатди. Балъом башорат қилди, касалларни шифолади, мўъжизалар амалга оширди, лекин Худо уни қилич билан ҳалок қилди. Шоул башорат қилди, аммо ўз йўлини ёмон яқунлади. Раббий менга деди: «Худонинг мойланиши – инсоннинг ҳаётида ҳаракат қилувчи Худонинг инъомлари, - Худонинг илтифотининг белгиси дегани эмас». Сиз уларни хосилларидан билиб оласизлар (Матто 7:16га қаранг).

Лиза: Инъом – бу одамнинг ҳаётига келадиган нарса, хосил эса – бу ривожланадиган ички феъл-атвор деб айтиш мумкинми?

Жон: Ҳа, бу жуда ҳам мос келувчи изох.

Лиза: Сен ички тинчлик билан бошқарилиш нимани англатиши ҳақида, шунингдек, ички текширув – Муқаддас Рух сенга нимададир қаршилик қилаётганини билдирадиган бу ичкаридан эзувчи ноқулайлик ҳисси ҳақида гапирган эдинг. Лекин кимдир умуман Худо бугунги кунларда бизларга гапириши ёки йўқлиги ҳақида баҳслашиши мумкин. Баъзи одамлар, У фақат Ёзув орқали гапиради деб ҳисоблашади. Худо бизга бугун гапиришига ва фақат Ўз Сўзига мувофиқ гапиришига ишонасанми?

Жон: Биринчидан, Повул Коринфдаги жамоатга шундай деган: «Сизлар мажусий бўлганингизда, сизларни худди етаклаб олиб боришганидай, гунг бутларга борар эдингизлар» (1 Кор. 12:2). Бизнинг тушунчамизда «гунг» аҳмоқни билдиради, тўғрими? Мазкур контекстда гунг соқовни англатади. Бошқача қилиб айтганда, коринфликлар хизмат қилган худолар гапира олмаганлар. Повул уларниқидан фарқли равишда бизнинг Худойимиз гапира олишини уларга етказмоқда. Ва У жуда ҳам аниқ гапиради.

Худо қандай гапиради? Янги Аҳд Унинг бизга мурожаат қилишининг ҳар хил йўллари кўрсатмоқда. Биринчидан, бу ички гувоҳлик бўлмиш тинчлик ҳиссидир. Худо асосан у орқали бизлар билан мулоқот қилади.

Лиза: Унинг тинчлиги, ҳаттоки, Унинг Сўзидан ҳам муҳимроқми?

Жон: Йўқ, Унинг Сўзи доимо муҳимроқдир. Ҳатто, агар сиз тинчликни ҳис қилаётган бўлсангиз-у, бироқ, шу билан бирга, Худонинг Сўзи уни тасдиқламаса, унда бу ҳиссиётга

қулоқ солманг. Балки сизнинг юрагингизда қандайдир нотўғри даъватлар бордир, аввало нейтрал ҳолатга келиб олиш керак. Охирги жавобни доимо Худонинг Сўзи беради.

Лиза: Сўз ҳар доим пойдевор ва лойихадир.

Жон: Ҳа, бу тўғри. Шунинг учун ички гувоҳлик – биринчи рақамли омилдир. Иккинчи рақамли омил – бу Муқаддас Ёзув гапираётган хотиржам секин овоздир. Раббий Исо: «Менинг қўйларим эса Менинг овозимга қулоқ соладилар» (Юҳанно 10:27га қаранг). Худонинг Рухи Раббий Исодан эшитганини гапиради ва бу секин хотиржам овоздир.

Баъзи бир одамлар, у ёки бу тўрға тушиб, чалкашиб қоладилар, чунки ички гувоҳликка эга бўлмасдан туриб, овоз ортидан эргашишни бошлайдилар. Ҳар сафар, мен Худонинг овозини эшитганимда, унга гувоҳлик ҳамроҳлик қилади, шу билан бирга, овоз ҳам, гувоҳлик ҳам Худонинг сўзи билан мос келади. Айтайлик, шундай асос: Сўз, гувоҳлик, овоз. Агар сиз овозни эшитсангиз-у, лекин гувоҳликка эга бўлмасангиз, овозга қулоқ солманг. Мен шундай йиғинларда бўлганманки, одамлар менга қарата башорат қилганлар, лекин мен Худонинг хузурини ҳис қилмаганман ва ички гувоҳликка эга бўлмаганман. Бундай сўзларга мен эътибор бермайман.

Янги Ахдда кўрсатилганидек, Худо бизга тушлар орқали гапиради. Ҳаворийлар китоби 16-боб Повулнинг туши ҳақида гапирмоқда, унда Повулга бир македониялик кўриниб шундай дейди: «Илтимо, келиб, бизга ёрдам бергин». Муқаддас Рух туш орқали Повулга Македонияга боришини айтди. Айрим одамларга Худо бошқа йўллардан кўра кўпроқ тушлар орқали гапиради, масалан, менинг хотинимга. Одатда, У менга ички гувоҳлик ва секин хотиржам овоз орқали гапиради.

Муқаддас Китоб яна шуни кўрсатадики, Худо одамларга ваҳийлар орқали гапириши мумкин. Повулда ҳам ваҳий бўлиб, у буни қуйидагича таърифлайди: «...танадами ёки

танадан ташқаридами билмайман» (2 Коринфликларга 12:2га қаранг). Ваҳий кўриб, сиз танада ёки танада эмаслигингизни билмайсиз, бироқ сиз деярли руҳий дунёни кўрасиз. Менинг чўпоним 1989 йилда ваҳий туфайли бизни хотиним билан хизматга юборган эди. Хизматчиларнинг умумий учрашувида у: Кеча кечқурун мен ваҳий кўрдим, худди мен уни телевизорда кўргандек кўрдим. Сиз, чўпонлардан бирингиз бошқа бу ерда бизлар билан бирга бўлмайди. У ҳамма ерда юради ва Масихнинг Танаси учун дуо-барака бўлади», -деди. Сўнгра у: «Бу одам – сен, Жон Бивер», -деб қўшиб қўйди. Худо менга айнан шу нарсани ўша учрашувгача тахминан саккиз ой олдин ибодатда кўрсатган эди, шу сабабли, унинг сўзлари мен учун тасдиқ бўлди.

Худонинг Янги Аҳдда ёзилган бизга мурожаатининг охириги усули –трансдир. Петъор бунни бошдан кечирган ва у Ҳаворийлар китоби 10-бобда ёзилган. Транс- гўёки одамнинг хиссиётлари ўчиб қолишини англатади. Унинг ваҳийдан фарқи шундаки, охирида хиссиётлар аввалгидек ҳаракат қилади ва одам ҳаракатда бўлиши мумкин. Повул Юҳанно билан самога кўтарилганларида, улар у ерда ҳаракатда бўлдилар. Трансда сиз ниманидир кўрасиз ва Худонинг овозини эшитасиз. Қолган барча хиссиётлар гўёки ўчиб қолади.

Кимдир: «Жун ҳақида нима дейсиз?» –дейиши мумкин. Жун - бу Худонинг овозини бошдан кечиришнинг Эски Аҳддаги усулидир. Эски Аҳдда бор бўлган ҳамма нарсани биз хоч орқали олиб ўтишимиз керак. Хоч ҳақиқийсини қолдиради, уни поклайди ва керак бўлмаганини йўқ қилиб ташлайди. Мен жунни олиб, уни хочдан олиб ўтаман ва уни қандай бўлганини кўраман. Муқаддас Китоб: «Жун билан бошқариладиганларнинг ҳаммаси» эмас, «Худонинг Руҳи билан бошқариладиганларнинг ҳаммаси», -демоқда (Римликларга 8:14га қаранг). Эски Аҳддаги одамлар уларда бўлувчи Худонинг Руҳига эга бўлмаганлар, шунинг учун

Худо уларга шундай жун каби нарсалар орқали гапирган. Шахсан ўзим Янги Аҳддаги имонлиларга Худонинг овозини бундай синаб кўришга югуришларини тавсия қилмайман. Ўйлашимча, бунда ҳеч қандай ёмон нарса йўқ, бироқ ишонингки, ахир сиз Сўз ва ички гувоҳлик билан бошқариляпсиз. Жун –бу жисмоний воқелиқдир, ахир сиз унда ҳаракат қилиб, хатога йўл қўйишни хоҳламайсиз-ку. Биз Рухда яшашга ва Рух бўйича юришга даъват қилинганмиз.

Лиза: Мен сенинг сўзларингга яна кўшимча қилмоқчиман. Сенинг барча жавобларинг руҳий воқеликка тегишли эди. Бизда шунингдек, шундай аниқ топшириқ борки, агар биз биродаримизни муҳтожликда кўриб қолсак, ўз юрагимизни ёпмаслигимиз керак (1 Юҳанно 3:16–18га қаранг). Баъзида, сизга осмондан овоз эшитишингизнинг кераги йўқ. Баъзида, сиз у ёки бу муҳтожлик ҳақида шунчаки эшитишингиз ёки кўришингиз керак. Биз китобларимиз билан нима бўлганини, одамлар уларни бўлақларга ва варақларга бўлиб, бир-бирларига берганларини эшитганимизда, биз: «Биз қандай юрагимизни ёпишимиз мумкин?» –дедик. Биз бунинг қандай содир бўлганини кўрмадик, бироқ эшитдик ва нимадир қилишимиз кераклигини айтдик.

Жон: Мен қизларни қулликка сотишаётганларини эшитганимда, Худо менга ҳеч нима демади, бироқ мен Лизага қандайдир ёрдам беришимиз кераклигини айтдим.

Лиза: Мен бу ҳақда журналда ўқиган ва чет элда бўлганимда кўрган эдим. Баъзан одамлар Муқаддас Китоб: «Агар кўрсанг»,-деяётган бир вақтда белгиларни ёки трансларни, ёки ваҳийларни, ёки тушларни излайдилар.

Жон: «Агар биродарингни муҳтожликда кўрсанг».

Лиза: Биз муҳтожликдаги биродарларимиз ва опасингилларимиздан бошлашимиз лозим. Биз кўрадиган,

тегинишимиз мумкин бўлган, овозини эшита оладиган муҳтожликдаги масиҳийлардан бошлашимиз ва ўз юракларимизни ёпмаслигимиз даркор. Ҳар сафар биз табиий дунёда кўрганимизга жавоб берганимизда, Худо руҳий дунёда бизга кўпроғини ишонишини сезаман, чунки У: «Мен сизларнинг бунда содиқ бўлганлигингизни кўраяпман. Мен сизларга имон соҳасида кўпроғини ишонишим мумкин», -демоқда.

Жон Бивернинг қўшимча жавоблари

Савол: Қандай қилиб Муқаддас Руҳни куфр қилиш мумкин?

Жон: Муқаддас Руҳни куфр қилиш ҳақида Мат. 12:22–32; Мк. 3:22–30 и Лук. 12:10да ўқиш мумкин. Матто ва Маркнинг таърифида контекст жуда аниқ ифодаланган. Диний етакчилар Раббий Исони жинларни жинлар бошлиғи Баалзебубнинг кучи билан кувиб чиқаришда айбладилар. Шунда Раббий Исо деди: «Ҳар қандай гуноҳ ва куфр одамларга кечирилади, лекин Муқаддас Руҳни куфр қилишлари одамларга кечирилмайди» (Мат. 12:31). Шунинг учун Муқаддас Руҳни куфр қилиш – очикчасига, Унга қарши ёмон гап айтиш, хусусан, Муқаддас Руҳнинг намоишлари ҳақида худди бу шайтоннинг ишларидек гапиришни англатади.

Савол: Отага ва Ўғилга ибодат қилганимиз ва куйлаганимиз каби, худди шундай, Муқаддас Руҳга ибодат қилиш ва куйлаш Муқаддас Китобга мувофиқми?

Жон: Ҳа, албатта. Муқаддас Руҳ – Худодир ва Унга Худога сажда қилгандек, сажда қилиш керак. Юҳанно Хушхабари (4:24) шундай дейди: «Худо – Руҳдир, Унга сажда қиладиганлар руҳда ва ҳақиқатда сажда қилишлари лозим». Ўйлайманки, сиз Муқаддас Руҳга сажда қилишингиз ва Худо

Отани ва Худо Ўғилни қандай шарафласангиз, Уни ҳам худди шундай шарафлашингиз лозим.

Савол: Қандай ибодатлар ёки қўшиқлар Муқаддас Рухга қаратилган бўлиши кераклигини сиз қаердан биласиз?

Жон: Раббий Исо Ўз шогирдларига шундай деган:

«Сизларга кўп нарсаларни айтишим керак, лекин ҳозир буларни сиғдира олмайсизлар. Ҳақиқат Рухи келганида эса, У сизларни бор ҳақиқатга етаклайди. Чунки У Ўзидан гапирмайди, лекин нимани эшитса, ўшани гапирди ва сизларга келажакни маълум қилади. У Мени улуғлайди, чунки Мендан олиб сизларга маълум қилади...

Кўп ўтмай, сизлар Мени кўрмайсизлар ва яна кўп ўтмай, сизлар Мени кўрасизлар, чунки Мен Отамнинг олдига кетяпман»...

Ўша куни сизлар Мендан ҳеч нарса ҳақида сўрамайсизлар. Ростини, сизларга ростини айтаман, Менинг исмим билан Отамдан нимаики сўрасангиз, У сизларга беради (Юх. 16:12-14,16,23).

Биз Раббий Исонинг номидан (ҳокимияти билан) Худо Отага илтимос билан мурожаат қиламиз. Шунингдек, биз Муқаддас Рух билан мулоқот қиламиз (шуни англатадики, ўз фикрларимизни ифодалаймиз ёки саволлар берамиз) – китобда шу ҳақида гап кетмоқда.

Савол: Агар Муқаддас Рух шундоқ ҳам ҳар ерда ҳозир бўлса, Ундан йиғингаёки хизматга «келишини» сўраш Муқаддас Китобга мувофиқми?

Жон: Ҳа, Муқаддас Китоб бизга Худонинг ҳар ерда ҳозирлиги ҳақида ҳам, Унинг намоён бўлган ҳузури ҳақида ҳам таълим беради. Биз Унинг ҳар ерда ҳозирлиги ҳақида

Довуднинг сўзларидан билиб оламиз:

«Сенинг Руҳингдан қаерга бораман, Сенинг юзингдан қаерга қочаман? Осмонга чиқсам – Сен ўша ердасан, ер остига тушсам, у ерда ҳам Сен борсан. Тонгининг қанотларини олиб, денгизнинг худудига кўчиб ўтсам, у ерда ҳам Сенинг кўлинг мени бошқаради, Сенининг ўнг кўлинг мени тутиб туради» (Сано 138:7-10).

Муқаддас Китоб шунингдек, Худо ҳеч қачон бизни тарк этмаслигини ва ташлаб кетмаслигини айтмоқда (Ибронийликларга 13:5га қаранг). Бу ерда Унинг ҳар ерда ҳозирлиги ҳақида – Унинг ҳар доим ва ҳар жойдаги ҳузури ҳақида гап кетмоқда.

Бошқа томондан, Худонинг намоён бўлган ҳузури ҳам бор. Намоён этиш – кўзга кўринмайдиган нарсаларни кўринадиган ҳолга, эшитилмайдиган нарсаларни эшитиладиган ҳолга, номаълум нарсаларни маълум ҳолга келтиришни англатади. Худо бизнинг ҳисларимизга Ўзини очганида, Ўзининг ҳузурини намоён қилади (Юҳанно 14:19-24га қаранг). Ундан бу ҳақда сўраш Муқаддас Китобга зид эмаслигига ишонаман.

Савол: Нима учун биз Худога У бизга Ўз Руҳини қуйиши учун ибодат қиламиз? Наҳотки У аллақачон буни қилмаган бўлса?

Жон: Закариаҳ пайғамбарнинг китобида: «Раббийдан баҳорги ёмғир ёғиш пайтида ёмғир сўранг», -деб ёзилган. Ёзувда ёмғир ҳар доим Муқаддас Руҳнинг қуйилишини ифодалайди. Мен ишонаманки, биз Худодан Унинг Руҳини қуйишини сўраганимизда, биз одамлар, шаҳарлар ва давлатлар устига янги қуйилишни сўраймиз. Бу Унинг ишини амалга ошириш учун бизга куч берадиган Унинг намоён бўлувчи ҳузурининг янада кучлироқ ечилишидир ва бу бизни жонларнинг Худо Шоҳлиги учун улкан ҳосилига олиб боради.

Савол: Муқаддас Рух билан янада чуқурроқ муносабатларни қандай ривожлантириш керак? Унинг хузури ва кучини қандай қилиб янада кўпроқ ҳис қилиш мумкин?

Жон: Худо билан ва Унинг Сўзида вақт ўтказиб. Худо билан яқинликни қандай ривожлантириш кераклиги ҳақидаги янада тўлиқроқ тушунчани сиз иккинчи ва учинчи боблардан топасиз.

Савол: Агар Муқаддас Рух ҳамма нарсани билса, унда бизга Муқаддас Китобни ўқишнинг нима кераги бор?

Жон: Худо бизга У томондан руҳлантирилган Ёзувни берди, чунки у «илҳомланган бўлиб, таълим олишга, фoш қилишга, тўғрилашга ва ҳақликда тарбиялашга фойдалидир, токи Худонинг одами баркамол бўлиб, ҳар қандай яхши иш учун тайёрланган бўлсин» (2 Тим. 3:16-17). Муқаддас Рух Унинг айтилган сўзини («рема»ни) бизга олиб келиш учун, бу ёзилган сўзни (юнонча «логос»ни) ишлатмоқда. Муқаддас Рух *логосни* тирилтиради ва у биз учун *ремага айланади*. Агар биз *логосда* (Муқаддас Рухга очиқ юрак билан) вақт ўтказмасак, унда бизга *ремани* олиш қийинроқ бўлади. Хитойдаги яширин жамоат Муқаддас Рухга тўлган эди, лекин улар бир неча йиллар давомида Муқаддас Китобга ниҳоятда муҳтож бўлдилар. Муқаддас Рух уларга Ёзув орқали гапира олиши ва уни уларнинг юракларида жонлантириши учун улар Худонинг Сўзини ўқишни хоҳлар эдилар. Муқаддас Китобни ўқиш жуда ҳам муҳим. Худонинг Сўзи ва Худонинг Рухи биргаликда, ҳамкорликда ишлайди. Ёдингиздами, Муқаддас Китоб Худонинг сирларини ўз ичида саклайди, Муқаддас Рух эса, уларни бизга очиб беради? Агар сиз Ёзувни Муқаддас Рухнинг таъсирисиз ўқисангиз, сиз матннинг одамларнинг тилида гапираётганини кўрасиз, холос. Бироқ Муқаддас Рух орқали сиз матннинг одамнинг фаҳмлашидан устунроқ бўлган

руҳий маъносини тушунишингиз мумкин, чунки биз Рухда Масиҳнинг онгига эгамиз:

«[Биз] Худонинг сирли ва яширин бўлган донолигини воизлик қилмоқдамиз. Худо бу донолигини асрлар бошланишидан аввал бизнинг шуҳратимиз учун тайин қилган. Шу доноликни бу дунё ҳокимларидан ҳеч ким англамади. Буни англаганларида эди, шуҳрат Раббийсини хочга михламас эдилар. Лекин ёзилганидек бўлди: «Худо Ўзини севганларга кўз кўрмаган, қулоқ эшитмаган, инсон юрагига ҳам келмаган нарсаларни тайёрлаб қўйган». Бизга эса Худо буни Ўз Рухи билан ошкор қилди. Чунки Рух ҳамма нарсани, ҳатто Худонинг теранликларини текшириб кўради. Чунки инсоннинг ичида нима борлигини унинг ичида бўлган инсоннинг руҳидан бошқа ким билади? Худди шундай, Худоникини ҳам Худонинг Рухидан бошқа ҳеч ким билмайди. Биз эса бу дунёнинг руҳини олмадик, балки Худо бизга ато қилганларини билишимиз учун, Худодан бўлган Рухни қабул қилдик. Биз буни инсоний доноликдан ўрганган сўзлар билан эмас, балки Муқаддас Рух ўргатган сўзлар билан воизлик қилиб, руҳий нарсаларни руҳий нарсалар билан таққослаймиз. Жони бошқарадиган одам Худонинг Рухидан бўлган нарсаларни қабул қилмайди. У буларни телбалик деб ҳисоблайди ва уларни фаҳмлай олмайди, чунки булар ҳақида руҳан муҳокама қилиш керак. Лекин руҳий одам ҳамма нарсани муҳокама қила олади, унинг ўзини эса ҳеч ким муҳокама қила олмайди. Зеро Раббийнинг онгини ким англаб олибдики, Унга таълим берса? Биз эса Масиҳнинг онгига эгамиз (1 Кор. 2:7-16).

Савол: Менинг жамоатим қуруқ. Мен оддий имонли сифатида унга Муқаддас Рухни олиб келиш учун нима қила олишим мумкин?

Жон: Агар сиз жамоатингизда етакчи бўлмасангиз, сиз қилишингиз мумкин бўлган биргина нарса – бу ибодат қилишдир. Биринчидан, сиз жамоатингизга Унинг намоён бўлган хузурини ўзингиз билан олиб кела олишингиз учун Муқаддас Рухни ҳаётингизга таклиф қилинг. Иккинчидан, сизнинг етакчиларингиз Муқаддас Рух хузурининг намоён бўлишига янада очикроқ бўлишлари учун Худо уларнинг юракларида ҳаракат қилишини сўранг.

МУҲОКАМА УЧУН САВОЛЛАР

Агар сиз бу китобни «Messenger» хизматидан Муқаддас Рух ҳақидаги материалларнинг бир қисми сифатида ўқиётган бўлсангиз, унда марҳамат қилиб, 6 - видео дарсни кўринг.

- 1 | Ҳамма имонлилар руҳий инъомларда ҳаракат қилиш қобилиятига эгадирлар. Расмий «хизмат» деворлари ташқарисидаги Рух инъомлари ҳаракати қандай бўлиши мумкин?
- 2 | Худо сизга у ёки бу қарор бўйича тинчлик бераётгани ҳақида ўйлаганингизда, сиз айнан Уни эшитаётганлигингизга нима ишонч беради?
- 3 | Муқаддас Рух қачонлардир сизга тўғридан-тўғри эмас, балки сизнинг турмуш ўртоғингиз орқали гапирганми? Нима деб ўйлайсиз, нима учун У бу тарзда ҳаракат қилишни танлайди ва сиз ўз ҳаётингиз учун йўналишни қандай қабул қилишингиз мумкин?
- 4 | Сиз муҳим қарорни қабул қилишингиз керак бўлганида ва қайси йўналишдан кетишни аниқлашингизнинг имкони йўқдек кўринганида, нима қила олишингиз мумкин? **Ҳикматлар 11:14; 15:22; 24:6 ва Римликларга 8:26, 27га қаранг.**
- 5 | Худо ҳали ҳам бугун одамларга гапирётганига ишонасизми? У сизга қандай мурожаат қилади?

ИЛОВА

ҚАНДАЙ ҚИЛИБ НАЖОТГА ЭРИШИШ МУМКИН?

Шундай қилиб, агар сен Исони Раббим деб, ўз оғзинг билан эътироф этсанг ва Худо Уни ўликлардан тирилтирганига ўз юрагинг билан ишонсанг, нажот топасан. Чунки инсон ҳақликка эришиши учун юраги билан ишонади ва нажот топиши учун оғзи билан эътироф этади.

– Римликарга 10:9-10

Мукаддас Рух ҳар сонияда биз билан мулоқот қилишга, биз Худони таниб-билишимиз ва Унинг Шоҳлигини ёйишимиз учун бизни руҳлантиришга ҳамда шайлашга ташнадир. Худонинг Рухи билан яқинликдаги ҳаётга биринчи қадам – бу Унинг Ўғли Исо Масих орқали нажотга эришишдир.

Раббий Исонинг ўлими ва қайта тирилиши орқали Худо сизга сиз Унинг Шоҳлигига севимли ўғил ёки қиз каби киришингиз учун йўл очган. Раббий Исонинг хочдаги курбонлиги абадийликдаги ҳаётни ва тўлин-тўқис ҳаётни ҳар биримизга текин берди. Нажот – бу хизмат қилиб эришиш ва меҳнат қилиб топиш учун ҳеч нима қилиб бўлмайдиган Худонинг сизлар учун инъомидир.

Мазкур кимматбаҳо инъомга эришиш учун, аввало, ўз Яратувчисига боғлиқ бўлмаган ҳаётнинг гуноҳини эътироф этиш керак (чунки бу сиз қачонлардир қилган барча

гуноҳларнинг илдизидир). Тавба қилиш нажотга эришишнинг муҳим қисмидир. Петъор бу ҳақда Ҳаворийлар китобида ёзилган 5000 киши нажот топган кунда аниқ гапирган: «Шунинг учун, гуноҳларингиз ўчириб ташланиши учун тавба қилинглар» (Ҳав. 3:19). Ёзув бизларнинг ҳар биримиз гуноҳнинг қули бўлиб туғилганимизни билдирмоқда. Бу қуллик бошида ўзининг ўзбошимчалиги ва итоатсизлиги билан Одам Атонинг гуноҳига бориб тақалади. Унинг гуноҳи ўзбошимчалик ва итоатсизликка асос солган эди. Тавба қилиш – бу сиз фақатгина ўзингизга ва ёлгоннинг отаси бўлмиш шайтонга бўйсунишни тўхтатишингизни ва бундан кейин сиз учун Ўз ҳаётини Берган – Исо Масиҳга, ўзингизнинг янги Бошлиғингизга итоаткор бўлишингизни англаувчи танловдир.

Сиз ўз ҳаётингизни Раббий Исога бўйсундиришингиз керак. Исо Масиҳни Раббий қилиш – Унга ўз ҳаётингизнинг устидан ҳокимиятни (бутун борлиғингизни ва сизда бор бўлган барча нарсани) беришни (Унга ўз руҳ, жон ва танангизни бўйсундиришни) англатади. У сизнинг ҳаётингиз устидан бутунлай ҳокимлик қилади. Сиз буни қилган пайтингизда, Худо сизни зулматдан озод қилиб, нурга ва Ўз Шоҳлигининг шуҳратига олиб ўтади. Сиз шунчаки ўлимдан ҳаётга ўтасиз – сиз Унинг фарзандига айланасиз!

Агар сиз Раббий Исо орқали нажотни қабул қилмоқчи бўлсангиз, шундай ибодат қилинг:

Самодаги Худо, мен гуноҳкор эканлигимни ва Сенинг ҳақлик мезонингга мос эмаслигимни тан оламан. Мен ўз гуноҳим учун абадий ҳукмга арзийман. Сен мени бундай ҳолатда қолдирмаганинг учун Сенга раҳмат, чунки Сен Марямдан туғилган Ўзингнинг ягона Ўғлинг Исо Масиҳни мен учун ўлиш ва менинг жазоимни хочда кўтариш учун юборганингга ишонаман. Мен Унинг учинчи кунда ўликлардан

тирилганига ва энди менинг Раббим ва Нажоткорим сифатида Сенинг ўнг томонингда ўтирганига ишонаман. Шунинг учун мен Сендан мустақил бўлганимга тавба қиламан ва ўз ҳаётимни Раббий Исонинг бошқарувига бутунлай топшираман.

Мен Сени Раббим ва Нажоткорим деб тан оламан. Ўз Рухинг билан менинг ҳаётимга киргин ва мени Худонинг фарзанди қилиб ўзгартиргин. Мен илгари рия қилган зулматнинг ишларини рад этаман. Мана шу кундан бошлаб, мен ортиқ ўзим учун яшамайман, балки Сенинг июнотинг билан Сен учун – менинг абадий яшашим учун Ўзини менинг ўрнимга топширган Шахс учун яшайман.

Раҳмат, Раббий, менинг ҳаётим энди Сенинг қўлларингда, Сенинг Сўзингга кўра мен ҳеч қачон уятда қолмайман.

Худонинг оиласига хуш келибсиз! Ҳозиргина сизлар билан содир бўлганни бошқа имонлиларга сўзлаб беришингизга сизларни даъват этаман. Муқаддас Китобга ишонадиган бирор-бир маҳаллий жамоатга боришни ва сизни имонингизда руҳлантира оладиган имонлилар билан суҳбатлашишни бошлашингиз муҳимдир. Шунингдек, сиз агар биз шаҳрингизда жамоат топиб беришимизни истасангиз, бизнинг хизматимизга мурожаат қилишингиз мумкин (бизнинг MessengerInternational.org сайтимизга ташриф буюринг).

Сиз эндигина Худойи Таолонинг Ўзи билан яқинликнинг энг ажойиб сафарига йўл олдингиз. Сизнинг У билан дўстлигингиз ҳар куни ўссин!

СИЗ У ҲАҚИДА БИЛАСИЗ – БИРОҚ УНИ БИЛАСИЗМИ?

Шогирдлар Раббий Исо билан уч йил бирга бўлишган, У билан бирга юришган ва У айтган ҳамма нарсани эшитишган. Шунга қарамасдан, Раббий Исо Ўзининг яқин дўстларига Муқаддас Рух кела олиши учун У уларни ташлаб кетиши кераклигини ва бу улар учун яхшироқ эканини айтган (Юх.16:7, 13,14). Агар бу Раббий Исо билан ҳар бир кунни бирга ўтказган шогирдлар учун яхшироқ бўлган бўлса, унда биз бугун ҳаётимизда Муқаддас Рухнинг фаол хузурига қанчалик кўп муҳтожмиз?

Афсуски, Муқаддас Рухни кўпинча нотўғри тушунишади ва шу билан, кўплаб одамларни Унинг Кимлиги ва У бизга Ўзини қандай намоён қилиши ҳақидаги билимларсиз қолдирадилар. Муқаддас Рух, кўпинча, нимадир “ғалати” нарса сифатида тасвирланади. Бироқ Муқаддас Китоб аниқ қилиб айтмоқдаки, Муқаддас Рух – бу нимадир эмас. У Кимдир, У *Шах* ва бизни ҳеч қачон тарқ этмасликни ваъда берган. Мазкур интерактив китобда Жон Бивер Сизни жамоатдаги энг эътиборсиз қолдириладиган ва тушунарсиз Шах – Муқаддас Рухни шахсан кашф қилишга таклиф қилади.

Мазкур ажойиб муқаддимани ўтказиб юборманг.
Интерактив китоб куйидагиларни ўз ичига олади:

- кундалик ўқиш;
- гуруҳ бўлиб муҳокама қилиш учун саволлар;
- Муқаддас Рух ҳақидаги баъзи бир қийин саволларга жавобларни ўз ичига олган бонус боб.



Жон Бивер ва унинг хотини Лиза Messenger International хизматининг асосчиларидир. Хизматчи ва оммабоп китобларнинг муаллифи Жон муросасиз ҳақиқат ҳақидаги ваҳийни дадиллик ва иштиёқ билан воизлик қилмоқда. Унинг юраги маҳаллий жамоатни қўллаб қувватлаш ва етакчиларга уларнинг жойлашган ўрни, тили ва молиявий вазиятидан қатъий -назар манбаларни инъом қилиш истаги билан ёнмоқда. Ҳозирда унинг ишлари дунёнинг 60дан ортиқ тилларига таржима қилинган. Жон уйда Лизани бир партия голф ўйнашга кўндиришга уринади ва тўрт нафар ўғиллари, келини ва набиралари билан вақт ўтказади.

Қўшимча манбаларни сиз куйидаги сайтда топасиз:
www.CloudLibrary.org

Кўпрогини нисбатанми?
Сендер килинг



**Messenger
International**
MessengerInternational.org

Ин китоб тўхта аз чониби муаллиф буда,
барои фуруҳтан пешбини нашуудааст

